

羅止園先生著

經史子集要畧



法學士男漢真恭署

經史子集要略序

余弟文杰少穎悟年七歲卽從余讀書迨弱冠補博士弟子輒冠一
軍光緒庚子試於鄉應鶚薦學制旣興遂入法校讀律自是而後一
試再試無能出其右者旣釋褐任刑曹行廉潔能不忝所學余乃慰
余兄弟少年喜弄文墨四十年來以文字與一時多士相周旋鮮敗
北今老矣余弟亦以止園止每值風清月白相與抵掌談往年科場
事輒爽然失然止園惓惓於族姓子弟猶能以余家累世相傳之學
授後生且出其所學著經史子集要略一書以告世之有子弟者余
乃大慰止園著書不喜丐人序余嘉其自愛也乃弁以數言於此七
十叟羅文騫



經史子集要略序

張香濤先生曰由小學入經學者其經學可信由經學入史學者其史學可信由史學入理學者其理學可信以經學史學兼詞章學者其詞章有用以經學史學兼經濟者其經濟成就遠大旨哉言乎此學者之良師也蓋我中國數千年來之所謂士者率皆孜孜於前賢所貽留之古籍師承有自無待旁求學者猶易爲力也迨清之末葉學校制興各種科學紛然雜陳學者雖有兼人之姿大過人之才勢不能兼攻併研各極其致於是莘莘學子既致力於科學而此數千年來浩如烟海之古籍遂無餘力以窺其全豹好學之士多方搜討非不苦心孤詣冀以貫澈然光陰有限顧此失彼志氣薄弱者遂望洋興歎廢然思返此亦時勢所當然無可如何者也余家子弟達入學年齡率皆入校讀書課餘之暇則舉經史子集之文以教之又以卷帙浩繁不易尋繹乃撮其大要分類教授俾其稍具古學之知識期勿忘於祖宗之遺留而已久之所錄既多積而成冊雖無提要鉤玄之精然朝夕講說於吾國相傳之學問似已稍具端倪

及其長也則就其性之所近者日取原書恣其瀏覽似亦較易爲功蓋自童蒙習之已有相當根底也此法不過爲家庭功課之一歷久漸爲朋儕所知往往就余家抄錄或竟携數篇以去以教其子弟日久散佚凌亂滋甚乙亥春暮友人慫恿付梓俾有志國學者識此門徑藉以深造余初以爲科學競爭我方落後何可再事文字之學以分青年之精力顧香濤先生首創學制者也其不廢國學也如此意者培養人才之道涵育陶溶精神建設或與各科科學相表裏乎竊不自量爰識其始末於此以告世之能讀書者共和二十四年三月德州羅止園識

凡例

一是編係按四庫目錄經史子集四部分類纂述以明統系

一經部凡列十三經先將一經大旨詳細講解次將本經篇目挨次加以說明讀者雖未誦其原文實已得其全旨若再進而讀經實有事半功倍之效

一史部凡列二十四史每一代史之首詳述脩史者事蹟及本史優劣復按原書體例錄其篇目俾讀者一覽如見原本惟列傳一門數目等字與原本無異所列人名及事蹟則係採自各史擇其習見而又重要者逐一紀載意在誘導青年多識強記故與原本列傳人名微有增減讀者諒之

一史部之末附錄提要一門多採論文體於論列史事之中兼可稍知文法於讀者不無裨益

一子部凡列十家一家之下再分諸子每於一家之首總叙其梗概一子之首再叙其書之大旨復次則錄其篇目每篇之下又加以略釋庶學者一覽即可窺其全旨又子書偏駁者多僞託寓言不可盡信茲併選錄先賢論定之

語明白指示俾學者知所選擇端其趨嚮

一集部凡列楚辭別集總集詩文評四類一類之下再分朝代錄列其最著名之詩文集每集之首詳叙作者事蹟及本集內容並錄前賢定評一集之中最著之篇目亦摘要叙明標其精華

一經史子集每部之末分類列其習見而又重要之書目以資考證

一是編原係羅氏家庭中課訓子弟之書凡本族子弟入中學後課餘自脩於應讀經書及重要科學外即授以經史子集之要略使之稍具普通文學知識及長再就其性之所近者俾專一藝窮究精研以資深造是編實爲入門之第一步學者不可淺嘗輒止也

一是編係全部文學之縮影統系分明編纂各部次序絕無擅自刪減凌亂簡略之弊

一是編文字雖簡而鉤玄提要煞費採擇於四部古籍已粗具大略學者倘能隨時瀏覽庶幾綱舉目張有豁然貫通之樂升堂入室基於此矣

一是編爲文學基本由淺入深實爲研究經史子集之先導學者欲求博覽必

取原書分類精讀探其奧蘊中學時期倘能順序研讀則普通文學已有相當蓄埴國學常識自無待於旁求

一是編紀載皆採自成書古人論說亦皆慎審選擇取其歷經先賢論定毫無偏詖流弊者方始採入只以限於篇幅不能一一註明其所據之本然全部紀述實無一義無來歷也

一青年修養爲一生基礎是書剪裁雖陋凡關於古人之嘉言懿行足資矜式者無不詳細備載以餉讀者

一是編搜集羣書隨時皆與純正之教科書參照求其吻合讀者以學校課本與是編對照獲益良多一得之愚或可以補他書之未備

一青年志嚮端資良師訓迪稍有偏詖學者隱受其害入主出奴最爲可慮著者學識淺陋何敢云教但是編之作去取慎審實已盡選擇指導之能事初學讀此自信尙無流弊

一中國古籍至爲繁賾文字蠱惑代不乏人顛倒黑白是丹非素文人慣技貽害最深是編採集不限於古人及近人之著述選擇斟酌實具苦心凡是編

不採之學說多非脫漏讀者謂爲學識不足未見及此則可認爲杜漸防微屏棄不取亦可一言以蔽之不欲誤我子弟亦不欲誤人子弟也

一是編原爲家庭課本初無問世之意嗣爲朋儕所知展轉借抄或竟携數篇以去日久恐有散佚倉猝付梓謬誤孔多知不免爲世之識者譏焉只可自怡悅不堪持贈君是編之作實同此感

一家居督課子弟隨時參考時賢著作今是昨非已二十餘年考訂脩正不知凡幾取之他山廣我見聞特識感謝

一中等學校各種科學兼授併注已足耗學生之精力惟日孜孜猶恐不足若再責以深奧之古學不惟漫無涯涘難期近功亦實爲光陰所不許是編卽爲救濟此種困難而作非敢云由博返約也

一家庭教授子弟隨講隨錄只求易於記憶無復體裁之可言鉅訂之學識者諒之

一是編原稿尙多茲爲初學便於記憶節省時間減之又減遺漏更多以全部國學縮編於一冊之中彈丸乾坤知不免於博雅軒藁矣

一本族子弟卒業於大學及專科學校者頗不乏人雖驚駘不才尙能自立各盡其國民責任此固由於國力之培養然受益於是編者亦復不少讀者幸勿河漢斯言



經史子集要略 凡例

經史子集要略總目錄

經部

易經

書經

詩經

周禮

儀禮

禮記

春秋左傳

春秋公羊傳

春秋穀梁傳

孝經

論語

孟子

爾雅

史部

史記

前漢書

後漢書

三國志

晉書

宋書

南齊書

梁書

陳書

魏書

北齊書

周書

隋書

新舊唐書

後五代史

宋史

遼史

金史

元史

明史

子部

儒家

道家

陰陽家

法家

名家

墨家

縱橫家

雜家

農家

小說家

兵家醫家術數家附錄

集部

楚辭

別集類

總集類

詩文評類

經部

經常也有五常之道故曰五經六經者易書詩禮樂春秋也樂經亡於秦上三經者周易尚書毛詩周禮儀禮禮記春秋左傳春秋公羊傳春秋穀梁傳爾雅也是

易經

易之爲書。推天道以明人事者也。其道廣大。無所不包。一陰一陽。變化無方。四聖相承。伏羲文王闡發已盡。漢儒言象數。去古未遠也。一變而爲京焦。入於祿祥。再變而爲陳邵。務窮造化。易遂不切於民用。王弼盡黜象數。說以老莊。一變而胡瑗程子。始闡明儒理。再變而李光楊萬里。又參證史事。易遂日啓其論端。此兩派六宗。已互相攻駁。而方外爐火之說。後世亦援以入易。愈傳愈歧。去易之道更遠矣。

伏羲氏始畫八卦

五帝紀。伏羲氏見河出圖。於是仰觀象於天。俯觀法於地。中觀萬物於人。乃畫八卦。因而重之。爲卦六十有四。以通神明之德。以類萬物之情。是爲易之鼻祖。



夏禹作連山易

連山夏易名。以艮爲首。

商湯作歸藏易

歸藏湯易名。以坤爲首。先坤而後乾。以爲坤道至順常靜。而
生生無爲者。乃有爲之母也。

周文王演易於羑里

史稱文王爲西伯。紂囚之於羑里。文王乃取伏羲氏六十四卦。
次序而演之。作爲卦卜之辭。以垂世立教。是爲周易。合連山

歸藏世稱三易。

文王作卦辭
周公作爻辭

周易概要

周代名也。易書名也。其卦爲伏羲氏所畫。太古尙無文字。故
一畫象陽。雙畫象陰。太極兩儀。生生不已。有交易變易之理。
。故謂之易。傳曰。數往者順。知來者逆。是故易逆數也。故
易寓於卜筮。伏羲畫卦。至文王周公又繫以文辭。孔子又爲之

傳。傳卽十翼也。

繫辭傳說卦傳文言序卦傳雜卦傳等篇皆孔子所作以闡揚易理世稱十翼

周易上下經

聖人作易之初。奇畫爲陽。耦畫爲陰。有天道焉。有地道焉。有人道焉。仰觀俯察。見夫盈天地之間者。無非一陰一陽之理。有是理則有是象。有是象則其數便在於是。所謂象者。蓋皆假借衆人所共知之事物。以形容此事之理。使人知所以取舍。伏羲畫卦。只此數畫。並無文字。文王周公。相繼演繹。而後自略而詳。易道大彰。於是乃有上下經之分。上經有卦三十。下經有卦三十四。皆文王周公所繫之辭也。

上經卦名

乾 坤 屯 蒙 需 訟 師 比 小畜 履 泰 否 同人
大有 謙 豫 隨 蠱 臨 觀 噬嗑 賁 剝 復 无妄
大畜 頤 大過 坎 離

下經卦名

咸 恒 遯 大壯 晉 明夷 家人 睽 蹇 解 損 益
夬 姤 萃 升 困 井 革 鼎 震 艮 漸 歸妹 豐
旅 巽 兌 渙 革 中孚 小過 既濟 未濟

以上共六十四卦

繫辭傳_上
繫辭傳_下

繫辭上下傳。皆孔子統論一經之卦爻大體。無經可附。故自爲上下篇。闡明各卦之奧蘊。使後之學者。融會貫通。神而明之。以窮造化之理也。設只有上下經。而無繫辭傳。則象數之學不明。理義之微不著。而易亦不能致用於萬世矣。蓋易稱繫辭。本謂文王周公所作之辭。繫於卦爻之下者。卽今之經文。此篇乃孔子所述繫辭之傳也。計上傳十三章。下傳十二章。

說卦傳

胡氏曰。說卦首論生蓍立卦。次及伏羲文王卦位不同。論八卦之象甚備。其象多是夫子所自取。不盡同於先聖。若分文王周

公之易而各自求之。則坦然明白矣。本傳共十一章
序卦傳

此亦聖人之蘊。因卦以發。中間有不可求之大深處只是略藉卦名。以叙其所以相承者。本傳有上下二篇。

雜卦傳

上述序卦傳。流行之易也。此雜卦傳。對待之易也。此篇夫子明易卦有反對之畫。而亦有反對之義。故開首卽云乾剛坤柔。比樂師憂。蓋不外乎陰陽消長之至理也。

經史子集要略 經部 易經

書經

書以道政事。卽古者左史紀言之書。三墳五典。浩渺難窮。故孔子刪書。斷自唐虞。而危微精一十六字之心傳。典模訓誥古帝王之治法。乃得永垂後世。昭若日星。惟尙書有古文今文之異。今文者漢伏生所傳自漢室通行至今古文尙書乃孔子壁中書皆蝌蚪文人不能知其偽其論始定皆知古文尙書係偽造矣儒者爭論。至閻若璩而始明。今所傳者。今文尙書也。

虞書

虞代名也帝舜有虞氏。黃帝八代孫。姓姚氏。書凡五篇。堯典一篇。雖紀唐堯之事。然本虞史所作。故屬於虞書。

堯典

堯唐帝名典法則也。此篇所載帝堯之事。皆可爲後世法。故名曰堯典。本篇皆紀帝堯敬天勤民之事。叙帝之德業。而首冠以

欽字。此書中開卷第一義學者深味而足見聖人之心法治法。初無二致有得焉則一經之全體不外是矣。萬世道統。昭然若揭矣。

舜典

舜虞帝名。繼堯而有天下。聖聖相承。故曰重華協帝。本篇首叙徵庸時事。言帝與堯同德也。再叙攝位時事。以帝代堯整理大政也。末叙卽位時事。以帝求賢致治也。

大禹謨

大禹姓姒氏。黃帝之少孫。謨謀也。蓋堯典舜典。已紀唐虞二帝之訓。於是又紀其君臣之間之嘉言善政。曰大禹謨。曰皋陶謨。曰禹稷。共三篇。所以補二典之未備也。本篇首言致治維艱。次言攝位執中。末言征苗以德。要皆以敬字爲主。可見聖聖相傳之心法矣。

皋陶謨

皋陶禹之臣名。是篇皆紀禹與皋陶問答之辭。

益稷

伯益后稷二人。佐禹成功。故以名篇。本篇所紀皆當時君臣保治之言。蓋是時天下已治。雖於作樂賡歌之際。仍寓夤恭寅畏之心。所謂聖治已極。聖心無極也。

夏書

夏禹有天下之號也。書凡四篇。禹貢作於虞時。而繫之夏書者。禹之王以是功也。

禹貢

貢者。夏后氏賦稅之總名。本篇叙大禹治水之本末。及九州貢賦建官弼服。以告成功。大哉神禹。此其所以德紹虞舜也。

甘誓

甘地名。有扈氏之南郊也。禹之子啓。卽天子位。有扈氏不服。啓乃命六軍征之。此其誓師之辭。書有六體。誓其一也。

五子之歌

五子皆太康帝之弟。是時太康失德。游畋忘返。有窮國后羿。距於河。遂廢太康。其弟五人咸怨。乃述禹之戒以作歌。自是夏德始衰。本篇首叙作歌之由。次記歌辭。

胤征

胤國名。征者上伐下也。此篇亦誓詞。是時羿既廢太康。立其弟仲康。實則陰爲篡國之謀。乃仲康卽位之始。以胤后爲賢。使爲大司馬。而掌六師。以討羲和。羲和羿之黨也。當此國運中衰之際。尙能興師伐罪。猶爲禮樂征伐自天子出。孔子所以錄其書者。其以是乎

商書

契事唐虞爲司徒。始封於商。至湯因以爲有天下之號。書凡十七篇。

湯誓

湯名履。姓子氏。夏桀暴虐。湯往征之。亳衆憚於征役。故湯

諭以弔伐之意。蓋師興之時。而誓於亳都者也。

仲虺之誥

仲虺臣名。爲湯之左相。誥告也。蓋誓者。用於軍旅。誥者用於會同。以諭衆也。是時湯既伐夏。惟有慙德。故仲虺作誥。以釋湯慙。本篇大意言天民咸歸。以見湯之伐夏。實不得已也。

湯誥

湯既伐夏。乃歸於亳。諸侯來朝。湯作誥。以與天下更始。

伊訓

太甲卽位。不明厥德。伊尹爲冢宰。放太甲於桐宮。乃自攝政。作此篇以訓導之。本篇亦訓體。所謂有伊尹之志則可也。

太甲上 太甲中 太甲下

三篇皆伊尹與太甲往復之詞。蓋太甲居桐三年。自怨自艾。處仁遷義。伊尹乃奉太甲復居於亳。三篇相屬成文。亦訓體也。

咸有一德

伊尹既復政於太甲。將告歸。恐太甲德不統一。任用非人。故作此篇以陳戒其君。亦訓體也。

盤庚上 盤庚中 盤庚下

盤庚既立。商道寢衰。耿都又有河決之害。乃自耿遷都於亳。惟時臣民安土重遷。胥動浮言。盤庚作書三篇以諭之。改商曰殷。行湯之政。商道復興。

說命上 說命中 說命下

本篇記高宗命傅說之言也。武丁嗣位。是謂高宗。夢帝賁以良弼。乃得說於版築之巖。遂以爲相。上篇記得說命相之辭。中篇記說爲相進戒之詞。下篇記說論學之詞。總謂之命者。高宗命說。實三篇之綱領也。

高宗彤日

彤祭名。高宗舉行彤祭。有飛雉升鼎耳而雊。祖已作此篇以訓

王。亦訓體也。

西伯戡黎

周文王爲西伯。黎國無道。文王於是舉兵伐之。祖伊見周德日盛。勢必及殷。奔告於紂。冀其改悔。乃作此篇。亦誥體也。

微子

微國名。子爵也。微子名啓。紂之庶母兄。是時紂爲不道。殷德益衰。微子痛殷之將亡。乃謀於箕子比干。以商去就之道。史臣記其問答之詞。亦誥體。其後微子去之。箕子爲之奴。比十諫而死。孔子曰殷有三仁焉。

周書

周文王

名昌姬姓爲紂西伯國號周

國號。武王

名發

因以爲有天下之號。書凡三十

二篇。惟泰誓一篇。漢儒疑其僞。

泰誓上 泰誓中 泰誓下

武王伐殷。史錄其誓師之言。蓋武王大會孟津。故以泰誓名之。

。泰者大也。上篇未渡河作。後二篇既渡河作。

吳氏曰。湯武皆以兵受命。然湯之詞裕。武王之詞迫。湯之數桀也恭。武之數紂也傲。學者不能無憾。疑其書之晚出。或非盡當時之文。

牧誓

牧地名。在朝歌南。武王軍於牧野。臨戰誓師之辭也。

武成

武王伐紂既成功。乃偃武脩文。歸馬於華山之陽。放牛於桃林之野。示天下弗服。本篇乃總叙伐商之始終也。

洪範

武王克殷。訪問箕子以叙倫之道。箕子乃舉大禹洪範九疇之說以告之。本篇皆記箕子告武王之詞。蓋大禹陳洪範。而箕子推衍之。以明倫常之道發於天。叙倫之始乃在人君也。

旅獒

是時西旅名國貢獒。召公以爲玩物喪志。非所當受。易啓人君好異之心。不可以示諸侯。乃作此篇。用訓於王。

金縢

武王有疾。周公以王室未安。殷民未服。根本易搖。故請命三王。欲以身代武王之死。史錄其事之始末。及冊祝之文。合爲一篇。因當時周公藏祝詞於金縢之匱中。故以名篇。

大誥

武王克殷。封紂之子武庚於殷。命管叔蔡叔霍叔

皆文王子

三人。監

殷。武王崩。成王立。周公相。三叔流言。公將不利於孺子。

指成王也

周公乃避居東都後成王悟。迎周公歸。三叔乃與武庚叛。

成王命周公東征以討之。大誥天下。書言武庚而不言管叔者。爲親者諱也。本篇語多主卜言。蓋以見天命人事之不可違。反復誥諭。聖人之心可見矣。

微子之命

微國名。子爵也。成王既殺武庚。乃封微子於宋。以奉湯祀。史錄其誥命。即以名篇。

康誥

康叔文王之子。武王之弟。誥命爲衛侯。以明德慎罰爲訓。此篇當在金縢之前。以文王之子。不應至成王時始受封也。

酒誥

商紂酗酒。天下化之。妹土商之都邑。其染惡尤甚。武王以其地封康叔。故作此篇以教之。恐其沈湎於酒。荒於政也。

梓材

本篇亦武王誥康叔之辭。諭以治國之理。欲其通上下之情。寬刑辟之用也。

召誥

初武王作邑於鎬京。謂之宗周。是爲西都。將營成周居於洛邑。

。未果。至是成王欲如武王之志。乃使召公先往相宅。營築王城。定鼎於洛陽。是爲東都。召公乃作此誥。以達於王。其拳拳於歷年之久。及夏商之廢興。以誠小民爲祈天命之本。古之大臣爲國家深謀遠慮。可以見矣。

洛誥

洛邑既定。周公遣使告卜。史氏以洛誥名篇。又并記其君臣問答之詞。及成王命周公留治洛之事。蓋周公作洛之始終。而成王舉祀發政之後。卽歸於周。而未賞都洛也。

多士

殷商之民。遷洛者亦有有位之士。故周公洛邑初政。以王命總呼多士而告之。本篇開首卽稱商王士者。貴之也。

無逸

逸者。人君之大戒。自古有國家者。未有不以勤而興。以逸而亡者。益戒舜曰。罔遊於逸。罔淫於樂。舜大聖也。益猶以是

戒之。後世之治國者。其可忽乎哉。成王初政。周公懼其知逸而不知無益也。故作是篇以訓之。上自天命精微。下至畎畝艱難。閭里怨詛。無不具載。實天下萬世之龜鑑也。

君奭

是時召公以老欲告歸而去。周公留之。君者尊之之詞。奭召公名也。古人尚質。故呼名。本篇皆周公留召公之言。末節云。往敬用治。蓋召公已留。故周公飭遣就職。厥後召公相成王。又相康王。甘棠之詠。有由來矣。

蔡仲之命

蔡國名。仲字。蔡叔之子也。叔歿。周公以仲賢。乃命諸成王。復封之蔡。此其誥命之辭也。

多方

成王卽政之明年。商奄又叛。成王征滅之。王來自奄。至於宗周。乃作此篇。以誥天下。因是時扇亂者。不止殷人。淮夷徐

戎。實與其事。故周公傳王之命。首曰。告爾四國多方。亦誥體也。

蘇氏曰。大誥。康誥。酒誥。梓材。召誥。洛誥。多士。多方。八篇。雖所誥不一。然大略以人心不服周而作也。予讀泰誓武成。常疑周取殷之易。及讀此八篇。又怪周安殷之難也。

立政

吳氏曰。此書戒成王以任用賢才之道。而其旨意。則又上戒成王專擇百官有司之長。蓋古者外之諸侯。一卿已命於君。內之卿大夫。則亦有自擇其屬。如周公以蔡仲爲卿士。伯冏慎簡乃僚之類。其長旣賢。則其所舉用無不賢者本篇亦誥體也

周官

此成王訓迪百官之辭。亦訓體也。此篇與周禮所載不同。如本篇所稱。三公論道經邦。三孤二公弘化。職任之大。無逾於此。然周禮皆不載。蓋周公作周禮。所載多治事之官。三公三孤

。皆師保重職。故特鄭重。未及叙述。周公已亡。故周禮一書。首末未備。觀其內容尙缺冬官一篇可以見矣。

君陳

君陳臣名。周公遷殷頑民於下都。親自監之。公既歿。成王命君陳代周公監之。此其策命之辭也。

顧命

顧還視也。此成王將崩。命羣臣立康王之遺言也。

呂氏曰。成王經三監之變。王室幾搖。故此正其終始。特詳焉。顧命。成王所以正其終。康王之誥。康王所以正其始也。

康王之誥

本篇記。康王卽位伊始。諸侯朝見之禮。太保等臣陳戒於君之辭。及王之答辭。由是諸侯率服。

畢命

康王以成周之衆命畢公保釐。此其冊命也。蓋周公遷殷之頑民

於洛邑。至是已歷三紀。世變風移。四方無虞。康王命畢公安定而治理之。觀其辭曰。惟周公克愼厥始。惟君陳克和厥中。惟公克成厥終。數語。康王求治之心可見矣。

君牙

君牙臣名。穆王命君牙爲大司徒。此其誥命也。篇中屢稱其先人成績。蓋君牙之乃祖乃父。皆當時之賢臣也。

冏命

穆王命伯冏爲太僕正。此其誥命也。

呂氏曰。陪僕執御之臣。後世視爲賤品。而不之擇者。曾不知人主朝夕與居。氣體移養。常必由之潛消默奪於冥冥之中。而明爭顯諫於昭昭之際。抑末矣。自周公作立政。而歎綴矣虎賁。知恤者鮮。則君德之所繫。前此知之者已罕矣。周公表而出之。其選始重。穆王之用太僕正。特作命書。至與大司徒略等。其知本哉。

呂刑

呂侯爲天子司寇。穆王命訓刑以誥四方也。此篇專訓贖刑。蓋因穆王巡遊無度。財困民勞。至其末年。無以爲繼。乃爲此一切權宜之計。以歛民財。故本篇首節。史氏記其事曰。惟呂命王享國百年。髦荒度作刑以詰四方蓋貶辭也。

文侯之命

是時幽王爲犬戎所殺。晉文侯與鄭武公。迎太子宜臼立之。是爲平王。遷於東都。洛陽史稱東周。平王以文侯爲方伯。賜以秬鬯弓矢。作策書命之。史錄其辭爲篇。自是而後。王室微弱。政由方伯。周德衰矣。

費誓

費地名。當時淮夷徐戎並起爲寇。魯侯征之。以費誓衆。史氏故以名篇。

呂氏曰。伯禽撫封於魯。夷戎妄意其未更事。且乘其新造之隙

。而伯禽應之者。甚整暇有序。先治戎備。次之以除道路。又次之以嚴步伍。又次之以立期會。先後之序。皆不可紊。又按費誓秦誓二篇。皆侯國之事。而擊於帝王書末者。猶詩之錄商頌魯頌也。

秦誓

周襄王二十五年。杞子自鄭使告於秦曰。鄭人使我掌其北門之管。若潛師以來。國可得也。秦穆公問於蹇叔。蹇叔不可。公使孟明西乞白乙伐鄭。晉襄公帥師敗秦師於殽。囚其三帥。穆公悔過。誓告羣臣。史錄其辭即以名篇

經史子集要略 經部 書經

二四

詩經

詩有四家。

轅固申公培韓
嬰毛亨毛萇

毛氏獨傳。

轅固魯人傳魯詩申公培齊人傳齊詩韓
嬰燕人傳韓詩今三家已亡惟毛詩存故

詩經又
稱毛詩

孔子自衛返魯。而後樂正。雅頌各得其所。蓋詩三百篇

。自孔子刪定後。所存者皆精義奧旨。溫厚典雅。故孔子曰。

詩三百。一言以蔽之。曰。思無邪。孔門傳詩。首推子夏。毛詩

序爲衛宏作見後漢書儒林傳世稱
孔子作詩序或云子夏作魯不可從

大小毛公。

享學衍西河。而詩之教乃

宏。詩有六義。有四始。六義者。風。雅。頌。與賦。比。興

也。

風雅頌爲詩之分類賦比興爲詩之體裁故風詩用賦體可用比體可用興體亦可雅
頌亦然然風雅頌爲經賦比興爲緯學者不可將此亦義平看茲特加一興字以別之

四始者。關雎爲風之始。鹿鳴爲小雅之始。文王爲大雅之始。

清廟爲三頌之始也。

凡詩之所謂風者。教也。多出於里巷歌謠之詞。男女情思之作。惟周南召南二篇。以被文王之化。男女之間。得其性情之正。故發爲詩歌。樂而不淫。哀而不傷。是爲正風。自邶風以下

。其國之治亂不同。人之賢愚亦異。其所感而發於言者。亦有是非邪正之殊。則爲風之變體也。是爲變風。所謂雅者。正也。類皆朝會宴享公卿大夫之作。雖有大雅小雅之分。要不外乎形容政教之詞。是爲正雅。迨至王道旣衰。禮義廢弛。當時賢哲。閔時病俗。發爲詩歌。以寫其憂慮。聖人取之。以資觀感。則爲雅之變體矣。是爲變雅。所謂頌者。容也。類皆鬼神宗廟祭祀。歌舞之樂。其語和而莊。其義寬而密。禮旣出於事神。詞皆取乎頌禱故頌無變體。此風雅頌之大略也。賦者。直陳其事。不譬喻也。比者。以彼物譬此物也。興者。起也。借物起詞。非必有感於此物也。此賦比興之大略也。

風

詩之名風。厥有三義。一繫乎土。天有八風。以宣其氣。人資五土。以命其質。故五方異性。百里殊風。記所謂命太師陳詩以觀民風者此也。一繫乎上。風俗有隆污。由於政教有純疵。

其漸漬披拂。往往入人於不覺。如風之動物。自然而感於謠詠成聲也。一繫乎體。列國各有政教。則亦各有聲歌。然其體自一。學者誠能卽音律之間。以求其意。超言詞之上。以會其歸。如風之爲物。輕揚和婉。託物而不著於物也。

國風

國者諸侯所封之域。而風者民俗歌謠之詩也。諸侯采之。

古者行人

振木鐸以采風

以貢於天子。天子受之。而列於樂官。於以考其俗尙之

美惡。而知其政治之得失焉。舊說。二南周南召南爲正風。所以用

之閨門鄉黨邦國而化天下也。十三國

自邶以下

爲變風。則亦領在樂

官。以時存肄。備觀省而垂鑒戒耳。合之宋魯凡十五國。然宋

與魯皆侯國而無風。先儒以爲時王褒周公之後。魯比於先代。

宋故巡守不陳其詩。而其篇序不列於太師樂官之職。是以宋魯無

風。理或然歟。

周南十一篇

周國名。南南方諸侯之國也。周國本在禹貢雍州岐山之陽。至文王辟地愈廣。徙都於豐。而分岐周故地。以爲周公曰召公奭之采邑。且使周公爲政於國中。而使召公宣布於諸侯。於是化行南國。江沱汝漢之間。莫不從化。蓋三分天下而有其二焉。迨至周公相成王。制作禮樂。乃采文王之世。風化所及民俗之詩。被之管絃。所以著明先生風俗之盛也。

關雎 葛覃 卷耳 樛木 螽斯 桃夭 兔耳 芣苢 漢廣
汝墳 麟之趾

召南十四篇

召地名。召公奭之采邑也。本篇多言夫人及大夫妻之德。以見當時修身齊家。風俗淳美。治道之隆也。

鵲巢 采芣 草蟲 采蘋 甘棠 行露 羔羊 殷其雷 標有梅 小星 江有汜 野有死麋 何彼穠矣 鷦鷯

邶風十八篇

邶。鄘。衛。三國名。武王克商。分自紂城。朝歌而北謂之邶。南謂之鄘。東謂之衛。以封諸侯。邶。鄘。不詳。衛。則武王弟康叔之國。或曰。邶。鄘。衛。三監之故墟也。卒并於衛。蓋詩得於衛者爲衛。得於邶鄘者爲邶鄘。但自柏舟以下。計邶國十八篇。鄘國十篇。衛國十篇。所詠皆衛事。所錄皆衛詩。以下十三國。皆變風也。周得后妃。而致二南之盛。衛失莊姜。而招狄禍之慘。讀詩者三復國風。而知世運之隆替矣。衛國地濱大河。其人氣浮而質弱。又以土地肥饒。不費耕耨。故其民心怠惰。發於詩歌。亦淫靡邪僻。試讀有狐綏綏。及投我以木瓜諸章。可以想見其民德之衰也。

柏舟

此婦人不得於其夫之詩。與鄘風不同

綠衣

燕燕

日月

終風

繫鼓

凱風

雄雉

雄雉

匏有苦葉

谷風

式微

旄邱

簡兮

泉水

北門

靜女

新臺 二子乘舟

鄘風十篇

柏舟 牆有茨 君子偕老 桑中 鶉之奔奔 定之方中 蟋蟀

相鼠 干旌 載馳

衛風十篇

淇澳 考槃 碩人 氓 竹竿 芄蘭 河廣 伯兮 有狐 木

瓜

王風十篇

王者有雅無風。蓋雅之所紀。皆天子禮樂征伐。命德討罪之事。尊尊親親。賢賢貴貴。綱紀秩然。小雅之變。雖有刺譏之詞。然其體究與風異也。周自東遷而後王室衰微。無復統馭。其時詩之載諸簡篇者。率多采自民間。無復王者雍雍大雅之氣象。體制聲節。與風無異。彼黍離離一篇。尤足見東遷衰頹之迹。故本篇不得不夷於列國。而降爲風。其仍以王名篇者。所謂告朔餼羊而已。

黍離 君子于役 君子陽陽 揚之水 中谷有蓷 兔爰 葛藟
采葛 大車 丘中有麻

鄭風二十一篇

鄭國名。本王畿內諸侯。周既東遷。遂爲列國。桓公武公相繼爲周司徒。善於其職。故鄭風首列緇衣之什以見周人愛之之深。將仲子兮以下。類皆淫奔之詩。則其侯職不脩。風化日漓。於此可見。女曰雞鳴一章爲賢夫婦相警戒之辭。在鄭風爲空谷足音。其餘若蔓草。若漆洧。等詩。直淫靡荒亂。不足取矣。鄭衛之樂。皆爲淫聲。然衛詩三十九。而淫奔之詩只四之一。鄭詩二十有一。其淫奔者已七之五。孔子曰鄭聲淫其是之謂乎。

緇衣 將仲子 叔于田 大叔于田 清人 羔裘 遵大陸 女
曰雞鳴 有女同車 山有扶蘇 薜兮 狡童 褰裳 丰 東門
之墀 風雨 予矜 揚之水 出其東門 野有蔓草 漆洧

齊風十一篇

齊國名。周武王以封太公望。東至海。南至穆陵。西至於河。北至無棣。姜姓本爲四岳之後。旣封於齊。通商惠工。有魚鹽之利。民多歸之。遂爲大國。首列雖旣鳴矣一章。詠賢妃也。惟齊俗誇詐。故子之還兮一章。藉田獵之事。以發揮其意氣飛揚。互相矜誇之意。而南山敝筍二什。則宮闈穢亂。已無泱泱大風之概。此殆所謂齊俗急功利。喜誇詐之流弊歟。

鷄鳴 還 著 東方未明 南山 甫田 廬令 敝筍 載馳 猗嗟

魏風七篇

魏國名。周初以封同姓。後爲晉獻公所滅。其地南枕河曲。北涉汾水。地處陋隘。民貧俗儉。有聖賢之遺風。無鄭衛之淫靡。然吝嗇褊急。非享國常久之道。雖桃棘懷忠。岷岵盡孝。亦何益哉。糾糾葛屨。旣刺褊心。十畝桑間。賢人偕隱。此蓋所

謂其民哀以怨。其聲急以促者歟。

葛履 汾沮洳 園有桃 陟岵 十畝之間 伐檀 碩鼠

唐風十二篇

唐國名。本帝堯舊都。周成王封弟叔虞爲唐侯。以南有晉水。故不再傳而改國號曰晉。其他土瘠民貧。勤儉質樸。憂深思遠。有堯之遺風。是以蟋蟀一什。雖樂而無荒也。

蟋蟀 山有樞 揚之水 椒聊 綢繆 杕杜 羔裘 鵲羽 無

衣 有杕之杜 葛生 采芣

秦風十篇

秦國名。初伯益佐禹治水有功。賜姓嬴氏。平王東遷。秦襄公以兵送之。王封襄公爲諸侯。曰能逐犬戎。卽有歧豐之地。秦於是始有周西都畿內八百里之地。而與列國通使聘之禮。秦爲周之故都。故其流風遺俗。猶有先王之舊。敵愾同仇。更見尙武之心。觀車鄰駟鐵諸篇。可以見其勇於赴敵。小戎無衣等什

。可以見其盡忠王室。惜其以賢狗葬。召來黃鳥之譏。愛士不終。致有權輿之詠。此秦之所以流於維霸也。

車鄰 駟鐵 小戎 蒹葭 終南 黃鳥 晨風 無衣 渭陽

權輿

陳風十篇

陳國名。周武王時。帝舜之胄。有虞閼父。爲周陶正。武王以女太姬妻其子滿。而封於陳。與黃帝堯帝之後。共爲三恪。是爲胡公。其後國微民蕩。詩亦淫蕩無節。至靈公淫於夏徵舒之母。國人爲之賦株林三章則尤昏亂之甚。惟衡門一詩。係賢人隱居自樂之詞。正以見國亂民蕩。君子道消。故東萊呂氏曰。變風終於陳靈。信然。

宛邱 東門之枌 衡門 東門之池 東門之楊 墓門 防有鵲巢 月出 株林 澤陂

檜風四篇

檜國名。妘姓。祝融之後。周衰後爲鄭桓公所滅。其國旣小。其君復闇。故羔裘三章。憂其君之美衣服而忽朝政也。素冠三章。憫其教弛而孝道不彰也。而世亂賦重。民不聊生。致歎甚楚之無知。賦匪風之慨想。其亡也宜矣。

羔裘 素冠 隰有長楚 匪風

曹風四篇

曹國名。周武王以封其弟振鐸。王室旣衰。同姓諸侯。亦復不振。故冽彼下泉四章。罕譬而喻。其餘諸什。則大類檜風。蓋世亂國危。則其民思君子而痛有生。鳴鳩之詩。蜉蝣之詠。可勝歎哉。

蜉蝣 侯人 鳴鳩 下泉

豳風八篇

豳國名。在岐山之北。周之先世居於此。成王年幼。周公以冢宰攝政。乃述后稷公劉之化。作詩一章以戒成王。謂之豳風。

本詩前半。歷述邠俗之厚。先公風化之純。欲使成王知稼穡之艱難也。故七月流火之章。爲千古重農之嚆矢。鴟鴞以下。則歷述周公東征之勞苦。及國人贊美周公之詞。則非周公自作之詩也。本篇上繼二南之終。下開小雅之始。夫子之意。至深遠矣。

七月 鴟鴞 東山 破斧 伐柯 九罭 狼跋

程元問於文中子曰。敢問邠風何風也。曰變風也。元曰。周公之際。亦有變風乎。曰君臣相誚。其能正乎。成王終疑周公。則風遂變矣。非周公至誠。其孰卒正之哉。元曰。居變風之末何也。曰夷王以下。變風不復正矣。夫子蓋傷之也。故終之以邠風。言變之可正也。惟周公能之。故係之以正。變而克正。危而克扶。始終不失其本。其惟周公乎。係之邠。遠矣哉。

小雅

雅者正也。正樂之歌也。其篇本有小雅大雅之殊。先儒說又各有

正變之別。蓋正小雅燕饗之樂。正大雅會朝之樂。受釐陳戒之辭也。小雅各篇。歡欣和悅。以盡羣下之情。親臣也。大雅各篇。恭敬齊莊。以發先王之德。格君也。蓋正雅皆成王周公以後之詩。多周公制作時所定。及其變也。則事未必同。而各以其聲附之。亦猶風之變體矣。

鹿鳴之什

雅頌無諸國之別故十篇爲一卷而謂之什

鹿鳴三章

此燕羣臣嘉賓之詩。通篇見其親賢樂善。不拘形迹。以洽上下之情也。

四牡五章

此勞使臣之詩。諄諄於公私之判。不以私害公也。

皇皇者華五章

此君遣使臣之詩。勉其不以遠近險易易其心。廣詢博訪。以盡職也。

棠棣八章

此和兄弟之詩。言兄弟至親。禦侮相助。凡今之人。莫如兄弟也。

伐木三章

此燕朋友之詩。言有道德才藝之友生。不求則不我近也。

天保六章

人君以鹿鳴以下五詩燕羣臣。而臣之受賜者。歌此詩以祝福。所以荅君惠也。言天者言其受命有自也。

采薇六章

此遣戍之詩。王者以道勞其民。故無怨也。

出車六章

此勞還率之詩。旣平西戎。美成功也。

杕杜四章

此勞還役之詩。而體其家室之情。先王之役民也如此。

南陔

此笙詩。有聲無辭。孝子相戒以養其親也。

白華之什

白華

亦笙詩也。有聲無辭。言孝子之潔白也。

華黍

亦笙詩也。言時和歲豐。宜黍稷也。

魚麗六章

此燕饗通用之樂歌。言主人所薦之羞。既美且多也。

由庚

此亦笙詩。言萬物得由其道也。

南有嘉魚四章

此亦燕饗通用之樂。因主人所薦之物。而達其樂賓之意也。

崇丘

言萬物得極其高大也。

南山有臺五章

此尊賓之意。言壽彌高則德彌邵也。

由儀

由言萬物之生。各得其宜也。

蓼蕭四章

此諸侯朝於天子。天子與之燕。以亦慈惠。而美其德也。

湛露

此亦天子燕諸侯之詩。而嘉其令德令儀也。

按鹿鳴之什一篇無辭白華之什五篇無辭蓋年湮代遠無可考矣

彤弓之什

彤弓三章

此天子燕有功諸侯。而錫以弓矢之樂歌也。

菁菁者莪四章

此亦燕飲賓客之詩。

六月六章

成周既衰厲王爲周人所逐。崩於筭。宣王立。獫狁內逼。王命尹吉甫帥師北伐。有功而歸。詩人作此以美之也。

采芑四章

宣王之時。蠻荊背叛。王命方叔南征。軍士作此以贊美之也。

車攻 八章

周以洛邑爲東都。以朝請侯。東遷而後。久廢此禮。宣王內脩政事。外攘夷狄。乃復會諸侯於東都。因田獵而選車徒焉。故詩人作此以贊美之。

吉日四章

此亦美宣王狩獵之詩也。

鴻雁三章

周室中衰。萬民離散。宣王能勞來安定之。故流民喜而作此詩。其志雖善。其情則哀也。

庭燎三章

宣王勵精圖治。將起視朝。不安於寢。而問夜之早晚也。

沔水三章

此憂亂之詩。因亂而憂及父母。憂亂之中。不忘孝敬。詩人忠厚之意也。

鶴鳴二章

此陳善納誨之詩。借鶴鳴魚潛。園有樹檀。他山之石。以喻其意也。

祈父之什

祈父三章

祈父司馬也。此軍士怨於久役。託詞呼祈父而告之。刺宣王之詩也。

白駒四章

此以賢者之去。欲留之而無術。作此詩以言其心也。

黃鳥三章

宣王之末。民失其所。既適異國。而又覺其不爲故鄉。託呼黃鳥。而告之。以見亂離之民。靡有安居也。

我行其野三章

民適異國。依其婚姻。而不見收恤。故作此詩。

斯干九章

舊說宣王中興築宮室既成。詩人作此以祝之。蓋以人君繼世。多疑其兄弟。祖宗創業。多敗於子孫。茲則兄弟式好。室家君王。福莫大焉。

無羊三章

此因中興考牧。言牧事有成。而牛羊衆多。富庶之徵。牧人之盡職可知也。

節彼南山十章

此詩家父所作。刺幽王用太師尹氏。以致亂。尊寵姻亞斥遠君子。家父爲周之世臣。故作此以究王訕也。家父周大夫家其采邑也

正月十三章

此詩亦大夫所作以王爲內寵蠱惑。不用君子而用小人。霜降失節。不以其時。國家將危。故作此以寫其憂也。

十月之交八章

本詩專爲刺幽王用皇甫而作。蓋借災異以致其悲天憫人之意。以冀王心一悟也。

雨無正七章

按詩每篇。多以起首一句爲題。本篇首句爲浩浩昊天。刺幽王詩也。而命題則以雨無正三字。不無闕疑。或曰本篇與詩絕異。不知何據。

劉氏曰。嘗讀韓詩。有雨無極篇。序云。雨無極正大夫刺幽

王詩也。至其詩之文。則比毛詩篇首多兩無其極。傷我稼穡八字。按此說近是。蓋脫簡也。

小旻之什

小旻六章

大夫以王惑於邪謀。不能斷以從善。而作此詩。

按本篇首句爲旻天疾微。而夫子以旻名篇。與小宛小弁小明等詩。皆以小名。說者謂爲所以別其爲小雅也。然其他各章。何以不然耶。

小宛六章

此大夫遭時之亂。兄弟相戒以免禍之詩。

小弁八章

舊說幽王太子宜臼被廢而作此詩。以自怨也。

巧言六章

本詩首句爲悠悠昊天。此取第五章巧言如簧句爲題。刺幽王

之信讒也。

何人斯八章

此亦爲被譖而作。舊說暴公爲卿士。而譖蘇公。故蘇公作此以絕之。

巷伯七章

本詩首句爲萋兮斐兮。通篇無巷伯二字。茲以名篇者。蓋以其時有遭讒而受宮刑。爲巷伯者。故取此二字爲題也。

按巷伯寺人也。掌宮中道路之官。伯長也。班固作司馬遷贊云。迹其所以自傷悼。小雅巷伯之倫。同此意。

谷風三章

此朋友相怨之詩。言可與共患難。不可與共安樂也。

蓼莪六章

首句蓼蓼者莪。此詩乃因人民勞苦。孝子不得遂終養其親之願而作。茲錄其詩之第四章於左願。讀者宜深長思也。

父兮生我。母兮鞠我。拊我畜我。長得育我。顧我復我。出入腹我。欲報之德。昊天罔極。

按陟岵鵠羽諸什。皆孝子行役。不得養其父母所作。蓼莪獨使人流涕嗚咽者。以感傷於父母既歿之後。比他詩爲倍至也。

大東七章

本詩第二章。首句爲大東小東。故以名篇。此當時東方諸國。困於周室賦役之重。而怨之之辭也。

四月八章

此亦遭難自傷之辭。

北山之什

北山六章

此大夫行役而作。通篇有告勞之意。無怨懟之辭。

無將大車三章

此亦行役勞苦而憂思之作。

小明五章

本詩首句爲明明上天。故以小明名篇。蓋當時大夫從役。以二月西征。至於歲暮。尙未得歸。故呼天而訴之也。

鼓鐘四章

王氏曰。幽王鼓鐘淮水之上。爲流連之樂。久而忘返。聞者憂傷。而思古之君子。不能忘也。

楚茨六章

本篇言祭祀之重。而推本於力農。蓋述公卿有田祿者。力於農事。以奉其祭祀也。

信南山六章

此篇大旨亦是先從農事。以說到祭祀之受福。與上章之義略同。

甫田四章

本詩大意。主於勸農。言公卿有田祿者。力於農事。以奉方社田祖之祭。皆勸農之辭也。

大田四章

此詩爲蒼甫田而作。蓋君重農以愛民。故民力農以報君。從農夫口中。歸美曾孫事神敬天。以祈景福。君民一體。盛世之風也。

瞻彼洛矣三章

此天子會諸侯於東都。朝會講武。而諸侯美之之詩也。

裳裳者華四章

此天子美諸侯之詩。蓋以答上章也。

桑扈之什

桑扈四章

此亦天子燕諸侯之詩。

鵲鴛四章

此諸侯所以答桑扈之詩也。

頍弁三章

此燕兄弟親戚之詩。反復自道其設燕之意。

車輦五章

此燕樂新婚之詩

青蠅三章

詩人以王信讒。故以青蠅爲比。戒勿聽也。

賓之初筵五章

衛武公飲酒悔過。而作此詩。

魚藻三章

此天子燕諸侯。而諸侯美天子之詩。

采芣五章

此天子所以答魚藻之詩也。

角弓八章

此刺王不親九族。而好讒佞。使九族相怨之詩。

菀柳三章

王者暴虐。諸侯不朝。而作此詩。以道其不可朝王之故也。

都人士五章

亂離之後。人不復見昔日都邑之盛。人物儀容之美。而作此詩。以歎惜之也。

采芣四章

婦人思其君子而言。與采芣卷耳之詩同意。

黍苗五章

宣王封申伯於謝。命召穆公往營城邑。故將徒役南行。而行者作此。曰召伯勞之。可見勞而無怨也。

隰桑四章

此喜見君子之詩

白華八章

幽王娶申女以爲后。又得褒姒而黜申后。故申后作此詩。所以譏王二三其德也。

縣蠻三章

此微賤勞苦。思有所託之辭。意必欲有以自見。非只謀升斗已也。

瓠葉四章

此亦燕飲之詩

漸漸之右三章

將帥出征。經歷險遠。不堪勞苦。而作此詩。

苕之華三章

詩人自以爲逢周之衰。如苕附物而生。雖榮不久。故以爲比。而自傷也。

何草不黃四章

周室將亡。征役不息。行者苦之。故作此詩。以見當時不以人道使民也。

大雅

文王之什

此什皆追述
文武之德

文王七章

此周公追述文王之德。以戒成王之詩。言文王之神在天。而澤及子孫也。

大明八章

本詩首句爲明明在上四字。而以大明名篇者。以此爲大雅之詩。與前小昊等篇同義。

此亦周公戒成王之詩。言在下者必有明明之德。而後上天有赫赫之命也。

緜九章

此亦周公戒成王之詩。言周室自古公亶父。其國甚小。至文

王受天命而始大。猶瓜瓞之綿綿也。

棫樸五章

此亦以詠歌文王之德。言德盛而人心歸附之也。

旱麓六章

此亦以詠歌文王之德。言文王有豈弟子之德。故爲福祿之所歸也。

大任五章

此亦詠歌文王之德。言上有聖母。所以成之者遠。內有賢妃。所以助之者深也。

皇矣八章

此詩敘大王太伯王季之德。以及文王伐密伐崇之事也。

靈臺四章

此詩言文王以民力爲臺爲沼。而民歡樂之。不召自來。不終日而成。以見聖王愛民。而民亦樂爲之用也。

下武六章

此詩美武王能續太王王季文王之緒。而有天下也。

文王有聲八章

此詩言文王遷豐。武王遷鎬之事。言遷都皆在安民。以見文武相續。周德之所以盛也。

按此篇以武功稱文王。以見文王之文。非不足於武也。

生民之什

生民八章

周公制禮。尊后稷以配天。故作此詩。以推本其始生之祥如此

行葦四章

此祭畢而燕父兄耆老之詩。其殷勤篤厚之意可見矣。

既醉八章

此父老荅行葦之詩也

鳧鷖五章

此祭之明日。繹祭燕尸之樂。

按天子祭必取孫列之諸侯。入爲卿大夫者爲尸以象神。是爲公尸。祭之明日則賓以燕尸所以重祭典也。

假樂四章

此公尸荅上章之作。言王之德。旣宜人民。得天之佑也。

公劉六章

舊說召康公以成王將蒞政。當戒以民事。故述公劉之德。以告之。

洞酌三章

此亦召康公戒成王之詩。蓋欲王有豈弟之德。以愛民也。

卷阿十章

舊說召康公從王歌於卷阿。作此以戒成王。欲王用賢以保泰。而但以賡歌拜飴之體出之也。

民勞五章

序說以此爲召穆公刺厲王之詩。或曰。同列相戒之辭。二說未知孰是。然皆憂時感事之意。而以安民二字。寫其憂思。則雅之變可知矣。

板章

此亦刺厲王之詩。

蕩之什

蕩八章

此諷厲王之詩。託爲文王咨商之說以動之。蓋欲其法祖也。

抑十二章

抑謙抑也。衛武公作此詩。使人日誦於其側以自警。武公年九十五。猶使人日誦此詩於其側。則武公之脩己治國。可想見矣。

桑柔十六章

此芮伯刺厲王之詩。言周失其政。無以庇人民也。

雲漢八章

此美宣王憂旱恐懼脩省也。蓋宣王承厲王之後。撥亂救災。王化復行。故仍叔作此以美之。

崧高八章

宣王之舅申伯。佐王中興。出封於謝。而尹吉甫作詩以送之。美其功之高。德之邵。此賢賢非親親也。

烝民八章

宣王命樊侯仲山甫築城於齊。而尹吉甫作詩以送之。美其德之高。而又能盡職也。

韓奕六章

本篇首句爲奕奕梁山。蓋韓侯初立來朝。始受王命也。

江漢六章

宣王命召穆公平淮南之夷。詩人美之。故作此詩。

常武六章

本篇首句爲赫赫明明。宣王自將以伐淮北之夷。此詩作於成功之後。專美天子自將之功也。

瞻卬七章

此刺幽王嬖褒姒。任奄人。以致亂之詩。言亂匪降自天。生自婦人也。

召旻七章

首句爲旻天疾威。亦刺幽王之詩。言王不用舊而任小人。以致饑饉浸削之危也。

頌

風雅皆有變體惟頌無之

頌者宗廟之樂歌。大序所謂美盛德之形容。以其成功告於神明者也。周頌三十一篇。多周公所定。而亦有康王以後之詩。魯頌四篇。商頌五篇。因亦以類附焉。

周頌

雅不言周。頌言周者。以別於魯商也。周蓋孔子所加也。周頌皆有所施於禮樂。蓋因禮作頌。非如風雅之詩。徒作而不用者也。

清廟之什

清廟一章

此周公既成洛邑。而朝諸侯。因率之以祀文王之樂歌。言助祭之諸侯。皆能執行文王之德。既敬且和。而有此清廟之祭也。

維天之命一章

此亦祭文王之詩。言天道無窮。而文王之德純一不雜。與天無間。以贊文王之德之盛也。

維清一章

此亦祭文王之詩。言文王典則。實興有周。後之嗣王。所當清明緝熙。以維周之禎祥也。

烈文一章

此祭於宗廟。而獻助祭諸侯之樂歌。所以報功也。

天作一章

此祭太王之詩。言太王承天啓後之功。而因望後人世守之。以慰其靈也。

昊天有成命一章

此詩多言成王之德。蓋祀成王之詩。言成王繼文武而受命。不敢康寧。以保其四方也。

我將一章

此宗祀文王於明堂。以配上帝之樂歌。言文王之德。與天同也。

時邁一章

此巡守而朝會祭告之樂歌。言以時巡守而天保之也。

執競一章

此祭武王成王康王之詩。通篇頌三后功德之盛以及祭祀獲福之隆也。

思文一章

此詩美后稷之功。言后稷以稼穡養民之命。而文明教化。亦自此始開其端。故其德可配天也。

臣工之什

臣工一章

此戒農官之詩。言王有成法。宜及時盡職也。

噫嘻一章

此連上篇。亦戒農官之詩。蓋成王始置田官。而戒命之。上下交相忠愛之忱。溢於言外矣。

振鷺一章

此夏商二王之後來助祭之詩。美之也。

豐年一章

此秋冬報賽田事之樂歌。蓋言豐年致用之周。而致神休之溥也。

有瞽一章

此周公制禮作樂既成。行其禮於宗廟之中。大合樂而奏之也。

潛一章

本詩第二句潛有多魚。故取以名篇。此薦新之祭。蓋王者以神道事親。則祭於廟。以人道事親。則薦於寢。此在常祭之外之樂歌也。

離一章

本詩首句有來離離。故以名篇。武王祭文王之詩也。

按周禮樂師及徹帥學士而歌。即此詩。徹者。祭畢而徹其俎簋也。論語以雍徹。亦同此意。

載見一章

此諸侯助祭於武王廟之詩。

有客一章

此微子來見祖廟之詩。觀其挽留尊禮之意。可見優禮先朝。謙德至矣。

武一章

本詩首句於皇武王。故以名篇。周公象武王之功。而作大武之樂。卽此詩。

閔予小子之什

閔予小子一章

此成王旣除喪。始朝於先王之廟。而作此詩。曰孝曰敬。此周之所以受天命也。

訪落一章

本詩首句爲訪予落止。故以名篇。此成王旣朝於廟。因作此詩。以道延訪羣臣之意也。

敬之一章

此成王受羣臣之戒。而以敬自勉也。

小毖一章

本詩首句爲予其懲而毖後患。故以小毖名篇。亦訪落之意。按訪落慎始也。所以處常。小毖謹後也。所以處變。

載芟一章

此詩未知所用。然辭意與豐年章相似。蓋樂農工之有成。而慶貺之也。

良耜一章

此亦豐年報賽之詩。言自春耕至秋收。既獲豐年以奉祭祀也。

絲衣一章

此亦祭而飲酒之詩。言士之助祭。始終一於敬。而有以獲福也。

酌一章

本詩首句爲於鑠王師。通篇無酌字。而以酌名篇者。蓋酌卽勺也。勺舞名。此詩卽勺舞時所用。故卽以樂名名之。按此詩頌武王之功。言武王用武以時。後王所當法也。

桓一章

此亦頌武王之詩。詩內有桓桓武王句。故以名篇。言武王始終能安民。以承天命也。

賚一章

此大封功臣於廟之詩。詩中并頌文武之功。蓋欲諸臣受封賞者。勿忘文王之德也。

般一章

本詩首句爲於皇時周。通篇無般字。而以般名篇。其義未詳。此武王于方嶽之下。朝會諸侯。祭告卽位之詩。

魯頌

頌爲天子之禮樂。魯爲侯國。本無頌。成王以周公有大勳勞於天下。賜伯禽以天子之禮樂。魯始有頌。以爲廟樂。僖公之世。詩亦名頌。僭也。魯頌共四篇。故不成什。

駟四章

本詩首句爲駟駟牧馬。言僖公牧馬之盛也。

有駟三章

此魯君燕臣。而臣致頌禱之辭。

泮水八章

此詩言魯侯視學。而人心樂從。亦頌禱之辭也。

閟宮九章

此僖公脩姜源廟。詩人頌禱之辭。

商頌

武王克商。封微子啓於宋。脩其禮樂。以禮其先王。故曰商頌。本爲十二篇。至孔子編詩時。又亡其七。今僅存五篇。

那一章

本詩首句爲猗與那與。故以名篇。此祀成湯之樂也。

烈祖一章

此亦祀成湯之樂。言烈祖之德。及於今王。以脩其祭祀也。

玄鳥一章

此亦祭祀宗廟之樂。而追叙商人有天下之初也。

長發七章

本詩有長發其祥句。故以名篇。此禘祭羣廟之詩。言商世世有濬哲之君。故受命之祥。發見久矣。

殷武六章

此祀高宗之樂。殷自盤庚歿後。楚人叛之。高宗用武。以定其地。易曰。高宗伐鬼方。三年有成。卽謂此也。

周禮

上古之世。政簡民淳。無爲而治。成周開基。禮樂大備。典章文物。斐然可觀。周公制禮。垂法萬世。周禮六篇。詳載六典。設官分職。實爲周公致太平之書。秦始皇燔滅文章。以愚黔首。斯編幾絕。至漢武帝時。除挾書之律。周禮始出。成哀之世。劉向父子。校理秘書。始得列序著於七略。然冬官一篇已亡。河間獻王以攷工記補綴冬官。雖識者以爲不類。而事典猶約略可尋。亦云幸矣。本書卽周官。凡六篇。歷代官制之嚆矢也。

漢劉歆繼父向之業檢校秘書撮其要旨著爲七略一曰集略二曰六藝略三曰諸子略四曰詩賦略五曰兵書略六曰術數略七曰方技略

天官冢宰第一

象天所立之官。冢大也。宰者官也。天者統理萬物。天子立冢宰。使掌邦治。亦所以總御衆官。使不失職。不言司者。大宰總御衆官。不主一官之事也。

大宰之職

掌建邦之六典以佐王治邦國蓋治典冢宰之職也故立其官使帥其屬而掌邦治以佐王均邦國

小宰之職

宰夫之職

宮正

宮伯

膳夫

庖人

內饗

外饗

亨人

甸師

獸人

醵人

鼈人

臘人

醫師

食醫

疾醫

瘍醫

獸醫

酒正

酒人

漿人

淩人

籩人

醢人

醯人

醢人

冢人

宮人

掌舍

幕人

掌次

大府

玉府

內府

外府

司會

司書

職內

職歲

職幣

司裘

掌皮

內宰

內小臣

閹人

寺人

內豎

九嬪

世婦

女御

女祝

女史

典婦功

典絲

典枲

內司服

縫人

染人

追師

屨人

夏采

地官司徒第二

象地所立之官。司徒主衆徒。地者載養萬物。天子立司徒掌邦教。亦所以安擾萬民。

大司徒之職

掌建邦之土地之圖與其人民之屬蓋教典司徒之職故立其官使帥其屬而掌邦教以佐王安擾邦國

小司徒之職

鄉師之職

鄉大夫之職

州長 黨正 族師 閭胥 比長 封人 鼓人 舞師 牧人

牛人 充人 載師 閭師 縣師 遺人 均人 師氏 保氏

司諫 司救 調人 媒氏 司市 質人 廛人 胥師 賈師

司虢 司稽 胥 肆長 泉府 司門 司關 掌節 遂人

遂師 遂大夫 縣正 鄙師 鄫長 里宰 鄰長 旅師 稍人

委人 土均 草人 稻人 士訓 誦訓 山虞 林衡 川衡

澤虞 迹人 甘人 角人 羽人 掌葛 掌染草 掌炭 掌茶

掌蜃 圉人 場人 廩人 舍人 倉人 司祿 司稼 舂人

饅人 稟人

春官宗伯第三

象春所立之官也。宗尊也。伯長也。春者出生萬物。天子立宗

伯。使掌邦禮。典禮以事神爲上。亦所以使天下報本反始。不言司者。鬼神示人之所尊。不敢主之故也。

大宗伯之職

掌建邦之天神人鬼地之祗禮蓋禮典宗伯之職故立其官使帥其屬而掌邦禮以佐王和邦國

小宗伯之職

肆師之職

鬱人 鬯人

雞人

司尊彝

司几筵

天府

典瑞

典命

司服 典祀

守祧

世婦

內宗

外宗

冢人

墓大夫

職

喪 大司樂

樂師

大胥

小胥

太師

小師

瞽矇

眡瞭

典同 磬師

鍾師

笙師

搏師

鞀師

旄人

籥師

簫章

鞀 鞀氏

典庸器

司干

太卜

卜師

龜人

莖氏

占人

蓍人

占夢

眡祿

太祝

小祝

喪祝

甸祝

詛祝

司

巫 男巫

女巫

太史

小史

馮相氏

保章氏

內史

外

史 御史

巾車

典路

車僕

司常

都宗人

家宗人

神

士

夏官司馬第四

象夏所立之官。馬者武也。言爲武者也。夏整齊萬物。天子立司馬。共掌邦政。政可以平諸侯。正天下。故曰統六師平邦國。

大司馬之職

掌建邦國之九灋蓋政典司馬之職故立其官使帥其屬而掌邦政以佐王平邦國

小司馬之職

軍司馬 輿司馬 行司馬 司勳 馬質 量人 小子 羊人
司權 掌固 司險 掌疆 侯人 環人 挈壺氏 射人 服
不氏 射鳥氏 羅氏 掌畜 司士 諸子 司右 虎賁氏
旅賁氏 節服氏 方相氏 大僕 小臣 祭僕 御僕 隸僕
弁師 司甲 司兵 司弋盾 司弓矢 繕人 橐人 戎右
齊右 道右 大馭 戎僕 齊僕 道僕 田僕 馭夫 校人
趣馬 巫馬 牧師 庾人 圉師 圉人 職方氏 士方氏
懷方氏 合方氏 訓方氏 形方氏 山師 川師 籒師 圉

人 擇人 都司馬 家司馬

秋官司寇第五

象秋所立之官。寇害也。秋者酋也。如秋義。殺害收聚。歛藏於萬物也。天子立司寇。使掌邦刑。刑者所以驅恥惡。納人於善道也。

大司寇之職

掌建邦之三典蓋刑與司寇之職故立其官使帥其屬以佐土刑邦國詰四方

小司寇之職

士師之職

鄉士 遂士

縣士 方士 訝士 朝士 司民 司刑 司刺 司約 司盟

職金 司厲 犬人 司環 掌囚 掌戮 司隸 罪隸 蠻

隸 閭隸 夷隸 貉隸 布憲 禁殺戮 禁暴民 野廬氏

蜡氏 雍氏 萍氏 司寤氏 司烜氏 條狼氏 脩閭氏 冥

氏 庶氏 穴氏 遷氏 柞氏 雍氏 蜃族氏 翦氏 赤友

氏 蠲氏 壺琢氏 庭氏 銜枚氏 伊耆氏 大行人 小行人
司儀 行夫 環人 象胥 掌客 掌訝 掌交 掌察
掌貨賄 朝大夫 都則 都士 家士

冬官考工記第六

象冬所立之官也。是官名司空者。冬閉藏萬物。天子立司空。使掌邦事。蓋事典司空之職。亦所以富充國家。使民無空者也。司空之篇亡。漢興購求。千金不得。此前世識其事者。記錄以備大數。古周禮六篇畢矣。古周禮六篇者。天子所專秉以治天下。諸侯不得用焉。

三十工總叙 輪人爲輪 輪人爲蓋 輿人爲車 輶人爲輶
築氏爲削 冶氏爲殺矢 桃氏爲劍 鳧氏爲鍾 栗氏爲量
段氏 函氏爲甲 鮑人之事 韞人爲皋陶 韋氏 裘氏 畫
繪之事 鍾氏染羽 筐人 幌氏涑絲 玉人之事 柳人 雕
人 磬氏爲磬 矢人爲矢 陶人爲甗 旄人爲簋 梓人爲筍

虞 梓人爲飲器 梓人爲侯 廬人爲廬器 匠人建國 匠人
營國 匠人爲溝洫 車人之事 車人爲耒庇 車人爲車 弓
人爲弓

儀禮

儀禮十七篇。卽周儀。爲周公所定。孔子所述。傳於漢之高陽生。與周官一書。相輔而行。蓋周官六典。以統朝野貴賤而言。儀禮則詳於士庶。周官所訂爲綱領大體。而儀禮則爲詳節備文。漢書藝文志載。傳禮者十三家。以戴德戴聖爲最著。世所稱大小戴者是也。小戴記尤爲世所推重。自嬴秦一炬。此經幾絕。宋王安石以變法自詡。又罷儀禮。不列於學官。此經又厄。南渡以後。二陸學說。偏重德性。鄙儀法度。數爲末節。一時學者。病禮節之束縛。喜陸說之簡易。脫略禮法。浸成風氣。雖有紫陽力辯其非。倡脩三禮。然空虛妙晤之說。深入人心。而古聖所遺之制度文爲。又邈然矣。晚近以來。世變遞演。各便其私。各逞其臆。禮法全失。罔知所宗。放恣敗壞。靡有底止。流毒所極。必至於毀冠裂冕。棄禮蔑義。無親疎無上下無內外無長幼而同歸於渙散。卽欲求一空虛妙晤之學者。而亦

不可得。禮亡則國亡。禮失則民亂。思之不寒而慄矣。夫三代之禮不相襲。而日用常行之準則。必整其紀綱。順其次序。納民規物。以導之於正。而防其邪。非高冠博帶。生今返古之謂也。是所望於善讀書者。

儀禮亦有古文今文之別古文即漢魯恭王壞孔壁所得今文爲魯高堂生所傳至鄭康成合兩本而爲一即

今所傳之十七篇也

士冠禮第一

古者四民世事。士之子恒爲士。士冠禮是童子任職居位。年及二十。其父兄爲之加冠之禮也。冠禮於五禮吉凶軍賓嘉是謂五禮屬嘉禮。本篇有以下二十七節。末復有冠義一篇。

筮日 戒賓 筮賓 宿賓宿贊冠者 爲期 冠日陳設 主人與賓各就向外位。迎賓及贊冠者入 初加 再加 三加 賓醴冠者 冠者見於母 賓字冠者 冠者見兄弟贊者姑姊 冠者見君與鄉大夫先生醴賓送賓歸俎 夏殷冠子之法 孤子冠法 庶子冠法 見母權法 戒賓宿賓之辭 加冠祝辭 醴辭

醯辭 字辭 三服之屨

士昏禮第二

日入三商爲昏。三商三刻也。士娶妻之禮。以昏爲期。因而名焉。昏禮有六。納采。問名。納吉。納徵。請期。親迎是也。昏禮於五禮屬嘉禮。本篇分以下十三章。末復有記一篇。

納采問名及禮使者之儀 納吉 納徵 請期 將親迎預陳饌
親迎 婦至成禮 婦見舅姑 贊者禮婦 婦饋舅姑 舅姑
饗婦 饗送者 舅姑沒婦廟見及饗婦饗送者之禮

士相見禮第三

士以職位相親。始承摯相見之禮。士相見於五禮屬賓禮。本篇有以下十一節。

士相見禮 士見於大夫 大夫相見 臣見於君 燕見於君
進言之法 侍坐於君子之法 臣侍坐賜食賜飲及退去之儀
尊爵者來見士 博記稱謂與執贄之容

鄉飲酒禮第四

古者諸侯之鄉大夫。三年大比。獻賢者能者於其君。以禮賓之。與之飲酒。此種於五禮屬嘉禮。有以下二十四節。末復有記一篇。

謀賓介賓 陳設 速賓迎賓拜至 主人獻賓 賓酢主人 主

人酬賓 主人獻介 介酢主人 主人獻衆賓自初獻賓至此爲飲酒第一段 一人

舉觶 升歌三終及獻工 笙奏三終及獻笙 閒歌三終合樂及

告樂備此作樂樂賓是飲酒禮第二段 司正安賓 司正表位 賓酬主人 主人酬

介 介酬衆賓衆賓旅酬此飲酒禮之第三段 二人舉觶 徹俎坐燕此飲酒第四段飲禮始畢

賓出 遵者入之禮

鄉射禮第五

古者州長春秋以禮會民而射於州序。謂之鄉射者。蓋周制五州爲鄉。一鄉管五州也。此禮於五禮屬嘉禮。有以下五十一節。

末復有記一篇。

戒賓 陳設 速賓 迎賓拜至 主人獻賓 賓酢主人 主人
酬賓 主人獻衆賓 一人舉觶 遵入獻酢之禮 合樂樂賓獻
工與笙 立司正 司射請射 弟子納射器 司射比三耦 司
馬命張侯倚旌樂正遷樂 三耦取弓矢俟射 司射誘射
耦射 取矢委楅第一番射事竟 司射請射比耦 三耦拾取矢 衆賓

受弓矢序立

司射作射請釋獲 三耦釋獲而射 賓主人射 大夫與耦射
衆賓繼射釋獲告射卒 司馬命取矢乘矢 數獲 飲不勝者
司馬獻獲者 司射獻釋獲者第二番射事竟 司射又請射命耦反射位
三耦賓主人大夫衆賓皆拾取矢 司射請以樂節射 三耦賓主
人大夫衆賓以樂射 樂射取矢數矢 樂射視算昔獲 樂射飲
不勝者 拾取矢授有司 退諸射器射事竟 旅酬 司正使二人舉

觶 請坐燕因徹俎 賓出送賓 明是拜賜 息司正

燕禮第六

燕禮有四。諸侯無事而燕一也。卿大夫有王事之勞二也。卿大夫有聘而來。還與之燕三也。四方聘客與之禮四也。燕禮於五禮屬嘉禮。有以下三十節

告戒設具 君臣各就位次 命賓 請命執役者 納賓 主人

獻賓 主人宰夫也 賓酢主人 主人獻公 主人自酢於公 主人酬賓

二人媵爵於公 公舉媵爵酬賓遂旅酬初燕盛禮成 主人獻卿

或獻孤 再請二大夫媵觶 公又行爵爲卿舉旅燕禮之再成

主人獻大夫兼有胥薦主人之事 升歌 獻工 公三舉旅以成

獻大夫之禮 奏笙 獻笙 歌笙閒作遂合鄉樂而告樂備 立

司正命安賓 主人辯獻士及旅食 因燕而射以樂賓 賓媵觶

於公公爲士舉旅酬 主人獻庶子以下子阼階 燕末無算爵無

算樂 燕畢賓出

大射儀第七

古者諸侯將有祭祀之事。與其羣臣射以觀其禮。數中者得與於祭。不數中者不得與於祭。射義於五禮屬嘉禮。有以下四十八節。

戒百官 張射侯 設樂縣 陳燕具 命賓納賓 主人獻賓主人

宰夫賓酢主人 主人獻公 主人受公酢 主人酬賓 二人媵鬴

將爲賓舉旅酬 公取媵鬴酬賓遂旅酬 主人獻卿 二人再媵

鬴 公又行一鬴爲卿舉旅 主人獻大夫 作樂娛賓射前燕禮備將

射立司正安賓察儀 請射納器誓射比耦 司射誘射 三耦射

三耦射後取矢射禮第一番竟 將射命耦 三耦拾取矢於楅 三耦

再射釋獲 君與賓耦射 公卿大夫及衆耦皆射 射訖取矢

數左右獲算多少飲不勝者 獻獲者 獻釋獲者射事第二番竟 將以

樂射 射者拾取矢 以樂節射 樂射後取矢數獲 樂射後飲

不勝者 樂射後拾取矢不第三番射事竟 退諸器將坐燕以終禮 爲

大夫舉旅酬 徹俎安坐 主人獻士及旅食 賓舉爵爲士旅酬

燕坐時或復射 主人獻庶子等獻禮之終也 燕末盡歡 賓出公

入聘禮第八

古者諸侯相於久無事。則使卿相問。謂之大聘。使大夫相問。謂之小聘。聘禮於五禮屬賓神。有以下三十三節。末復有記一篇。

命使 授幣 告禰 受命遂行 假道 豫習威儀 至竟迎入

入竟展幣 郊勞 致館設飧 聘享 主君禮賓 私覲 賓

禮畢出公送賓 卿勞賓 歸饗餼於賓介 賓問卿面卿 介面

卿 問下大夫 大夫代受幣 夫人歸禮賓介 大夫餼賓介

主國君臣饗食賓介之法 還玉報享 賓將行君館賓 賓行主

國贈送 使者返命 使還奠告 遭所聘國君喪及夫人世子之

喪 出聘後本國君喪 賓聘有私喪 出聘賓介死 小聘

公食大夫禮第九

此主國之君。以禮食小聘之大夫也。於五禮屬嘉禮。有以下十八節末復有記一篇。

戒賓 陳具 賓入拜至 載鼎實於俎 爲賓設正饌 賓祭正饌爲賓設加饌 賓祭加饌 賓食饌三飯 公以束帛侑賓 賓卒食禮終賓退 歸俎於賓 賓拜賜 食上大夫禮 君不親食 使人往致大夫相食之禮 大夫不親食君使人代致

覲禮第十

此篇諸侯見天子之禮也。春見曰朝。夏見曰宗。秋見曰覲。冬見曰遇。朝宗禮備。覲遇禮省。是以享獻不見焉。朝宗遇三禮已無考。唯覲禮猶存。於五禮屬賓禮。有以下十章。末復有記一篇。

王使人郊勞 王賜侯氏舍 王戒覲期 受次于廟門外 侯氏執瑞玉行覲禮 覲已卽行三享 侯氏請罪天子辭乃勞之 王

賜侯氏車服 王辭命稱謂之殊 略言王待侯氏之禮以上廟受親禮竟

喪服第十一子夏傳

論語孔子云。人未有自致者也。自然致其直誠不能自禁必也親喪乎。又宰我

問三年之喪。子曰食夫稻。衣夫錦。於女安乎又曰。子生三年。然後免於父母之懷。三年之喪。天下之通喪也。讀此可知喪服之真諦矣。

士喪禮第十二

此古者士喪其父母。自始死至於既殯之禮也。喪於五禮屬凶禮。又疏云。士喪父母。不言妻與長子。二者亦依士禮。本篇有以下三十六節

復魂

冀其生也

事死之初事

喪禮凡二大端一以奉體魄所事精神楔齒綴足奉體魄之始奠脯醢事精神之始也

使人赴

君 主人以下室中哭位 君使人弔 君使人綖 親者庶兄弟

朋友綖 爲銘 沐浴含飯之具陳於階下者 陳襲事所用衣物

于房中沐浴含飯之具陳于序下者 沐浴 含飯 襲尸 設重

以上並始死之日所用之禮

陳小斂衣 饌小斂奠及設東方之盥 陳床第夷衾

及 西方之盥

陳鼎實

以上小斂待用衣物計五節

小斂俛尸及主人主婦袒

髻 免髻襲經之節

小斂奠

小斂後致禭之儀

以上皆親喪第二日禮

陳大

斂衣奠及殯具

徹小斂奠

大斂

殯

大斂奠

大斂畢送賓

送兄弟及出就次之儀

君臨視大斂之儀

以上皆親喪第三日事

成服

喪之第四日

朝夕哭奠

朔月奠及薦新

筮宅兆

哭槨哭器

卜葬日

既夕第十三

此士喪禮之下篇也。有以下十七節。未復有記一篇。

請啓期

豫於祖廟陳饌

啓殯

遷柩朝祖

薦車馬設遷祖之

奠 將祖時先載柩飾柩車

陳器與葬具

還柩車設祖奠國君

贈禮

賓贈奠賻贈之禮

葬日陳大遣奠

將葬抗重出車馬苞

器以次先行鄉壙

讀賻讀遣

柩車發行及在道君使宰贈之儀

窆柩藏器葬事畢

反哭于廟

于殯宮出就次於是時將舉初虞之奠矣

略言葬後儀節

及喪祭之目

士虞禮第十四

既葬。返哭後之祭曰虞。虞安也。士既葬其父母。送形而往。迎精而返。日中而祭之於殯宮。殯宮即適寢也。初虞祭於葬日。遇柔日再虞。遇剛日三虞。虞於五禮屬凶禮。本篇有以下十一節。末復有記篇。

陳虞祭牲羞酒醴器具

主人及賓自門外入即位

設饌享神

是為

陰厭延尸妥尸

饗尸

主人獻尸并獻祝及佐食

主婦亞獻

賓

長三獻

祝告利成尸出

利猶養也

改設陽厭

厭飫也

禮畢送賓

特牲饋食禮第十五

此祭禮。係指諸侯之士祭其祖禰於廟而言。非天子之士也。此於五禮屬吉禮本篇有以下二十節末復有祭一篇

將祭筮日

筮尸

宿尸

宿賓

視濯視牲

祭日陳設及位次

陰厭尸入九飯 主人初獻 主婦亞獻 賓三獻 獻賓與兄弟 長兄弟加爵 衆賓長加爵 嗣舉奠獻尸 旅酬 佐食獻尸 尸出歸尸俎徹庶羞 嗣子長兄弟羹 改饌陽厭 禮畢送賓

少牢饋食禮第十六

此祭禮。係指諸侯之卿大夫祭其祖禰於廟而言。此於五禮屬吉禮。本篇有以下二十節

筮祭日 筮尸宿尸宿請官 祭期 祭日視殺視濯 羹定實鼎

饌器 將祭即位設几加勺載俎 陰厭 迎尸入妥尸 尸十一

飯 是謂正祭 主人獻尸尸酢主人命祝致嘏 主人獻祝 主人獻兩

佐食 初獻禮竟 主婦獻尸 主婦獻祝 賓長獻尸 尸醋賓長 賓

長獻祝 終獻禮竟 祭畢尸出廟 餞

有司徹第十七

此少牢饋食之下篇也。有司謂司馬司士宰夫之屬。徹謂徹去祭時之饌。此禮天子諸侯則於祭之明日爲之。名曰繹。此於五禮屬吉禮。本篇有以下三十九節

將儻尸整設 選侑以輔尸 迎尸及侑 陳鼎偕下設俎俟載主

人獻尸 主人獻侑 主人受尸酢 初獻禮竟 主婦獻尸 主婦獻侑

主婦致爵於主人 主婦受尸酢 主婦並獻禮竟 上賓三獻尸 主人酬

尸 羞于尸侑主人主婦 主人獻長賓 辯獻衆賓 主人自酢

於長賓 主人酬賓 主人獻兄弟 主人獻內賓 主人獻私人

上賓三獻 禮成 二人舉觶旅酬 兄弟後生舉觶 賓長加獻于

尸 次賓舉爵于尸更爲旅酬 二觶交錯爲無算觶 儻尸禮畢

不賓尸者尸八飯後事 不賓尸者尸十一飯時事 不賓尸者

主人初獻與賓尸者正祭初獻同 不賓尸主婦亞獻 不賓尸者

賓長三獻 不賓尸者三獻後主人徧獻堂下並內賓之事 不賓尸者次賓長爲加爵 不賓尸無算爵 不賓尸者禮終尸出 墓不賓尸者爲陽厭

經史子集要略

經部

儀禮

禮記

禮者。治國之常經。修身齊家之本則也。故曰。安上治民。莫善於禮。成周之世。禮教大備。周公從而制定之。禮經三百。威儀三千。所以定尊卑。別親疎。序人民。安社稷者。至詳且盡。及周之衰。諸侯僭越。惡其害己。皆去其籍。而後禮經始壞。秦火之後。毀滅更甚。禮記一書。輯自漢儒。戴德戴聖集先聖格言以成此書世稱大小戴非出一人之手。蓋禮記者。係合大戴記。小戴記而言。故稱禮記。隋書藝文志。謂小戴聖刪大戴德之書。爲四十九篇。自小戴記出。而大戴記幾廢。鄭康成治小戴禮。爲之注。唐孔穎達疏。而後禮記之名言至理。聖賢仁義中正之道。乃炳若日月。如中庸大學之篇。皆聖賢道統之所寄。劉歆鄭玄信爲周公致太平之書。實爲定論。後世疑其僞者非也。禮記周禮儀禮世稱三禮

曲禮上 曲禮下

經曰。曲禮三千。言節目之委曲。其多如是也。此卽古禮經之篇名。後人以編簡多。故分爲上下云。

曲禮爲本書首篇。開始第一節。卽曰毋不敬。則敬字誠爲一部禮記之本源。可見聖人制禮。其精神全在於篤誠莊敬。故孔子曰。禮云禮云玉帛云乎哉。讀此書者。宜深長思也。

檀弓上 檀弓下

檀弓魯人之知禮者。本篇多言喪祭之禮。其於親疎尊卑之間。言之綦詳。而於三年之喪。反復引申。更足使人起罔極之思。天性流露。古今無二致也。

禮記以吉凶軍賓嘉爲五禮此喪禮屬凶禮

王制

疏曰。王制之作。在秦漢之際。

盧植云。文帝令博士諸生作。

王制一篇。多記王者爵祿巡狩祭祀征伐賦役刑罰之事。而於養老之禮。論列最詳。蓋養老之禮。有四。養三老五更一也。子

孫死於國事。則養其父祖二也。養致仕之老三也。養庶人之老四也。

月令

本篇見呂氏春秋言十二月政令之所行也。月用夏正。令則雜舉三代。及秦事禮家記事者抄合而成

文王世子

本篇首言文王武王爲世子之禮。次爲教世子之法。及三代教世子之道。復引孔聖之言。申明人君當慎儲養之義。自庶子之正於公族以下十節。則又言處公族之道。與世子之法。相表裡也。至論天子視學養老之禮。公族處罰受刑之制。更足見古人親親之道。不以貴而異其趨。至以視膳一節殿諸篇末者。則孝子事親無微不至。教孝之意昭然矣。

禮運

此篇記帝王禮樂之因革。及陰陽造化流通之理。如天道之運行

故謂之禮運蓋禮運一篇多記孔子嘆想古禮之詞。而與子游問答獨詳。首章大道之行。天下爲公。大道既隱。天下爲家等句。尤足表明聖人制禮之精神。絕非後世玉帛進退之虛文。又復推原禮之初始起於質。故上古人心無僞。雖禮節簡陋。亦自可以敬鬼神也。本章大意自孔子嘆周魯之失禮。而推言至制禮之初。與夫治國之要。政失國危之道。皆以禮之興廢爲準繩。此禮運一篇之精神也。

禮器

器有二義。一是學禮者成德器之美。一是學禮者明用器之制。器者各適其用之謂。以見吾人不可斯須去禮也。先王制禮。無所不賅。於身則言語服飾威儀。於人則父子兄弟君臣夫婦賓客。於事則冠婚喪祭射御朝聘。於地則鄰里鄉黨宗廟朝廷。其厚薄崇卑內外大小。莫不各適其用。此禮之不可須臾離也。本篇明禮之本體。故有竹箭松柏之喻。有先王制禮之節。皆就禮之

本源而言。而禮之爲用。則有以多爲貴。以少爲貴。以大爲貴。以小爲貴。以高爲貴。以下爲貴。以文爲貴。以素爲貴。諸節。闡發詳明。不豐不殺。禮之功用大備矣。

郊特牲

陸氏曰。郊者祭天之名。用一牛。故曰特牲。

石梁王氏曰。此篇皆記祭事。而雜冠婚兩段。

本篇記祭祀之禮。前半多言祭之等級。後半多言祭之儀物。中間記大夫私覲之非禮。及天子微諸侯僭等節。尤足見先王制禮杜漸防微之深意。他如祭社之禮。郊祀之禮。亦記載極詳。而冠義八節昏禮五節。亦附載於此。意者祭爲禮之大者。冠昏則爲禮之始歟。

內則

疏曰。閨門之內。軌儀可則。故曰內則。

石梁王氏曰。此篇於曲禮之義爲多。

本篇首節后王命冢宰降德於兆民。次卽詳言子事父母之道。及婦事舅姑之德。蓋以孝爲德之本也。其他各節。可分兩大端言之。其一。卽事言。如未冠未笄事親之禮。冢婦介婦事親之禮。生子之禮。命名之禮。以及教養使令之事。宗庶妻妾之分。無不剴切詳明。垂示後世。其一。卽物言。饔飧酒醴。衣衾簞席。皆孝之所寄也。至於父母有過柔聲以諫。子婦未敬。勿庸疾怨。更以曲盡家庭共處之禮。而通篇大旨。則以別內外。謹夫婦。養老事親。數字盡之矣。

玉藻

此篇記天子諸侯服冕笏佩諸制。及行禮之容節。

本篇前半。記天子諸侯大夫等服冕之制。及其行禮之儀容。後半則雜記孝子事親之容。及喪祭軍旅之容。立容辨卑勿調二節。則記君子一身盛德之容也。

明堂位

本篇皆記周公行禮之事。及魯用周禮之盛。首言周公攝政。朝諸侯於明堂之儀。及諸侯夷狄所立之處。次言成王以周公有勲勞於天下。特賜魯得用天子之禮。兼四代服器。及其後魯祭周公之禮。孔子所謂周禮在魯。此之謂也。

大傳

鄭氏曰。記祖宗人親之大義。

本篇首言王者禘祭。以明孝所自出也。次言武王治親屬合族之禮。以明親疏也。其他服術之制。五宗之義。更足以啓後人敦宗睦族之思。而立權二節。詳言可與民變革。與不可與民變革之事。尤爲萬世不易之理。蓋立權度量。考文章。改正朔。易服色。殊徽號。異器械。別衣服。諸大端。皆可與民變革之事。所謂三代之禮不相因者是也。若夫親疎長幼尊卑男女之間。則異乎此學者不可不知也。

少儀

朱子曰。小學之支流餘裔。

此篇多記交際之禮。故首節卽言交際請見之詞。而吉禮相見。凶禮相見。亦次第言之授受之節。洒掃之微。亦復備載。可見古人制禮。無微不至矣。

又此篇言事尊長之禮最詳。小學之精義也。

學記

本篇言教言學。循序漸進。凡立教立學之理。入學之年。教學之效。無不詳賅。自始學以至化民易俗。近悅遠懷。可謂集學之大成。而師嚴道尊一節。尤爲設教立學之眞精神。

樂記

此篇首節先論樂始於人心。而感於物。動於聲。是探樂之本源。次言五音推出之至理。以明樂之功用。又復申言樂與禮相資爲治。故曰樂由中出。禮自外作。可見禮樂之本體。不在聲音節目。復借魏文侯與子貢問答之詞。以明樂實本於心。賓牟賈

與孔子問答之詞。以明大武之真締。子貢與師乙問答之詞。以明歌詩與德性之關聯。論樂之理。可謂至矣。又曰。鄭衛之音。亂世之音也。桑間濮上之音。亡國之音也。一國之樂。可以覘興亡。顧不重哉。

雜記上

雜記下

本篇多記喪葬祭弔之禮。

祭法

祭法者。設祭之法度也。故首言四代內祭之法。曰禘。曰郊。曰祖。曰宗。四者皆在常祭之外。立爲世室。百世不遷。燔柴節以下。言外祭之法。則祭天地日月寒暑水旱等之法也。立廟之制。所以別尊卑也。祀典之制。所以報有功也。於是先王制禮祀典乃大備焉。

祭義

祭義者祭祀之本義也。故本篇首言祭不欲數。祭不欲疏。蓋言

君子順時行祭之道也。而祭禮之大者。莫過於孝。故本篇十之八九。皆言孝子之祭其親。可見先王制禮之本意矣。

祭統

鄭氏曰。統猶本也。

本篇首言祭本於心。以明祭禮非自外至。次則言祭主於孝。以明祭之本義。不外倫理。祭有十倫一章。廣陳十義。舉凡事鬼神之道。君臣之義。父子之倫。貴賤之等。親疏之殺。爵賞之施。夫婦之別。政事之均。長幼之序。上下之際。無不詳細記載。祭之爲用大矣哉。

哀公問

本篇皆記魯哀公與孔子問答之詞。言禮兼及於政。而政者正也一節。卽子率以正孰敢不正意。實爲爲政者萬世不易之真諦。讀者所當深思也。

仲尼燕居

本篇記孔子與子游子貢子張三門人問答之辭。以明禮爲成身之本。子張問政節以下。兼言禮樂政事。總見政不外於禮樂。禮樂不外於吾身。皆至言也。

孔子閒居

本篇記孔子與子夏問答之辭。以明禮樂之用。通乎天地。治於四方。總以無私爲禮樂之真精神也。

坊記

本篇言君子以道防民之失。猶以隄遏水之流也。

中庸

大學中庸二篇已列四書內故從略。

表記

鄭氏曰。記君子之德之見於儀表者。

緇衣

本篇多言爲政之道自好賢如緇衣以下。言化民宜尙德緩刑。上

下感應之機。皆爲政之大本。次言君民一體。人君當端好惡。講誠信。敬大臣。恤民艱也。末言君子交友之道。不以泯於富貴貧賤之間。有微意焉。

深衣

本篇統言深衣之制。深邃也。蓋祭服朝服喪服。皆衣與裳殊。惟深衣不殊。則其被於體也。深邃。故名深衣。短毋見膚。長毋被土。可以想見古人之遺制焉。

投壺

投壺亦習射之類。諸侯大夫士均有之。左傳晉侯與齊侯燕投壺是也。本篇只言大夫士投壺之禮。蓋投壺雖亦習射之類。乃因燕而爲之。與燕樂同。故習此禮時。在室在堂。亦謂之燕射。非如大射鄉射之隆重也。

儒行

本篇十七節。皆孔子與哀公論儒者之言。內而德性。外而威儀。

。無不備也。

大學

見前中庸篇

冠義

疏曰。冠禮起早晚。書傳無正文。世本云。黃帝造旃冕。是冕起於黃帝也。黃帝以前。以羽皮爲冠。以後乃用布帛。其冠之年。天子諸侯皆十二。

呂氏曰。冠昏鄉射燕聘天下之達禮也。儀禮所載。謂之禮者。禮之經也。禮記所載。謂之義者。皆舉其經之節文。以述其製作之義也。

考士冠禮。三加彌尊。始加以緇布冠。次加皮弁。次加爵弁。三加而服彌尊。所以爲成人敬也。緇布齋冠也。皮弁朝服也。爵弁祭服也。古者童子雖貴。名之而已。冠而後字之。成人之道也。故敬其名。此冠禮所以爲六禮之首也。

昏義

疏曰。謂之昏者。娶妻之禮。以昏爲期。因名焉。必以昏者。取陽往陰來之義。

呂氏曰。物不可以苟合而已。故受之以賁天下之情。不合則不成。而其所以合也。敬則克終。苟則易離。必受之以致飾者。所以敬而不苟也。昏禮者。其受賁之義乎。

本篇詳言昏娶之禮。凡納采。問名。納吉。納徵。請期。親迎之禮。無不詳備。凡此六者。所以致敬。則不苟也。蓋昏禮者。將以合二姓之好。上以事宗廟。而下以繼後世也。故君子重之。敬慎重正。告廟而行。古人之重昏禮如此。又安有苟合易離之弊哉。

鄉飲酒義

呂氏曰。鄉飲酒者。鄉人以時會聚。飲酒之禮也。因飲酒而射。則謂之鄉射。鄭氏謂三年大比。興賢者能者。鄉老及鄉大夫

。率其吏與其衆。以禮賓之。則是禮也。三年乃一行。諸侯之卿大夫。貢士於其君。蓋亦如此。先儒謂鄉飲有四。一則三年賓賢能。二則鄉大夫飲國中賢者。三則州長習射。四則黨正蜡祭。然鄉人凡有會聚。當行此禮。恐不特四事也。論語鄉人飲酒。杖者出斯出矣。亦指此禮而言。

鄉鄉飲酒之禮。以齒爲序。故六十者坐。五十者立侍以聽政役。所以明尊長也。六十者三豆。七十者四豆。八十者五豆。九十者六豆。所以明養老也。民知尊長養老。而后乃能入孝弟。民入孝弟。出尊長養老。而后成教。成教而后國可安也。故孔子曰。貴賤明。隆殺辨。和樂而不流。弟長而無遺。安燕而不亂。此五行者。足以正身安國矣。彼國安而天下安。故曰吾觀於鄉。而知王道之易易也。

射義

疏曰。繫辭云。弦木爲弧。剡木爲矢。又世本云。揮作弓。夷

牟作矢。註云。二人黃帝臣。書云。侯以明之。夏殷無文。周則具矣。

古者諸侯之射也。必先行燕禮。卿大夫之射也。必先行鄉飲酒禮。蓋射以觀德。諸侯歲獻貢士於天子。天子試之於射宮。以定諸侯之賞罰。又天子將祭。必先習射於澤。而後射於射宮。亦所以取士。而定諸侯之賞罰也。本篇記孔子習射於鄉一事。而曰賁軍之將。亡國之大夫。與爲人後者不入。則昭示忠孝。大義凜然。此射之精義也。

燕義

此明君臣燕飲之義。

聘義

呂氏曰。天子之與諸侯。諸侯之與鄰國。皆有朝禮。有聘禮。朝則相見。聘則相問也。朝宗覲遇會同皆朝也。存頒省聘問。皆聘也。故聘禮有天子所以撫諸侯者。大行人歲編存。三歲編

頻。五歲編省是也。有諸侯所以事天子者。大行人時聘以結諸侯之好。殷頻以除邦國之慝是也。有鄰國交脩其好者。大行人諸侯之邦交。歲相問。殷相聘是也。儀禮所載。鄰國交聘之禮也。聘義者。釋聘禮之義。

諸侯比年一小聘。三年一大聘。皆相厲以禮。弗敢錯誤。凡聘禮賓則有介。介副也。所以輔行斯事者也。主國必有摯。所使以接賓者也。

經史子集要略 經部 禮記

春秋

春秋魯史名。古之王者。世有史官。君舉必書。故左史記言。

右史記事。事即春秋是也。

尚書爲記
言之書

周室既衰。載籍殘缺。亂臣

賊子。肆無忌憚。孔子憂之。故因魯史成文。考其真僞。而志其典禮。上以遵周公之遺制。下以明將來之法。示勸懲。寓褒貶。筆則筆。削則削。游夏不能贊一辭。是蓋假魯史以寓王法。有德者必褒。而善自此可勸。有罪者必貶。而惡自此可懲。此書之作。遏人欲於橫流。存天理於既滅。爲後世慮至深遠也。孟子曰。世衰道微。邪說暴行有作。臣弑其君者有之。子弑其父者有之。孔子懼。作春秋。春秋天子之事也。是故孔子曰。知我者其惟春秋乎。罪我者其惟春秋乎。觀乎此可以知春秋一書。後世所以尊之爲經也。

春秋始魯隱公元年卽周平王四十九年終魯公十四年卽周敬王三十九年計十二君二百

哀十二年又以西狩獲麟
四春秋絕筆故又稱麟經

魯隱公

公名息姑。惠公之子。姬姓侯爵。自周公之子伯禽始受封。傳世一十三而至隱公。攝主國事。在位十一年。謚法不尸其位曰隱。

惠公元妃孟子卒。繼室以聲子生隱公。宋武公生仲子。仲子生。有文在其手。曰爲魯夫人。故仲子歸於魯。生桓公。而惠公薨。諸大夫擁立隱公。攝行君事。春秋於隱公元年不書卽位。蓋以隱公志在讓桓。不行卽位之禮也。然公薨不書地。不書葬。則隱公之被弑。無可諱也。屬辭比事。春秋之教。讀者當思過半矣。

桓公

公名軌。史記名允。惠公之子。隱公之弟。母仲子。夫人文姜。弑隱自立。在位十八年。謚法辟土服遠曰桓。

桓公弑隱公而自立。其禍機之伏。始於惠公以仲子爲夫人。故

隱之與桓。始有嫡庶之分。夫古者諸侯不再娶。于禮無二嫡。惠公之妃既卒。則聲子與仲子同。隱與桓皆庶出矣。公羊傳謂桓幼而貴。隱長而卑。實徇惠公失禮而爲之辭。非春秋之義也。孔子於桓之弑隱。深惡痛絕。故於桓之爲桓。仍舊史以著實。而其罪自定。且以見亂賊之得志。天王之失誅也。迨其後公薨於齊。又爲夫人姜氏所弑。悲夫。

莊公

公名同。桓公之子。母文姜。夫人哀姜。年十四歲即位。在位三十二年。諡法勝敵克亂曰莊。

莊公元年不書即位。穀梁傳以爲先君不以其道終。故子不忍即位。然所謂不忍者。必失志復仇。死生以之。乃文姜如齊。旣招敝笥之恥。哀姜入魯。更有事仇之嫌。蓋公享國三十餘載。事事越禮。及其末年。政由慶父。竟致戕賊世子。幾危社稷。此春秋於公無恕辭也。

閔公

公名啓芳。史記名開。莊公之子。九歲卽位。在位二年。諡法在國遭難曰閔。

閔公以幼冲繼立。春秋於元年不書卽位。蓋以莊公薨。子般卒。夫人與慶父利其幼而立之。內不承國於先君。外不請命於天子。是私立也。春秋之義。以人倫爲重。故不書。所以示貶也。公立二年薨。不書地。而慶父奔莒。夫人姜氏孫讀曰遜於邾。則弑閔之賊可知矣。

僖公

公名申。莊公之子。閔公庶兄。母成風。夫人聲姜。在位三十三年。諡法小心畏忌曰僖。

公元年不書卽位。內無所承。上不請命也。然公之生平。乃心王室。故首止之盟而世子定。葵丘之會而王室安。齊桓之業。在於尊周。而公與焉。亦魯之賢君也。

文公

公名興。僖公之子。母聲姜。在位十八年。謚法慈惠愛民曰文。忠信接禮曰文。

僖公未葬而公卽位。王使毛伯來錫命。穀梁氏曰。禮有受命無來錫命。譏非禮也。况朝晉會齊。世不絕書。貴卿比年往聘。過乎事天子之禮。而京師之朝。終公之世無聞焉。蓋公知有伯主。而不知有王室也。

宣公

公名倭。一名接。又作委。文公之子。母敬嬴。在位十八年。謚法善問周達曰宣。

公元年書卽位。非善之也。蓋公子遂殺惠伯而弑子赤。立宣公。是公爲弑君者所立。受之而不討賊。書卽位。所以著其罪。美惡不嫌於同詞。春秋之例也。桓宣之篡雖同。而情稍異。桓首惡也。宣則與聞其事而已。况宣公之立。內倚仲遂。外結齊。

援。蔑理亂義。以圖大位。春秋書公子遂如齊逆女。所以譏喪娶也。書齊人取濟西之田。所以譏賂齊也。屢書公如齊。所以譏獻媚也。大書齊高固來逆子叔姬。所以譏魯嫁女於大夫也。書初稅畝。所以譏重斂也。當是之時。倫常廢墜。君臣道絕。陳則夏徵舒弑靈公矣。王札子殺召伯毛伯矣。晉趙盾。弑靈公矣。鄭公子歸生弑靈公矣。王綱不振。而諸侯放恣。此春秋所以口誅筆代也。

成公

公名黑肱。宣公之子。在位十八年。諡法安民立政曰成。成公之世。內有三桓之專。外有晉楚之強。春秋書晉來乞師。凡四見。則公之周旋兩大。疲於奔命可知矣。雖丘甲之作。戰於鞍而勝齊。然自是晉賞鞍之功作六軍。而六卿專晉之兆見矣。魯任四卿以帥師。而季孫專魯之勢成矣。衛任孫良夫以會師。而林父逐君立君之亂啓矣。大夫專政。每況愈下。又何王室

之有哉。

襄公

公名午。成公之子。母定姒。年四歲卽位。在位三十一年。謚法因事有功曰襄。辟土有德曰襄。

襄公幼冲卽位。政由大夫。三軍作而三家之勢強。公室無兵矣。會於戚而大夫之權重。政出私門矣。襄公之世。凡五如晉。魯臣之聘於晉者。凡十。蓋魯始親齊。自鞍之戰。乃背齊事晉。猶可說也。公之末年。乃竟往朝僭王之楚。流連忘返。進退失據。內有權臣之憂。外受強齊之逼。春秋書公薨於楚宮。蓋譏之也。

昭公

公名稠。襄公之子。母齊歸。夫人孟子。在位二十五年。孫於齊在外八年。凡三十三年薨於乾侯。謚法威儀恭明曰昭。按襄公諸子。有長而應立者。季氏利昭之幼。越次立之。已置

君如奕棋矣。公承積弱之餘。不能奮發有爲。凡五如晉。而四不得入。兩朝晉而一見止。昭以周公之胄。千乘之君。內則受制於季孫。外則見辱於晉侯。卒至爲季所逐。薨於乾侯。嗣子亦爲權臣所擯。不得有國。良可悲矣。而是時景王既崩。王室大亂。晉侯削弱。方伯無權。又誰問魯難哉。

定公

公名宋。襄公之子。昭公之弟。在位十五年。諡法安民大慮曰定。

昭公失國。薨於乾侯。季氏又廢太子衍及務人而立公子宋。是爲定公。公昭之弟也。季孫意如媚晉。以逐昭公。定公之世。陪臣陽虎。更媚晉以制三桓。是以定公六年書季孫斯仲孫何忌如晉。所以著陽虎專權之始也。八年書盜竊寶玉大弓。所以著陪臣竊國之實也。當是時也。三家方苦陪臣之專。尾大不掉。乃舉孔子爲魯相。已而政聲四達。齊歸侵地。墮三都而賊臣失

所憑。會夾谷而齊侯知其過。內憂外患。日漸消弭。魯非不可爲也。惜乎齊歸女樂。而孔子行。圍成不克而君威失。君荒臣橫。故態復作。終公之事。興復無望矣。

哀公

公名蔣。定公之子。母定嬀。四歲卽位。在位二十七年。於十四年春。西狩獲麟。春秋終。諡法恭仁短折曰哀。

哀公之世。孔子旣去魯。三家復張。十有一年。冉有爲季氏將。康子以幣迎孔子。孔子歸魯。年六十八矣。然魯終不能用孔子。孔子亦不求仕。乃叙詩傳禮刪詩正樂序易。弟子蓋三千焉。十有四年春。西狩獲麟。孔子曰。吾道窮矣。春秋終於此。蓋有天道存焉。

經史子集要略 經部 春秋

左傳

左丘明魯之太史。相傳爲左史倚相之後。

春秋之世無有黃狐倚相皆史官之卓著者

述孔子之志而作傳曰左氏春秋。世又稱左傳。蓋周德既衰官失其守史不盡職。記載多誤。孔子憂之。乃因魯史之舊作春秋。

訂其眞僞。而志其典禮。一字之褒榮於華袞。一語之貶。嚴於斧鉞。上以遵周公之制。下以明將來之法。左丘明受經於仲尼。

身非私淑。號爲素臣。

世稱孔子爲素王

身爲國史。躬覽載籍。乃依

經作傳。以示後世。左傳之作。其文緩。其旨遠。婉而成章。懲惡而勸善。其釋經也。或先經以始事。或後經以終義。或依經以辯理。或錯經以合義。隨例而發。原始要終。使後之學者。義例分明。條理貫澈。輔翼聖經。厥功偉矣。

節錄左傳提要

周十二王

春秋歷十四王。悼王立未逾年。敬王崩在春秋後。故止稱十二王。

平王 桓王 莊王 僖王 惠王 襄王 頃王 匡王 定王
簡王 靈王 景王 敬王

列國見於年表者十九

魯 蔡 曹 衛 滕 晉 鄭 齊 秦 楚 宋 杞 陳 吳
邾 莒 薛 許 小邾

魯十二公

隱公 桓公 莊公 閔公 僖公 文公 宣公 成公 襄公
昭公 定公 哀公

五伯

齊桓公 宋襄公 晉文公 秦穆公 楚莊王

魯三桓 又稱三家

仲孫氏。又稱孟孫僖公十五年。公孫敖救徐。是爲孟孫之始。

叔孫氏。僖公四年公孫茲侵陳。是爲叔孫之始。

季孫氏。僖公元年公子友敗莒於鄆。是役公賜季友汶陽之田及費邑。是爲季孫之始。三家皆系出桓公。故又稱三桓。

晉八卿

智罃 士匄 荀偃 韓起 欒黶 士魴 魏絳 趙武

晉六卿

趙氏 范氏 智氏 荀氏 魏氏 韓氏

晉三卿

魏斯 韓虔 趙籍

按其後三家分晉。是爲戰國韓趙魏三國之始。

制楚得失凡七

召陵以義勝。城濮以威勝。鄢陵以幸勝。蕭魚以善勝。

于泓以不度德不量力而敗。于泌以將不用命而敗。召陵以求貨弗得而還。

齊桓衣裳之會凡十有一

北杏 兩鄆 兩幽 于櫟 于貫 陽穀 首止 甯母 葵丘

齊桓兵車之會凡四

于洮 于鹹 牡丘 于淮

晉襄退三強

敗秦于殽 敗狄于箕 伐許許貳于楚伐許所以離楚也

晉悼五會

雞澤 于戚 救陳 于鄆 邢丘

晉悼三駕此傳所謂三駕而楚莫與爭也

襄十年伐鄭 十一年伐鄭 同年伐鄭

晉平七合諸侯

溴梁 祝柯 澶淵 商任 沙隨 兩夷儀

晉平五合諸侯

澶淵 于宋 城杞 澶淵 于虢

孔子相魯

定公十年。會于夾谷。齊人來歸鄆、讎、陰之田。

十二年。叔孫墮郕。季孫仲孫墮費。

十四年。天王使石尙來歸脤。周魯之交止此

子路用魯

定公十二年墮郕 墮費

子貢用魯

定公十五年邾子來朝

哀公七年公會吳于郕

十二年公會吳于橐皋

公會衛宋于鄭

冉求用魯

哀公十一年齊國書伐我

春秋五始

元者氣之始。春者四時之始。王者受命之始。正月者政教之始。卽位者一國之始。故於每一魯君元年。必書春王正月也。

屬辭比事

禮記。屬辭比事。春秋教也。

西狩獲麟

哀公十四年春。西狩於大野。叔孫氏之車子鉏商獲麟。以爲不祥。孔子觀之。曰麟也。春秋絕筆於此。但左氏傳直盡哀公末年。與經不合。

公羊傳

公羊複姓。魯公孫羊孺之後。系出姬姓。魯人有公羊高。子夏期弟子。作春秋傳。即世所謂公羊傳也。

公羊氏依經作傳。析理最明。剖辯精密。其書多作問答體。以反覆尋繹。發其真理。漢儒董仲舒詳審講明。胡毋生著爲條例。河休復依胡生條例。精研審訂。闡明旨趣。使後之學者知所歸焉。

穀梁傳

秦火之後左傳先出公穀次之其列於學官則公穀在先而左氏最後唐以後治公穀學者漸少至今多重左氏云

穀梁複姓。魯有穀梁氏。穀梁赤。亦魯人子夏弟子。作春秋傳。即世所謂穀梁傳也。自漢以來。釋穀梁者近十家。率皆膚淺不足彰微學。至晉范甯氏。乃商略名例。敷陳疑滯。穀梁之學。漸爲世重。其書亦多問答體。清而婉。述古多徵。頗有精義。後之學者。詎可以膚淺誣之哉。

春秋三傳概要

左傳世稱春秋內傳國語稱外傳皆出左邱明左氏重記載公穀重訓詁此其不同也

春秋者。魯史記之名也。孔子自衛返魯。因魯史之舊。而脩春秋。彰善殛惡。隱寓褒貶。其義正。其辭微。信不易之宏規。百世之信史也。左丘明受經於孔子。公羊穀梁親炙於子夏。依經作傳。各有精義。雖左氏以鬻拳兵練爲愛君。以文公納幣爲用禮。穀梁以衛輒拒父爲尊祖。以不納子糾爲內惡。公羊以祭仲廢君爲行權。以妾母稱夫人爲合正。持論偏詖。違背經旨。不能不爲三傳之缺點。然左氏親炙孔門。見聞較切。其作傳也。實足以發經義之蘊奧。治公穀之學者。雖有異同是非之爭。其精微淵博。亦未可厚也。世之論者。以爲左氏豔而富。其失也誣。穀梁清而婉。其失也短。公羊辯而裁。其失也俗。甚有謂左氏浮誇。公羊強辯。穀梁膚淺者。師承各異。解說紛歧。是蓋兩漢經師遞相口授。派別不同。莫衷一是之過也。



著者肖像

孝經

孝經共十八篇。乃孔子與曾子傳孝道之書。孔子云。吾志在春秋。而行在孝經。此可見孝者德之本也。蓋孝本於天性。其源只在於方寸。其效可達於天下。聖人教人以孝。不過順其自然固有之天良。而加以教導。如水之源。如木之萌。不假人力。亦自暢達。其天性中已然賦有此種美德。自有人類以來。迹象演進。亘古不滅。孔子探其本源。窮其功用。著爲孝經。以垂後世。凡修身齊家治國平天下。其大本皆在於此。孩提之童。無不知愛其親。此明證也。夫孝之爲德。至微至堅。摧殘之不加損。粉飾之不加多。縱人慾橫流。邪說賁興。狡黠者流。思欲以種種方法。破壞此人類固有之天良。然此天然之親愛真誠。固油然而隱伏於一般人之心理。遇機而發。隨處皆是。界限不分乎種族。人類不分乎文野。譬之生理。視聽不能易其位。譬之四時。寒暑不能移其序也。世有疑吾言者乎。試思販夫走卒。

賣漿屠狗之流。其能讀孝經者。曾有幾人。何以四千年來。世風遞變。而此種美德。不以古今而異耶。

孝經亦有今文古文之別。唐太宗自作注解。頒行之。即今

文之孝經也。

開宗明義章第一

本章總括孝之終始。以孝爲德之本。教之所由生也。

天子章第二

本章言天子之孝。言愛敬盡於事親。而德教加於百姓。形於四海也。

諸侯章第三

本章言諸侯之孝。言能保其社稷。和其人民。而得常主祭祀也。

卿大夫章第四

本章言卿大夫之孝。言行皆遵先王之道。而能守其宗廟也。

士章第五

本章言士之孝。言以孝事君則忠。以敬事長則順。而能保其祿位。以守其祭祀也。

庶人章第六

本章言庶人之孝。言謹身節用。以養其父母也。

三才章第七

本章言孝之大。故曰孝天之經也。地之義也。民之行也。

孝治章第八

本章言以孝治天下治國治家之道也。

聖治章第九

本章言人之行莫大於孝。孝莫大於嚴父。故聖人因嚴以教敬。

因親以教愛也

紀孝行章第十

本章列舉孝行。故曰孝子之事親也。居則致其敬。養則致其樂。病則致其憂。喪則致其哀。祭則致其嚴。五者備然後能事親。

。蓋言孝之全體也。

五刑章第十一

本章言罪之大者。莫過於不孝。故曰非孝者無親。此大亂之道也。

廣要道章第十二

本章孝悌並論。而以敬爲主也。

廣至德章第十三

本章言君子之教孝。非家至而日見之也。言其有至德。而民順之也。

廣揚名章第十四

本章言君子之行成於內。而名立於後世也。

諫諍章第十五

本章言父有諍子。則身不陷於不義。故當不義從父之命。不得爲孝也。

感應章第十六

本章言孝悌之至。通於神明。光於四海。無所不通也。

事君章第十七

本章言君子之事上。進思盡忠。退思補過。將順其美。匡救其惡。故上下能相親也。

喪親章第十八

本章言孝子之事親。生事愛敬。死事哀感也。

經史子集要略

經部

孝經

一三四

大學

大學者大人之學也
古者十五而入大學

程子曰。大學孔氏之遺書。而初學入德之門也。於今可見古人爲學次第者。獨賴此篇之存。而論孟次之。學者必由是而學焉。則庶乎其不差矣。

朱子曰。大學之書。古之大學。所以教人之法也。蓋自天降生民。則既莫不與之以仁義禮智之性矣。然其氣質之秉。或不能齊。是以不能皆有以知其性之所有。而全之也。一有聰明睿智。能盡其性者。出於其間。則天必命之以爲億兆之君師。使之治而教之。以復其性。此伏羲神農黃帝堯舜所以繼天立極。而司徒之職。典樂之官。所由設也。人生八歲入小學。而教之以灑掃應對進退之節。禮樂射御書數之文。及其十有五年。則入大學。而教之以窮理正心脩己治人之道。此又學校之教。大小之節。所以分也。及周之衰。賢聖之君不作。學校之政不脩。教化陵夷。風俗頹敗。時則有若孔子之聖。而不得君師之位。

以行其政教。於是獨取先王之法。誦而傳之。以詔後世。若曲禮少儀內則弟子職諸篇。固小學之支流餘裔。而此篇者。則因小學之成功。以著大學之明法。外有以極其規模之大。而內有以盡其節目之詳者也。三千之徒。蓋莫不聞其說。而曾氏之傳。獨得其宗。於是作爲傳義以發其意。及孟子沒而其傳泯焉。則其書雖存。而知者鮮矣。河南程氏兩夫子出。而有以接乎孟氏之傳。實始尊信此篇。而表章之。既又爲之次其簡編。發其歸趣。然後古者大學教人之法。聖經賢傳之旨。粲然復明於世矣。

右節錄朱子大學章句原序。大學一書。乃曾子述孔子之言。作聖經一章。復作傳義十章。以釋經旨。言其綱領。不外乎明德新民止於至善。而其條目。則格物致知誠意正心脩身齊家治國平天下也。學者誠能於大學之道。循序漸進。心體力行。探本求源。由近及遠。不惑於寂無虛滅。不陷於敗壞支

離。不侈談新奇。而遠於實用。不競尙權術。而徼倖一時。則治教休明。豈無術哉。

經史子集要略 經部 大學

中庸

中者不偏不倚無過不及之謂庸平常也

程子曰。不偏之謂中。不易之謂庸。中者天下之正道。庸者天下之定理。此篇乃孔門傳授心法。子思恐其久而差也。故筆之於書。以授孟子。其書始言一理。中散爲萬事。末復合爲一理。放之則彌六合。卷之則退藏於密。其味無窮。皆實學也。善讀者玩索而有得焉。則終身用之。有不能盡之者矣。

朱子曰中庸何爲而作也。子思子憂道學之失傳而作也。蓋自上古聖神繼天立極。而道統之傳。有自來矣。其見於經。則允執厥中者。堯之所以授舜也。人心惟危。道心惟微。惟精惟一。允執厥中者。舜之所以授禹也。堯之一言。至矣盡矣。而舜復益之以三言者。則所以明夫堯之一言。必如是而後可庶幾也。蓋嘗論之。心之虛靈知覺。一而已矣。而以爲有人心道心之異者。則以其或生於形氣之私。或原於性命之正。而所以爲知覺者不同。是以或危殆而不安。或微妙而難見耳。然人莫不有是

形。故雖上智不能無人心。亦莫不有是性。故雖下愚不能無道心二者雜於方寸之間。而不知所以治之。則危者愈危。微者愈微。而天理之公。卒無以勝夫人欲之私矣。精則察夫二者之間。而不雜也。一則守其本心之正。而不離也。從事於斯。無稍間斷。必使道心常爲一身之主。而人心每聽命焉。則危者安。微者著。而動靜云爲。自無過不及之差矣。夫堯舜禹天下之大聖也。以天下相傳。天下之大事也。以天下之大聖。行天下之大事。而其授受之際丁寧告戒。不過如此。則天下之理。豈有加於此哉。自是以來。聖聖相承。若成湯文武之爲君。皋陶伊傅周召之爲臣。旣皆以此而接夫道統之傳。若吾夫子則雖不得其位。而所以繼往聖開來學。其功反有賢於堯舜者。然當是時見而知之者。惟顏氏曾氏之傳得其宗。及曾氏之再傳。而復得夫子之孫子思。則去聖遠而異端起矣。子思懼夫愈久而愈失其真也。於是推本堯舜以來相傳之意。質以平日所聞父師之言。

更互演繹。作爲此書。以詔後之學者。蓋其憂之也深。故其言之也切。其慮之也遠。故其說之也詳。其曰天命率性。則道心之謂也。其曰擇善固執。則精一之謂也。其曰君子時中。則執中之謂也。世之相後。千有餘年。而其言之不異。如今符節。歷選前聖之書。所以提携綱維。開示蘊奧。未有若是其明且盡者也。

右節錄朱子中庸章句序。以見此書實爲吾人持身立命之大本。使人反求諸己。其道自得。進之可至於聖賢。失之則近於禽獸。蓋中庸之道。卽平常之理。天命之所當然。不假外求。不能附會。學者誠能熟讀詳繹。存養省察。充其本然之善。則天理常存。一切人欲之賊。外誘之私。又何由生哉。

經史子集要略

經部

中庸

一四二

論語

論語與孟子北宋以前之名均列於十三經內南宋以後始合大學中庸論語孟子稱四書若以論語孟子統於四書之內則不足十三經之數矣故分錄之

史記世家曰。孔子名丘。字仲尼。其先宋人。父叔梁紇。母顏氏。以魯襄公二十二年庚戌之歲。十一月庚子生孔子於魯昌平鄉陬邑。爲兒嬉戲。常陳俎豆。設禮容。及長。爲委吏。料量平。爲司職吏。畜蕃息。適周問禮於老子。旣反而弟子益進。昭公二十五年甲申。孔子年三十五。昭公奔齊魯亂。於是適齊。爲高昭子家臣。以通乎景公。公欲封於尼谿之田。晏嬰不可。公惑。孔子遂行。反乎魯。定公元年壬辰。孔子年四十三。而季氏強僭。其臣陽虎作亂專政。故孔子不仕。而退脩詩書禮樂。弟子彌衆。九年庚子。孔子年五十一。公山不狃以費畔。季氏召。孔子欲往。而卒不行。定公以孔子爲中都宰。一年。四方則之。遂爲司空。又爲大司寇。十年辛丑。相定公會齊侯於夾谷。齊人歸魯侵地。十二年癸卯。使仲由爲季氏宰。墮三都。收其甲兵。孟氏不肯墮成。圍之不克。十四年乙巳。孔子

年五十六。攝行相事。誅少正卯。與聞國政。三月魯國大治。齊人歸女樂以沮之。季桓子受之。郊又不致餼俎於大夫。孔子行。適衛。主於子路妻兄顔濁鄒家。適陳過匡。匡人以爲陽虎而困之。旣解。還衛。主遽伯玉家。見南子。去適宋。司馬桓魋欲殺之。又去適陳。主司城貞子家。居三歲而反于衛。靈公不能用。晉趙氏家臣佛肸以中牟畔。召孔子欲往。亦不果。將西見趙簡子。至河而反。又主遽伯玉家。靈公問陳。不對而行。復如陳。季桓子卒。遺言謂康子必召孔子。其臣止之。康子乃召冉求。孔子如蔡。及葉。楚昭王將以書社地封孔子。令尹子西不可。乃止。又反乎衛。時靈公已卒。衛君輒欲得孔子爲政。冉求爲季氏將。與齊戰有功。康子乃召孔子。孔子歸魯。時哀公十一年丁巳。孔子年六十八矣。然魯終不能用孔子。孔子亦不求仕。乃叙書傳禮記刪詩正樂序易彖繫象說卦文言弟子蓋三千焉。身通六藝者七十二人。十四年庚申。魯西狩獲麟。

孔子作春秋絕筆於此。明年辛酉。子路死於衛。十六年壬戌。四月己丑。孔子卒。年七十三。葬魯城北泗上。弟子皆服心喪三年而去。惟子貢廬於冢上。凡六年。孔子生鯉。字伯魚。先卒。伯魚生伋。字子思。作中庸。

何氏曰。魯論語二十篇。齊論語。別有問王知道凡二十二篇。其二十篇中。章句頗多於魯論。古論語出孔氏壁中。分堯曰下章子張問爲一篇。有兩子張篇凡二十一篇。篇次不與齊魯論同。漢時有三種論語古論出孔壁齊論乃齊人所傳魯論乃魯人所傳即今論語二十篇也程子曰。論語之書。成於有子曾子之門人。故其書獨二子以子稱。

論語篇目

學而第一

此爲書之首篇故所記多務本之意乃入道之門積德之基學者之先務也凡十六章

爲政第二

凡二十四章

八佾第三

凡二十六章通前篇末二章皆論禮樂之事

里仁第四

凡二十章

公冶長第五

此篇皆論古今人物賢否得失蓋格物窮理之一端也凡二十七章

雍也第六

凡十八章篇內第十四章以前大意與前篇同

述而第七

此篇多記聖人謙己誨人之辭及其容貌行事之實凡三十七章

泰伯第八

凡二十章

子罕第九

凡三十章

鄉黨第十

凡一章分爲十七節此篇多記聖人之容色言動蓋盛德之至動容周旋之中乎禮非拘拘而爲之也

先進第十一

此篇多評弟子賢否凡二十五章胡氏疑爲閔子門人所記

顏淵第十二

凡二十四章

子路第十三

凡三十章

憲問第十四

凡四十七章胡氏疑爲原憲所記

衛靈公第十五

凡四十一章

季氏第十六

凡十四章

陽貨第十七

凡二十六章按陽貨即楊虎

微子第十八

此篇多記聖賢之出處凡十一章

子張第十九

此篇皆記弟子之言而子夏爲多子貢次之蓋孔門自顏子以下穎悟莫若子貢自曾子以下篤實莫若子夏故特記之詳焉凡二十五章

堯曰第二十

凡三章

經史子集要略 經部 論語

孟子

史記列傳曰。孟軻字子輿人也。鄒亦作鄒受業子思之門人。道旣通。游

事齊宣王。宣王不能用。適梁梁惠王不果所言。則見以爲迂遠而闕於事情。當是之時。秦用商鞅。楚魏用吳起。齊用孫子田忌。天下方務於合從連橫。以攻伐爲賢。而孟軻乃述唐虞三代之德。是以所如者不合。退而與弟子公孫丑萬章之徒序詩書述仲尼之意。作孟子七篇。

程子曰。孟子有大功於世。以其言性善也。

孟子不與諸子書同獨列於經者以此

楊氏曰。孟子一書。只是要正人心。教人存心養性。收其放心。至論仁義禮智。則以惻隱羞惡辭讓是非之心爲之端。論邪說之害。則曰生於其心害於其政。論事君則曰格君心之非。一正君而國定。千變萬化。只說從心上來。人能正心。則事無足爲者矣。大學之脩身齊家治國平天下。其本只是正心誠意而已。

心得其正。然後知性之善。故孟子遇人便道性善。

秦漢之時孟子與荀子並稱荀

子言性惡故唐以後獨推尊孟子以言性善實有功於聖道也

孟子篇目

梁惠王上凡七章

梁惠王下凡十章

公孫丑上凡九章

公孫丑下凡十四章自第二章以下

記孟子出處行實爲詳

滕文公上凡五章

滕文公下凡十章

離婁上凡二十章

離婁下凡三十章

萬章上凡九章

萬章下凡九章

告子上凡二十章

告子下凡十六章

盡心上凡四十六章

盡心下凡三十八章

余家訓教子弟。向以經學爲主。史學爲輔。自學校之制興。

兒童達入學年齡。均入校讀書。然家塾中於補習各種科學外

。四書大學中庸論語孟子自南宋以後稱爲四書則爲必讀之書。計自八歲至十四歲。

每日必讀是書。反復詳解。使之熟讀默識。一字一句。不容

遺忘。十五歲後。則於學校假期擇四書中最切於身心。而爲人生所必需之章節切實解說。旁引曲證。務使了解透澈心體力行。及長游學所至。亦必以此書自隨。蓋以此書爲立德之基礎。終身之圭臬也。本編於其他經書。均略述概要以便初學。獨於四書。則只錄篇目。不加說明。並非有意疎略。誠以人之所以爲人之道。胥在是書。學者不可淺嘗輒止。必取原書。熟讀而詳繹之。一字一句。不可輕易放過。則聖賢道統。萬古常新。裨益於世道人心者。豈淺鮮哉。

經史子集要略

經部

孟子

爾雅

爾雅一書凡十九篇。爾者近也。雅者正也。言可就正也。作於中古盛於漢代爲小學訓詁之總匯。解釋六經之秘鑰。辨識古文之途徑。雖作者姓氏。不得而知。然經歷代大儒之注釋。淹博詳明。燦然大備。故晉郭璞云爾雅者。所以通詁訓之指歸。叙詩人之興詠。總絕代之離詞。辯同實而殊號。誠九流九流卽十子去小說家之津涉。六藝禮樂射御書數向稱六藝又稱六經爲六藝故有二說之鈐鍵。學覽者之譚奧。摘翰者之華苑也。可見古人講小學。東漢許慎撰說文解字一書詳言六書之字學者之必以爾雅爲始基。是以循序漸進。融會貫通。始可以云讀書也。經典釋文云釋詁一篇蓋周公所作釋言以下或仲尼所增子夏所足叔孫通所補張揖論之詳矣或謂孔子門人所作皆無可考

釋詁第一

說文云。詁故言也。張揖雜字云。詁者古今之異語也。

釋言第二

詩傳云。直言曰言。書傳云。言辭章也。東方朔云。誦詩九萬言。謂一字爲一言也。此釋言篇者。釋古今之訓義。

釋訓第三

張揖雜字云。訓者謂字有意義也。

釋詁以下三篇。皆釋古今之語。方俗之言。意義不同。故立號亦異。至於訓釋墳典。其實一焉。

釋親第四

說文云。親至也。蒼頡篇云。親愛也。近也。尙書云。以親九族。親者通謂五服九族之親也。

釋宮第五

世本云。禹作宮室。傳曰。室猶宮也。此文云宮謂之室。室謂之宮。郭云。皆所以通古今之語。名同實而兩名。古者貧賤同稱宮。秦漢以來。唯王者所居稱宮焉。

釋器第六

說文云。器皿也。飲食之器。從犬從鼎。聲也。鼎莊立反。衆口也。

釋樂第七

說文云。總五聲宮商角徵羽八音金石絲竹匏土革木謂之五聲謂之八音之名。象鼓鞀之形。木其虞也。周禮有大司樂。職掌六代之樂。

釋天第八

說文云。天嶺也。至高無上。從一大。

本篇分四時。祥。災。歲陽。歲名。月陽。月名。風雨。星名。祭名。講武。旌旗等節目。凡關於天時者皆載焉。

釋地第九

釋名云。地底也。其體在底下。載萬物也。

本篇分九州。十藪說文云大澤也。八陵大阜曰陵。九府藏也。五方。野。四極

等節目。

釋丘五第十

廣雅云。小陵曰丘。

本篇分丘。厓岸。二節

釋山第十一

廣雅云。土高有石曰山。山產也。能產萬物也。

釋水第十二

白虎通云。水準也。言水之平均。而可準法也。

釋草第十三

草亦作艸。說文云。百卉也。從二艸。象木初生。

釋木第十四

說文云。木冒也。冒地而生也。白虎通云。木之言踊也。陽氣踊躍。

釋蟲第十五

說文云。虫一名蝮。象其形。物之微細。或行或飛。或毛或鱗。或介或鱗。以蟲爲象。

蟲三虫也。今人以虫爲蟲。相承假借用耳。

釋魚第十六

說文云。魚水虫也。

釋鳥第十七

說文云。短尾羽衆禽總名也

釋獸第十八

說文云。獸守備也。一曰兩足曰禽。四足曰獸。

本篇分寓屬。鼠屬。鼯屬。獼屬。須屬。等節目。

釋畜第十九

畜本又作𧔉。說文云。獸𧔉也。經典並作畜字。

釋獸釋畜二篇。俱釋獸而異其名者。畜是畜養之名。獸是毛虫總號。故釋畜唯論馬牛羊雞犬。釋獸通說百獸之名。本篇分馬屬。牛屬。羊屬。狗屬。雞屬。六畜。等節目。

附錄十三經注疏書目

周易正義十卷

魏王弼晉韓康伯
注唐孔穎達正義

尙書正義二十卷

唐孔穎達正義

毛詩正義七十卷

漢毛亨傳鄭玄箋

周禮注疏四十二卷

漢鄭玄注

儀禮注疏五十卷

漢鄭玄注

禮記正義六十三卷

漢鄭玄注

春秋左傳正義六十卷

唐孔穎達正義

春秋公羊傳注疏二十八卷

漢何休解詁

春秋穀梁傳注疏二十卷

晉范甯集解

孝經注疏九卷

唐玄宗御注

論語注疏二十卷

魏何晏等集解

孟子注疏十四卷

漢趙岐注

爾雅注疏十卷

晉郭璞注

以上十三經正義正注

史部

史部約分十五類首曰正史大綱也次曰編年曰紀事本末曰別史曰雜史曰詔令奏議曰傳記曰史鈔曰載記皆參考記者也曰時令曰地理曰職官曰政書曰目錄皆參考諸志者也曰史評參考論贊者也舊有譜牒一門自唐以後譜學已絕玉牒既不頒於外家乘亦不上於官故譜牒一類後無存焉茲編僅叙正史以明綱領餘則略說而已

史官之設。始於黃帝。

倉頡爲左史沮誦爲右史始造文字

唐虞之世。左史記言。右

史記事。由來久矣。尙書即左史之言。春秋即右史之事。聖人

垂法萬世。尙書春秋。實爲後來史家之權輿。

古者經與史本無分別

其後史

分三體。曰正史。

歷代脩訂之國史二十四史屬之紀傳體也

曰編年史。

以年月紀事司馬光資治通鑑及朱子通鑑綱

目等屬之

曰紀事本末。

每記一事爲一篇自始至終次第詳叙清高士奇左傳紀事本末宋袁樞通鑑紀事本末明陳邦瞻宋史紀事本末元史

紀事本末清谷應泰明史紀事本末清楊陸榮三藩紀事本末魏淵聖武記馬驍釋史等屬之

紀傳之體。始於司馬遷之史記

。編年之體。始於左丘明之春秋左傳。是爲歷史二大類別。而

紀事本末一體。則始於宋之袁樞。亦史家之正規也。

漢司馬遷作史記。創本紀年表八書世家列傳等例。實爲歷代史法之祖。班固前漢書。詳整有慶度范曄後漢書。詞章溫潤。雖

大璞微散。猶燦然可觀。陳壽三國志。雖遜前賢。世猶稱爲良史。此卽所謂前四史也。治史學必從前四史入手然漢書繁於史記。唐書倍於漢。宋又倍於唐。自宋以後。脩史者率多記錄當時之名迹。與夫一代文物。卷帙紛繁。浩如烟海。一部二十四史。遂蔚爲大觀矣。

正史

史記

漢司馬遷。字子長。龍門人。父談爲太史官。嘗謂遷曰。漢興海內一統。明主聖君。忠臣義士。予爲太史。而不論載。廢天下之文。予甚懼焉。爾其念哉。談卒三年。而遷爲太史令。續父談書。創爲義例。撰史記。起黃帝。迄漢武帝。爲十二本紀。以序帝王。十年表以繫時事。八書以詳制度。三十世家以叙侯國。七十列傳以志人物。此例一定。歷代作史者。遂不能出其範圍。誠史家之極則也。遷草就以遭李陵禍死後遺失。景武紀禮樂律書。三王世家。漢興以來將相年表。日者龜策傳。靳

刪列傳等。十篇。至元成間褚少孫補之又益以武帝後事。凡一百三十卷。然其書之宣布於世。實在宣帝時也。褚補不止十篇此舉其全篇補入者而言

褚爲沛人受詩於王式

本紀

古有禹本紀。尙書世紀等書。遷用其體。以敘述帝王。惟項羽作紀。頗失當。故漢書改爲列傳。三國志亦但有魏紀。而吳蜀二主。皆不立紀。以魏爲正統故也。後漢書又立皇后紀。蓋仿史漢呂后紀之例。不知史遷以政由后出。故高帝紀後卽立后紀。至班固則立孝惠紀。孝惠崩。始立后紀。其體例已截然。以少帝旣廢。所立者非劉氏子。故不得以僞主紀年。而歸之於后也。若東漢則各有帝紀。卽女后臨朝。而用人行政。已皆編在帝紀內。何必又立后紀。新唐書武后已改唐爲周。故朝政則編入后紀。宮闈鎖屑事乃立后傳。較有斟酌。宋史度宗本紀後。附瀛國公及二王。不曰帝而曰瀛國公曰二王。固以正其不成爲

君。而猶附於紀後。則以其正統緒餘。已登極建號。不得而沒其實也。至南唐書及十國春秋。凡僭號者。亦皆作紀。則太濫矣。金史於太祖本紀之前。先立世紀。以叙其先世。此又仿尙書世紀之名。最爲典切。

世家

史記衛世家贊。余讀世家言云云。是古來本有世家一體。選用之以紀王侯諸國。漢書乃盡改爲列傳。傳者傳一人之生平也。王侯開國。子孫世襲。故稱世家。今改作傳。而其子孫嗣爵者。又不能不附其後。究非體矣。然自漢書定例後。歷代因之。晉書於僭僞諸國。數代相傳者。不曰世家。而曰載記。蓋以劉石苻姚諸君。有稱大號者。不得以侯國例之也。歐陽脩五代史。則於吳南唐前蜀後蜀南漢北漢楚吳越閩南平皆稱世家。宋史因之。亦作十國世家。遼史於高麗西夏則又變其名曰外記。

表

史記作十表。仿於周之譜牒。與記傳相爲出入。凡列侯將相三公九卿功名表著者。旣爲列傳。此外大臣無功無過者。傳之不足勝傳。而又不容盡沒。則於表載之。作史體裁。莫大於是。故漢書因之。又增百官公卿表。最爲明晰。惟另有古今人表。殊失定評。則贅設矣。後漢三國宋齊梁陳魏齊周隋及南北史皆無表。新唐書宰相方鎮宗室世系三表。薛五代史無表。歐五代史亦無表。但有十國世家年譜。宋史有宰相宗室二表。遼史立表最多。金史二表。元史六表。明史表十三篇。最爲詳贍。

書志

八書乃史遷所創。以紀朝章國典。漢書因之作十志。又增刑法五行地理藝文四志。後漢書又增禮儀祭祀百官輿服四志。三國無志。晉宋齊書大概與前書同。惟宋書增符瑞志。齊書亦有祥瑞志。梁陳及南史無志。魏書雖改天文爲天象。然皆大意相向。而增官氏釋老二志。齊周及北史皆無志。隋書本亦無志。今

志乃合梁陳齊周隋並撰者。其藝文則改爲經籍。新唐書增儀衛選舉兵制三志。薛五代史類有減無增。歐五代史另立司天職方二考。亦即天文地理之變名也。宋史諸志與前史名目多同。遼史增營衛部族捺鉢兵衛諸志。其國俗然也。金元二史志目與宋史同。惟少藝文耳。明史志目與宋史同。其藝文志內專載明人著述。而前代書流傳者不載。

列傳

古者凡記事立論及解經者。皆謂之傳。非專記一人事蹟也。其專記一人爲一傳者。則自遷始。又於傳之中分公卿將相爲列傳。其儒林循吏酷刺客游俠佞幸滑稽日者龜策貨殖等。又別立名目。以類相從。漢書少刺客滑稽日者龜策四傳。而增西域傳。後漢書又增宦者文苑獨行方術逸民列女等傳。晉書則將逆臣附於卷末。宋書降敵國者亦附卷末。梁書逆臣亦附卷末。陳書及南史亦同。惟侯景等另立賊臣名目。北史增僭僞一欵。舊唐書諸

傳名目與前史同。安祿山亦附卷末。不另立逆臣名目。新唐書增公主藩鎮姦臣三款。又分叛臣逆臣爲二。亦附卷末。五代時事多變局。故傳名多另創。宋史增道學一款。及周三臣傳。遼金元各史。另有國語解。餘與前史同。明史則增俺黨流賊土司等傳。蓋作史者各就一朝所有人物傳之。無其人不妨缺。有其事不妨增。固不必盡拘遷史舊名也。

史記全目

本紀十二

五帝 黃帝 顓頊 帝嚳 帝堯 帝舜 按史記以黃帝顓頊帝嚳堯舜爲五帝綱鑑則以伏羲神農黃帝堯舜爲五帝

夏 自禹王至桀凡十七王四百五十八年

殷 自商湯至紂凡二十八年六百四十四年

周 自武王至東周君凡三十七王八百七十三年

秦 自始皇至子嬰凡二世四十年

秦始皇

名政滅六國廢東周君而有天下自以爲德兼三皇功過五帝故自稱皇帝廢封建置郡縣焚詩書除諡法自稱曰朕治尚嚴刻二世而亡

項羽

名籍字羽世爲楚將封於項故以爲姓羽善戰以三戶亡秦與漢高爭衡以用不范增言後敗死垓下按羽自立爲西楚霸王不應列於世紀故漢書改爲列傳三戶津

名羽渡三戶
破秦軍也

漢高祖

劉邦字季初爲泗上亭長滅秦入關與民約法三章以定天下然誅戮功臣輕士慢罵蓋有權智無學術非純治之主也

呂后

高帝后帝崩后傳政分王諸呂幾危漢室

文帝

治尚黃老寬仁恭儉求直言除租稅止楚受諫不務遠略令德之主也

景帝

刻薄任數用晁錯以激七國用郅都以畏臣下文景雖並稱然景帝固慘刻之君也

武帝

卽位之初首得一代大儒董仲舒以爲治又黜中韓蘇張之說以安人心用嚴衛青去病以成武功雄大略南建殊崖西通西域北服匈奴誠爲英主惜其晚用霍方

士好神
仙耳

表十

三代世表 世黃帝迄周之共和計三十世

十二諸侯年表 魯齊魏陳楚宋衛蔡曹鄭燕陳十二國不列吳皆尊中國也起周宣王元年迄周敬王四十三年共四百四十四年

六國年表 魏韓趙楚燕齊

秦楚之際月表 魏楚項趙齊漢燕韓參錯變易不可以年紀故以月紀也

漢興以來諸侯年表 高祖子弟同姓爲王者九國獨長沙異姓功臣侯者百餘人此表自高帝至太初

高帝功臣侯年表 漢興功臣受封者百餘人至太初百年之間見侯五餘皆坐法亡國

惠景間侯年表 自惠帝至景帝五十年間追脩高祖時遺功臣及從代來吳楚之勞諸侯子弟封者九十有餘

建元以來侯年表 武帝征伐大封功臣

建元以來王子侯年表 詔諸侯王欲推私恩分子弟邑者令各條上定其名號此非推恩之意乃削弱諸侯之計也

漢興以來將相名臣年表 關淮陰布越皆以慘死蕭何下獄中屠嘉嘔血周並夫論死武帝之世丞相多自殺將帥多坐法失侯此年表序餓

之所以
闕也

書八

禮書

闕褚先生
取荀子補

樂書

闕褚先生
取樂記補

律書

闕褚先生補律書卽兵書遷自序云非兵不強非德不昌司馬法
所從來尙矣古作律書云云是律書卽兵書惜褚補只言律呂耳

歷書

闕褚先生補考定星
歷建正授時之書也

天官書

言天文
之書也

封禪書

祭於泰山上曰封祭天也祭於泰山下曰禪祭地也漢時最重此
禮故史記有封禪書此書兼言祭祀而以封禪名者從其大也

河渠書

言治水
之書也

平準書

大司農屬官有平準令丞以均天下之輸歛貴則
糶之賤則糴之平賦以相準輸於京師故曰平準

世家三十

吳太伯

太伯與弟仲雍皆周太王之子讓國至荆蠻爲吳君傳至夫差爲越王勾踐所滅按虞亦太伯後與吳爲兄弟之國

齊太公

本姓姜氏其先封於呂故曰呂尚周時封於齊

魯周公

周公旦姬姓武王弟也對於魯

燕召公

召公奭與周同姓武王時封於北燕

管蔡

管叔鮮蔡叔度皆周文王子

陳杞

陳胡公滿帝舜之後杞東婁公禹之後也

衛康叔

名封武王同母弟也

宋微子

殷紂之庶兄也封於宋

晉

周成王封弟虞於唐唐在河汾之東至子燮爲晉侯

楚 楚之先祖出自高陽
高陽黃帝之孫也

越 越王句踐
禹之後也

鄭 鄭桓公友厲
王少子也

趙 趙之先與
秦共祖

魏 魏爲畢公高之
後周同姓之國

韓 姬姓
諸侯

田敬仲完 陳完者陳厲
公之子也

孔子 太史公曰孔子布衣傳十餘世學者宗之自天子王侯中國言六藝
者折中於夫子可謂至聖矣史遷列孔子於世家所以尊聖人也

陳涉 陳勝
字涉

外戚 呂太后
等十人

楚元王名交高祖母弟趙王遂附

荊王賈燕王澤諸劉疏附

曹相國名參

蕭相國名何與張良韓信稱漢三傑

陳丞相名平

留侯張良

齊悼惠王名肥高祖長庶男

絳侯周勃子條侯亞夫

梁孝王武文帝子

五宗五人同母者爲宗景帝子十三王

三王 齊王閔燕王旦廣陵王胥皆武帝子

列傳七十

凡列傳人物不經見者皆刪去又有因其人甚著而並無列傳者亦加入此類以便記憶讀者宜取原書核對自知蓋此不過於列傳之下紀載一代之人物不可認爲即是原書列傳也惟列傳下數目等字與原書無異以存其真

伯夷

名元字信公弟叔齊名致字公達殷孤竹君之二子武王滅殷夷齊恥食周粟同隱於首陽山採薇而食孟子稱爲聖之清者也

管仲

相齊桓公九合諸侯以尊王室

晏嬰

事齊靈公莊公景公

老子

李耳字伯陽諡曰聃爲周柱下史主守藏室之吏也與孔子同時爲道家之祖

莊子

莊周蒙人姓老子同爲道家之祖與梁惠王同時

申不害

戰國時京人初爲鄭之賤臣後相韓昭侯主刑名學孟子與告子論性善告子卽申不害

韓非

韓之諸公子與李斯同事荀卿主刑名學後爲李斯所讒仰藥死於秦

司馬穰苴

田完之裔齊景公時爲大司馬捍燕晉之師

孫子

孫武齊人爲吳闔廬將

吳起

衛人事衛文侯武侯爲西河守後爲楚相

伍子胥

名員楚人事吳王夫差

仲尼弟子

顏回諸賢八十一人

商君

名鞅衛之庶公子主刑名學相秦封商君孝公歿被殺

蘇秦

戰國時洛陽人縱橫家合六國之縱以拒秦蘇秦爲合從之長從約後爲張儀所破

張儀

魏人相秦惠王從橫家說六國連橫以事秦

樗里子

名疾秦惠王弟居於樗里滑稽多智伐趙楚有功

甘茂

相秦武王攻拔韓宜陽遂窺周室茂之孫甘羅十二歲爲始皇上卿

白起

秦將攻趙坑降卒四十萬封武安君後賜死

王剪

秦始皇殺項燕平荆

孟子

鄒人受業於子思之門人

荀卿

趙人主性惡

孟嘗君

田文齊宣王庶弟號孟嘗君好客雞鳴狗盜之流無不羅致

平原君

趙勝

信陵君

公子無忌魏封信陵君

春申君

黃歇楚相

樂毅

燕將

廉頗藺相如

俱事趙惠王嘗以事相惡後頗負荆請罪廉藺交讎共謀國是世多稱之

田單

齊將嘗以火牛陣破樂毅軍解臨淄之圍

魯仲連

齊人與平原君同時曾諫阻六國帝秦

鄒陽

臨淄人景帝時仕吳以文辯知名吳王有邪謀諫不聽

屈原

屈平事楚懷王以讒去隨投汨羅江死

賈生

賈誼洛陽人李斯之學傳於吳公吳公傳賈誼文帝時爲長沙王太傅

呂不韋

秦商人嘗納姬使有娠再獻於莊襄王生子政卽始皇後不韋與太后通又薦淫人嫪毐通太后事發不韋懼自殺嘗令其客著書曰呂氏春秋

刺客

唐沫專諸豫讓聶政等四人

李斯

相秦始皇廢封建定郡縣下禁書令廢籀文作小篆後腰斬於咸陽

蒙恬

始皇將嘗率兵三十萬北築長城威震匈奴史傳恬始造筆

張耳陳餘

張耳前爲趙相陳餘爲趙之成安君與耳有隙耳歸漢與韓信攻趙背水爲陣以誘趙師餘盡出守卒與戰耳出其後登城拔趙轍易漢轍殺陳餘漢封耳爲

趙王

魏豹彭越

項羽初封豹爲魏王後降漢又叛被殺越初事項羽後歸漢封梁王以謀反夷三族

淮陰侯

韓信淮陰人在漢功最高後被殺於鐘室

黥布

即英布初事項羽歸漢封淮南王後以韓信等被殺乃發兵拒命卒被殺

韓王信盧綰

信爲故韓襄王孫歸漢封韓王後見漢高誅功臣乃降匈奴嘗引冒頓困高帝於白登綰與高帝同里封燕王亦以高帝誅功臣降匈奴

樊噲酈商滕嬰灌嬰

樊噲侯樊噲沛人以屠狗爲業曲周侯酈商高陽人汝陰侯夏侯嬰沛人轉滕公穎陰侯灌嬰睢陽販糴者皆漢初功臣

張丞相

名蒼定章程

酈生

食其陸賈楚人皆有口辯

傅寬靳歙蒯成侯

陽陵侯傅寬信武侯靳歙皆從高祖起山東攻項籍蒯成侯周緤沛人操心堅正身不見疑以壽令終功臣之倖免者周緤數人而已

劉敬叔孫通

婁敬勸高帝都關中叔孫通定禮儀

季布欒布

皆功臣

袁盎鼂錯

袁盎楚人父爲盜錯習刑名學文帝時錯請削諸王地激七國反盎錯素相惡袁乃請殺錯

張釋之馮唐釋之爲廷尉唐後爲楚相太史公稱其不偏不黨

扁鵲秦越人醫者與趙簡子同時倉公淳于意漢太倉長

吳王濞七國因削地反吳王濞先發難

李將軍李廣隴西人漢名將匈奴畏之稱曰飛將軍與匈奴七十餘戰皆捷匈奴不敢入北平者數年後因伐匈奴與大將軍衛青不和以失道被責問乃自剄死一軍皆

哭百姓皆垂涕

衛將軍名青平陽人驃騎將軍霍去病皆漢之名將擊匈奴有功

司馬相如

循吏孫叔敖等

汲黯鄭當時

儒林中公培轅固生韓生嬰伏生勝高堂生田何董仲舒胡毋生太史公傳儒林推重孔子爲萬古儒林祖儒術由此一盛而伏生傳經於秦火之後厥功亦偉

酷吏張湯等十一人

游俠郭解等

佞幸鄧通等

滑稽淳于髡優孟子

日者司馬季主

龜策

貨殖范蠡等

司馬談司馬遷之父嘗論諸子謂陰陽家長於序四時之大順儒家長於君臣父子之禮墨家長於強本節用法家長於正君臣上下之分名家長於循名責實道家使人

精神專一動合無形瞻足萬物是謂六家要旨

三皇五帝揭要

始制干支

天皇氏始制干支。以定歲。干有十。甲乙丙丁戊己庚辛壬癸也。

支有十二。子丑寅卯辰巳午未申酉戌亥也。

結繩之政

燧人氏始作結繩之政。以上古無文字。大事則大結其繩。小事則小結其繩也。

六書之制

伏羲氏始造書契。刻木畫字。以代結繩。書制有六。一曰象形。二曰假借。三曰指事。四曰會意。五曰轉註。六曰諧聲。

始畫八卦

伏羲氏始畫八卦。以奇畫象陽。耦畫象陰。此易之始也。

始作方書

神農氏味草木之滋。作方書以療民疾。是爲本草之始。

征滅蚩尤

黃帝軒轅氏作指南車。與蚩尤戰於涿鹿。戮之於絕轡之野。

始作蓋天

黃帝命容成作蓋天以象周天之形。蓋天卽渾天儀也。

始造律呂

黃帝命伶倫造六律六呂以立宮商角徵羽之聲。以正五音。

衣裳之制

黃帝始作冕旒衣裳以別貴賤

洪水之治

禹受舜命治水十三年。九州攸同。水害皆息。

牧野陳師

周武王伐紂。會諸侯於孟津。陳師於牧野。紂亡於甲子。

周秦揭要

刑措之世

周成康之世。刑措四十餘年不用。民不犯法。無所用刑也。

共和之政

周幽王無道。民畔王奔於彘。太子尙幼。周公召公乃相與協和共

理國事。故稱共和。

東周之遷

平王以戎患。東遷於洛。周德始衰。諸侯爭長。遂成春秋戰國之勢。

五伯

春秋之世五強國。齊桓公晉文公秦穆公宋襄公楚莊王是也。

七雄

降而至於戰國之世。秦楚燕齊韓趙魏七國並強。號稱七雄。

魯之三桓

春秋之世。魯大夫孟孫叔孫季孫。皆桓公所出。故稱三桓。昭公欲去之。卒被逐。三家益強橫。孔子墜三都以削其兵。未幾孔子去魯。未竟其功也。

三家分晉

春秋之世。晉有六卿。范氏中行氏智氏及韓趙魏。後韓趙魏皆強

盛。乃三分晉地。請命於周。均爲諸侯。而晉亡矣。

合從連橫

戰國時蘇秦以合從之策說六國。使之合力以擯秦。張儀以連橫之策說六國。使之連袂以事秦。

始皇改制

秦滅六國。遷東周君於陽人聚。周遂不祀。始皇自以爲德兼三皇。功蓋五帝。乃更號曰皇帝。命爲制。令爲詔。自稱曰朕。除諡法。自爲始皇帝。後世以計數。二世三世至於萬世。傳之無窮。又廢封建。置郡縣。焚書坑儒。二世而亡。

前漢書

司馬遷作史記。百餘年後。乃有班固之前漢書按班字孟堅扶風人。父彪。接遷書太初以後。繼採遺事。傍貫異聞。作後傳數十篇。未竟而卒。固欲成父業。會有人告固私改國史者。固因下獄。明帝閱其書而善之。使固終成之。前漢書起高祖。終孝

平王葬之誅。凡十二世。二百三十年。爲表紀志傳凡百篇。積二十餘年始成。固卒。其天文志及八表尙未就。和帝又詔其妹班昭踵成之。凡一百卷。前漢又稱西漢

前漢書武帝以前紀傳表多用史記文。班所撰僅昭宣元成哀平王莽七朝君臣事蹟。

遷史多載古人。漢書則只記漢代。遷史記載只叙事蹟。故記三千年事。只五十餘萬言。班固漢書。則多收經術幹濟之策。如賈山至言。賈誼治安策。公孫宏賢良策等。皆有用之文。漢書皆全錄之。故叙二百年事。竟至八十餘萬言也。

前漢書全目

帝紀十二

劉姓堯之後都長安是爲西漢滅秦五年始平楚爲一統起高帝至孺子嬰凡十三君合王莽淮陽王十六年共二百三十三年

高祖 惠帝 高后

文帝 景帝

武帝

以上各帝事略見前

昭帝

大將軍霍光受托孤之命立昭帝輕徭減賦與民休息帝年十四卽能辨光之無罪使天假之年周成王不是過矣帝崩光奉太后命立昌邑王王不道尋廢

宣帝 帝起閭閻稔知民瘼總核名實信賞必罰惜用恭顯等而殺趙蓋韓楊治甘雜霸又開宦官干政之端良可悲矣

元帝 元帝柔懦恭顯亂政漢業衰矣

成帝 成帝之立外戚擅權王氏五侯同日受封趙氏飛燕寵冠後宮危哉

哀帝 帝寵五侯寵董賢以暴易暴不足稱也

平帝 王莽立平帝政由王氏篡奪之勢已成帝後為王莽所弑立孺子嬰方二歲尋廢西漢終

表八 從略

志十 從略

列傳七十 摘錄

陳勝項籍 史記列項羽於世紀殊失當此與勝並列於列傳可謂得體

張良韓信陳平

蕭何曹參

高帝相民歌之曰蕭何爲政觀若畫一曹參代之守而勿失載其清淨民以寧一故世稱蕭規曹隨

王陵周勃

陵戇直常諫阻呂后立諸呂爲王勃爲太尉曾與陳平誅諸呂定漢室勃子亞夫文帝時將兵屯細柳備匈奴有名將風

樊噲酈商夏侯嬰灌嬰傅寬靳歙周緤

張蒼周昌趙堯任敖申屠嘉

酈食其陸賈朱建婁敬叔孫通

東方朔

厥次人字曼倩善談諧滑稽武帝時爲侍中長於諷諫善文詞著有客難一篇

賈誼

誼少年通諸子百家河南守吳公薦於朝文帝時誼請改正朔易服色定制宦官名而興禮樂帝諱讓未遑然諸律令所更定及列侯悉就國其說實白誼發之其治安

三策尤痛切財政後以多事紛更爲大臣所忌出爲長沙王太傅遷梁王太傅而卒史又稱賈生

袁盎鼂錯

張釋之馮唐汲黯鄭當時

賈山鄒陽枚乘

子皋

路溫叔

文帝時山上書言治亂之道名曰至言其後帝除鑄錢令山又上書諫阻上從之復禁鑄錢

李廣

孫蘇建命而還甘露三年上圖功臣於麒麟閣凡十一人首霍光武亦與焉

衛青霍去病

董仲舒

仲舒學脩純粹爲漢代大儒武帝時應試賢良有天人三策正誼明道之言超越諸子兩相驕王終以禮義自持講學時三年不窺園兩漢文學之興自此始

司馬相如

武帝時召爲郎通西南夷有功長於辭賦有子虛上林大人等賦世多誦之

公孫弘卜式兒寬

張湯

子安世安世子延壽

張騫李廣利

騫通西域有功廣利與衛青霍去病爲武帝時三名將廣利伐大宛有功封海西侯

司馬遷班固班昭劉向

司馬遷撰史記班固班昭撰前漢書劉向字子政撰列女傳說苑新序與東漢荀悅皆爲著名之史家

劉歆

劉向子嗣父之業檢校秘書總括羣編撮其要旨著爲七略一集略二六藝略三諸子略四詩賦略五兵書略六術數略七方技略

上官桀霍光金日磾

武帝病篤霍光受遺命輔少主光曰臣不如金日磾於是金爲光副蓋日磾雖外國人而忠孝性成桀與光日磾同受遺詔輔幼主

後桀與燕王旦謀反伏誅

趙充國辛慶忌

充國於武帝時上屯田便宜十
二事以破羌與霍光等齊名

傅介子常惠鄭吉甘延壽陳湯段會宗

舒廣舒受

王吉貢禹龔勝龔舍鮑宣

魏相丙吉

霍光卒魏相上封事請顯明功臣勿空大位以塞爭端與丙吉同心輔政丙
吉爲相中逢牛喘使人問逐牛行幾里蓋以時常泰耕承相常憂民時也

趙廣漢尹翁歸韓延壽張敞王尊王章蓋寬饒

蕭望之

宣帝時官太子太傅元帝時請罷中書
宦官爲宦者弘恭石顯等所嫉飲藥死

馮奉世

宣帝時使西域會莎車王叛奉世以爲不急平之必難制乃持節發諸國兵擊之
莎車王自殺卒定西域蕭望之以爲矯制發兵雖有功不可爲後世法竟不得封

侯奉世與傳
介子齊名

匡衡張禹孔光馬宮

衡善說詩元帝時爲相畏石
顯等不敢失其意士論少之

龔勝

王莽篡漢遣使奉璽書印綬迎勝爲太子師
友祭酒勝不受時病篤不食積十四日死

薛方陳咸

王莽以安車迎方方曰堯舜在上下
有巢由卒不至咸爲尙書旋乞歸

劉歆後更名秀與光武重名
爲王莽國師後自殺

楊雄博覽羣書常慕屈原文過相如乃作反離騷以弔之雄欲以文章成名於
後世乃作太玄法言其卒章盛稱王莽功德可比伊尹周公君子病焉

儒林京房孔安國王式
夏侯勝毛公等

循吏文翁黃
霸等

酷吏田延年嚴
延年等

貨殖子貢白
圭等

游俠陳遵
等

佞幸石顯董
賢等

西域大宛月氏烏孫莎車
安息龜茲焉耆等

外戚呂后
等

元后元帝后王莽之始

王莽弑平帝廢孺子嬰篡漢國號新

後漢書

宋范曄字蔚宗。順陽人。有文學。元嘉初以吏部郎左遷宣城太守。不得志。乃刪衆家著後漢書。後漢又稱東漢

范書列傳所叙之人。有不拘時代。以類相從者。如張純漢初人。鄭康成漢末人。乃列於一傳。以其皆深於經學也。如此者甚多。蓋仿司馬遷史記之法。如老子與韓非同傳之類。

後漢書全目

帝紀後漢都洛陽是爲東漢起光武至獻帝凡十二君一百九十六年

光武帝名秀字文叔長沙定王之後王莽篡漢帝與兄續起兵誅莽及滅赤眉賊乃即帝位才明勇略克復舊物重儒術興學校中興之令主也

明帝帝建武永平之政爲東都之首稱然鍾離意宋均之徒常以察慧爲言夫豈弘人之度未優乎

章帝 帝厭明帝苛切每事務從寬厚然寵任資憲以啓外戚用權之漸此其所短也

和帝 殤帝 和帝之世宦官外戚迭爲消長漢家之禍自此始矣殤帝生僅百餘日即位一年而崩無可紀者

安帝 即位數年鄧太后臨朝親政之後以閹北鄉侯 閹太后貪立年幼與后兄弟並爲卿校典禁兵內寵益盛

順帝 冲帝 質帝 順帝之初天下想望風采黃瓊李固之徒相繼登用東京之士於茲盛焉然閹官弄權梁氏專政賢人君子不能救漢祚之衰矣冲質兩帝均

一年而崩無可紀也

桓帝 桓帝之世梁冀雖除五侯肆虐賢人君子忠憤激烈卒成黨錮之禍人之云亡邦國殄瘁悲夫

靈帝 靈帝之世曹節王甫等宦官流毒禍國忠臣義士駢首就戮帝乃召外兵以除內難於是虺蜥雖除而虎狼入室矣

少帝 帝爲董卓廢爲弘農王

獻帝 帝生不辰身播國屯終漢四百永作虛賓

志八 從略

列傳八十 錄

劉玄劉盆子

玄爲光武族兄光武號玄爲更始將軍諸將立玄爲天子後降赤眉旋被殺盆子亦宗室赤眉立爲上將軍後降光武

隗囂公孫述

囂據隴西後降光武又叛附公孫述公孫述據巴蜀後爲光武平定之

鄧禹寇恂

禹從光武入關師行有紀百姓歸之天下既定禹知帝不欲功臣擁兵乃去甲兵敦儒學封高密侯爲雲臺二十八將之首恂學行爲世重光武時爲潁川汝

南守教化大行會從帝出征百姓遮道曰願復借寇君一年乃留之

吳漢陳俊蓋延臧宮耿弇姚期王霸祭遵馮異岑彭賈復馬武

馬援

援平隴右破交趾功最高後爲梁松所讒援常服薏苡仁以勝瘴援死軍還後載一車歸松竟誣爲明珠文肩天下冤之世稱伏波將軍

卓茂魯恭魏霸劉寬伏湛侯霸宋弘蔡茂馮勤趙喜牟融韋彪

張純曹褒鄭玄

玄字學成高密人不仕博通經學著書百餘萬言爲漢代大儒粹康家稱鄭衆爲先鄭稱玄爲後鄭卒獻帝建安五年

班彪

子固著前漢書

第五倫鍾離意袁安張酺韓棱周榮郭躬陳寵

班超 超先爲官備書乃投筆從戎後使西域服鄯善安疎勒平西域以功封定遠侯

楊震 明經博覽學者稱爲關西孔子累世清廉常拒人行賄曰天知地知汝知我知世稱楊震四知

虞詡傳燮蓋勳臧洪

馬融蔡邕 馬融桓帝時爲太守才高博洽設絳帳授徒數千人爲世大儒鄭康成亦從授經蔡邕於靈帝時奏定六經文字立石太學門外以爲天下讀經之準後以黨

董卓
下獄

陳寔李固陳蕃王允

黨錮 黨錮列傳記漢末黨禁甚詳蓋漢黨始於桓帝時甘陵南北部黨其初不過帝師甘陵周福及同郡房植二家賓客互相譏議遂成部黨然桓靈之間主荒政謬正人君

子時發清議以類相從見惡權奸遂激成鈎黨之禍漢之黨禍凡兩次其始於桓帝時李膺考殺張成之子成遂誣告膺誹謗朝廷膺等二百餘人均下獄終身禁錮此第一次

黨禁也其二靈帝時張劬中常侍侯覽儉鄉人朱并承覽旨誣告儉與同鄉二十四人爲部黨宦官曹節等遂諷有司并捕前黨李膺范滂等百餘人皆死獄中并捕太學生千

餘人此第二次黨禁也

竇武何進鄭太孔融荀彧董卓 卓廢少帝立獻帝弑何太后司徒王允密誘卓將呂布刺殺之

劉虞公孫瓚陶謙袁紹劉表劉焉袁術呂布

循吏 劉寵等

宦者 侯覽曹節等

儒林 何休等

文苑 彌衡等

方術 華佗費長房等

逸民 嚴光梁鴻韓康等

列女 曹娥等

兩漢揭要

諸呂之變

高帝崩。孝惠在位七年。政由太后呂氏。帝崩。又臨朝八年。

是呂氏僭位十五年矣。陳平周勃。身爲大臣。阿意取容。不敢諫。呂祿呂產旣王。握南北軍。劉氏子孫。誅戮殆盡。幸太后老死。齊王兵起。朱虛奮勇。始得勃入軍門。捕誅諸呂。否則漢室危矣。

七國之叛

吳王濞高祖兄仲之子也。文帝時已失藩臣禮不朝。景帝時濞已年老。設使景帝效文帝寬仁。未必卽叛。乃晁錯說帝銳意削吳。遂招楚趙諸齊同姓七國皆反。袁盎讚晁錯而殺之。乃快私仇。非爲國也。故錯死而七國不罷兵。幸有周亞夫帥師出征。七國之兵。三月破滅。幸哉景帝也。

經義斷事

漢初法制未備。高帝入關。約法三章。不能賅括事物。每有大事。朝臣得援經義以折衷是非。故張湯爲廷尉。每決大獄。乃請博士弟子治尙書春秋者。補廷尉史。停疑奏讞。倪寬爲廷尉。

據。以古義決疑獄是也。

漢武武功

漢武擊匈奴。通西域。平兩越。擊朝鮮。繳外諸國。無不懾漢聲威。武帝三大將。衛青霍去病李廣利等。皆一時名將也。

外戚之盛

漢自呂侯王諸呂。幾危劉氏。武帝朝竇嬰田蚡相繼爲丞相。衛后弟青爲大司馬大將軍。后姊之子霍去病爲大司馬驃騎將軍。去病之弟霍光遂以大司馬大將軍輔政。自此大司馬兼將軍一官。遂永爲外戚輔政之職。其後王鳳王音王根王莽等。相繼輔政而莽且弑平帝。躬行篡逆。而西漢終矣。東漢章帝時之竇憲。安帝時之閭顯。順帝時之梁冀。且以威權自姿。誤國殃民。而竇武何進則皆以謀誅宦官被害。皆外戚輔政之變也。然西漢有王莽。東漢有梁冀。一則篡漢。一則殺身者何也。蓋莽志大而惡深。冀志小而惡著也。他如兩漢外戚之賢者。若霍光衛青霍

去病馬援等。或爲名相。或爲名將。則又外戚之幸。光增史冊矣。

宦官亡漢

東漢宦官之盛。由誅外戚也。董卓之亂。由誅宦官也。和帝殺竇憲。而侯鄭衆。順帝殺閹顯而侯孫程等十九人。桓帝殺梁冀。而侯唐衡等五人。以世計之。自和帝至獻帝。代更九主。年近百載。皆宦官之時也。宦官盛則漢亂。宦官滅則漢亡。說者謂成瑨等不捕論宦官親戚。則鉤黨不興。陳蕃竇武不請太后誅常侍。則黨人不死。何進袁紹不召外兵清君側。則董卓不得入京師行弑逆。然桓帝之世。有宦官有名士。則天子爲宦官而驅除名士。靈帝之世。有宦官無名士。則宦官不畏名士而專制天子。迨至北宮門之戮。宦官二千餘人。少長盡死。董卓乃乘機縱其不軌。是時無宦官亦無天子矣。漢烏能復存哉。

王莽篡漢

漢祚中衰。王莽廢孺子嬰。躬行篡逆。改國號曰新。西漢之局。於焉告終。莽始託周公輔成王。由漢公而宰衡。而居攝。而卽真。使能逆取順守。沛大澤以結人心。則天下雖未忘前朝。而亦且安於新政。未必更有發大難之端。起而相抗者。其改制也。則收天下名田曰王田。禁之不得買賣。一夫田過一井者。分與里族。敢有非議者。投四裔。又禁積五銖錢。犯者亦投四裔。於是農商皆失業。以賣田積錢坐罪者。不可計。又設六筭之令。令州縣酤酒賣鹽鑄造鐵器。諸采諸名山大澤衆物者稅之。此召怨於中國也。莽自以爲北伐匈奴。東致海外。南懷黃支。惟西方未廓。乃遣人誘西羌獻地。置西海郡。而西羌以失地遂叛。又改蠻夷諸王。皆爲侯。使人授單于新印。收故漢印。改璽爲章。單于欲得故印。使者椎破之。單于大怒。遂寇邊。句町王亦以改爲侯而叛。此召怨於外夷也。又以法令煩苛。民搖手觸禁。不得耕桑。繇役煩劇。富者不能自保。貧者無以自

存。於是並起爲盜。赤眉更始光武乘時而起。土崩瓦解。猶不以爲慮。但銳意於稽古之事。以爲制定則天下自平。乃日夜講求制禮作樂附會六經之說。制作未畢。而身已爲戮。新室十八年之變亂。如是而已。

兩漢經術

自孔子沒而微言絕。七十子喪而大義乖。春秋以後。百家並興。秦重法家。習於嚴刻。而又焚書坑儒。學術屯蹇。至此已極。漢興以來。思有以矯秦之弊。而使一代學術。濟於正。以範圍乎人心。當是之時。言詩則有申公培。轅固生。韓生嬰。言尚書則有伏勝。言禮則有高堂生。言易則有田何。言春秋則有胡毋生。董仲舒。太史公紀八賢於儒林列傳。其旨微矣。然文帝本好刑名之言。景帝不任儒者。竇太后又好黃老之術。是以西漢學術之盛實始於武帝。帝用董仲舒言。表章六藝。罷黜百家。用公孫弘言。置博士弟子。自是以後。公卿大夫士吏彬彬多文學之

士矣。西漢宣帝詔諸儒講五經同異於石渠閣。東漢章帝。大會諸儒於白虎觀。議五經同異。作白虎奏議。如石渠故事。兩漢經學。於此爲盛。其後劉向父子孔安國孔光伏滿崔實桓榮二戴夏侯歐陽何休京房馬融鄭玄。諸大儒。相繼以經學著稱。而鄭玄成博通諸經。著書凡百餘萬言故東漢經術之正。尤以安成爲第一云。

黨錮之禍

漢末黨禁共兩次。實由於桓靈之間。主荒政繆。奄寺亂國。東漢風氣。士大夫本以名行相尙。朝政日非。清議愈烈。君子小人益相水火。此黨禍之所由起也。桓帝時有善風角者張成。教其子殺人。河南尹李膺捕殺之。成弟子牢脩遂誣告膺交結生徒。誹訕朝廷。帝怒。命收執膺等二百餘人。誣爲黨人。並下獄。終身禁錮。此第一次黨禁也。靈帝時張儉方劾中常侍侯覽。儉鄉人朱並承覽風旨。誣告儉與同鄉二十四人爲部黨。帝遂詔

捕儉等下獄。宦官曹節。又諷有司並捕前黨李膺范滂等百餘人。皆死獄中。妻子徙邊。諸附從者錮及五族。詔天下大舉鉤黨。於是。有行義者。一切指爲黨人。而宦官又諷有司隸校尉捕太學諸生。千餘人。並詔黨人門生故吏父兄子弟在位者。皆免官禁錮。此。

第二次黨禁也

黃巾賊起黨人始得赦免

黃巾之亂

靈帝時黃巾之亂。始於張角勾結宦官徐奉張讓等爲內應。迨盧植王允等平定之。以小黃門求賂不得。允等竟下獄。論討張角功。張讓等十三人竟封侯。帝嘗詰責諸常侍曰。汝曹嘗言黨人不軌。今黨人更爲國用。汝曹反與角通。是帝已知宦官通賊矣。然盜賊之未發也。構禍者小人。蒙難者君子。盜賊之既發也。成功者君子。受賞者小人。此漢室之所以必亡也。

三國志

晉陳壽。字承祚。安漢人。少好學。師事譙周。先仕蜀。以不附黃皓屢見黜。入晉。張華愛其才。嘗言當以晉書相付。時丁儀丁廙有盛名。壽謂丁氏子曰。可覓千斛。當與尊公作佳傳。丁不與。竟不立傳。壽父爲馬謖參軍。謖被誅。壽父亦髡。壽作三國志。遂議諸葛亮不長於將略。士論以此少之。陳壽三國志。其先亦係私史。據晉書本傳。壽歿後尙書郎范頴等。表言壽作三國志。辭多勸戒。雖文豔不若相如。而質直過之。於是詔洛陽令就其家寫書。可見壽脩成後。始入於官也。然其體例則已開後世國史記載之法。蓋壽脩史在晉時。故於魏晉革易之處。不得不多所迴護。旣欲爲晉迴護。不得不先爲魏迴護。凡書天子賜九錫。進爵封王等事。一若出於當時朝廷之酬庸。絕非強臣攘奪也者。此例一定。以後作史者。多奉爲定式。宋齊梁陳諸書。依樣胡盧。全失春秋口誅筆代之本義矣。三國志以

魏爲正統。故其體例亦顯有分別。於曹魏則立本紀。於吳蜀二主。則但立傳。蓋以魏爲正統。二國皆僭竊也。

三國志全目 志以魏爲正統後習鑿齒作漢晉春秋起漢光武終晉愍帝於三國之時則以蜀爲正統至司馬昭平蜀乃爲漢亡朱子綱目亦以蜀漢爲正統

魏志三十 自文帝至陳留王凡五世四十六年

武帝 姓曹名操字孟德子丕受漢禪追尊爲武帝

文帝 名不立九品官人之法又長於詩文弟曹植字子建有才學善屬文著有曹子建集

明帝 叡 齊王 芳 高貴鄉公 髦出兵討司馬昭死於賈充 陳留王 奐

董卓袁紹袁術劉表

呂布張邈臧洪 夏侯惇夏侯淵曹仁曹洪曹休曹真夏侯尚

荀彧荀攸賈詡 彧爲操奮武司馬軍國事悉諮之後以諫操勿受魏公爵操嗜之飲藥死攸常勸操征劉表密謀韓暹雖子弟不得聞賈詡常勸操立不爲操

所信
任

于禁等于禁與龐德守樊北漢水溢禁七軍皆沒關羽攻之龐德不屈死于禁降操聞之曰吾知于禁三十年何意臨危反不及龐德耶

王粲有才能常依劉表與孔融徐幹等七人爲建安七子又稱鄴中七子

陳羣等羣立九品官人之法以取真才不從之

方技華佗管輅等

蜀志十五自劉備至劉禪共二世四十四年

二牧劉焉及子劉璋

先主劉備字玄德

後主名禪小字阿斗

諸葛亮關羽張飛馬超趙雲蔣琬費禕姜維馬謖

譙周魏鄧艾軍至陰平周陳降魏之策或稱其精研六經通天文常作仇國論蓋傷百姓之凋敝也

經史子集要略 史部 三國志

吳志十二 自孫堅至孫皓共四世五十九年

孫堅孫策吳主權

周瑜魯肅呂蒙陸遜

晉書

晉書舊題唐文皇御撰蓋晉書本唐初房玄齡等所撰。貞觀

太宗中
年號

以何法盛等十八家晉史未善。乃敕褚遂良等重撰。預其事者二十一人。類例出於敬播。天文律歷則李淳風爲之。脩史出於衆手。自晉書始。太宗自爲宣武紀。與陸機王羲之二人傳論。故原本題太宗御撰。惟當時脩史者多文咏之士。好採詭異以廣聞見。學者譏之。文多駢四儷六。亦非作史之體也。

唐初脩晉書。以臧榮緒本爲主。而兼考諸家以成之。今據晉宋等書列傳所載諸家之爲晉書者。無慮數十種。又唐書藝文志所載。晉朝史事。尙有陸機晉帝紀。鄧粲晉紀。及晉陽秋等書數種。當唐書脩史時。均尙在。必皆兼綜互訂。不專據榮緒一書也。

唐房玄齡監脩國史唐史太宗語之曰。漢書載子虛上林賦。浮華無

用。其上書論事。詞理切直者。朕從與不從皆載之。太宗知此。何以晉史之作。竟駢麗如彼耶。

晉書全目

帝紀十

高祖宣帝

姓司馬名懿溫縣人魏文帝時屢出師與諸葛亮相拒故亮不能得志於中原嘉平初爲丞相至懿孫司馬炎代魏追尊爲宣帝

世宗景帝師太祖文帝昭

武帝

名炎代魏稱帝并蜀吳都洛陽罷州郡兵至惠帝時盜賊羣起州郡無備天下遂大亂帝蓋桓靈之主也又令雜夷之種同處關內其後五胡之亂已兆於此矣

惠帝

名衷在位十七年中毒而崩帝痴嘗聞蝦蟆鳴問曰此爲官乎爲私乎見百姓餓死者曰何不食肉糜索靖知天下將亂指洛陽宮門銅駝曰會見汝荆棘中耳蓋是時八王

之亂帝室已危矣

懷帝愍帝

懷帝名熾爲漢劉淵所殺愍帝名業亦爲漢殺

元帝明帝

元帝名睿即位建康號曰東晉帝晏安江沔因王敦之反以憂卒明帝名紹聰慧有機斷故能以弱制強誅剪逆臣克復大業

成帝衍康帝

穆帝將

哀帝丕

廢帝奕

簡文帝昱

孝武帝曜

安帝德

恭帝德文

志十二從略

列傳七十摘錄

王祥有孝行

羊祜杜預祜為荊州都督甚得江淮之心吳人開布大信與吳守將對境使命常通然伐吳之策實自祜定之祜有德於民及卒民立碑於峴山謂之墜淚碑祜卒薦

杜預自代預有謀略時人目為杜武庫

王渾王濬唐彬三人共滅吳渾先入石頭城受孫皓降於是與濬爭功唐彬獨不與爭時人重之

山濤王戎阮籍嵇康劉伶阮咸向秀山濤曾諫阻罷州郡兵不聽以致天下大亂王戎為三公與時浮沉無所匡救戎問

阮瞻曰聖人貴名教老莊明白然其旨同異瞻曰將毋同人謂之三字掾初何晏等祖述老莊王衍之徒皆慕之率皆以浮誕為事恣情放達弛廢職務吏治之壞由於清談裴頠

著崇有論以矯正之然習俗已成卒以亡晉籍等七人崇尚虛無輕蔑禮法縱酒昏酣遺落世事時人謂之竹林七賢晉政愈壞七人之中惟王戎品劣

陸機陸雲

周訪周處

周訪之子處不脩細行鄉人患之後從陸機陸雲受學砥節礪行州府交辟世謂周處除三害言其能改過也

諸王

惠帝永寧元年趙王倫白稱皇帝是爲八王之亂之始後齊王冏東海王越河間王顥成都王穎長沙王乂等互相殘殺晉室遂危繼啓劉淵五湖之亂

劉琨祖逖

逖少有大志與琨同寢中夜聞鷄鳴起舞有恢復中原之志愍帝時北伐渡江擊揖爲誓世人壯之與溫嶠齊名劉琨賞曰吾枕戈待旦志梟逆虜

王導

懷帝時天下大亂江東差安導說瑯琊王睿收其英俊百餘人與之共事庾亮陶侃皆與焉時人謂之百六掾導輔相三世食無儲穀衣無重帛

劉弘陶侃

陶侃都督荆湘七女相慶聰敏忠勤終日危坐軍府檢攝無遺賞語人曰大禹寸陰衆人當惜分陰豈可逸遊荒醉生無益於時死無益於後參佐以戲談廢

事者命取其酒器蒲博之具投之江中曰樽蒲者牧豬奴戲耳老莊浮華非先惜王之法言無益時用君子當正其威儀何有蓬頭跣足自謂宏達也嘗造船竹頭木屑皆令籍存

其綜理微如此在軍四十一年明毅善斷數千里路不拾遺事謝安每密謂陶公用法恒得法外意蓋東晉之名臣也

溫嶠郗鑒

郭璞葛洪

顧愷之

有才名常爲桓溫參軍人稱愷之有三絕才絕畫絕癡絕以官虎頭將軍故世稱爲顧虎頭云

王衍

晉人尙清談專以浮虛爲務不守禮法自謂曠達衍爲清談之首懷帝時爲司徒以清談享高名乃以弟澄爲荊青都督敦爲青州刺史自以居中足以爲三窟後衍爲石勒

所獲伏首乞憐冀以自

免清談虛僞盡露矣

殷浩

晉穆帝時桓溫總兵上流滅蜀之後威名大振朝廷憚之乃以殷浩參綜朝權以抗溫於是溫浩成隙王羲之以爲內外協和然後國家可安勸浩不宜與溫構隙浩不從後

浩北伐大敗於山桑溫乃請廢浩自是內外大權均歸於溫不可制矣

謝安

安官太傅得謝玄謝石等驛書知已大敗秦兵於淝水安方與客圍棋書置床上了無喜色既罷還內過戶限不覺屐齒之折其矯情如此

王羲之

殷浩以王羲之爲護軍將軍羲之以爲內外協和然後國家可安勸浩不宜與桓溫構隙浩不從羲之善書法世稱王右軍

陳壽習鑿齒

孝友

王裒等哀姓至孝以父儀死非命隱居教授三徵七辟皆不就廬於父墓側旦夕攀柏號泣讀詩至哀哀父母生我劬勞未嘗不三復涕泣門人爲之廢蓐我之篇

謝立

孝武帝時苦秦之兵詔求文武良將可以鎮北方者謝安舉其兄子玄鎮廣陵得劉牢之等爲參軍戰無不捷號北府兵敵人畏之蓋是時以桓冲都督江荆上游軍事

以謝玄監江北軍事也

隱逸

陶潛等潛少懷高尚善屬文爲彭澤令不事權貴會督郵至吏白應束帶見之潛曰吾不能爲五斗米折腰安帝義熙二年解印綬去賦歸去來辭又著五柳先生傳以

自況著有陶淵明文集陶靖節詩集等

藝術

鳩摩羅什僧等

桓溫

溫功高而驕伐燕敗於枋頭歸廢帝奕爲東海王

桓玄

溫之子安帝時爲江州刺史使迫帝禪位劉裕勅之

王敦

敦督荊州元帝時反帝以憂卒

載記十三

合錄十七國亦稱十六國不數北燕也世稱此時爲五胡之亂以皆胡種也

前趙

即漢國劉淵匈奴種據平陽凡五主二十七年

後趙

石勒羯種也據上黨

前燕

慕容廆鮮卑種據遼東凡四主八十五年

後燕

慕容垂據中山凡四主二十四年

南燕

慕容德據廣固凡二主十一年

西燕

慕容泓據阿房凡七二十年

北燕

馮跋信都

人據龍城凡二主二十九年

前秦

苻洪氏種也據長安未幾爲苻堅所弑自立信任王猛攻晉敗於淝水此爲五胡中之佼佼著凡六主三十五年

後秦

姚弋仲羌種也據許昌凡三三三十五年

西秦

乞伏歸仁鮮卑種也據隴西城凡四主四十七年

前涼

張軌安定夷也據河西凡九主七十

六年

後涼

呂光洛陽氏也據姑臧凡四十八年

南涼

禿髮烏孤鮮卑別種也據廣武凡三十九年

北涼

沮渠蒙遜盧水胡也

據姑臧凡三十四十三年

西涼

李暠隴西人也據燉煌凡三十三年

夏

赫連勃勃匈奴種也據朔方凡三十五年

蜀

李特亦稱成巴

西氏也凡六十四十七年

東西晉揭要

八王之亂

惠帝時八王之亂。其禍始於賈后一婦人。同氣相殘。卒致外寇。開五胡亂華之端。啓十六國分割之漸。履霜堅冰。可不戒哉。武帝臨崩。欲以汝南王亮與皇后父楊駿同輔政。駿矯詔令亮出鎮許昌。惠帝既立。賈后擅權。殺楊駿。弑楊太后。殺太子遹。趙王倫與齊王冏乃率兵入宮廢賈后。倫自爲相國侍中。總攬大權。尋僭位。廢惠帝。於是冏及河間王容成都王穎共起兵討倫。倫尋敗死。冏卽輔政。由是冏以矯死。穎以逆斃。又死於頤。頤死於南陽。越死於石勒。骨肉用兵。賢愚同盡。內難

日深。外寇必起。劉聰劉曜。乘機而興。五胡之禍。遂致不堪收拾矣。論者謂賈氏不弑太后。趙王之兵不興。趙王不弑惠帝。齊成部河間之師不出。惠帝之世。戰以家人。懷愍二帝之世。戰以五胡。禍僅始於一婦人。而西晉終矣。此八王之紛紜。皆晉室東渡之先聲也。

五胡之亂

匈奴。羯。鮮卑。氐。羌。此五種者。皆胡人也。當兩漢之世。凡胡羌之歸附者。多令移居關內。晉武既定天下。又詔罷州郡兵。州郡遂乏武備。此皆爲五胡亂華之本源。晉初大封子弟。使擁強兵鎮四方。武帝旣崩。諸子爭權。是爲八王之變。攻殺不已。國內大亂。匈奴種劉淵。乘時而據左國城稱大單于。建國號曰漢。是爲五胡亂晉之首。時則惠帝永興元年也。繼而羯種石勒。鮮卑種慕容廆。氐種苻洪苻堅。羌種姚弋仲等。先後稱帝分據中原。紛紜混亂。建國十六。歷年百餘。至劉宋元

嘉十六年。始均滅亡。遞演而爲南北朝矣。嗚呼。晉不內亂。五胡不興。五胡不興。晉不南渡。始謀不臧。又誰咎哉。

祖逖北伐

東晉祖逖與劉琨志存晉室。嘗夜聞雞鳴。蹴琨起舞。義士肝膽。如見其人。元帝無志北伐。逖僅得以千人渡江。又復不給鐵仗。中流擊楫。誓清中原。此其志亦大可悲矣。其後殺張平。降樊雅。走陳川。破姚豹。進屯雍丘。恢復河南。奄有埽平冀朔之勢。乃功高見疑。戴淵來統。怏怏以歿。大功未遂。王敦繼反。忠臣死賊臣興。此晉之所以終於南渡也。

王敦之亂

王導王敦從父兄弟也。敦少有奇人之目。尙武帝女襄城公主。江南望族。無與倫比。元帝卽位江東。國基未固。端賴世家名族。相與輔翼。於是王導爲司空。執政於內。王敦督荊州。總制上流。一門鼎盛。遽招主疑。敦乃舉兵東下。誓清君側。元

帝以憂卒。明帝立。敦竟不朝而返武昌。優容姑息。卒又叛變。設非天不永年。則司馬氏偏安之局。不其危乎。

蘇峻之亂

晉室南渡。粗具規模。叛變接踵。危如累卵。王敦甫平。蘇峻又叛。哀哉晉室。其何以堪。峻本書生。永嘉中百家流亡。峻以孝廉糾合數千家結壘自保。非如王敦之憑藉門第也。敦既叛變。峻率衆入援。石聰南侵。又遣將追擊。非爲王敦之跋扈不臣也。乃庾亮無謀。急遽召峻。以速其叛。卒致靡亂宮城。幾危社稷。設非溫嶠陶侃等努力王室。起兵討賊。則大事去矣。然元帝之崩以憂敦。庾太后之崩以憂峻。七歲幼主。成帝歎泣殿省。司其責者。非王導庾亮而誰耶。

桓溫廢立

蘇峻既平。庾太后臨朝。庾翼庾亮庾冰相繼出鎮荊州長江上流之兵權。悉歸於庾氏。庾翼卒。桓溫代督荆襄。帝奕之廢。卽

基於此。蓋晉之圖復中原也。庾亮謀而未行。庾翼庾冰褚裒殷浩行而無功。惟桓溫一舉而平蜀漢。再出而收關中。三戰而入洛陽晉室南渡之後。其兵力能達北方者。只桓溫一人耳。何以枋頭一敗。遽變初衷。不思立功以自贖。乃謀廢立以示威。而帝奕遂乘犢車出神虎門矣。桓溫既死。以弟冲代領其衆。盡忠王室。桓氏復振。不幸溫少子桓玄。典兵江州。踵父逆志。竟廢安帝而自立。劉裕起兵。桓氏之宗覆矣。

淝水之勝

秦王苻堅。胡中之英主也。當晉孝武帝之時。議大舉入寇。羣

臣多諫阻。堅不聽。平陽公融力諫。且舉王景略

王猛字猛有才智與桓溫論天下事捫蝨

而談後相秦

臨沒之言以爲戒

猛嘗言不可伐晉也

堅卒不用。獨慕容垂姚萇欲乘其

隙。勸之南伐。堅大喜。乃率六十餘萬衆。與晉謝石謝玄等八萬人戰於淝水。大敗而還。八公山名草木皆兵矣。

堅登壽陽城望八公山草木皆疑爲

晉兵始有懼色是役也。晉主其事者爲謝安。時領揚州刺史當其鋒者則謝石謝玄

劉牢之也。晉自渡江以後。國勢衰微。謝安石字安有廟堂之量。

不閑將略。語何以竟能以少勝衆。克此強敵。蓋是時秦兵雖

多。苻融朱序等。均不欲戰。故始一交綏。遽呼敗先逃。自是而後。慕容垂復燕之志。姚萇滅秦之心。如願以償矣。論者謂淝水之戰。晉實天倖。信然哉。

前五代

合東吳東晉又稱六朝共三百六十年南北朝自北魏始與南朝對稱共一百四十年

余齠齡時讀通鑑至南北朝。輒苦其統系紛繁名稱含混。因而曠日廢時。記憶不清距今四十餘年。每一翻閱至此。猶如隔水觀鯽。目爲之眩。因別其脈絡。詳其界限。以告初學。若夫博雅之士。固無庸此喋喋也。

五代者。宋齊梁陳隋也。以後又稱南北朝。則以宋齊梁陳爲南朝。以魏及北齊北周爲北朝。蓋宋齊梁陳皆在江南都金陵。其先由東晉遞嬗而來。四國以次相繼。原非並立。至陳而終。此南朝之大略也。北朝則由魏承十六國殘餘之五國以後。稱北魏。爲始。北魏又分東西二國。曰東魏曰西魏。此時北朝只有兩魏。至北齊滅東魏。北周滅西魏。則又由兩魏而變爲北齊北周二國矣。迨北周滅北齊。隋又滅北周。此時北朝只有一隋。此北朝之大略也。

隋承周之後而滅之。繼而南滅陳。南北一統。隋始稱正統。蓋

以南北朝計之。不止五代且各有專史。通鑑不過以南朝紀年。而附以北方各國。學者幸勿以五代與南北朝混爲一談也。

南北朝係以江淮爲界。自宋劉裕篡晉爲始。宋傳南齊。南齊傳梁。梁傳陳。南朝終。統系尙分明。然當劉宋之初。北朝尙有西秦大夏北涼西涼北燕五國。皆由十六國互相併吞而來。其後五國均爲北魏所滅。時南朝宋文帝元嘉十六年也。

北方系統。始漸正整。魏之本國。又分東西二國。東魏亡於北齊。西魏亡於北周。北周又併北齊。當是時也。南只有一陳。北只有一周。此爲南北朝對立之始末。隋起而北滅周。南滅陳。始告一統。以此解說南北朝。較爲清晰。茲列表於後

西大北北
秦夏涼涼燕

東
晉

北	北	北	北
周	齊	魏	朝
宇文覺	高洋	拓跋珪	始祖
長安	鄴	遷盛 洛樂 陽後	國都
亡於隋	亡於北周	北齊西魏亡於北周	滅其國者

陳	梁	南	宋亦稱劉宋	南
陳霸先	蕭衍	齊	蕭道成	朝
建康	建康	建康	劉裕	始祖
亡於隋	亡於陳	亡於梁	建康	國都
			亡於南齊	滅其國者

隋
統一北南

南北史

唐李延壽撰南史八十卷。北史一百卷。北史起於拓拔魏。終於隋。南史起於劉宋。終於陳。刪繁補闕。過各本朝史遠甚。司馬光稱爲佳史。陳壽三國志後。惟延壽可以亞之。北史尤詳密。自成一家言。蓋延壽家世北方。見聞較近也。

宋書

亦稱南宋
或稱劉宋

梁沈約於齊永明五年奉敕撰宋書。次年二月卽告成。其紀志列傳一百卷。自來脩史之速。未有若此者。蓋約脩宋書。以徐爰之宋書爲藍本。爰作宋書。係合蘇寶生何承天二本爲一史。沈約脩宋書。強半錄自徐爰舊本。故需時無幾。人但知宋書爲沈約作。而不知大半出於徐爰手。但宋書繁冗非良史也。

裴子野刪宋書爲宋略三十卷。約沈見而歎曰。吾所不逮。於是言宋史者。以裴略爲上。沈書次之。然均不及南北史之紀載詳確爲可信也。

宋書全目

南北史全目無
甚同異從略

帝紀十

武帝

姓劉名裕彭城人仕晉爲太尉封宋王受晉恭帝禪國號宋帝孝於後母清簡寡慾不畜私藏遺詔母后不得預政惟尙威力任機數非長者之道也

少帝

名義符荒樂無度在位一年廢爲營陽王

文帝

名義隆親臨聽訟像寺有禁脔孔子廟鑄渾天儀君子謂元嘉之治冠江左信哉在位三十年爲太子邵所弑邵又爲武陵王腰斬

孝武帝

名駿封武陵王太子邵弑文帝王與沈慶之等起兵討邵殺之遂即位帝拒諫貪淫犬興土木狎侮羣臣淫刑峻法海內騷然

廢帝

名業剪除宗室荒淫不道被弑

太宗明帝

名彧盡殺同宗荒淫無道

蒼梧王

名昱蕭道成殺之

順帝

名準

亦爲蕭道成所弑

志三十

從略

列傳六十

錄

檀道濟道濟以佐命功封永脩縣公嘗攻魏至歷城魏燒其穀草軍乏食道濟恐衆潰乃夜量沙以示糧足全軍而返後爲文帝所殺憤曰乃壞汝萬里長城

謝晦謝瞻范曄

羊欣

欣汎覽經籍尤工隸書

王鎮惡

鎮惡王猛係也從高祖定關中與沈田子爭功後被田子所殺

謝靈運

靈運博覽羣書善屬文性奢好遊爲永嘉太守爲有司所糾徙廣州

宗慤

慤南陽人也家世儒素慤獨好武事嘗言願乘長風破萬里浪元嘉中請從軍伐林邑破之

袁粲

蕭道成將篡宋袁粲謀起義討道成事敗與子最同死節最抱父乞先死兵士皆淚下粲曰我不失忠臣汝不失孝子時人謂之一門忠孝

隱逸

陶潛等

齊書

梁蕭子顯齊豫章王蕭嶷之孫也。江淹受詔爲齊志。沈約復著爲齊紀。子顯自表於梁武帝。脩齊書凡五十九卷。但梁書蕭子顯傳。謂所著齊書六十卷。今齊書五十九卷。蓋缺一卷耳。齊書比宋書較爲簡淨。其類敘之法。實仿自班固漢書。故較之人各一傳者言簡意賅也。

齊書全目

亦稱南齊

本紀八

高帝

姓蕭名道成初封齊王後以王儉褚淵之謀受宋禪卽帝位帝能以儉化民不御精細不玩珠玉恤病囚訪治術自云使我臨天下十年當使黃金與土同價蓋亦有爲之主也

武帝

名賁聰明英斷惟總大體以富國爲急務郡縣皆久於其職故永明之世百姓安樂亦令主也

鬱林王

淫亂無道被弑

海陵王

殘殺無度被弑

明帝

名鸞弑海陵而自立盡滅本支十王以爲子孫計忍哉

東昏侯

殘暴無道被弑

和帝在位一年蕭衍廢之爲巴陵王

志十一從略

列傳四十摘錄

謝朓王僧虔張緒

僧虔善隸書混默少交兄僧綽爲宋太子邵所殺客勸僧虔逃虔泣曰吾兄奉國以忠貞撫我以慈愛若同歸九泉猶羽化也後仕齊爲

光祿大夫謝朓有文名著有謝宣城集

孔稚珪

稚珪有文學生清疎太祖時爲記室參軍與江淹對掌辭筆有請帝慎刑令國子生習律疏建武時爲南郡太守時魏侵齊有請通驛講和疏均不納

梁書

唐姚思廉初仕隋。爲代王侍讀。高祖入京。兵驟入王府。僚屬皆奔亡。思廉獨升殿上。抗聲曰。唐公起義。本安王室。若等不宜無禮。衆卻列階下。高祖義之。太宗嘗語及隋事。慨然曰。姚思廉蒙素刃以明大節。眞古人所難爲。貞觀三年。思廉奉詔與魏徵撰梁書。凡五十六卷。叙事簡嚴。世稱良史。

梁書本姚察所作。其子思廉續成之。然察書於各列傳叙述人物。必先叙其歷官。而後載其事蹟。末又載其飾終之詔。此皆國史體例。私家紀載。絕無此例。又考其傳述。有美必書。有惡必諱。如梁昭明太子以厭勝憂懼死。而本傳不載等類。可見察作梁書。一本國史。而思廉仍錄原文也。

梁書雖全據國史。而行文則出自鑪錘。曲折明暢。一洗六朝

江南

合吳晉宋齊梁陳稱六朝
文多駢儷浮靡名六朝體

駢偶蕪冗之習。叙事皆用散文單行。絕無駢

四儷六世以唐韓文公文章起八代之衰。復興古文。殊不知姚氏父子。已振於陳末唐初矣。

梁書全目

本紀六

武帝

性蕭名衍仕齊鎮襄陽知齊必亡兄懿被殺起兵弑東昏侯後受和帝禪卽位恭儉博學初政可觀晚年信佛會三捨身於僧寺又納侯景之叛降後侯景又反帝微困

臺城
餓死

簡文帝

名綱爲侯景所弑

元帝

名繹帝好談玄理講老子於靈光殿魏兵已圍城令百官戎服聽講城破降魏被殺

敬帝

名方智禪位蕭督稱臣於魏於陳尋被弑

列傳五十

摘錄

太子

昭明太子等太子名統幼聰慧及長善屬文性至孝著有文選總集秦漢以來詩文甚富唐李善爲之注世稱文選李善注後呂延濟等五人共爲之注故世又稱五臣

注南宋以後合刻李善及呂延濟等六人注又稱六臣注六朝文章無甚可觀惟昭明文選一書實爲後世總集之始云

沈約朱買臣江淹任昉周捨徐勉裴子野羊侃

沈約作平上去入四聲譜即時稱之詩韻然四聲實起於齊之

周顒而沈約成之

劉勰

勰字彥和撰文心雕龍一書前半列各體後半論文術包羅極富爲詞章家大觀

孝行

庾黔婁吉翊等黔婁性至孝好學誦孝經父易病黔婁適除屏陵令忽心驚即日棄官歸翊性至孝父爲吏所誣翊年十五擊笏聞鼓乞代父命梁主疑其爲人所教訊之

對曰囚雖蒙弱豈不知死可畏憚奈何受人教耶上乃宥其父

文學

周興嗣何遜等按千字文卽興嗣作

處士

陶弘景等弘景有異操讀書萬卷雖在朝不交外物永明十年辭祿賜居茅山高祖即位恩禮愈篤時人謂之山中宰相

經史子集要略 史部 梁書

陳書

唐姚思廉著。凡三十六卷

陳書全目

本紀六

武帝

姓陳名霸先初仕梁封陳公進爵爲王竟代梁帝奉身寬簡無虐政惟信佛捨身僧寺與梁武帝同

文帝

名蒨恤刑勤政

廢帝

名伯宗爲宣帝所廢

宣帝

名項五后并寵羣下專權傳子不才於以亡國

後主

名叔寶全無心肝自號無

愁天子隋兵至逃入枯井隋兵引出之陳亡

列傳三十

摘錄

吳明徹

明徹幼孤有至性年十四悲先人墳塋未備勤耕以爲地足充葬用及貴家無積粟

徐陵沈恪姚察

梁主禪位於陳霸先陳王使恪引兵入宮送梁主爲別宮恪謝曰恪經事蕭氏今日不忍見此分受死耳決不奉命王嘉其意更以王僧志代

之徐陵八歲能文釋寶誌摩其頂曰此天上石麒麟也著有徐孝穆集與庾信齊名世稱徐庾體又梁簡文太子好爲豔詩境內化之晚年欲改作乃令陵作玉臺新詠

前五代史揭要

六朝清談之習

清談起於曹魏正始中。何晏王弼祖述老莊。謂天地萬物。皆以無爲本。無也者。開物成務。無往而不存者也。是時阮籍亦素有高名。口談浮虛。不遵禮法。謂世之禮法君子。如螽之處禪。至晉王衍樂廣慕之。俱宅心事外。天下言風流者。以王樂爲稱首。後進莫不競爲浮誕。遂成風俗。學者以老莊爲宗。而黜六經。談者以虛蕩爲辨。而賤名檢。行身者以放誕爲通。而狹節信。仕進者以苟得爲貴。而鄙居正。當官者以望空爲高。而笑勤恪。其時未嘗無斥其非者。如劉頌屢言治道。傳咸每糾邪正。世反謂之俗吏。裴頠又著崇有論以正之。江惇亦著通道崇檢論以矯之。卞壺斥王澄謝鯤悖禮傷教。中朝傾覆。實由於此。賤范甯亦謂王弼何晏二人之罪。深於桀紂。應詹謂元康以來。賤經尙道。老莊之道永嘉之弊由此。熊遠陳頴各有疏論。莫不大聲疾呼。

。欲挽回頹俗。而習尙已成。江河日下。卒莫能變也。
佛教之興

自漢以來。西城旣通中國。佛教卽隨之而至。史稱漢明帝時有僧自西域以白馬馱經而來。始建白馬寺。五胡之世。西域僧鳩摩羅什。於後秦時入長安。姚興尊信之。遂與羣僧共譯經三百卷。而佛教始大興。初晉人尙清談。其始不過只談老莊。至梁武則更講佛經此佛入中國之大略也

門第之見

六朝之時。最重世族。門第之見極深。當時有所謂舊門次門後門勲門之類。以士庶之別。爲貴賤之分。積習相沿。遂成風氣。考梁武帝時。侯景請婚王謝。梁武曰。王謝門高。可於朱張以下求之。陳顯達旣貴。嘗誡其子曰。麀尾清談恒執麀尾是王謝家物。汝不須捉此。王敬則與王儉同拜開府。儉曰。老子遂與韓非同傳。或以告敬則。敬則欣然曰。我本南沙小史。今得與王衛

君同拜三公。復何恨。可見當時寒微之家。不敢與高門大族相提并論。所謂婚姻不相通。臚仕不相假者是也。然自晉以來世祿之家。絕少功臣。王導謝安。誠不多覩。其餘世族。往往與世推移。自保家世。雖朝代已易。而佐命新朝。門望如昔。雍容令僕。裙屐相高。幾不知人間有羞恥事矣。論者輒謂陳羣九品中正官人之法。實作之俑。殊不知清談浮虛。蔑棄禮法其害已中於人心。此六朝風會習尚之所以極敝也。

魏書北魏

北齊魏收著。收官尙書右僕射。文宣帝天保二年。詔脩魏史。收恃才作意。軒輊任情。得人賄輒爲之作佳傳。爾朱榮於魏爲賊。其子以金遺收。使作佳傳。乃論曰若脩德義韓彭伊霍亦何足數。於是書成。天下共詆爲穢史。

魏收在北齊脩魏史。欲以齊繼魏爲正統。故自孝武後。即以東魏孝靜帝繼之。此收之私見也。實則孝武與高歡不合。西遷關中。依宇文泰。是爲西魏。正統自宜屬孝武。故隋文帝時亦澹撰魏書。大矯收之失。與唐張大素裴安時等。以西魏爲正統。此定論也。惜其書今皆不傳。稱魏者仍以魏收本爲主。書凡百三十卷。讀者知魏收之爲人。則知魏書之良否矣。

魏書全目

帝紀

道武帝

姓拓拔名珪設官分職置五經博士增國子太學生員嘗問李先曰天下何物可以益人對曰莫若書籍乃令郡縣書籍悉送平城蓋北朝有爲之主也

明元帝

名嗣

太武帝

名釗勇健善戰身生士卒賞不避賤罰不避貴雖所甚愛之人終不寬假嘗曰法者朕與天下共之何敢輕也

文成帝

名浹

獻文帝

名弘帝剛毅有斷尤重刑罰大刑多令覆鞠或囚繫積年羣臣頗以爲言帝曰滯獄誠非善治不猶愈於倉猝而濫乎夫人幽則思善故智者以圜圉爲福堂朕特

苦之欲其改悔而矜恕耳由是因繫雖滯而所刑多得其宜又以赦令長姦故自延興以後不復有赦

孝文帝

名宏帝天生純孝太后馮氏殂帝勺水不入口者五日哀毀過禮既葬公除太尉丕高閭等奏請願抑至情奉行舊典帝曰聖人制卒哭之禮受服之變皆奪情以

漸今旬日之間言及即吉得無傷於禮乎對曰踰月而葬葬而即吉此金冊遺旨也帝曰朕思中代所以不遂三年之喪蓋由君上違世繼主初立君德未流臣義不治故身襲哀寃行即位禮朕在位過紀足令億兆知有君矣於此日而不遂哀慕之心使情理俱失豈不深恨也又曰朕所以眷戀衰經不從所議者實情不能忍耳乃號慟而入仍終三年之喪帝友愛諸弟始終無間用法嚴於大臣無所吝貸行兵禁士卒無得踐傷粟稻或發民樹皆留絹償之又嚴禁巫覡卜筮非經典所載之書皆焚之又罷尙方線繡綾羅之工民

欲造者任之故延興
太和之世稱太平焉

宣武帝

名恪

孝明帝

名翊

孝莊帝

名字攸

節閔帝

名恭

廢帝

名朗

孝武帝

名脩

出奔長安宇文泰弑之
後亡於北齊是爲西魏

文皇帝

名寶炬

廢帝

名欽

恭皇帝

名廓後遜位於
周是爲東魏

東

魏孝靖帝

名善

列傳

錄摘

羅結

結從道武帝幸賀蘭部性忠愍年一百二十
歸老國有大事輒馳驛詢問賜爵屈地侯

古弼

弼善騎射性忠直魏主敬憚
之呼曰筆公以其首長也

陸侯

侯初拜冀州刺史治爲天下第一遷懷荒鎮大將末期歲高車諸莫弗訟侯嚴急無
恩帝徵侯還問之對曰高車不知上下之禮故臨之以威制之以法後高車果叛帝

甚悔
之

高允

允歷事五帝出入三省五十餘年未嘗有譴爲人仁恕簡靜雖處貴顯情同
寒素嘗曰任賢使能何分新舊仕魏爲光祿大夫進咸陽公卒年九十八

李崇

崇爲袁州刺史，僭多盜。崇命村置一樓，皆懸鼓盜發之處，亂擊之。旁村始聞者，以一節爲節，次二次三，俄頃之間，聲聞百里，皆發人守禦。由是盜無不獲。

李安世

給事中李安世常於孝文帝時上言：田業多爲豪右所占，奪雖桑井難復，更宜均量，使力業相稱。又所爭之田，宜限年斷事，久難明悉，歸今主。魏主善之，由是始議

均田。詔諸男夫十五以上，受露田四十畝，婦人二十畝，奴婢受三十畝。盈者得賣其盈，諸宰民之官各隨近給公田，有差。

高祐

孝文帝問秘書令高祐曰：何以止盜？對曰：昔宋均立德，猛虎渡河，卓茂行化，蝗不入境，況盜賊人也。苟守宰得人，治化有方，止之易矣。

北齊書

唐李百藥著。百藥字重規。博陵人。父德林。在齊預脩國史。至開皇隋文帝年號中續成之。已上史官。藏之秘府。貞觀唐太宗年號初。百藥官左庶子。詔脩齊史。乃仍其舊錄。雜採他書。演爲五十卷。北齊立國本淺。凡五主二十八年故其史文章萎靡。節目叢脞。蓋由於史才不及古人。亦時會使然也。

北齊書全目

本紀

神武帝姓高名歡 文襄帝名澄 文宣帝名洋仕魏封齊王遂受魏禪 廢帝名殷

孝昭帝名演 武成帝名湛 後主緯 幼主恒

列傳

摘錄

蘇瓊是時齊主極殘忍有司莫不嚴酷惟郎中蘇瓊所至皆以寬平爲治或有告謀反者付瓊推檢事多中雪每年春總集大儒講於郡學禁斷淫詞婚葬皆教令儉而衷禮

魏收斛律金

金爲外戚上待之極優渥金不以爲喜嘗謂其子光曰聞古來外戚鮮有能保其族者我家以勳勞致富貴何必藉女寵也

北周書

唐令狐德棻著。武德唐太祖年號時經大亂之後。秘書湮缺。德棻請帝購求天下遺書。已復建言唐受隋禪。隋承周。宜各爲一正史。帝然之。於是德棻奉詔同岑文本崔仁師定周書凡五十卷。唐貞藏中脩梁陳周齊隋五史。德棻獨專領周書。史通書名唐劉知幾著譏其文而不實使周氏一代之史。多非實錄云云。然視宋魏書則爲較勝也。

北周書全目

本紀

文帝

姓宇文名泰

孝閔帝

名覺初仕魏封周王受魏禪後被宇文護所弑

明帝

名毓

武帝

名邕

宣

帝

名贊

靜帝

名衍

列傳

摘錄

蘇綽

綽少好學博覽羣書仕周爲尚書武帝務強國富民之道乃爲詔書六條奏請施行

其其一先脩心其二敦教化其三盡地利其四擢賢良其五恤獄訟其六均賦役綽嘗謂爲國之義當愛人如慈父訓人如嚴師及卒帝步行送葬舉聲慟哭不覺卮墜於手

于謹 韋孝寬 王褒庾信

南北朝揭要

南北對立

北朝自拓跋氏繼五胡亂晉之後。據有中原。大江以北。幾皆入版圖。享國較久。史稱北魏。與南朝對峙。歷宋齊梁陳四朝而始滅。可謂盛矣。魏自太武帝名珪之後。國勢日強。於是滅夏滅北涼平仇池伐柔然。武功之盛。五胡之世。未曾有也。又復揮戈南指。侵宋侵齊。受降梁帝。其勢勃勃。南朝之危。直如朝露。統觀南北相持中。有勇有謀。可資北伐者。南朝只一檀道濟。而又見殺於宋文。眞自壞萬里長城矣。夫宋明帝之北伐。五載無功。梁臨川王宏之出師。無故自潰。恢復中原之謂何。

直以師旅作兒戲耳。幸而胡運不振。魏自爾朱榮之亂。高歡宇文泰各立一君。而魏分東西。其勢既裂。其亡漸至。南北之局。已成弩末。然而魏以一姓割據北方者凡一百餘年。設非自相分裂則對立之局難逆覩也。

國土廣狹

晉南渡後。南北分裂。南朝之地。惟晉末宋初最大。至陳則極小矣。劉裕後爲劉宋相晉。復青齊。復洛陽。復關中。其兵力已至中原之內部。是以劉裕篡晉之後。北方之關中洛陽青齊虎牢滑臺河南淮北魯郡歷城等地。皆入版圖。直至魏太武帝攻拔洛陽克虎牢滑臺。於是河南之地。始入於魏。魏孝文帝時又與宋沈攸之等戰而敗之。宋遂失淮北四州及豫州淮南等地。其後齊將又以壽春降魏。於是淮北之地。盡入於魏。故蕭齊北境。已小於宋。梁武帝在五代中。尙有武功。與魏爭地乘魏有爾朱榮之亂。利收降將其兵力深入北方。已至洛陽。幾復宋初舊觀。惜

侯景降而復反。江北各地。均爲北齊所有。及梁元帝降西魏。蕭譽雖云後梁。然卽位江陵。稱臣於西魏。而獻其襄陽。時江北盡入於北齊。長江上流之蜀及襄陽。又入於西魏。而陳霸先陳武帝篡梁立國。其地僅據長江之下流。割江自守。武漢以上。非所有也。雖陳宣帝乘北齊之亂。曾命吳明徹北伐。思爭淮北。然周已滅齊。又敗明徹。師出無功。踴促江南。尙不及孫吳時之南達閩粵。西有荆襄也。然則陳之爲陳。亦可哀矣。

南北經術

六朝人雖以詞藻相尙。然北朝治經者。尙多專門名家。蓋自漢末鄭康成以經學教授門下。著錄者萬人。流風所被。士皆以通經績學爲業。故雖中經劉石五胡之亂。而士習相承。未盡變壞。大概元魏時經學以徐遵明爲大宗。周愔間以劉炫劉焯爲大宗。南朝經學以蕭齊之初及梁武之世爲稍盛。蓋以齊高少爲諸生。王儉爲輔。又長於經禮。梁武開五館建國學置博士。故其時

北方之遂於經學者。如宋懷方感袞等。皆一時大儒。均相率南渡講學。可見當時南朝經術。不盡爲釋老之說所掩也。惜晉尙立言宋尙文詞。而王弼何晏等論語集解。且兼采立言經學不純。已失漢儒衣鉢矣。

六朝人尙辭藻故其爲文多駢四儷六聲律和偕而梁人沈約之詩韻實成於此時其書分平上去入爲四聲謂之四聲

譜凡作韻語必宗之
由是詩律更密矣

經史子集要略 史部 提要

二四四

隋書

唐貞觀三年。詔魏徵脩隋史。以魏徵總其成。房玄齡爲監脩。序論皆徵所作。徵又薦顏師古、孔穎達、許敬宗同撰。書成凡八十五卷。作者皆唐初名臣。文筆嚴淨。稱良史焉。

隋書本無志。今之志。乃合記梁陳齊周隋之事。舊名五代史志。別自單行。其後附入隋書。蓋貞觀十五年。又詔于志寧、李淳風、韋安仁、李延壽同脩五代史志。凡成十志三十卷。至顯慶高宗年號元年。長孫無忌上之。此十志尤爲後世所推重。然此實五代史志。今雖附於隋書。究非隋志也。

隋書全目

帝紀

文帝

姓楊名堅。先篡周。後滅陳。統一南北。嚴刑峻法。內惑獨孤。病外惑楊素。廢勇立廣。再傳而亡。論者謂其頗類嬴秦也。

煬帝

名廣。悖逆無道。大興土木。殘殺百姓。屢征高麗。無功。天下騷然。後遊揚州。爲宇文化及所弑。

恭帝

爲王世充所弑

志三十

隋志爲後世所稱故全錄其目

禮儀七

音樂三

律歷三

天文三

五行二

食貨

刑法

百

官三

地理三

經籍四

以上共十志三十篇

列傳

王通

文中子

高頴蘇威

頴嘗定取陳之策威於平陳後政尚苛細作五教使民無長幼讀之涂激變朝議以此短之

牛弘

弘嘗謂自秦始皇後書有五匱上書請高祖廣獻書之路帝從之遂下詔民間獻書一從實一緣於是二三年間篇籍浸備

韓擒虎賀若弼

皆平陳之將若弼以怨望後被殺

楊玄感李密

玄感楊素之子密後降唐復叛被殺

虞世基

世基爲內史侍郎以楊帝惡聞盜賊諸將及郡縣有告敗求救者皆不以實聞但云鼠竊狗盜行營殄盡帝良以爲然或杖其使者以爲妄言由是盜徧海內帝皆

弗知遂
致於亡

裴矩勸楊帝招致西域諸胡字文化及王世充

經史子集要略 史部 附書

二四八

唐書

唐書有新舊二種。舊唐書二百卷。晉此爲石晉出帝時劉昫所監脩。新唐書二百二十五卷。宋仁宗時歐陽修等所纂脩。茲分述於左。

晉出帝開運二年。監脩國史劉昫。史官張昭遠。以修唐書紀志列傳并目錄上之。賜器幣有差。此舊唐書所以首列劉昫名也。然薛歐二史。劉昫傳俱不載其有功於唐書之處。但書其官銜監脩國史而已。蓋昫爲相時。唐書適成功。遂由昫表上之。實非昫所脩也。石晉天福五年。詔張昭遠賈緯趙熙鄭受益李維光等同修唐史。宰臣趙瑩監修。瑩以唐代載籍散失。奏請令中外臣僚有撰述者。不論年多少。並許進納。從之。是趙瑩爲監脩。綜理周密。故瑩本傳云唐書二百卷。瑩首有力焉。今人但知舊唐書爲劉昫所撰。殊不知成之者乃趙瑩張昭遠諸人也。

宋仁宗時。又以劉昫等所撰舊唐書卑弱淺陋。乃命翰林學士歐陽修端明殿學士宋祁刊脩。曾公亮提舉其事。十七年而成。凡二百二十五卷。是爲新唐書。新唐書事增於前。文省於舊。此固由於歐宋二公老於文學。然亦由於太平日久。殘編故冊。次第出現。易於參考。又得諸名手攸助其事。故成良史。今兩書並行。均列正史。然以新唐書爲佳。

唐書全目

本紀十

高祖

姓李名淵初仕隋爲太原留守進爵爲王以從世民計起兵太原隋恭帝二年遂受禪高祖乘隋室之敝淹有天下迹其行事多不足取臣事突厥昧立太子二事尤爲

失計設非世民英武唐之社稷何能永也

太宗

名世民高祖第二子殺建成元吉以承大統帝英武多智弱冠起義佐高祖成帝業擊夏楚滅燕涼俘薛仁果殺劉武周剪李黑闥擄王世充化家爲國武功昭著卽位之後任賢從諫勇玄齡杜如晦魏徵等皆當時名相尉遲敬德李世勣李靖等皆當時名將相與輔佐治理以安天下是以貞觀之治蔚然可觀海內晏安突厥臣服帝又置弘文

館以儲才釋奠孔子以立教慎刑律則定三覆五覆之法卹民瘼則有蠲租蠲賦之詔立治武功可謂盛矣

高宗

即位之初尊禮大臣矢心求諫故永徽之政有貞觀之風只以內寵武曌外信李義甫殺長孫無忌褚遂良等視朝聽政而武氏垂簾自此宮中二聖唐德衰矣

武后中宗

武曌臨朝廢中宗改國號曰周幸有狄仁傑張柬之等力輔唐室中宗得以復位否則李氏之社稷危矣中宗又寵韋后竟以被弑哀哉

睿宗玄宗

明皇開元之治卓有可觀定官制汰僧尼又有姚崇宋璟張說韓休張九齡等賢臣爲之佐惜乎天寶之後寵楊貴妃任安祿山李林甫等敗壞國事卒致西

幸巴蜀傳位太子惜哉

肅宗代宗

肅宗賴郭子儀李光弼等名將之力收復故物奠安王室代宗可爲守成之主而藩鎮勢成釀成亂階唐之紀綱墜矣

德宗順宗憲宗

德宗用盧杞趙縱等以致敗順宗在位一年無可紀者憲宗志去藩鎮削平河朔又有裴度李愬等名臣爲之輔宜乎可以中興矣乃寵宦官

貶韓愈卒被宦官張弘志所弑惜哉

穆宗敬宗文宗武宗宣宗

穆宗柔弱河朔再失敬宗昏瞶見弑宦官文宗優柔不斷受制家奴雖有李德裕等不能輔佐之也武宗爲宦官所

立然英明剛斷宣帝明察沈斷克戍先志收復河湟故大中之治時人自爲小太宗也

懿宗禧宗懿宗無道宣監專橫唐室危矣

昭宗哀帝昭帝之世天祿已去哀立三年被弑於朱全忠於唐室二百八十九年之帝業遂告終於朱梁矣

志五十從略

表十五從略

列傳一百五十摘錄

后妃節錄

則天武后姓武名曌高宗立爲皇后奇妒殺賊夫人廢中宗改國號曰周僭位二十一年賴張柬之等率羽林軍討之殺張易之張昌宗迫武氏退位居上陽宮中

宗復位帝在位五年

韋后中宗后也弑中宗謀廢立後爲明皇隆基起兵討平之

楊貴妃明皇寵妃以幸安祿山致祿山反明皇出奔幾危唐室後爲軍士逼殺於馬嵬驛

尉遲敬德

敬德名恭以字行初爲劉武周將後降世民敬德善擊稍賞與元吉較勝負須臾三奪其稍武功甚盛爲凌烟閣功臣二十四人之一帝欲以女妻之敬德曰

臣妻雖陋相與共貧賤久矣臣雖不學聞古人富不易妻此非臣所願也乃止

李靖李勣

靖破突厥定吐谷渾以功封衛國公勣鎮並州突厥不敢南向

房玄齡杜如晦魏徵

玄齡明達吏事輔以文學用法寬平與如晦引拔士類嘗如不及

晦居首魏徵性忠直事太宗知無不言嘗諫討嶺南太宗曰魏徵一言勝十萬之師諫阻封建諫納直言又慮貞觀之治不克有終乃上十漸之疏帝皆嘉納卒諡文貞爲當代名臣雖歿後有踏碑之舉後以帝征高麗無功深悔之乃歎曰魏徵若在不使我有是行也乃復之

李綱

高宗時綱爲相脩內治整邊防情爲黃潛善等所阻不久去位

王勃楊炯盧照鄰駱賓王

皆有才名稱唐初四傑

長孫無忌褚遂良

太宗疾篤召長孫無忌褚遂良受遺詔輔太子且謂太子曰無忌遂良在汝勿憂天下後遂良等以諫阻帝立武氏爲后貶死又諱無忌

謀反殺之

令狐德棻孫伏伽劉仁軌裴行儉婁師德侯君集

王維李白杜甫白居易孟浩然韋應物賈島杜牧溫庭筠李商隱

唐詩分四

期初唐王維盛唐李白杜甫中唐白居易晚唐李商隱溫庭筠杜牧

薛仁貴

仁貴於高宗朝隨李勣平高麗名震異域突厥入寇仁貴將兵至象州虜問唐將爲誰仁貴免胄示之皆下馬羅拜而去九姓反仁貴討之一發三矢殺三人虜卽

降軍中歌曰
三箭定天山

蘇味道

味道於中宗朝居相位嘗謂人曰處事不欲明白但模稜持兩端可矣時人謂之蘇模稜

狄仁傑

仁傑仕高宗及武后之朝面折廷爭秉心忠正討默啜安河北平契丹焚淫祠除武氏又薦姚元之桓彥範敬暉等數十人卒成反正之功誠唐室之良相也

張柬之

柬之爲相定策除武氏恢復唐室

姚崇宋景

玄宗開元中召崇爲相崇知帝勇於爲治乃先設十事要說以堅帝意中宗以貴戚爭營寺度僧崇上言佛圖澄不能存趙鳩摩羅什不能存秦齊襄梁武不

免禍殃何用妄度姦人使壞正法上從之齊濟謂爲救時之相信哉崇舉璟自代崇善應變璟善守法唐世賢相前稱房杜後稱姚宋廣州請爲璟立遺愛碑璟請禁之以革諂諛

之風於是他州皆不敢立山人范知璿獻所爲文璿判曰觀其良宰論頗涉諂諛文章若高宜從選舉不可別奏璿爲相不受諂諛犯顏直諫然愛民卹物人稱有脚陽春云

蘇瓌張說

說仕唐封燕國公朝廷大述作多出其手

張九齡韓休

九齡上千秋金鑑錄於玄宗亦良相也

倪若水王忠嗣牛仙客哥舒翰高仙芝封長清

高適元結

字次山

元稹

唐代詞家李白劉禹錫溫庭筠等均甚著而元稹尤爲專長也

李光弼

光弼治軍嚴肅號令一施旌旗變色爲唐中興名將與郭子儀並稱平河北破史思明降李日越謀定而後戰善以少勝衆後以中官魚朝恩爲監軍致有邙山之

敗後又擁兵徐州時論少之

郭子儀

子儀歷玄宗肅代三朝武功之盛莫與比倫破祿山破吐蕃收復兩京安撫回紇爲再造唐室之名將其後子儀處元載朝恩之間更能以頌德化其鬼蜮而讒間不

行手握強兵一詔立行故功高而主不疑誠唐代之名臣也

李泌

泌有才學歷肅代德宗三朝肅宗與泌出行軍軍士指之曰黃衣者聖人也白衣者山人也泌諫易太子和回紇制吐蕃深謀卓見爲上所重惟好談神仙爲世所輕

劉晏

晏以安史之亂所在宿重兵其費不貲變通有無曲盡其妙唐世稱理財及漕運之能者以晏爲第一晏又立常平鹽法以官多則擾民故只於出鹽之鄉設官於是國

用足而民不困

李絳元載房琯

段秀實顏真卿

秀實仕德宗朝爲節度使會朱泚反劫秀實議稱帝秀實以笏擊泚中其額曰吾豈從汝反耶乃死之後贈太尉

真卿善真草書以孝聞仕肅代二朝會李希烈反上遣真卿宣慰之真卿知必死遺其子書但令以奉家廟撫諸孤而已至許希烈欲官之真卿叱之曰汝知有罵安祿山而死者顏杲卿乎乃吾兄也吾豈受汝曹誘脅乎乃死之後贈司徒

馬燧李晟

晟十八從軍號萬人敵德宗朝授同平章事拜哭受命未復京城軍士未受春衣盛夏猶衣裘褐終無叛志後克復長安戰勝吐蕃進爵西平王子李愬於憲

宗朝受命討藩鎮雪夜入蔡州擒吳元濟爲不世之功愬餒於卒已而豐於待士稱良將焉

陸贄

贄年十八登進士德宗召爲翰林學士上數問以得失贄爲相奏議純正知無不言裴延齡等恣爲詭譎贄日陳其不可用凡事有不可力爭之所親或規其太銳贄曰

吾上不負天子下不負所學他無所需卒諡宣曰有陸宣公奏議行世

劉蕡 黃昌平人以直言下第昭宗時贈諫議大夫

權德輿 **崔羣** **柳公綽** 綽弟公權善書法文宗問曰卿書何能如是之善對曰用筆在心心正則筆正上默然知其以筆諫也

劉禹錫 **柳宗元** 禹錫字夢得工詩以譏諷時政被廢著有劉賓客文集宗元字子厚善屬文與禹錫皆黨王叔文謫柳州刺史世稱柳柳州

杜黃裳 **裴度** 憲宗時藩鎮愈強度爲相討平淮蔡以功封晉國公正色立朝以身繫天下安危者三十年作別墅曰綠野堂

烏重胤 憲宗朝重胤爲橫海節度使以河朔藩鎮所以能拒朝命者實由於州縣各置鎮將收刺史縣令之權所致因以所領德棣景三州各還刺史職事唐在州兵并令

刺史領之其後河北諸鎮惟淮海最爲順命由重胤處置得宜也

韓愈 愈字退之通六經百家之學擢進士貞元中早奏請緩征京畿物稅又請討淮西後表度討淮西奏愈爲行軍司馬十四年爲刑部郎中迎佛骨至京愈表諫曰自黃帝

以至禹湯文武皆享壽考百姓安樂當時未有佛也漢明帝始有佛法亂亡相繼宋齊梁陳魏以事佛漸讓年代亦促惟梁武帝在位四十八年三度捨身爲寺家奴竟爲侯景所逼餓死臺城事佛求福乃更得禍由此觀之佛不足信亦可知矣疏上觸帝怒貶潮州刺史又作原道極言佛不足信卒謚曰文忠爲文粹然一出於正輔贊六經一洗晉魏六朝浮靡之習世謂韓文公文章起八代之衰云

李德裕

德裕學有大節敬宗朝獻丹扆六箴文宗朝勸上討澤潞平之

李固傅奕呂才

太史公奕精究術數之書而終不之信有西域僧能呪人立死上試之驗奕曰此邪術也請呪臣僧呪之奕不覺而僧死奕不信佛戒子勿學

佛書集晉魏以來取佛教者為高識論十卷行世上命太常博士呂才判定陰陽雜書才皆為之序質以經史以為陰陽雜書妖妄不足信傷教敗禮莫斯為甚識者以為確論

杜佑

佑明史學著通典二百卷與宋鄭樵所著之通志元馬端臨所著之文獻通考世稱三通

忠義

顏杲卿張巡等

卓行

司空圖等

隱逸

孫思邈盧鴻陸羽陸龜蒙等

儒學

陸德明顏師古孔穎達陽詢等

文藝

駱賓王宋之問李白王維孟浩然李商隱等

方技

李淳風等

外戚 武承嗣 武三思 楊國忠等

宦者 吐突承瓘 高力士 路奉先 李輔國 王守澄 韋金海 程元振 魚朝恩 霍仙鳴 田令孜

酷吏 索元禮 來俊臣 吉溫等

藩鎮 天雄軍 成德軍 盧龍軍 平盧軍 橫海軍 宣武軍 彰義軍 昭義軍 以上八鎮自安史之後叛以襲叛大歷貞元間其害滋甚迄於唐亡不爲王土

姦臣 許敬宗 李義府 李林甫 盧杞 叛臣 僕固懷恩 逆臣 安祿山 史思明 李希烈 朱泚 黃巢

唐書揭要

唐室兵制

自來兵制。未有如唐室之善者也。古者諸侯擁兵於外。及其衰也。可以制天子。所謂外重內輕。周滅於秦是也。秦收天下之兵。聚之關中。郡縣之吏。手無兵柄。所謂外輕內重是也。然盜賊蠭起。而郡縣不能撲滅之。卒以致亡。皆明證也。惟唐府

兵之制。斟酌於內外輕重之間。有互相牽制。互相因應之利。而無其弊。法至善也。貞觀太宗年號之際。天下之兵。八百餘府。而在關中者五百。舉天下之兵。而後能當關中之半。外有節度使。內有府兵。內外輕重得其平衡。立法之初。未可厚非。然開元明皇年號之後。府兵四出。萃於范陽。德宗之世。禁兵皆戍趙魏。府兵既出。方鎮權重。終唐之世。迄無寧歲。論者輒以唐亡於藩鎮。而歸咎於外重內輕。殊不知藩鎮擁兵由於廢府兵也。有治法無治人。古今同慨矣。

唐室三害

黃巢附

唐室三大禍。一曰女寵。一曰宦官。一曰藩鎮。女寵之害。武后之僭大位。韋后之弑中宗。其尤著者也。宦官之害。陳宏志之弑憲宗。劉克明之弑敬宗。其尤著者也。藩鎮之害。至朱全忠且取唐室而代之。則其禍更甚於女寵與宦官矣。而又內主之

以小人。外迫之以盜賊。有楊貴妃之寵。而後有安祿山史思明之叛。有安史之亂。而後有藩鎮之跋扈。憲宗平淮蔡。靖河朔。藩鎮之勢已漸殺矣。而又大盜四起。儼然流寇。顧助之黨爲黃巢。黃巢之黨爲朱全忠。全忠歸唐而用之。則盜賊一變而爲藩鎮矣。當是時宰相謀誅宦官。則召藩鎮。崔胤是也。宦官謀殺宰相。亦召藩鎮。韓全誨等是也。及其終也。宰相死。宦官死。天子亦死。朱全忠且據神器而有之。而唐遂亡。此三害循環之結果也。

租庸調法

兩稅之附

田賦之制。自井田法廢。王莽曾有王田之制。行之未久。反以致弊。於是許民自相買賣。晉武帝時。又有戶調式之頒行。北魏孝文帝時。亦有均田令。其立意皆以整理田賦爲本。然均未見大效。蓋以天下紛亂之時。徒法不足以自行也。唐初田賦之制。沿晉武帝時戶調法。使天下之人。各有其一定之田。田各

有其一定之稅。最得均田之義。此租庸調法之所由始也。有田則有租。租言以公田假人耕種。而收其租入也。有家則有調。調言據丁土所樹藝。而調取之也。有身則有庸。庸言人出絹而當役傭直也。其法凡民始生爲黃。四歲爲小。十六爲中。二十一爲丁。六十爲老。授田之制。丁及男年十八以上者。人一頃。八十畝爲口分。二十畝爲永業。其爲餘者。人四十畝。寡妻妾三十畝。當戶者增二十畝。皆以二十畝爲永業。其餘爲口分。永業之田。樹以榆棗桑及久所宜木。皆有數。諸鄉有寬狹。地有肥瘠。人有死徙者倍半。買賣各有限制。自王公以下。皆有永業田。稅歛之數。凡授田者丁歲輸粟二斛。稻三斛。謂之租。丁隨鄉所出。歲輸絹二匹。綾二丈。布加五之一。綿三兩。麻三觔。非蠶鄉則輸銀十四兩。謂之調。用人之力。歲二十日。閏加二日。不役者。日爲絹三尺。謂之庸。有事而加役二十十五日者。免調。三十者。租調皆免。通正役不過五十日。自

外戚及於學生俊士義夫節婦。皆免課役。水旱霜蝗。所免租庸調各有差。此高祖太宗致民殷富之良法也。開元明皇之後。侈費無節。兵興盜起。財用不足。丁口戶籍編造不實。租庸調法於是弊矣。迨至代宗。始計畝定稅。德宗相楊炎。遂作兩稅法。戶無主客。以居者爲簿。人無丁中。以貧富爲差。徵稅之期。定以夏秋。此法一行。而租庸調法盡廢矣。論者謂三代井田之法。壞於商鞅。以其隨田之在民者稅之。而不問其多寡也。唐租庸調之法。壞於楊炎。以其隨民之有田者稅之。而不分其中下也。兩稅之法。自炎創之。歷代相沿。或治或亂。意者其在稅外乎。

武韋之禍

高宗之武后。中宗之韋后。皆唐氏之罪人也。然武后易宗社改元稱帝。實爲篡賊。韋之惡不及武。而早死。有天幸焉。中宗昏猶高宗。而甚之以愚。韋后淫猶武氏。而益之以賤。愚且賤

。其人不可言也。武后欲自縊。願高宗頭眩速死。韋后淫不制。竟毒中宗。婦人始惑其夫。旣則惡之。又甚則殺之。盜憎主人。婦怨無極。下愚當此。有死而已。天寶而後。先有楊貴妃。後有張良姊。宮闈之禍。竟致乘輿播遷。藩鎮兵起。一敗壞而不堪收拾焉。可不懼哉。

安史之亂

安祿山史思明皆胡種也。勾結楊妃。本無大志。設非李林甫激之使反。范陽之變。未必即發。乃玄宗相李林甫。寵楊貴妃。任楊國忠。開門揖盜。過非一端。祿山旣反。潼關不守。而乃倉皇幸蜀。遜位肅宗。幸而賊運將終。郭子儀李光弼等。再造唐室。未致滅亡。詎非大倖。然而三郎郎當。馬嵬之痛。蜀道之難。皆受安史之賜也。

牛李之嫌

自古君子小人之爭。無不以朋黨二字爲誣陷殘殺之不二之法門

。前漢之黨。指蕭望之劉向張猛周堪。而治之者元帝與弘恭石顯也。後漢之黨。指李膺范滂等二百餘人。而治之者桓靈與中常侍也。唐長慶太和之黨。始於牛僧儒與李德裕之交惡。李宗閔李逢吉等。遂附和僧儒。目德裕李紳等爲朋黨而排擠之。傾軋報復垂四十年。然李德裕相武宗。六年之間。藩鎮漸清。其與裴度相憲宗平藩鎮者同其功業。僧儒相文宗。碌碌無能。惟日以阻害李德裕爲事。且以天下已小康欺文宗。眞竊位盜名之小人也。宣宗惡德裕。竟貶爲崖州司戶。牛李之黨。遂爲唐室末葉之不幸焉。迨昭宣帝之際。凡縉紳不與梁者。柳璨皆誣以朋黨而投之濁流。白馬驛之禍。可爲寒心。履霜堅冰。君子所以防未然也。

黃巢之反

唐亡於藩鎮。實亡於盜賊。黃巢李仙芝。其始不過山東一鹽販耳。而乃嘯聚山林。擾江淮。陷廣州。渡采石。破長安。僖宗

倉猝出走。稅駕成都。設無李克用等收復京師。削平逆寇。則黃巢之猖獗。幾何而不爲明之李自成張獻忠耶。然而巢賊雖除。全忠繼起。卒以亡唐。是藩鎮之前身。實流寇之餘孽耳。

後五代

自唐末藩鎮跋扈。遞演而成後五代之局。唐亡以後。後梁。後唐。後晉。後漢。後周。以次稱帝。是爲後五代。後梁始於朱全忠。後唐始於李存勗。後晉始於石敬瑭。後漢始於劉知遠。後周始於郭威。凡五朝。皆都北方。然是時偏方割據者尙有十國。今據五代史世家前後。列表於下。

後五代					五代國號	始祖	國都	滅其國者
後	後	後	後	後				
周	漢	晉	唐	梁	始	祖	國	都
郭威	劉知遠	石敬瑭	李存勗	朱全忠	洛陽	洛陽	洛陽	亡於李存勗
大梁	大梁	大梁	洛陽	洛陽	亡於石敬瑭	亡於契丹	亡於郭威	亡於宋

五代偏方割據者凡十國稱帝改元者七惟楚吳越南平常用中國年號

偏方割據諸國表				國名	始祖	國都	滅其國者
吳	南	前	後	南	楚	吳	閩
楊行密	李昇	王建	孟知祥	劉隱	馬殷	錢鏐	王審知
揚州	金陵	成都	成都	廣州	長沙	杭州	福州
亡於南唐	亡於宋太祖	亡於南唐	亡於宋太祖	亡於宋太祖	亡於南唐	亡於宋太祖	亡於南唐

		南	東
		華	漢
		高	淵
		季	崇
		興	太
		江	原
		陵	亡
		於	於
		宋	宋
		太	太
		祖	祖

五代史

梁唐晉漢周各有一代之史宋歐陽修始刪爲五代史後司馬光脩資治通鑑雖取歐陽公一二論說而所引書仍多舊史故其言辭詳略與五代史多有異同

五代史有新舊二種。宋太宗開寶六年。詔脩梁唐晉漢周書。其曰五代史者後人總括之名也。書凡一百五十卷。監脩者爲薛居正。以各朝實錄爲槁本。此官脩之史。所謂舊五代史也。其後歐陽脩病其繁蕪。乃私撰五代史。凡七十五卷。藏於家。脩歿後。熙寧五年。詔求其書刊行。是爲新五代史。於是薛歐二史並行於世。然歐史文筆潔淨。直追遷史。其書法謹嚴。寓褒貶於詡傳之中。尤非薛史所能及也。

五代史全目

本紀十二

梁太祖

姓朱名溫初從黃巢爲盜後降唐拜宣武軍節度使賜名全忠後封梁主竟祚唐祚卽位後又更名晃荒暴無道二世而亡

梁末帝

名友貞更名瑱亡於唐

唐莊宗

姓李名存勖唐晉王李克用之子克用忠於唐屢敗朱全忠誓終身守節終以三矢遺存勖滅梁存勖卽位國號唐祭太廟遙三矢

唐明宗

名嗣源明宗與物無競每夕於宮中焚香祝太曰願大早生聖人爲生民主卽位八年兵革罕用於五代時相爲小康

唐愍帝廢帝

晉高祖

姓石名敬瑭唐明宗之婿借契丹兵滅唐尊契丹爲父復獻幽薊十六州自是十六州四百餘年不復爲中國有矣

晉出帝

名重育爲契丹所虜晉亡

漢高祖隱帝

高祖姓劉名知遠仕晉封北平王出帝被虜乃卽位改國號曰漢隱帝名承裕知遠子父子在位共四年自古享國之最短者

周太祖

姓郭名威仕漢爲侍中會遼兵入寇威率兵擊之至懷州爲軍士擁立

周世宗恭帝世宗本姓柴太祖養子在位六年重威令崇儒術故五代十三君以周世宗為最恭帝名宗訓七歲即位陳橋之變禪於趙匡胤五代之局終矣

列傳四十五摘錄

梁家人以下有唐晉漢周等家人列傳從略

梁臣 唐臣 晉臣桑維翰景延廣等 漢臣 周臣韓通等

死節梁王彥章唐裴約南唐劉仁贍

宦者張承業等承業為唐末宦者忠於唐室至死不渝

雜傳雜傳諸人皆歷事數朝不可以代紀故史特註出以彰其醜馮道自稱長樂老歷事諸朝阿諛取容

考三從略

世家十

吳 南唐 前蜀 後蜀 南漢 楚 吳越 閩 南平 東漢
年譜一

經史子集要略 史部 後五代

十國年譜

遼史

元脫脫本凡一百十六卷

元順帝時。命托克托等脩遼宋金三史。自至正三年開始。至正五年告成。以如許卷帙。成之不及三年。蓋三史皆有舊本。非至托克托始脩也。各朝本有各朝舊史。元世祖時又已編纂成書。至托克托等。已屬第二三次脩緝。故易於告成耳。遼史在遼時。已有耶律儼本。在金時又有陳大任本。此遼史之舊本也。金亡後。累朝實錄在順天張萬戶家。後即據以脩金史。此金史之舊本也。宋亡後董文炳在臨安主留事。曰國可滅史不可滅。遂以宋史館諸記駐盡歸於元都。貯國史院。此宋史舊本也。人但知至正時托克托等脩三史。而不知至正以前。早有成書可稽也。托克托即脫脫不花之音

遼史全目

本紀三十

太祖

耶律億國號契丹居熱河後梁時阿保機稱帝其境東至日本海西及天山包有內外蒙古及直隸山西之北境至德光朝改國號曰遼凡九帝二百二十年後爲金所

滅遼
亡

太宗

德光

世宗

阮

穆宗

璟

景宗

賢

聖宗

隆緒

興宗

宗真

道宗

洪基

天祚帝

延禧

志三十三

營衛兵衛等

表八

世表部族等

列傳四十五從略

國語解從略

遼史揭要

遼之先。出自炎帝。其可知者。蓋自奇首至德祖已八世。世屬契丹。德祖生耶律億。德祖死。億遂建國。破室韋諸部。伐河東河北。略地至薊。與唐李克用盟。拔劉仁恭於燕都。因以偏

師討東北諸都。及女真之未附者。於是東至海。西至流沙北絕大漠。是爲太祖。子倍讓位於弟德光。乃載書浮海歸於唐。已而德光滅唐而立石晉。改國號曰遼。縱騎四出。中原大擾。死後剖腹實鹽。載以之北歸。時謂之帝羆。倍子阮立。述軋弑之。德光之子璟繼立。嗜酒無度。周世宗伐之。阮子賢立。與宋太宗戰於高粱河。傳子隆緒。蕭太后專政。復號契丹。大舉寇宋。有澶淵之盟。子宗眞嗣。國富兵強。乘宋有西夏之擾。入寇中原。富弼力爭。而和好復定。子洪基嗣。酷好浮圖。復國號曰遼。宋使韓縝割地畀之。延禧以孫繼立。宋徽宗遣童貫結好女眞。相約來攻。取燕雲。延禧奔夾山。爲金人所擒。凡九世。計二百二十年而遼亡。後又分北遼西遼不數年皆亡。

經史子集要略 史部 提要

宋史

元脫脫本凡一百九十六卷

宋代國史。國亡時皆入於元。元人修史時。大概只就宋舊本。稍爲排次。故元順帝時命托克托等修遼宋金三史。不及三年。卽告成。托克托奉敕撰宋史共四百九十六卷。大旨在表彰道學。而文則失之太繁。南宋以後。文苑僅列數人。循吏竟不列傳。則又疎略之病也。

宋史繁蕪。昔人多有欲重修者。明嘉靖中。廷議更修宋史。以嚴嵩董其事。然未得成書。惟柯維騏嘉靖時人以遼宋金三史體例未當。乃合三史爲一史。以宋爲主。而遼金附之。褒貶去取。義例頗嚴。閱二十年始成。名曰宋史新編。惜其書未及梓行。卽已散失。今所傳者。只托克托本耳。

宋史全目

本紀四十七

太祖

姓趙名匡胤仕周爲殿前都點檢陳橋之變遂代周帝豁達大度時偕國十餘皆削平之信任儒臣愛養民力保全功臣杯酒釋兵號稱英主

太宗

名匡義以太后命繼太祖而立帝仁恕恭儉好文守成滅北漢天下復歸一統可謂有帝王之略矣惜歧溝之敗氣餒於契丹爲美中不足耳

眞宗

名恒好道教東封西祀史不絕書契丹入寇設非寇準勸帝親征則澶淵一役宋室不亡者幾希矣

仁宗

名禎卽位之始政出太后親政之後衆賢登庸范仲淹富弼韓琦狄青歐陽修等濟濟一朝誠有宋一代極盛之時也

英宗

名曙卽位之初受宦官譏間兩宮不和幸賴宰相韓琦呂誨歐陽修諸賢調護而安然優禮大臣愛民好儒亦良主也

神宗

名顒帝最信任王安石銳意變法凡農田水利青苗均輸保甲免役等法無不次第實行卒致天下嗷嗷民情愁苦未見新法之效也

哲宗

名照帝幼冲卽位高太后臨朝任用賢相政事修舉故元祐之世稱女中堯舜太后崩帝以昏庸之主近小人遠君子用章惇蔡卞等而元祐諸賢貶斥殆盡中原大亂

宋德
始衰

徽宗

名佶帝任蔡京等貶黨人信神仙之說又與金約滅遼遂爲所欺金人入寇擄帝北去

欽宗

名桓卽位二年又爲金擄徽欽旣亡北宋以終

高宗

名構即位南京是爲南宋帝無撥亂之才故雖有李綱張浚爲之相張韓劉岳爲之將不能復尺寸之地秦檜主和致受金人冊封爲大宋皇帝中原無恢復之望矣

孝宗

名昀時值金主賢明南北講和俱得休息帝性純孝志在復仇惜張浚一出撓於史浩再出撓於湯思退師出無功爲可惜耳

光宗

名惇帝遭后悍妬惑惡婦之讒言乖父子之天性父在不朝父疾不視父死不服喪蓋亦禽獸其心矣趙汝愚等奉太皇太后旨擁立嘉王所謂反復之而不聽則易位

者是也

寧宗

名擴帝柔而不明廢黜正學先用韓侂胄後用史彌遠淪盟致寇金人犯邊是時元太祖已起兵北方宋與金之末路皆至矣

理宗

名的始蔽於史彌遠繼惑於史嵩之終失於賈似道約元滅金而又敗盟蒙古之禍卒以亡宋

度宗

名禕賈似道專政喪師失地諱敗爲勝以至於亡惜哉

恭宗

名焘被元兵擄至沙漠而殂

端宗

名昀元兵入臨安帝即位於福州自是天子居於海上雖有文天祥張世傑等之忠勇然天命已去宋無尺寸土矣

帝昀

名昀帝舟在廣東之崖山元兵破之陸秀夫負帝赴海死張世傑亦死宋室三百二十年之帝業終矣

志一百六十二從略

表三十二從略

列傳二百五十五摘錄

范質王溥魏仁浦前此宰相見天子議政均坐賜茶范質等相太祖畏帝英睿輒具劄子進呈自是坐論之禮遂廢溥及仁浦皆太祖時同平章事

石守信王審琦高懷德韓重贇王彥昇

王全斌全斌與曹斌等伐蜀滅之全斌在蜀日驕遂激蜀變幸曹彬等討平之

趙普普獨相十年剛毅果斷然多忌刻杜太后臨終召普受顧命令太祖傳光義光義傳光美光美傳德昭後太宗崩議嗣君普曰一誤不可再誤乃傳太宗之子眞宗普嘗

曰以半部論語治天下亦賢相也

曹斌潘美斌奉命伐江南平之斌位兼將相性仁厚及卒家無餘積爲宋良將第一美奉命伐南漢平之亦良將也

李穀劉溫叟溫叟清介方正事母以孝聞與李昉定通禮

薛居正盧多遜

居正相太宗十八年寬簡不苛衆論賢之多遜爲相貪固權位力毀趙普

李昉呂蒙正張齊賢

昉爲相不市恩時人賢之蒙正與趙普同相太宗質厚寬簡有重望嘗曰治國之要在內脩政事則遠人未歸齊賢相眞宗有令名

錢若水蘇易簡雷德讓

楊業

業善戰號楊無敵遼人忌之每戰望見旌旗輒引去後戰死於陳家谷

呂端寇準

端相太宗眞宗器量寬恕知大體上嘗曰呂端大事不糊塗每見其入對肅然拱揖不以名呼準相眞宗時契丹入寇力勸帝親征故澶淵之役契丹請盟皆

準之力世稱寇萊公

李沆王旦向敏中

沆於眞宗朝同平章事嘗曰人主少年當使知四方艱難嘗治第廳事前僅容旋馬或言太隘沆曰居弟當傳子孫此爲宰相廳事賊陰

爲太祝奉禮應事則已寬矣嘗讀論語曰沆爲相如論語中節用而愛人使民以時尙未能行聖人之言終日誦之可也旦爲眞宗相慎守法度及老力薦寇準自代

王欽若丁謂陳彭年劉承珪林特

時人謂之五鬼以王欽若等導帝信祥瑞符錄

狄青

青於仁宗朝討元昊破儂智高立奇功愼密寡言明賞罰正部伍與士卒同甘苦以功擢同平章事青起微賤有以狄梁公畫像獻之者青辭之曰一時遭際安敢自附梁公

時論
多之

呂夷簡

夷簡爲相自章獻太后臨朝至仁宗中葉當國最久西夏用師契丹求地選將命使二邊以寧惟排斥異己實乏休休有容之量耳

楊億李迪王曾蔡襄王禹偁劉敞

晏殊

自五代以來學校廢壞殊始興建爲諸州倡延范仲淹以教生徒故仁宗而後大儒輩出

韓琦曾公亮

琦相英宗太后與帝有隙帝謂琦曰太后待我少恩對曰自古聖帝明王不爲少矣獨稱舜爲大孝豈其餘盡不孝哉父母慈而子孝此常事不足

道惟父母不慈而子不失孝乃爲可稱但恐陛下事之未至耳帝大感悟琦相三朝與富弼並稱

富弼文彥博

弼使契丹議和不辱君命又上安邊十三策仁宗朝與文彥博同入相及宣制士大夫相慶於朝文富二公素望碩德華夷著稱稱名相焉弼常言

君子與小人並處其勢必不勝君子不勝則奉身而退樂道無悶小人不勝則交結構扇千歧萬轍必勝而後已迨其得志遂肆毒於善良求天下不亂不可得也彥博久居樞府以王安石變法言於帝曰朝廷行事務合人心後因與安石不合致仕

胡瑗孫復

瑗居太學禮部所得士瑗弟子十常居四五時瑗與孫復同爲直講復教養不及瑗而治經過之

范仲淹范純仁

仲淹於仁宗時知延州防西夏敵人相戒曰小范老子腹中有十萬甲兵不比大范老子可欺也大范指范雍也仲淹選監司凡不才者一筆

勾之富弼曰一筆勾之甚易焉知一家哭矣仲淹曰一家哭何如一路哭耶遂悉罷之仲淹內剛外和汎愛樂善惜其參知政事不久莫能成其先憂後樂之志忤至孝與富弼同心輔政以忤呂夷簡放逐者數年天下咸仰其德焉先儒論宋代人物以仲淹爲第一以其佐宋皆聖賢事業白璧無瑕者也純仁仲淹子也神宗朝判國子監奏言王安石變祖宗法度掊克財利民心不寧書曰怨豈在明不見是圖願陛下圖不見之怨帝曰何謂不見之怨對曰杜牧所謂不敢言而敢怒者是也遂作尚書解以進又言安石鄙老成爲因循棄公論爲流俗不聽尋左遷知和州

包拯趙抃唐介

拯性剛直嫉惡如仇知開封府貴戚宦官爲之斂手時人以其笑比黃河清焉後爲龍圖閣學士故世稱包龍圖

歐陽修曾鞏

時尙險怪之文號大學體張方平常言文章之變興政通邇來文格日失其舊驅扇浮薄重虧雅俗非取賢斂才備治具之意歐陽修知貢舉痛抑新體

時所推譽皆不在選澆薄之士侯修晨朝羣聚詆斥之然文體自是亦稍變修以風節自持與王安石不合致仕鞏文章本源六經爲歐陽修所重與唐韓愈柳宗元及宋之蘇洵父子王安石稱唐八大家皆古文大師也按唐宋八大家文鈔係明茅坤編至清儲欣又益以李翱孫樵爲十大家李孫皆韓愈門人古文以韓愈爲大宗蘇子由爲最次此清劉開之論也

趙抃仁宗時爲御史彈劾不避權倖聲稱凜然時人稱爲鐵面御史嘗以一琴一鶴自隨英宗時參知政事後以忤王安石去位

王德用德用於仁宗朝爲樞密使契丹使至語譯者曰黑王相公乃復起耶其威望見重如此

陶穀太祖自陳橋之變入宮日晡班定猶未有禪詔翰林承旨陶穀出諸袖中遂用之帝北面拜受乃升殿即帝位

鄭俠王安石新法病民是時急征苛歛東北流民羸疾愁苦身無完衣至身被鎗械而負瓦揭木賣以償官鄭俠乃繪流民圖上之請罷新法

陳搏搏隱華山太宗時兩入朝嘗謂宋琪曰君臣協心同德興化假令白日飛昇亦何益於世搏精於易世稱希夷先生

呂誨誨於神宗朝爲御史中丞王安石既執政誨上疏曰大姦似忠大詐似信安石外示朴野中藏巧詐驕蹇慢上陰賊害物云云疏上不聽乃出知鄧州安石益橫司馬光

服其先見自以爲不及也

王安石神宗信安石最專安石變法興農田水利均輸保甲免役市易保馬方田諸法號曰新法呂惠卿等附合安石一時名臣皆被斥然新法竟無效天下騷然

司馬光呂公著光孝友忠信恭儉正直自少至老語未嘗妄自言吾無過人者但平生所爲未嘗有不可對人言者耳誠心自然天下敬信於學無所不通惟

不喜釋老曰其微言不能出吾書其誕吾不信也及居政府凡王安石所建新法爲民害者剗革略盡及卒京師爲之罷市往弔鬻衣致奠四方皆畫像以祀公著講學以治心養

性爲本相業亞於司馬
光亦宋室之名臣也

周敦頤

敦頤博學力行著太極圖明天理之根源又著通書四十篇發明太極之蘊得孔孟之道有大功於學者程顥程頤皆師之敦頤每令尋孔顏樂處世稱濂溪先生

爲有宋一代理學之宗與司馬光邵雍程頤程頤張載稱理學六先生而周敦頤實爲宋理學之開祖

張載

載少喜談兵後見范仲淹因勸載讀中庸又訪諸釋老知無所得反而求之六經與二程論道學之要渙然自信曰吾道自足何事旁求於是盡棄異學淳如也時王安石

石爲政乃隱南山
世稱橫渠先生

程顥程頤

顥自十五六時與弟頤聞汝南周敦頤論道遂厭科舉之業慨然有求道之志未知其要泛濫於諸家出入於釋老者幾十年返求諸六經而後得之資性過

人充養有道自秦漢以來未有臻斯境者及卒文彥博採衆論題其墓曰明道先生弟頤致力於聖賢之學言必忠信動遵禮度蘇軾嫉之於是洛黨以頤爲首蜀黨以軾爲首朔黨以劉摯爲首講學始有門戶之見惟呂大防范祖禹師司馬光無黨頤既卒世稱伊川先生

楊時

時學於程頤高宗時以龍圖閣直學士致仕以著書講學爲務朱熹張栻得程氏之學其源皆出於時世稱龜山先生

劉庠

庠不附王安石安石欲見之庠曰安石自執政未嘗一事合人情往將何語耶卒不往疏極言新法非便上曰奈何不與大臣協心濟治乎庠曰臣知事陛下而已不

敢附安石也

邵雍

雍於書無所不讀初北海李之才受易於程脩脩受於仲放放受於陳搏源流最遠雍師事之先之以物理之學繼教以性命之學雍由是妙悟神契著書十萬言累徵

不仕稱大儒焉

孫固范祖禹陳瓘韓維

范鎮

鎮歷事三朝剛正勇決清白坦夷神宗朝與王安石不合致仕其學本於六經口不道佛老申韓之說與司馬光並稱於時

蘇洵蘇軾蘇轍

洵嘗作辨姦論以譏王安石軾轍均與王安石不合時號眉山三蘇均有文名惟轍嫉程頤致成蜀洛閩三黨之隙良可惜也

謝良佐游酢呂大臨

與楊時稱程門四先生

呂大防劉摯蘇頌梁燾

贊於哲宗朝爲尚書右丞嘗論人才曰性忠實而才識有餘上也才識不逮而忠實有餘次也有才而難保可籍以集事

又其次也懷邪觀望隨時改變此小人也

尹焞胡安國

南渡後儒者進退合義以尹胡爲首

劉安世張懿

安世忠孝正直取則於司馬光在諫職爲蔡京章惇等所忌以貶卒懿同知樞密院事立巡社法寓兵於農前此言民兵者皆莫及之高宗詔集爲

書行之

黃庭堅

高宗朝令頒庭堅所書戒石銘於州縣令刻石文曰爾俸爾祿民膏民脂下民易虐上天難欺庭堅與秦觀等稱蘇門六君子又善詩稱江西派之首

种師道

欽宗時金人圍京師師道率諸道勤王兵至汴京時論多之

劉韜張叔夜

叔夜知海州降淮南道宋江等欽宗時爲南道都總管帥師入衛徽宗被擄叔夜從帝渡白溝河死之

李綱

徽宗朝金議割地綱爲兵部侍郎力言祖宗疆土當以死守不可以尺寸與人欽宗初爲東京留守力勸上不可出幸以避金兵乃力戰禦敵後爲相力主恢復中原黃

善王伯彥方勸帝幸揚州幸杭州綱遂被斥去位與趙鼎並稱賢相

呂頤浩

宋帝航海之策實頤浩進之

張浚張俊

浚志復中原與湯思退並相孝宗浚始終不主和議與思退不合俊附和秦檜陷害岳飛時論鄙之

趙鼎劉大中王庶晏敦復張燾李光

宗澤

澤爲東京留守屢挫金兵力請帝還京師皆不聽

韓世忠劉光世吳玠吳玠劉錡劉子羽劉琪皆南宋名將

呂好問范成大魏杞虞允文

胡寅

寅進七策於高宗力請罷和議而脩戰路呂頤浩惡其切直罷之於外

岳飛

飛志復中原扼於秦檜遂被陷害飛用兵之術曰仁信智勇嚴爲宋室名將也

羅從彥胡宏

從彥宏皆楊時弟子朱熹謂龜山倡道東南士之游其門者甚衆然潛思力行任重詣極者仲素一人而已學者稱豫章先生仲素從彥字也

林勳

高宗時勳爲廣州教授上本政書三十篇詳言農貧兵驕地利多遺財用不足皆本政不脩之故宜做古井田之制一夫受田五十畝其有美田之家無得市田其無田

與游惰未作者驅之吏爲隸農以耕田之美者而雜租錢穀以爲什一之稅朱熹甚愛其書陳亮稱其考古驗今思慮周密世之爲井田學者無以加矣

朱熹

婺源人字元晦紹興中登進士累官煥章閣待制卒謚曰文公幼有求道之志聞延平李侗學於羅從彥得伊洛之正遂徒步往從之其學大要窮理致知反躬實踐而

以居敬爲主四方遊學之士從之者如市初劉勉之聞涪陵譙定受易學於程頤公嘗從胡憲劉勉之劉子輩三君子遊勉之從譙定劉安世楊時受學故公得道統之傳自勉之始其論治以正君恤民爲主宋之理學至公而集其大成講學於考亭世稱考亭學派歷高孝光寧四朝著有大學中庸章句或問論語孟子集注通鑑綱目等書行世南宋理學以公爲主北宋則以程頤爲主也

陸九淵

九淵居貴溪之象山世稱象山先生其學主尊德性朱熹學主道問學嘗與熹會講鵝湖宗旨各異故時有朱陸異同之說又公弟九韶九齡皆講學世稱江西三

陸卒諡文安明王守仁講學以良知良能為主稱姚江派又稱陽明先生故世以陸王並稱程朱並稱此理學兩大派脩學之法雖殊然同歸於聖人之道則一也

張栻

栻與朱熹爲友以古聖賢自期其學嚴於義利之辨所著有論孟太極說學者稱南軒先生兩宋理學分濂洛關閩四學派濂溪周敦頤洛陽程顥程頤關中張載閩中

朱熹也

常安民

哲宗朝罷新法復用元祐諸賢天下翕然呂公著繼司馬光爲相熙豐小人猶多在朝安民貽公著書曰善觀天下之勢猶良醫之視疾方天下無事之時語人曰

其後必有大憂則衆必駭笑惟識微見幾之士然後能逆知其漸故不憂於可憂而憂於無足憂者至憂也今日天下之勢可爲大憂雖登進忠良而不能搜致海內英才使皆萃

於朝以勝小人恐端人正士未得安枕而臥也故去小人爲不難而勝小人爲難陳蕃竇武協心同力選用名賢天下想望太平然卒死於曹節之手遂成黨錮之禍張柬之五王

中興唐室以爲慶流萬世及武三思一得志至於竄移淪沒凡此者皆前世已然之禍也又云今怨憤已積一發其害必大可不爲大憂乎公著得書默然至徽宗時蔡京等用事

元祐諸賢排斥殆盡且立黨人碑於端禮門司馬光等百二十人爲姦黨而北宋終矣後安民又論章惇蔡京姦時論賢之

任伯雨

徽宗時伯雨爲右正言時會布欲調和元祐紹聖之人伯雨言自古未有君子小人雜然並進可以致治者蓋君子易退小人難退二者並用終於君子盡去小人

獨留唐德宗坐此以致播遷之禍不可以不戒

呂祖謙

宋代理學以周程張朱四先生爲首至南宋末年又分三大學派朱熹主格物致知陸九淵主明心二子所主不同呂祖謙字伯恭學者稱東萊先生則取朱陸之

長而貫通於朱子之道問學陸子之尊德性者也

蔡元定

元定從朱熹學熹稱爲老友世稱西山先生

陳東

徽宗朝天下皆知蔡京等誤國大學生陳東上書曰今日之事蔡京壞亂於前梁師成陰賊於內李彥結怨於西北朱勔聚怨於東南王輔童貫又從而結怨於遼金請

誅此六賊以謝天下帝嘉納之

羅點

光宗朝點簽樞密院事孝友端介不爲矯激之行或謂天下事非才不辦點曰當論其心心苟不正才雖過人果何取哉

魏了翁真德秀

德秀與了翁爲史彌遠排擠去位彌遠死神宗以民望召還爲翰林學士德秀乃進大學衍義了翁入對力陳儒生與戚宦不兩立

留正周必大劉光祖趙汝愚

必大相孝宗純篤忠厚善類多所引進光祖爲侍御史乞禁譏議道學者汝愚相光宗忠正不阿光宗不

孝汝愚以太皇太后命擁立嘉王尤得貴戚大臣之體與留正並稱賢相惜其不能預防韓侂冑而用之終爲所擠以去位也

趙葵趙范丘富孟珙皆宋末名將

謝枋得恭宗朝枋得知信州與元兵戰矢盡兵敗入山變姓名元初求人才逼之北行至元都慟哭不食死世稱登山先生

秦檜万俟卨李邦彥汪伯彥黃潛善何鑄史浩

章惇蔡京蔡卞蔡攸朱勔劉德秀陳自強京鏜蔡確李清臣

曾布呂惠卿楊畏太皇太后崩哲宗親政首用楊畏言紹述神宗之政改元紹聖於是呂惠卿章惇蔡京以次登用而元祐諸賢皆去位矣

賈似道似道於理宗朝隱向元兵割地納幣請和詭以鄂州圍解表聞然諱和主戰卒以亡宋度宗立益專政平章軍國事嘗築半閒堂門蟋蟀誤國害民後以元兵迫建

康被貶死

韓侂胄蘇師旦史彌遠侂胄仕寧宗朝力排趙汝愚留正朱熹諸賢又名道學曰偽學嚴禁之並以朱熹諸賢爲僞黨貶斥殆盡正人君子皆不

自安侂胄又欲假伐金以自固用師旦謀定議伐金自是徹盟東南失守寧宗奔四明彌遠殺侂胄繼爲相寧宗崩矯詔立理宗國事已不可爲矣

張邦昌劉豫吳曦

余安裕安裕爲國子正學客有甚談安裕之文學於謝枋得者枋得笑曰昔呂東萊中宏詞而歸學者羣登其門請升講座陳同父勸東萊勿許曰伯恭本是繫結聖賢豈

可升座東萊問其故同父曰官爲宰相可以牛殺廢置人官爲臺諫給舍可以彈駁榮辱人官爲國子監可以考校舍法去取人開口高談道德性命縱有錯謬人無爭辯者畏其勢也此三等謂之繫籍聖賢東萊大笑而止今安裕爲國子正字乃繫籍聖賢宜乎子之敬畏而稱頌之也客大慚

陸秀夫

號君實舉進士累官至吏部侍郎端宗崩帝昺立爲左丞相與張世傑共秉政元軍破崖山秀夫負宋帝赴海死宋亡

文天祥

天祥吉水人號文山理宗時進士端宗時爲右丞相封信國公時宋室將亡天祥屢募義兵圖恢復後戰敗被元兵執不屈作正氣歌以見志遂死

張世傑

元軍既破崖山宋帝已死世傑與元將張弘範戰於海上力竭敗走平章山下圖再舉適大風世傑仰天呼曰我爲趙氏亦已至矣若天不欲我復存趙祀則大風

覆我舟舟遂覆世傑死焉

道學

周敦頤 程顥 程頤 張載 弟戩 邵雍

道學

劉絢 李籲 謝良佐 游酢 張繹 蘇昞 尹焞 楊時 羅從彥 李侗 俱程氏門人

道學

朱熹 張栻

道學

黃幹 李燾 張洽 陳淳 李方 黃瀟 俱朱氏門人

儒林 孫復 胡瑗 楊萬里 劉子翬 呂祖謙 蔡元定子沈
陸九齡 九韶 九淵 胡安國子寅宏甯真德秀 魏了翁等

文苑 安德裕 蘇舜欽 蘇洵 唐庚兄伯虎
黃庭堅 米芾 李公麟 葉夢得等

忠義 李若水 劉韜 傅察 李邁 歐陽珣 張世傑
陸秀夫 陳東 歐陽澈 呂祖儉 呂祖泰等

隱逸 種放 魏野 林逋 和靖
劉勉之 胡憲等

宦者 雷允恭
童貫等

佞倖 朱勛
等

姦臣 蔡確 呂惠卿 章惇 曾布 蔡京弟汴子攸 趙良嗣 郭藥師
黃潛善 王伯彥 秦檜 萬俟卨 韓侂冑 丁大全 賈似道

叛臣 張邦昌 劉豫 劉正彥
杜充 吳曦 李全

世家 南唐李氏 西蜀孟氏 吳越錢氏 南漢劉氏 北
漢劉氏 湖南周氏 荆南高氏 漳泉劉氏 陳氏

周三臣 韓通 李筠 李重進三人
皆周臣不附宋起義敗死

宋史揭要

收兵權

太祖鑑於唐季以後。僭竊相踵。思欲息天下之兵。建長久之計。乃問於趙普。普言方鎮太重。君弱臣強。今欲治之。宜削奪其權。制其錢穀。收其精兵。則天下自安矣。帝乃與石守信等飲酒。諷其共釋兵權。出守大藩。共保富貴。自此藩鎮不操兵權。功臣亦強半令終。其處置得宜。有足多者。然杯酒論心。大將解印。既無漢高之殘殺。又非光武之曲全。唐末藩鎮之禍。不數語而消滅之。讀史至此。不得不謂宋藝祖之明決也。然至眞宗時王禹偁言江淮諸郡。毀城隍。銷兵甲。二十餘年。書生領州。蕩然無備。賈昌朝於仁宗時。亦言將屢易。士不練。病在削方鎮太過。二臣去太祖未遠。而已深憂兵備之空虛。此歷宋之世。所以兵威不振一敗於遼。再敗於金。而終亡於元也。晉廢州郡兵。而五胡之亂起。唐廢府兵。而藩鎮之禍作。內重

之弊。與外重之弊。恆互相起伏。治國者當知所擇矣。

營田之議

陳靖懇田之議。即後魏李安世均田之策。皆官取閑田以授民也。安世之制。頗彷彿井田。露田立還受之法。買賣合均給之數。公田非強奪。爭田以年斷。通行差便。靖則閒曠之田。有授無還。官給牛種。廣募游惰。五年之後。收租責償。費多難行。馬端臨氏論之詳矣。然晉遭劉石五方淆亂。魏定燕趙。遂荒九服。地大網闊。鼎建勢易。安世因無制之民。量人畫野。不耕之士。邑地相參。桑田無擾。露田必均。丘墟瘠鹵。盡成良疇。無王莽王田之害。有趙過代田之利。上下安之。未有起而與爭者也。宋承唐五季之餘。太祖削平諸國除藩鎮留州之法。粟帛錢幣。咸聚王畿。嚴守令勸農之條。稻粱桑棗。務盡地方。再傳以後。法令密而議論多。因循易而改作難。是以引水漑田。黃憊言之。何承矩任之。屯田省運。陳堯叟言之。太宗嘉之。

勸民墾田。何承矩倡之。陳靖言之。陳恕等贊之。廟議舉行。公私便益。而皇甫選何亮片言排阻。踰時立罷。惜小費而亡大利。國家興革。豈可庸人度量哉。夫農田不興。而後有方田。方田作俑。而後有公田。端拱至道之間。既失於聽言之不斷。熙寧元豐。又失於任人之太專。此宋之所以富強無策。而日就削弱也。

澶淵之盟

眞宗景德元年。契丹寇澶州。邊書告急。一日五至。中外震駭。王欽若請帝幸金陵。陳堯叟請帝幸成都。是時寇準爲相。力請帝親征。帝渡河次澶州。契丹以數千騎薄城下。大敗而退。乃請盟。以南朝爲兄。和議成後王欽若嫉準。謂準以天子作孤注。夫成平景德之際。契丹數寇。外張虛聲輕中國。南面之君。不能出國門一步。恣其恫喝。準力請渡河。軍心始壯。強將勁旅。左右夾輔。全而後動。豈徼幸人主哉。况乎澶淵之盟。

乞和自虜。欽若猶以城下之盟相譏。彼王安石倡欲取姑予之計。無端而棄地五百。史彌遠出主戰求和之醜。無端而引賊入室。若此者其何解於寇萊公耶。

王安石變法

王安石當神宗之世。爲相凡七年。厲行變法凡不附和新法者。皆罷斥。得君之專。操政之久。信己之篤。古無倫比。農田。水利。青苗。均輸。保甲。免役。市易。保馬。方田。經義諸法。銳意行之。宜可明效大驗。承平有望矣。乃終神宗之世。未見成功。哲徽再試。治絲愈紛。於以知變法之難也。

黨禍

元祐之世。有蜀黨洛黨之稱。程頤爲洛黨之首。蘇軾爲蜀黨之首。兩賢合志同方。出處不異。設使一心合力。同致太平。以成司馬光未竟之業。詎非千載一時之會。乃以師友不同。口語參商。竟致各立門戶。攻詰兢起。初不聞有國家大政之爭行若

新法。仕途抵牾怨若牛李也。迨至章惇蔡京諸小人。得勢專政。程蘇諸賢。貶竄殆盡。黨議旣興。劉摯王巖叟諸君子。本係超然評論。初不列於蜀洛之門。乃亦強加以閫黨之名。而一網盡之。小人之害君子。其毒若是。端禮名門之碑。姓名竝列。不分何黨。同罪共誅。諸賢斯時。當亦悔其自壞藩籬矣。

紹述

宣仁太后旣崩。哲宗親政。用章惇蔡卞等爲相。一意復行王安石之法。因而元祐諸臣。范純仁呂大防等貶死殆盡。紹述者。紹神宗之志。而述安石之法也。其策出於楊畏。而烈於章蔡。株連報復。無不託言紹述。以快其私怨。卒之安石之法已復。天下之治未見。後之人披覽史冊。但見紹聖元符之間。君子道消小人道長而已。嗚呼。哲宗崩而徽欽繼。其亡其亡。金虜來矣。國家元氣。斲喪無餘。漣袂北狩。舉朝南渡。誰之咎耶。

道學崇黜

何謂道學。儒者遵守堯舜禹湯文武周公孔子之道。而倡明之光大之。以期人人復其天理之正抑其人慾之私。以自成其人之所以爲人。而自免於禽獸者也。故又謂之理學。宋儒周程張朱。實爲道學之宗師。蓋孔孟絕學。周程張明之。周程張之學。朱熹明之。聖賢之傳。本非有二。而黜道學者。偏分爲兩。曰吾尊孔孟耳。何程朱爲。試問以孔孟何學。程朱何學。則亦茫然不解也。彼先非孔孟。而後黜程朱。欲黜程朱。則不得不陽稱孔孟。要之小人縱其人慾之私。如火燎原。凡不利其人慾之發揚者。無不痛惡而摧殘之。即使孔孟復生於當日。亦必加以穢名。羣起而闕之也。是以紹興中禁程學矣。韓侂胄秦檜等用事。而道學之禁更烈又以道學二字不足爲人罪。何澹等更議改道學爲僞學。目儒者爲妖人。而後肆志排擊。僞學逆黨。姓名著籍矣。程學之禁。始於紹興之六年。爲南渡後戕賊正氣之大者。人之云已。邦國殄瘁。設非慶元之極貶。無以彰淳祐之太明。

。羣奸易盡。大道常存。鬼蜮有窮。人心未死。彼蠅營者又安在哉。

金史

元脫脫本凡一百三十五卷

元順帝時。命托克托等脩遼宋金史。惟金史叙事最詳核。文筆亦極老潔。廻出宋元二史之上。蓋金史多取材於劉昫歸潛志。與元好問壬辰雜編以成書。又金亡後累朝實錄在順天張萬戶家。金史本紀即本張萬戶家之實錄而成。至正中托克托等。於舊史亦多參互校訂。以求得其實。故有良史之稱焉。

金史全目

本紀十九

太祖

阿骨打國號金都會寧滅遼攻宋有今東三省黃河流域各省及江蘇安徽淮南北之地太祖第四子兀朮胆勇過人嘗與宋將韓世忠岳飛相拒於長江及朱仙鎮江南呼爲

四太子凡九主一百二十年。後爲蒙古所滅

太宗

晟

熙宗

亶

海陵王

亮

世宗

雍

章宗

璟

衛紹王

允濟

宣宗

珣

哀宗

守緒

志三十九

從略

表四

從略

列傳七十三

從略

國語

從略

金史揭要

金之先。本肅慎氏。五代時名女真。阿骨打當遼主至混同江釣魚。故事。千里內酋長皆來會宴。次第命舞。至阿骨打。終不肯舞。後渡江。敗遼師。先有人言女真兵滿萬。則不可敵。至是始滿萬。即稱天子。是爲太祖。國號金。更名旻。與宋徽宗連師伐遼。遼奉表降。弟晟嗣位。竟擾中原。執徽宗欽宗北去。阿骨打之孫亶繼立。頗英慧。以嗜酒爲從弟亮所弑。亮自立。遷都於燕。殘暴被弑。分三十二軍入寇南宋。已過烏江。以

殘暴被弑。阿骨打之孫雍立。稱帝東京。改元大定。喜詩書。務儉約。時宋孝宗不稱臣而稱姪。璟嗣立。宋遣韓侂冑來伐。會兵於汴。敗宋師。然是時鐵木真一起。而蒙古又強盛。黃雀螳螂。危機已見矣。雍之子允濟繼立。沙虎弑之。璟之兄珣繼立。乞和蒙古。許以公主。傳子守緒。國日以削。蒙古攻蔡城。守緒自焚而金亡。時宋理宗端平元年也。

經史子集要略 史部 提要

元史

明宋濂王禕著濂仕明爲翰林學士承旨。洪武二年。詔總脩元史。禕習古學。師事黃潛。初仕元。明太祖嘗謂曰。吾固知浙東有二儒。卿與宋濂耳。洪武二年詔脩元史。爲總裁官。書成凡二百十卷然脩成不過一年。故其體例不免率略耳

以事繫日。以日繫月。以月繫年。此本紀體也。至列傳則往往視其事之大小繁簡以爲詳略。不必拘拘於時日之細。惟元史則不然。中統以前。未有年號。則以甲乙紀歲。中統以後。則以年號紀歲。論者謂元史列傳。近於記功簿籍類似謄寫吏牘。頗不合於列傳體裁。然記事詳贍。使後世有所考。亦屬史裁之正。固不必以文筆馳騁見長也。

元史全目

本紀四十七

太祖

姓奇渥溫氏名鐵木真蒙古部人始祖孛端義兒九世生烈祖也速該征台台兒部獲其部長鐵木真適生子因以名之既嗣位諸部降服遂於宋甯宗開禧二年僭稱

皇帝廟
號太祖

太宗定宗 太宗名窩闊台約宋滅金女真百年之業終矣
遠征西域等國而欽察之路通矣定宗名貴由

憲宗 名蒙哥武揚四海威震
百蠻惜其享國不久耳

世祖 名忽必烈帝仁明英武屢建大功好征遠夷開辟疆土混一區域文臣如許衡姚樞
等謀謨廟堂武臣如伯顏董文炳等攻城略地制禮作樂民物阜康滅宋襲統入主

中國夷狄之
盛古未有也

成宗 名鐵木耳帝承天下統一之後垂拱而治詔中
外崇奉孔子可謂知爲政之本守成之令主也

武宗 名海山帝總兵北邊屢立大功慨然有創制改法之意故其封爵太盛而遙授之官
衆賜賚太隆而泛賞之恩濫及其末年政出中宮羣姦相結圖謀不軌亦云危矣

仁宗 名愛育黎拔力八達帝天性慈孝崇儒愛民卽位之初首誅變亂舊章之脫虎脫三
寶奴等而以李孟領國子學興賢育才孜孜爲治一遵世祖成憲爲元盛德守文之

主洵可
稱也

英宗 名碩德八剌帝天性至孝仁宗歿不改父政不改父臣不飢國法不納珍奇用拜住
爲相受張養浩直言亦明主也惜其以直諫而殺觀音保又復果於誅殺以致奸黨

畏罪鐵失
等弑帝矣

泰定帝 名也孫鐵木耳帝能
守成法天下無事

明宗 名和世疎
在位半年

文宗 名圖鐵木耳帝崇重儒術考索典禮用張養浩范梈吳澄諸君子君臣協理致治隆
平命儒臣準唐宋會要輯本朝典故名曰經世大典可見一時禮樂文物之盛矣

寧宗 名懿璘質班
在位二月

順帝 名妥權鐵木耳帝性柔弱少斷伯顏哈麻相繼弄權徐壽輝方谷珍陳友瑄張士誠
劉福通紅巾白蓮等教遽起天下大亂朱元璋兵至通州帝出奔北去而元亡矣

志五十三 從
略

表六 從
略

列傳九十七

趙孟頫 字子昂號松雪道人善書畫宋
宗室仕元官翰林學士承旨 董文炳

帖木耳不花木華黎速不台

竇默許衡

默仕世祖朝爲大學士面折廷諍人謂可比汲黯衡生於金太和中元年原非宋人好學信道以道爲己任嘗曰綱常不可一日而亡於天下苟在上者無以任

之則在下者之任也後爲集賢殿大學士兼國子祭酒教諸生以禮下至童子亦知三綱五常焉

劉因吳澄

處士劉因初治經學究訓詁註釋之說歎曰聖人精義殆不止此及見周邵程朱之書卽曰我固謂當有是也嘗曰邵至大也周至精也程至正也朱子極其

大盡其精而貫之以正也澄學主於尊德性爲陸九淵之學派英宗朝爲翰林直學士所著書有易春秋禮記纂言及校訂皇極經世書大戴禮等

葉李

世祖時官右丞世祖嘗問趙孟頫曰葉李與留夢炎孰優孟頫稱留有大臣器世祖曰夢炎在宋爲狀元位丞相當賈似道誤國依阿取容李孟布衣能伏闕上書直發

其奸是賢於夢炎也

伯顏

伯顏仕世祖朝爲中書左丞相行軍有紀律能謀善斷東南之平伯顏之功居多按順帝時亦有一伯顏爲右丞相以專政有異謀被貶

史天澤

天澤平居未嘗自矜其能及臨大節論大事毅然以天下之重自任熟讀資治通鑑嘗謂兵民之權不可併於一門行之請自臣家始於是史氏子弟解兵符者十

七人世祖至元中卒出入將相五十年上不疑而下怨人以比於郭子儀曹彬云

耶律楚材

楚材博極羣書旁通天文地理律歷術數之學太祖定燕聞其名召之旣滅金楚材定賦稅朝議以爲太輕楚材曰作法於涼其弊猶貪將來必有以利進者

則今已重矣又奏守成者必用儒臣儒臣之事業非積數十年殆未易成也乃請校試之命宣課使遂郡考試又請一衡量鈔法定均輸庶政略備民稍蘇息爲相二十年每陳國家利病生民休戚辭色懇切太宗嘗曰汝又欲爲百姓哭耶楚材每言興一利不若除一害生一事不若減一事人以爲名言

廉希憲

希憲篤好經史一日方讀孟子聞召急懷以進世祖問其說遂以性善義利仁暴之說爲對世祖嘉之曰爲廉孟子後爲北京行省平章政事時方尊禮國師帝令

希憲受戒對曰臣受孔子戒矣帝曰孔子亦有戒耶對曰爲臣當忠爲子當孝孔子之戒如是而已

金履祥許謙

履祥少從學於王柏何基二人蓋得朱熹之傳者以宋將亡隱居不仕居仁山下世稱仁山先生著有通鑑前編於論孟大學諸經及禮樂書均有註疏

以授其門人許謙所著有讀四書叢說讀書傳叢說觀史治忽幾微等書行世世稱白雲先生

李孟姚樞劉宣賈魯

不忽木

世祖去桑哥而用不忽木爲丞相深得親賢遠佞之體

齊履謙

齊履謙與吳澄同在國學仁宗朝復以履謙爲國學司業乃立升齋積分之法每季考其學行以次第升既升上齋踰再歲終與私試歲於積至八分者爲高等禮

部集賢歲選六人以貢

郭守敬

守敬爲太史令長於天文水利自宋以來獨能任其絕學以成一代之制守敬學於劉秉忠世祖用之興復西夏濱五州諸渠又治授時歷推算極精仁宗時卒元

代著名之
天文家也

拜住

拜住相英宗有言佛教可治天下者帝問之對曰清淨寂滅自治可也若治天下舍仁義則綱常亂矣帝又謂拜住曰今亦有如唐魏徵之敢諫者乎對曰槃圓則水圓

孟方則水方有太宗納諫
之君則有魏徵敢諫之臣

虞集

翰林學士虞集學博洽而究集本源世稱邵菴先生弟槃嘗讀柳子厚非國語曰國語誠可非也而柳子之說亦非也乃作非非國語

張養浩

養浩自幼有行義勤學業歷仁宗等朝著書三卷一曰廟堂忠告二曰風憲忠告三曰牧民忠告世多稱之

脫脫

脫脫仕順帝朝爲右丞相幼時嘗謂其師吳直方曰使脫脫終日讀書不若日記嘉言善行服之終身也伯顏既誅繼爲相中外翕然稱名相焉

巖巖

巖巖仕順帝朝爲禮部尚書制行峻潔侍經筵日取四書六經所載治道爲帝細繹必使感動帝衷帝嘗覽宋徽宗畫稱善曰徽宗多能惟一事不能帝問何事曰獨不

能爲
君耳

揭傒斯

傒斯有文名凡三入翰林本朝掌故靡不閑習順帝時以老求去丞相問方今政治何先曰儲才爲先養之於位望未隆之時用之於周密庶務之後則無失才廢

事之患矣奚斯少處窮約事親菽水粗具而必得其歡心既貴衣食稍踰於前輒慨然曰吾親未嘗享是也生平清儉友于兄弟爲文嚴整朝廷大典冊多出其子詔脩宋遼金史毅然以筆削自任殊方絕域咸慕其名

歐陽玄

玄文章道德卓然名世六入翰林修實錄大典三史凡大制作多出其手所著有圭齋集行世

儒學

金履祥 許謙 伯顏等

釋老

邱處機等

方伎

劉元等

宦者

李邦甯等

姦臣

阿合馬 鐵木迭兒 哈麻等

元史提要

儒術

元世北方之學。起自趙復許衡。尊而明之者。姚樞竇默也。世

祖時有劉因。成宗時有金履祥。蕭剡。杜瑛。文宗時有吳澄。順帝時有陳櫟。胡一桂。許謙。黃澤。咸明道學。脩經術傳濂洛關閩之學。家誦戶習。著述之盛。冠於儒林。衡與澄並官國子祭酒。教授諸生。四方誦法。雖難進易退。萬乘賓禮。而朱紱降志。易簣懷慙。衡病革囑家人勿請諡勿立碑履祥劉因等。獨布衣終身。沒稱處士。白璧無瑕。浩然天地。元本夷俗。尊尙佛說。而聖賢道統人之大倫。仍得昭然於中國。歷千載而不墜者。許吳諸賢與有力焉。

武功

有元開國。武功之盛。甲於歷代。自太祖起兵。滅國四十。旣降西夏取中都。又攻西域至東印度。太宗繼之。滅金侵宋。西征欽察。去中國三萬餘里。迨憲宗又命世祖征大理。兀良合台征交趾。至世祖時已用兵四十餘年。世祖至元十七年統一天下。又攻討三十餘年。混合夷夏。分王宗室。自古用兵之久。國

土之廣。未有如此者。惟日本一役。師出無功。與隋煬帝之征高麗同。此亦忽必烈之遺憾也。

佛教之崇

元起朔方。崇尙佛教。錫八思巴以殊號。寵楊璉眞伽爲總統。緇流橫行。帝師獨尊。圓符馳驛。美女充堂。撻留守。毆王妃。代歷六君。莫敢問也。

國祚之促

元之開基。武功最盛。宜乎金湯鞏固。享國永久矣。乃傳統十世歷年九十。紅巾一倡。朱氏遂興。論者推原其故。輒謂其教化之未彰。治術之未得。以爲有元一代之禍根。初不知太宗以後。爭繼大統。宿將藩王。互爲黨與。蒙古分崩。已兆於此。而又加之以漢蒙之隔閼。僧徒之騷擾。私戶之擄拘。擄漢人沒民入官爲奴怨沸騰。盜賊蠭起。雖欲不亡。其可得乎。

治河

元有天下。內立都水監。外設各處河渠司。以興舉水利。脩利河堤爲務。決雙塔白浮諸水爲通惠河。以濟漕運。而京師無轉節之勞。導渾河即今桑乾河疏灤水。而武清平灤無墊溺之虞。浚治河障滹沱。而眞定免決齒之患。開惠通河於臨清。以通南北之貨。疏陝西之三白。以溉關中之田。泄江湖之淫潦。立捍海之橫塘。而浙右之民。得免於水患。當時之善言水利。如太史郭守敬賈魯等。蓋亦未賞無其人焉。一代之事功未可泯也。

交鈔

交鈔之起。始於南宋紹興中。其初沿邊商旅。爲便於糴買。較銅錢易於攜帶。故均樂用。金章宗時已有老鈔之名。至以萬貫易一餅。鈔之弊極矣。元造交鈔。每年印造之數。自數十萬至數百萬。然只印紙鈔。而元代實未鑄錢。故有元一代。實專用鈔。雖其間令各路立平準行用庫。民之有金銀者。可赴庫換鈔。有鈔者亦可赴庫換金銀。又立回易庫。凡鈔之昏爛者。許就庫

倒換。其時丁錢田賦亦可以鈔完納。故鈔法尙可通行。其後回易庫不能以新鈔易昏鈔。而民間所存昏鈔。又不能納賦稅易貨物。於是遂成廢紙。歷元及明。交鈔永爲民患矣。

彌勒佛之謠

順帝至正十一年。劉福通徐壽輝等作亂。皆以紅巾爲號。韓山童祖父。以白蓮會燒香惑衆。至山童倡言天下大亂。彌勒佛下生。河南及江淮愚民信之。福通等詭言山童當爲中國主。遂同反。後山童被擒。其子韓林兒。與劉福通合。遂陷開封。自是以後。郭子興方谷珍張士誠等紛起。而朱元璋遂得削平羣雄。統一中國。漢族復興而元亡矣。

經史子集要略 史部 揭表

三一六

明史

清張廷玉等撰。凡三百三十六卷。近代諸史。自歐陽公五代史後。遼史簡略。宋史繁蕪。元史草率。惟金史行文雅潔。敘事簡括。稍爲可觀。然未有如明史之完善者。蓋自康熙十七年。用博學鴻詞諸臣。分纂明史。葉方霽張玉書總裁其事。繼又以湯斌。徐乾學王鴻緒陳廷敬張英先後爲總裁官。諸纂脩又皆博學能文。論古有識。後玉書任志書。廷敬任本紀。鴻緒任列傳。至五十三年。鴻緒傳稿成表上之。而本紀志表尙未就。鴻緒又加纂輯。雍正元年。再表上。後又命張廷玉等爲總裁。就鴻緒本。選詞臣再加訂正。乾隆初。始刊行之。蓋閱六十年而後訖事。古來脩史未有如此之日久而功深者也。且其脩於康熙時。去前朝未遠。見聞尙接。故事迹原委多得其真。非同後漢書之脩於宋。晉書之脩於唐。徒據舊人紀載而整齊其文也。又經數十年參考訂正。或增或刪。或離或合。故事益詳。而文益簡。

。蓋以是非久而後定。執筆者無所徇隱於其間。益可徵信。非如元末之脩宋遼金三史。明初之脩元史。時日迫促。不暇致詳。而潦草完事也。

明史全目

本紀二十四

太祖

姓朱名元璋少爲皇覺寺僧繼隨郭子興起兵子興死諸將奉帝爲吳國公削平張士誠陳友諒等克元都即帝位號洪武都金陵當時若李善長之轉餉比於蕭何徐

達之將略擬於韓信劉基之智謀埒於張良而常遇春李文忠湯和沐英傅友德等亦皆一時名將凡十有五年佐帝以成帝業即位之後重儒臣修女誠置屯衛興學校禁武臣

預民事誠爲開創英明之主也

惠帝

名允文國號建文燕王棣既克金陵帝出奔

成祖

名棣太祖第四子封於燕建文即位遂起兵反卒克金陵即皇帝位嗣定都北京銳意求治而夏元吉楊榮楊士奇等皆一時名臣相與佐理論者謂永樂之治有貞觀

之風惜其任中官立東廠果於誅殺戮及忠良此永樂之所以爲永樂也

仁宗

名高熾監國二十年兢兢業業幾遭讒構即位僅一年而用夏原吉楊士奇等輔政皆一時賢臣也詔舉賢才詔求直言設法司慎刑詔免山東淮徐租稅之半皆善政

也仿之漢文宋仁有足多者

宣宗

名瞻基恪遵祖訓守成令主揭黜風圖於殿壁足徵重農之心作官箴以戒羣臣可見爲政之勤而討高煦安高燾則帝忠厚之誠昭然矣

英宗前紀

名祁鎮幼冲即位太皇太后既賢三楊輔政國紀整肅無可非議迨至太皇太后既歿王振弄權也先入寇遂致土木之變而帝被擄矣

景帝

名祁鈺英宗北狩中國無主也先入寇于謙迎立帝於危難之中帝於多難之秋于謙之忠貞能獨任之以轉危爲安亦良主也英宗既還奪門復位景泰之治於焉

告終惜哉

英宗後紀

帝在虜中八年後得生還乃以石亨曹吉祥徐有貞等謀奪門復位竟殺支持危局之于謙則其利慾薰心爲何如耶

憲宗

名見深成化初政亦有可觀迨至彭時商輅相繼去位而內寵萬妃外召強寇又復設西廠以任汪直龐信宦官以紊朝政朱氏之德衰矣

孝宗

名右鏜弘治卽位任賢選能李東陽等同心輔政亦一時之令主也

武宗

名厚照正德之世無一善政劉瑾八黨蠹政害民宸濠之叛幸有王守仁起兵贛州元兇就縛而帝則遨遊無度身死豹房眞朱氏之不肖子矣

世宗

名厚熜嘉靖之朝朶顏入寇小王子入寇邊患急矣乃帝任嚴嵩以誤國在位四十五年竟二十餘年不視朝尚復成何朝廷耶

穆宗

名載堉即位之後褒楊繼盛之忠釋海瑞於獄文臣則任張居正武臣則任戚繼光以故俺答歸順邊患稍舒是亦差強人意者

神宗光宗

神宗名詡鈞十歲即位張居正啓沃有方萬曆初政未可厚非江陵既卒遂三十餘年不視朝諫書皆留中邊事日益壞而東林黨浙黨水火紛爭矣光宗名

常洛在位一月而崩

熹宗

名由校天啓之朝權閹魏忠賢勾結客氏表理爲奸楊漣劾其二十四罪帝不能察一時正人君子皆被貶斥彌留之際又殷殷以用魏閹爲囑真所謂至死不悟者

莊烈帝

名由檢崇禎非亡國之君然自正德以後主怠臣驕閹寺弄權元氣已亡不可救藥李自成張獻忠等流寇一起卒覆明社而帝以身殉國良可悲矣

志七十五

從略

表十三

從略

列傳二百二十

摘錄

方孝儒

孝儒字希直有明一代理學家首推方孝儒世稱正學先生靖難死節迨至中葉則王守仁世稱陽明先生明季則顧憲成世稱涇陽先生皆理學之大師也

藍玉馮勝楊璟鄧愈湯和沐英廖永忠皆明初名將

徐達常遇春

達佐太祖定天下功第一言簡慮精善拊循尤嚴戢步伍所平大都二省會三郡邑百餘閭井晏然遇春沉鷲果敢軍中稱為常十萬平定薊北元順帝

奔和林遇春之功也

李善長汪廣洋

善長習法家言有智計從太祖最早帝出征皆令善長居守轉調兵餉比於漢之蕭何帝即位拜左丞相廣洋為右丞相善長性伎刻廣詳性

褊淺以故功業不終

劉基宋濂

基字伯溫元至順間舉進士明太祖幸汴梁基與李善長居守基謂宋曰元以寬縱失天下今宜肅紀綱令御史糾劾無所避皆啓皇太子置之法基慷慨有

大節論天下安危義形於色帝察其至誠任以心符每召見輒屏人密語移時知無不言暇則敷陳王道帝每恭己以聽曰吾子房也基佐定天下料事如神性剛嫉惡與物多忤後歸隱山中口不言功嘗謂其子曰為政寬猛如循環當今之務在脩德省刑祈天永命諸形勝要害之地宜與京師聲勢連絡基所為文章氣昌而奇與宋濂並為一代所宗所著有覆瓿集犁眉公集行世但世所傳多陰陽神奇之說非其至也

齊泰黃子澄

建文朝泰及子澄主削諸王遂激成燕王棣靖難之變燕兵既破京師二人皆被殺

鐵鉉王良

請難中死節之臣

姚廣孝

初名道衍爲僧太祖時分遣高僧侍諸王道衍至燕後與燕王棣謀起兵靖難之役道衍功居第一復姓姚氏賜名廣孝爲太子少師

解縉胡廣

永樂十二年命翰林學士胡廣等脩五經四書及宋儒性理之書

楊士奇楊榮楊溥

英宗正統中三人俱爲大學士同心輔政士奇有學行通達國體榮謀而能斷溥有雅操時論賢之號稱三楊故英宗初政無失德迨王

振用事大亂作矣

劉維謙

維謙於太祖朝爲刑部尚書定大明律凡六百有六條

蹇義夏原吉

義歷事六朝性謙約至議典法不苟爲包容原吉有雅量嘗曰處有事當如無事處大事當如小事若先自張皇則此中無主何能應事原吉與蹇義皆

起家太祖時義秉銓政原吉筦度支皆二十七年時人稱曰蹇夏義爲吏部尚書原吉爲戶部尚書皆卒於宣宗朝

劉球王朴薛瑄李時勉羅汝敬

均以直諫下獄之臣

萬安石亨徐有貞

有貞原名徐瑄

于謙

謙於永樂間登進士後巡撫山東陝西英宗十三年爲兵部左侍郎土木之變英宗既陷虜中郎王監國命羣臣議戰守徐瑄請南遷諱厲聲曰言南遷者可斬也獨不

見宋南渡之事乎於是守議乃定也先挾英宗出窺京師謙督戰九門外也先遂西去許貴欲朝廷遣使議和謙言貴爲介冑臣而懼怯如此何以敵愾法常誅自是無敢言和者也先既歸上皇謙之力也徐瑄後更有貞與曹吉祥詳石亨謀迎上皇復位奪門復辟遂誣謙棄市天下冤之謙之爲兵部尙書也時也先勢方張福建鄧茂七浙江廣東等賊各擁衆僭號湖廣貴州廣西苗獠所在蠭起謙具章奏悉合機宜而於土木之變力支危局厥功尤偉

彭時商輅李夢陽李攀龍

李夢陽何景明等七人爲前七子後又有李攀龍李光等七人爲後七子皆工於詩

李東陽

東陽孝宗時官大學士立朝五十年清節不渝文章典雅負盛名朝廷入述作多出其手著有懷麓堂集

王守仁

守仁仕正德朝爲僉都御史巡撫南贛汀漳南贛地多深阻易爲巢穴江西福建廣西湖廣之交方千餘里皆亂守仁先攻大庾賊巢還兵入險乘夜縱火進攻橫

水破賊巢三十八寨積年逋寇至是皆平十四年宸濠反陷南康九江圍安慶守仁方奉命勘事福建聞變遂還與吉安知府伍文定謀集諸路兵擣賊巢乃命文定直搗南昌宸濠聞敗急還官軍擊走之至萬安爲知縣王冕所執太監張忠等譖守仁必反帝召守仁立至忠等阻之不令入見乃入九華山宴坐草廬中帝知之曰王守仁道學人也何謂反乎遣還鎮嘉清中守仁又破兩廣斷藤峽獠盤據二百餘里爲害數十年之寇悉平守仁天姿英異日端坐讀五經正德初以抗章忤劉瑾謫龍場驛永講學於此忽悟格物致知

常返諸心不當求諸事物喟然曰道在是矣故其爲教專以良知二字爲主從遊弟子甚衆稱姚江派嘗築室陽明洞中世稱陽明先生明世文臣用兵未有如守仁者以兵部尙

書新建伯
卒諡文成

王夫之顧炎武孫奇逢李顥黃宗羲

孫奇逢夏峰王夫之顧炎武李顥黃宗羲
學者稱明季五先生皆隱居講學不仕

清
朝

楊繼盛

別號叔山嘉靖朝官兵部員外郎劾嚴嵩十大罪疏入下獄竟棄市後諡忠愍

楊一清王樾

戚繼光

字元敬山東蓬萊人善兵法嘉靖朝以浙兵平倭寇稱戚家軍萬曆中鎮薊門十六年屢擊敗俺答泰寧朵顏諸部邊境晏然敵不敢犯累官至太子太保著有練

兵實紀紀效新
書等書行世

李成梁

與戚繼光同時成梁守遼東善戰屢敗敵兵萬曆中直境粗安戚李之力也

高拱張居正

高張爲相任用戚繼光守薊門李成梁守遼東邊境粗安居正江陵人嘉靖進士穆宗朝與高拱並相神宗朝代拱爲首輔上肅雋殿箴請量入爲出飭

吏治整邊備綜核名實信賞必罰爲相十年海內稱
治世所稱爲張江陵者是也後爲張誠所譖籍其家

嚴嵩嚴世蕃嘉靖朝嵩爲相世宗居西苑大臣希得見惟嵩獨承顧問帝所卜手詔皆
多不解惟嵩子世蕃一覽了然以故嵩得逞志爲奸後以貶死世蕃伏誅

申時行沈一貫方從哲海瑞沈鍊

利瑪竇湯若望皆西洋人
精曆法

顧憲成憲成無錫人萬曆中進士官吏部文選郎中後以故削籍里中故有東林書院宋
楊時講學處也憲成偕同志高攀龍錢一本等講學其中海內聞風景附往并諷

議時政裁量人物朝士慕之亦遙相應和由是東林名大著而忌者亦多其後孫不揚鄭
元標趙南星等相繼講學自負氣節與政府相抗是爲東林黨之始而以憲成爲之首憲
成少時卽有志聖學迨削籍里居益覃精研究以程朱爲宗學者稱爲涇陽先生天啓中
魏忠賢亂政榜東林黨人姓名示天下並殺高攀龍等毀天下講學書院蓋是時宦官領
東廠殘害正人故東
林黨人受其荼毒也

趙南星葉向高劉一燝吳中行呂坤周順昌高攀龍

楊漣熹宗朝官左副都御史疏論魏忠賢二
十大罪爲忠賢所陷死於獄諡忠烈

左光斗劉宗周魏大中林鈺

焦芳仇鸞江彬

熊廷弼

光宗朝爲兵部尚書清兵攻遼急楊鎬既喪師乃命廷弼經略遼東未出關開原鐵嶺相繼失守瀋陽及諸城堡軍民一時盡逃遼陽洵廷弼兼程進督軍士法

嚴令行守備大固天啓中瀋陽遼陽繼失陷詔起廷弼於家經略遼東廷弼建三方布置策而巡撫王化貞與廷弼不和廷弼主聯絡朝鮮與努萊聲息相通乃兵力未集兵部尙書張鶴鳴祖化貞輒趨廷弼進取以亂三方並進之謀卒以經撫不和化貞大敗廷弼亦退入關竟棄市蓋是時丁紹軾馮銓皆以媚魏忠賢入開忠賢嫉廷弼故丁馮等卒成其獄云

袁崇煥

崇禎元年崇煥爲兵部尚書督師薊遼以備清二年冬清兵自洪山口入進薄都城京師大震崇煥以清兵所破陸口乃薊遼總理劉策所轄自謂千里入援無罪

會清廷設間謂與崇煥有成約朝士遂譏其通敵帝信之乃下崇煥於獄祖大壽何可剛聞之乃率部毀山海關出走遠近大震大學士成基命言於帝就獄中取崇煥手書招之督師孫承宗亦遣使追撫大壽乃歿兵待命三年秋竟殺崇煥天下冤之後人稱爲袁督師

盧象昇

崇禎朝爲兵部尚書總理江北河南山東湖廣四川軍務討流賊是時李自成張獻忠等賊已蔓延半天下陳奇瑜旣以討流賊敗潰下獄帝以洪承疇代之至是

承疇一人不能顧乃擢象昇總理象昇辦東南承疇辦西北後以清兵入牆子口京師戒嚴詔入衛與大學士楊嗣昌議不合蓋嗣昌主和也自是嗣昌輒從中牽掣象昇名爲督

天下兵實不過二萬師至鉅鹿與清兵大戰兵盡援絕而死天下聞之莫不歔歔流涕其後南都亡一門先後死難者共百餘人

范景文

李自成破京師崇禎帝崩於萬歲山大學士范景文死之尚書倪元璐等均死難

周遇吉

明末遇吉爲寧武關總兵李自成圍之城破巷戰矢集如蜩毛被執罵賊而死其妻劉氏率婦女登屋射賊闔家死難

李國禎袁應泰孫承宗孫傳廷何騰蛟秦良玉

楊嗣昌謝陞陳新甲方一藻

崇禎中兵部尚書楊嗣昌主和議清太宗亦屢遣使議和兵部尚書陳新甲以南北交困請主款東閣大學士

謝陞在帝前進曰倘肯議和和亦可恃帝遂以和事諭新甲密圖之而戒其勿洩已而言官謁陞陞言上意主和諸君幸勿多言於是言官交章劾陞遂罷相新甲亦以此得罪遂東巡撫方一藻亦主和黃道周力劾之當是時內有流寇外有強敵和既不能戰又無力遂束手待亡矣

史可法

崇禎十七年甲申之變莊烈帝既殉國福王既位南京是爲宏光帝以可法爲兵部尚書大學士督師揚州時北京已失清多爾袞致可法書勸降可法拒之城陷

被殺後人稱可法爲史閣部

賀逢聖倪元璐

黃道周瞿式耜 北京既失明裔唐王入閩黃道周等立之不久及於難瞿式耜等又立桂王於肇慶後出走緬甸

鄭成功 明亡鄭成功據臺灣

洪承疇祖大壽 崇禎末清兵攻錦州薊遼總督洪承疇禦之戰於松山大敗承疇及祖大壽皆降於清

吳三桂耿精忠尚可喜 三人皆明末將降於清皆封王清康熙時議撤藩以削其兵權三桂首先舉兵於雲南精忠據福建是時可喜已死可喜

子尚之信據廣東均附三桂旬月間雲南貴州四川湖南廣西等省亦附三桂三桂自稱周帝置百官三桂旋病死其孫世璠奔雲南後均為清所滅所謂明三藩者是也

文苑 趙撫謙 唐寅 文徵明 歸有光 徐渭 李流芳 董其昌 米萬鍾 張溥等

隱逸 倪瓚 沈周等

方伎 張三 丰等

宦官 鄭和 南洋 侯顯 使西番 馬騏 鎮交趾 馮保 王安 王承恩 崇禎帝殉國 承恩從死

宦官 王振 汪直 曹吉祥 劉瑾 魏忠賢等

姦臣胡維庸 嚴嵩 溫體仁 阮大鉞等

流賊李自成 張獻忠

明史揭要

武功

明太祖起布衣。以驅胡元。削平羣雄。收復故物。堂堂正正。實爲英主。高麗交趾緬甸。安南。相繼臣服。置哈密七衛。而西北以安。築瀕海成。置衛浙東西。而倭患有備。置兵大寧。又設泰寧朵顏福餘三衛。而漠北之王庭以空。洪武之世。武功可謂盛矣。靖難兵起。燕王棣慮寧王權之躡其後也。乃誘執權。奪其衆及朵顏泰寧福餘三衛。大寧旣空。自壞藩籬。誰爲厲階。鑄此大錯。成祖即位之後。雖累年北征韃靼瓦剌。迭有斬獲。然無故而棄數千里之屏藩。始謀不臧。貽子孫憂矣。宣德之世。又徙開平衛於獨石。賊進我退。其禍已兆。也先入寇。

英宗北狩。

土木之變

雖有長城不足自保。自是而後。徙沙河衛於山

東。徙哈密衛於苦峪。而套寇

小王子毛里孩火篩等均據河套

猖獗。不復能制。

嘉靖

世宗年號

中朶顏三衛犯遼東。俺荅犯京師。而嚴嵩方且以寇飽

自鵬爲得計。任其擄掠。一籌莫展。尙復成何國家耶。迨至萬

歷。

神宗年號

且棄六堡。不顧遼左矣。天啓且棄廣寧。退守關內矣

。莊烈雖賢。又何濟哉。總觀明世邊患。始而瓦剌。

也先繼而韃

靼

小王等

繼而俺荅。繼而女真。雖有九邊之備。三邊之防。而卒

情將驕。民心已失。雖有賢者。亦無如之何矣。

吏治

太祖起閭右。諗知墨吏爲民害。嘗以嚴刑處之。是蓋鑑於元末吏治之壞法令廢弛。故不得不重懲貪吏。力矯其弊也。洪武十八年。詔盡逮天下官吏之爲民害者。赴京師築城。甚或梟首剝

皮。嚴刑峻法。亘古未有。然旌舉賢良。亦時有所聞。或因士民之請留良吏。因而擢進者。亦數見不鮮。內而部郎御史。外而牧令郡守。多由大臣薦舉。又不時遣大臣巡行天下。考察官吏。故自洪武以來。吏治澄清者百餘年。大法小廉。幾有兩漢循吏之美。當英宗武宗之時。內外多故。而民心無土崩之虞。由吏鮮貪墨故也。嘉靖隆慶以後。吏部考查之法。徒爲具文。而人皆不自顧惜。撫按之權太重。舉劾惟賄是視。人皆貪墨以奉上司。於是吏治日壞。民生日蹙。而國亦遂亡。徒法不行。信哉

分封宗藩

明太祖既定天下。分封諸子於各地爲王。凡二十四人。

洪武三年封子

九人爲王十一年封子五人爲王二十五年封子十人爲王

蓋仿漢晉六朝及有元之制。而參酌之。

其有才者如燕王棣。晉王橐。且使統兵。以鎮邊塞。以故威權

尤重。其在內地者。則設護衛以崇其體制。雖無兵柄。實有威嚴。其勢然也。太祖既崩。建文甫立。燕王起兵以奪大位。所謂靖難之役是也。同室操戈。明室封建之弊。已兆於此。宣宗宣德元年。漢王高煦反。武宗正德五年。安化王寘鐸反。十四年寧王宸濠反。揆其事迹。與漢之七國。晉之八王。如出一轍。而王府之在外郡者。其勢力又足以病民。以故奪民田。毆官吏。收藏亡命。肆行不法。數傳而後。支庶蕃衍。無益於國。坐耗民脂。終明之世。不能革也。

三案

梃擊。紅丸。移宮。此三案也。三案之起伏。與東林黨人之進退。息息相通。終明之世。直以此三案爲君子小人相攻之機。讀史者不可不知也。萬歷四十三年。有男子張差持梃入慈慶宮。光宗爲太子時所居至前殿。爲內侍所執。太子奏聞。尙書張問達請移入法司刑訊。帝以事連鄭貴妃。恐付外益滋口實。乃戮差及龐保

劉成。

皆鄭貴妃宮內奄人事

遂止。此挺擊一案也。光宗甫即位數日。卽病

劇。鴻臚寺張可灼進藥一丸。帝稍覺舒適。又進一丸。帝遂崩

。此紅丸一案也。光宗初即位時。鄭貴妃

神宗妃

尙在乾清宮。乃

厚結李選侍。

時選侍最得光宗寵

及帝崩。閣臣劉一燝等。恐鄭李危害太子

。不宜同居乾清宮。於是左光斗等力請妃及選侍移居曦鸞宮。

此移宮一案也。此後廷臣因此三案。迭起爭議。無不藉此以爲

排斥異己之具。此三案遂啓日後無窮之糾紛。蓋緣萬歷中。顧

憲成高攀龍等講學於東林書院。清流之士。羣相應和。其名行

聲氣。足以奔走天下。當三案之起。主持最嚴厲者。皆爲東林

黨人。萬歷末年。東林已排斥殆盡。光宗熹宗之際。葉向高再

相。與劉一燝等復起用東林。及趙南星長吏部。又盡斥攻東林

者。於是怨者遂附魏忠賢。借其力以圖報復。而東林黨人遂一

網而盡。倪元璐云。三案在逆奄

指忠賢

未用之先。雖甚水火。

言主張不

同不害墳簾。逆奄得志後。逆奄殺人。則借三案。羣小求進。則借三案。有此二借。三案全非矣。此持平之論也。

三廠

明代宦官之禍。不減於漢唐。成祖

永樂

立東廠。以內監掌之。令

刺探外事。中官之勢日重。憲宗

成化

時。復立西廠。以內監汪直

主之。武宗

正德

之時。又立內廠。以內監劉瑾主之。其權更重。

并東西廠亦在監察之列。是謂三廠。終明之世。宦官之害之所由烈也。明白太祖開國。著令內官不得與政事。不令讀書。備取掖庭給洒掃而已。立法非不善也。成祖靖難兵起。中官多爲內應。由是帝以爲忠於己。故永樂中。遣中官侯顯通西番。馬彬使瓜哇蘇門荅刺。李興使暹羅。尹慶使滿加刺柯枝。而鄭和率師下西洋。耀兵異域。山壽帥師出雲州。宦官典兵。實自此始。其初不過使中官偵事。以防擁蔽。繼則典兵分鎮。倉場銀

壙市舶織造。無處無之。內則窟穴宮闈。外則廣布黨羽。誤國亂政。以迄於亡。而王振汪直劉瑾魏忠賢。其尤著者。當其始。奉令奔走。非無幹才。數傳而後。遂成積重難返之勢。然其竊弄權柄。實皆由於人主之昏庸。試觀世宗馭內侍最嚴。四十餘年未嘗任以事。故嘉靖中無宦官之專政。則知作之俑者。實永樂矣。

土木之變

明英宗正統十四年。瓦剌入寇。是時宦官王振方用事。乃勸帝親征。師次土木堡。爲也先瓦剌酋所擄。是爲土木之變。當是時

也。三楊

楊士奇等

已卒。權奄方興。本無寇準之才。詎有澶淵之效

。車駕北狩。辱同徽欽。誰實爲之。王振喜寧之肉。庸足食乎。郕王奉皇太后命卽帝位。是爲景帝。非有篡奪之嫌也。于謙等乃心王室。支持危局。非以嗣君爲利也。英宗幸而生還。迎

居南宮。斯可已矣。乃石亨徐有貞輩。共謀復辟。以圖富貴。廢郕王。殺于謙。奪門之役。革宗復位論者鄙之。推原禍始。則

宦官也。

甲申之變

崇禎十七年。甲申三月。流賊李自成陷京師。懷宗莊烈帝殉國。

大學士范景文尙書倪元璐等死之明亡。是爲甲申之變。明之流賊。最著者二。一曰李自成。一曰張獻忠。自成陝西米脂人。以犯法逃入甘肅爲兵。旋升把總。以殺王叅將遂爲盜。獻忠膚施人。初爲盜。崇禎四年。就撫於洪承疇。五年復叛。二賊自崇禎初年。卽露頭角。擾攘十餘年。竟覆明社。比之漢之黃巾。唐之黃巢。其禍尤烈。內亂不清。外患必起。讀懷宗衣襟之詔。不禁令人長太息也。

附錄史部書目

正史編年史紀事本末已詳前此僅述史類之習見者其已列於子部者不錄

逸周書

國語左丘明

戰國策左丘明

竹書紀年

穆天子傳

越絕書

吳越春秋

以上古史類

玉函山房輯逸書史編清馬國翰

路史宋羅泌

伏侯古今注漢伏無忌

貞觀政要唐吳兢

涑水絕聞宋司馬光

歸潛志元劉祁

以上雜史類

闕里文獻考孔繼汾

名臣言行錄宋朱子

先正事略清李元度

以上傳記類

陸宣公奏議唐陸贄

胡文忠公奏議清胡林翼

曾文正公奏議清曾國藩

以上奏議類

通典唐杜佑

通志宋鄭樵

通考元馬端臨以上稱三通

續通典 通志 通考以上稱六通乾隆

清皇朝通典 通志 通考以上稱九通乾隆

文獻通考元馬端臨

以上政書類

崇文總目宋王堯臣

郡齋讀書志宋晁公武

子略

宋高似孫

四庫全書總目

清乾隆

書目答問

清張之洞

以上譜錄類

續通鑑論

明王夫之

歷代史論

明張溥

御批通鑑輯覽

清乾隆

以上論史類

附錄二十四史簡明表

清乾隆時
所定正史

書名	撰著姓氏
史記	漢司馬遷
前漢書	後漢班固
後漢書	宋范曄
三國志	晉陳壽
晉書	唐房玄奘
宋書	梁沈約
南齊書	梁蕭子顯
梁書	唐姚思廉
陳書	唐姚思廉

後魏書	北齊魏收
北齊書	唐李百藥
周書	唐令狐德棻
隋書	唐魏徵
南史	唐李延壽
北史	唐李延壽
舊唐書	後晉劉昫
新唐書	宋歐陽脩
舊五代史	宋薛居正
新五代史	宋歐陽脩
宋史	元托克托

遼	史	元托克托
金	史	元托克托
元	史	明宋濂
明	史	清張廷玉

經史子集要略 史部 附錄

子部

子書起於周末歷代增加純駁不一其中或佚而不傳或傳而莫繼或古無其目而今增古各爲類而今合而假借僞託真僞莫辨者亦不而足學者須參考各叢書內論諸子等篇以資辨別不可盡信以自誤近人著述引用子書之寓言歧說以惑人者更宜詳辨也

聖賢之道。載諸六經。如日月經天。炳耀千古。已示後人以至中極正之鵠。內而身心性命之學。外而典章文物之制。涵育包容。無美不備。學者潛心研讀。固無待於旁求也。周孔既歿。微言中絕。談士颺起。諸子百家。各是其是。紛紜博辯。非不各有其理。然一視六經之旨。則螢火也。周秦諸子。去古未遠。皆自成一家言。秦火而後。存者什一。漢興求經書。旁及諸子百家之籍。於是司馬談論六家要旨。醇駁乃分。劉向父子奏上七略。名品乃定。而後儒家法家兵家道家醫家農家雜家小說家之名。相緣迭起。厥後歷朝相沿。代有增益。顧後世羣書。不能歸入經史者。遂皆強附於子部。似是實非。愈變愈歧。其去周秦諸子遠矣。夫學者研理於經可以正天下之是非。徵事於

史可以明古今之成敗餘皆雜學也。儒家本六藝。指六經而言非禮樂射御書數之六藝

之支流雖其間依草附木不能免門戶之私而數大儒明道立言炳然具在要可與經史旁參其餘雖真偽相雜醇疵互見然凡能自名一家者必有一節之足以自立即其不合於聖人者存之亦可爲鑒戒雖有絲麻無棄菅蒯本編摘錄儒道陰陽法名墨縱橫雜農小說等十家

世稱諸子十家其可觀者九家去小說家世稱九流而已

儒家

孔子脩古聖之道以詔來者。六經而外。傳記百家。所載微言太義足以羽翼經業導揚儒風者。往往而有。歷來編輯子書者。無不以孔子家語。孔子集語諸書。列於儒家之首。蓋以孔子爲儒家之祖。故編列儒書。必先孔子。其體例本未可厚非。然孔子之道。無所不容。繼往開來。爲萬世不易之常規。實超出於諸子之上。儒者宗法孔子。自不能以大成至聖。與周秦諸子。同

列齊觀。故古之儒者立身行己誦法先王務以通經適用而已無敢自命聖賢者王通文中子教授河汾始募擬尼山遞相標榜自是厥後門戶之見朋黨之興黨同伐異愈演愈烈是豈聖門設教之本意哉故本編錄儒家諸子。而不列孔子集語等書。願學者知所崇焉。

荀子周

荀子名況。戰國時趙人。亦稱荀卿。尊之也。又以荀孫音相近。故又稱孫卿。荀子生孟子之後百餘年。最爲戰國老師。自太史公作傳。論次諸子。獨以孟子荀卿并稱。蓋荀子善爲詩禮易春秋。道守禮義。行應繩墨。其學出於孔子。齊襄王時爲祭酒。又適楚爲蘭陵令。李斯韓非浮丘伯皆受業爲名儒。荀子實摺雜霸崇王道。故以三王之道說秦昭王趙孝成王皆不能用也。荀子主性惡。與孟子性善之說異。唐韓愈謂其大醇而小疵。固爲不刊之論。然孟子荀子爲學皆尊仲尼。荀子疾濁世之政。亡

國亂君相屬。不遂大道。鄙蘇秦張儀之進不以道。憂莊周等之滑稽亂世。乃推儒墨道德之行事興壞。序列著數萬言。觀其書陳王道甚易行。其說皆足以羽翼六經。增光孔氏。非徒諸子之言也。漢儒董仲舒作書美孫卿。有以夫。

孫卿迫於亂世。鱗於嚴刑。上無賢主。下遇暴秦。禮義不行。教化不成。仁者絀約。天下冥冥。行全刺之。諸侯大傾。當是時也。知者不得慮。能者不得治。賢者不得使。故君上蔽而不覩。賢人距而不受。然則孫卿懷將聖之心。蒙佯狂之色。視天下以愚。詩曰既明且哲。以保其身。此之謂也。

荀子篇目略釋

荀卿新書三十二篇

漢書藝文志作三十三篇誤

勸學篇第一

修身篇第二 不

苟篇第三 榮辱篇第四

非相篇第五

相視也視其骨狀以知吉凶貴賤也妄誕者多以此惑世時人或矜其狀

貌而忽於務實故荀卿作此篇非之漢書有形法家二十四卷。形法宋本作刑法又二十四卷形要法本作刑法二十四卷作二十四篇雖皆可通今從元刻與漢志合故也

非十二子篇第六

非之者斥其非也。它如魏牟、陳仲、史鰌、墨翟、宋鈜、慎到、田駢、惠施、鄧析、子思、孟子共十二子。按韓詩外傳只十子。無子思、孟子。此乃并非。

之末更稱子張、子夏、子游為賤儒，均不類荀子之言。先儒謂疑出於韓、非、李斯等所附益。蓋韓、李皆受業於荀子，乃背其師，貴王賤霸之學，自遠於儒理，或然歟。

仲尼篇第七

儒效篇第八

效功也

王制篇第九

富國篇第十

王

霸篇第十一

君道篇第十二

臣道篇第十三

致仕篇第十四

明致

賢士之義

議兵篇第十五

強國篇第十六

天論篇第十七

論天人相關之禮末復歷言慎

到老子、墨子、宋子等之偏見而非遵王之道也

正論篇第十八

是篇皆論世俗之乖謬，荀卿以正論辨之

禮論篇第十九

樂論篇第二十

解蔽篇第二十一

蔽者言不能通明，滯於一隅，如有物擁蔽之也

正名篇第

二十二

是時公孫龍、惠施之徒亂名，改作以是為非，故作正名篇。尹文子曰：形以定名，名以定事，事以驗名，察其所以然，則形名之與事物無所隱其理矣。名有三科：一曰

命物之名，方圓白黑是也；二曰毀譽之名，善惡貴賤是也；三曰況謂之名，賢愚愛憎是也。

性惡篇第二十三

本篇略云：人之性惡，其善者偽也。又云：古之聖人以人之性惡以為偏險而不正，悖亂而不治，故為之立君上之勢，以臨之，明禮義以化

之思法正以治之重刑罰以禁之使天下皆出於治合於善也又云今人之性固無善義故強學而求有之也性不知禮義故思慮而求知之也人無禮義則亂不知禮義則悖此本篇之大旨也總觀本篇性惡之說雖與孟子性善之說大異但宋儒交口攻之亦未免太甚蓋孟子言性善係勉人以爲善荀子言性惡係恐人之爲惡衡以孔子性相近習相遠之言則知二子之說雖不同而其欲人之歸於善則一也若謂性本惡是無上智幸者謂性皆善是無下愚矣此可見荀子性惡之說實由於憤時嫉俗之過其故不覺其言之激耳

君子篇第二十四

此篇皆論人君之事

成相篇第二十五

以初發語名篇雜論君臣治亂之事以自見其意故下云託於成相以喻意漢書藝文志謂之成相雜詞蓋亦賦之流也或曰成相在相

故曰成相一說成相之義非謂成功在相也篇內但以國君之愚闇爲戒耳禮記治亂以相相樂器所謂春牘又古者瞽必有相審此篇音節即後世彈詞之祖篇首即稱如瞽無相何俚佞義已明矣首句請成相言請奏此曲也漢藝文志成相雜詞十一篇情不傳大約託於瞽瞽諷誦之詞亦古詩之流也逸周書周祝解亦此體

賦篇第二十六

所賦之事皆生人所切而時多不知故特明之或曰荀卿所賦甚多今存者唯此言也

大略篇第二十七

此篇蓋弟子雜錄荀卿之語皆略舉其要不可以一事名篇故總謂之大略也

宥坐篇第二十八

孔子觀於魯桓公之廟有欹器焉孔子問於守廟者曰此爲何器守廟者曰此蓋宥坐之器注謂有與右同言人君可置於坐右以爲戒

也本篇首記此事故以宥坐名篇此以下皆荀卿及弟子所行記傳雜事

子道篇第二十九

此篇皆記孔子教人之言以多論孝故以子道名篇

法行篇第三十

禮義謂之法所以行之謂

行之

哀公篇第三十一

堯問篇第三十二

經史子集要略

子部

儒家

三五二

晏子春秋周

晏子名嬰。字平仲。春秋時齊人。歷事齊靈公莊公景公。博聞強記。通於古今。晏子春秋一書凡八篇。其前六篇曰內篇。皆忠諫其君。文章可觀。義理可法。皆合六經之義。其末二篇曰外篇。劉向疑爲後世辯士所爲。蓋以其有尼溪之阻。詆毀仲尼。不類儒家歟。本書不著撰者姓名。亦無年月。文最古質。七略列於儒家。墨子明鬼篇云。嬰死其賓客哀之。集其行事成書。雖無年月。尙仍舊名。蓋子書多非自著。不書撰人姓氏。原不足異。晏子尙儉。禮所謂國奢則示之以儉。其居晏桓子之喪盡禮。亦與墨異。後世柳宗元謂是書爲墨氏之徒爲之。郡齋讀書志。文獻通考。承其說。或以本書墨子一再稱其知道。故欲援儒而人於墨歟。

晏子春秋篇目略釋

內篇諫上第一

本篇紀載晏子進諫之言前半多託於景公之飲酒而存禮正樂兩事尤爲根本之論君正臣從即以下勸公遠儂佞祛玩好正嫡庶辨詛祝

皆爲至言而雨雪不寒牛山之笑則諷諫之類也

內篇諫下第二

本篇首論治獄之本次言貴民賤物之道大臺之歌長康之歌無非勸

之喪娶之喪一則以民爲重一則以禮制哀而二桃殺三士則尚智不尚勇其末節習射以禮更有深意存焉

內篇問上第三

本篇皆晏子答莊公及景公之詞而社鼠猛狗之喻尤爲操治權者之箴言唯第五問勸景公卑詞重幣以悅於諸侯輕罪省功以謝於百姓

而墨以爲知道此晏子之所以爲晏子歟

內篇問下第四

本篇多記晏子使吳使魯使晉之詞而與晉叔向問答之詞記之尤詳蓋以兩賢議論皆足爲有國者之殷鑒也篇末載孔子稱其以一心事

百君則其忠信可知矣

內篇雜上第五

本篇記晏子處崔杼之變大節懷然其君爲己死而爲己亡非其私昵熱能任之等語可見晏子於公私之辨至爲分明粹然儒者之言也惟

使魯之禮見譏於子貢居喪之禮見稱於孔子殆所謂大醇小疵者歟

內篇雜上第六

本篇劉向以爲不合經術似非晏子之言疑後世辯士所爲理或然歟

揚子法言 漢

揚子名雄。字子雲。漢成都人。少好學。不爲章句訓詁。爲人簡易佚蕩。不能劇談。成帝時有薦揚雄文似相如者。上方郊祀甘泉泰畤。召雄待詔承明之庭。雄從上還。奏甘泉賦。上祭汾陰還。上河東賦。射熊館還。上長楊賦。王莽篡漢。雄以耆老久次轉爲大夫。欲以文章成名於後世。乃作太玄及法言。太玄上擬周易。法言上擬論語。然法言末篇云。於事則易。於道則勞。周公以來。未有漢公指王莽言之懿也。勤勞則過於阿衡等語。盛稱莽之功德。可比伊尹周公。故諸儒譏雄非聖人而作經。朱子綱目。於其死也。書莽大夫。所以深病雄也。

法言篇目略釋

學行卷第一

夫學者所以仁其性命之本本立而道生是故冠乎衆篇之首也

吾子卷第二

崇本在乎抑末學
大道絕乎小辯也

脩身卷第三

求己以返本守母
以存子此其大要

問道卷第四

夫道者宏乎至
代通乎至理也

問神卷第五

測於天地之間者潛之乎心也心
能附乎天地之情則入乎神矣

問明卷第六

防姦必有其統揆物必有其度
察見至微之理探射幽隱之情

寡見卷第七

大道甚夷而民好徑
此其所以發揚德音

五百卷第八

夫言者所以通理也五百歲一聖
非經通之言故辨其惑罔之迷也

先知卷第九

圖難於其易求大於其細爲之乎其
未有治之乎其未亂如斯而已矣

重黎卷第十

眞僞美惡成敗存亡人君之所以御乎其下人臣之所以事乎其上
不可以不察也明此以南而堯之爲君也明此以北而舜之爲臣也

淵騫卷第十一

上下古今評騭人物
而終推尊仲尼也

君子卷第十二

夫君子之所以爲美布護蔓延在乎衆焉豈惟於此而標其篇目者絕筆在乎孝至無以加之而已

孝至卷第十三

始於學行而終於孝至始終之義人倫之事畢矣

法言序

子雲歷自序其篇中之大略也

經史子集要略

子部

儒家

三五八

文中子中說隋

文中子姓王氏。名通。字仲淹。隋之龍門人。孟子之流亞也。西遊長安。奏太平十二策。隋文帝善之。而不能用。乃退居河汾。續詩書。正神樂。脩元經。讚易道。受業者以千數。姚義杜淹李靖薛收房玄齡魏徵等。咸師事之。受王佐之道焉。隋季文中之教。興於河汾。雍雍如也。卒後門人謚之曰文中子。其後福時兄弟文中子之二子傳授中說十卷於仲父凝。文中子之弟蓋皆當時門人對問之詞。薛收姚義集而名之。阮逸中說序略云。知天之高。必辨所以高也。子之道其天乎。天道則簡而功密矣。門人對問。如日月麗焉。雖環周萬變。不出乎天中。今推策揆影。庶髣髴其端乎。大哉中之爲義。在易爲二五。在春秋爲權衡。在書爲皇極。在禮爲中庸。謂乎無形非中也。謂乎有象非中也。上不蕩於虛無。下不拘於器用。惟變所遭。惟義所在。此中之大

略也。中說者。如是而已。

中說篇目略釋

王道篇

文中子之教繼素王之
道故以王道篇爲首

天地篇

古先賢王俯仰二儀必合
其德故次之以天地篇

事君篇

天尊地卑君臣立矣
故次之以事君篇

周公篇

事君法天莫如周公
故次之以周公篇

問易篇

周公之道蓋神乎易
中故次之以問易篇

禮樂篇

易者教化之原也教化莫大
乎禮樂故次之以禮樂篇

述史篇

禮樂彌文著明則史
故次之以述史篇

魏相篇

興文立制變理爲大惟魏
相有焉故次之以魏相篇

立命篇

陰陽既變則理性達窮理盡性以至於命故次之以立命篇

關朗篇

通性命之說者非易安能至乎關氏易之深者也故次之關朗篇終焉

經史子集要略 子部 儒家

三六二

春秋繁露

漢

董仲舒漢廣川人。少治春秋。精公羊之學。武帝時以賢良對天人三策。爲江都相。中廢爲中大夫。以言災異下獄。後爲膠西王相。爲漢代醇儒。所著春秋繁露一書。博極宏深。其書發揮春秋之旨。多主公羊。凡十七卷。八十二篇。粹然儒者之言也。惟年代久遠。篇目舛失。後人以漢書董仲舒傳。載仲舒所著書百餘篇。第云清明竹林玉杯繁露之書是繁露玉杯竹林皆其所著書名。今其書總名繁露。而繁露中又有玉杯竹林二篇。遂疑其書或有僞託。崇文總目頗疑之。而程大昌攻之尤力。然年湮代遠。篇第或有訛脫。而義引宏博。非後人所能依託。則可斷言。至其書言陰陽五行。或疑其偏。蓋本書大旨在乎仁義。仁義本乎陰陽。陽居大夏。而陰居大冬。見天之任德不任刑也。又言除穢不待時。如天之殺物不待秋。則董子之論。固非倚於一偏者。其重政篇云。聖人所欲說。在於說仁義而理之。不然

傳於衆辭。觀於衆物。說不急之言。而以惑後進者。君子之所甚惡也。又云正其誼不謀其利。明其道不計其功。及不由其道而勝。不如由其道而敗等說。觀此可以知董子立言之本意。其說實高出於諸事之上也。

春秋繁露篇目略釋

楚莊王第一 玉杯第二 竹林第三 玉英第四 精華第五 王道第六 滅國上第七 滅國下第八 隨本消息第九 會盟第十 正貫第十一 十指第十二 重政第十三 服制象第十四 二端第十五 符瑞第十六 俞序第十七 離合根第十八 立元神第十九 保位權第二十 考功名第二十一 通國身第二十二 三代改制第二十三 官制象天第二十四 堯舜湯武第二十五 服制第二十六 度制第二十七 爵國第二十八 仁義法第二十九 必仁且知第三十 身之養第三十一 對膠西王第三十二 觀德第三十三 奉本第三十四 深察名號第三十五 實性第三

十六 諸侯第三十七 五行對第三十八

此叢子對河間獻王問孝天之經地之義之詞言父授之子受

之爲五行之相生也

闕文第三十九 闕文第四十 爲人者天第四十一 五

行之義第四十二 陽尊陰卑第四十三 王道通三第四十四 天容第四十五 天辨在人第四十六 陰陽位第四十七 陰陽終始第四十八 陰陽義第四十九 陰陽出入第五十 天道無二第五十一 寒燠孰多第五十二 基義第五十三 闕文第五十四 四時之副第五十五 人副天數第五十六 同類相動第五十七 五行相生第五十八 五行相勝第五十九 五行逆順第六十 治水五行第六十一 治亂五行第六十二 五行變救第六十三 五行五事第六十四 郊語第六十五 郊義第六十六 郊祭第六十七 四祭第六十八 郊祀第六十九 順命第七十 郊事對第七十一 執贄第七十二 山川頌第七十三 求雨第七十四 止雨第七十五 祭義第七十六 循天之道第七十七 天地之行第七十

八 威德所生第七十九 如天之爲第八十 天地陰陽第八十一

天道施第八十二

賈子新書漢

賈誼漢雒陽人。號賈生。通諸家之書。文帝時初爲博士。遷太中大夫。賈生以爲漢興至孝文帝二十餘年。天下和洽。當改正朔。易服色。制法度。定官名。興禮樂。乃悉草具其事儀。悉更秦之法。孝文帝初卽位。謙讓未遑也。諸律令所更定。及列侯悉就國。其說皆賈生發之。于是文帝欲以賈生任公卿之位。絳灌東陽侯馮敬之屬。盡害之。乃短賈生。于是天子不能用賈生。乃以誼爲常沙王太傅。後又拜賈生爲梁懷王太傅。帝封淮南厲王四子爲列侯。賈生諫以爲患之興自此始矣。又嘗數上疏言諸侯或連數郡。非古之制。可稍削之。帝不聽。賈生卒年三十三。論者傷其不遇。擬之屈原。然誼上書論政事。危言讜議。卓詭切至。若衆建諸侯。益廣梁地。養大臣有節。崇廉恥之風。後皆遵之有效。一一如誼所言。則誼之謀謨論建。亦可謂見諸實行矣。劉向謂其通達國體。伊管不能過。誠確論也。討

其源流。率多新書所草定。新書之作。乃傳長沙時。所爲。書凡十卷。如鑒秦俗之薄惡。指漢風之奢僭。請定經制。述三代之長久。深戒刑罰。明孤秦之速亡。譬人主之如堂。所以優臣子之禮。置天下于大器。所以示安危之機。凡憂民傳職官大政等篇。皆經濟之大略。有國與天下者之所常鑒也。惟三表五餌見本書之說。謂可坐滅匈奴。至今疑其大言。然誼之意。不過欲誘致降者。使其勢漸弱。固亦未可厚非。要其本說。以道爲虛。以術爲用。則無得於孔子之學。蓋不過以智略之資。戰國之習。欲措置漢天下耳。西漢兩大儒。董賈並稱。賈實非董仲舒比也。

新書篇目略釋

過秦上 過秦中 過秦下 宗首 數寤 藩傷藩彊

言竊迹前事強者先反淮陰王

楚最強則最先反故欲天下治安莫如衆建諸侯而少其力此誼先見之明也

大都 等齊 服疑 益壤 權重

五美 制不定 審微 階級 俗激 時變 瑋瑰 薛子產子
銅布 壹通 屬遠 親疏危亂 憂民 解縣 危不信 勾奴
勢卑 淮難 無蓄 鑄錢 傳職 保傅 連語 輔佐 問孝
闕禮 容經 春秋 先醒 耳痺 諭誠 退讓 君道 官人
勸學 道術 六術 道德說 大政上 大政下 脩政語上
脩政語下 禮容語上 闕 禮容語下 胎教 立後議 傳
附錄儒家書目

孔子家語

孔子集語 係星衍編

孟子外書

孔叢子 漢孔鮒撰凡七卷有嘉言論書諸篇此書有依托不盡僞

昌言 後漢仲長統撰

新語 漢陸賈撰一卷有道基術事諸篇

新論 後漢桓譚撰

鹽鐵論 漢桓寬撰凡十卷有本議力耕諸篇

論衡 漢王充撰凡三十卷詳見

新序 漢劉向撰有雜事刺奢諸篇

說苑 漢荀悅撰有君道臣術諸篇

申鑒 漢劉向撰凡五卷有政體時事諸篇一名小荀子

白虎通義 漢班固

潛夫論 漢王符撰有賢學難諸篇

中論 魏徐幹撰凡二卷有治學法象諸篇

魏子 魏明

典論魏文帝撰

周生子要論魏周生烈撰

王子正論魏王肅撰

顧子新言吳顧譚撰

樵子法訓蜀樵周撰

傅子晉傅元撰

袁子正書袁準撰

干子干寶撰

顧子義訓顧夷撰

因論唐劉禹錫撰

仲蒙子 唐林慎思撰

封氏見聞記 唐封演撰

緯略 宋高似孫

周子通書 宋周敦頤

二程全書 宋程頤

近思錄 宋朱熹呂祖謙同撰

張子全書 宋張載

朱子全書 宋朱熹

象山語錄 宋陸九淵

王文成公全集 明王守仁

黃氏日鈔宋黃震

大學衍義宋真德秀

容齋隨筆宋洪邁

日知錄明顧炎武撰

郁離子明劉基撰

宋儒學案 重脩宋儒學案黃宗義原本全祖望脩黃爲陸王之學全爲程朱之學

明儒學案明黃宗義編

諸子平議清俞樾編

百子全書

經史子集要略 子部 附錄

道家

道家者流。主於清靜無爲。凡事事物物。一任自然。而終歸於靜。稍有作爲。卽非本真。魚相忘於水。人相忘於智慮。推其極至。至於無爲。而後無不爲。至於無名。而後無不道。其說以老聃爲鼻祖。文子尸子莊子列子皆道家之嫡派。朱子熹所謂道高而不切於實用者也。治其學者不能宗其清靜。往往流於蔑棄禮法。輕視一切。則其流弊也。

老子周

李耳字伯陽。又名聃。

一說諡曰聃

春秋時楚苦縣人。爲周柱下史。

周德既衰。乃西去至函谷關。爲關令尹喜說道德經五千餘言。明清靜無爲之旨。是爲道家之祖。其書名老子。分上下二篇。共八十章。

老子道德經篇目略釋

上篇。自第一章至第三十七章。開首卽云道可道非常道。分可名非常名。無名天地之始。有名萬物之母。又云玄之又玄。衆妙之門。數語。已足明其道之宗旨。蓋必至於瑩然無一物。虛然無一象。而後其道乃純。又曰。道常無爲而無不爲。則其說更玄矣。

下篇自第三十八章至第八十一章。其言曰。爲學日益。爲道日損。以至於無爲。無爲而無不爲。又曰。爲無爲。事無事。味無味。此皆老子之警語也。

諸子皆以子稱。獨道德南華以經名。則老莊之學。勝於諸子明矣。仲尼猶龍之言。尊老氏也。人生而靜。天之性也。感物而動。性之欲也。漢儒取入禮記。遂以爲經。宋儒若知此言出於老氏。必加譏評矣。

莊子周

莊子名周。戰國時蒙人。嘗爲漆園吏。與梁惠王同時。其道出於老子。著書十餘萬言凡十卷。至唐時始名南華經。率多寓言。以謬悠之說。荒唐之言。無端崖之詞。恣縱不償。云所欲云。推其極致。要不外乎老子無爲之旨。是以郭象序云。雖復貪婪之人。進躁之士。暫而攬其餘芳。味其溢流。彷彿其音影。猶足曠然有忘形自得之懷。此老莊所以爲道家之祖也。

莊子篇目略釋

內篇

逍遙遊

夫小大雖殊而放於自得之場則物任其性事稱其能各當其分逍遙一也豈容勝負於其間哉按逍遙遊言盡性也楊龜山曰逍遙遊一篇子思所謂無入而不自得也

自得也

齊物論

夫白是而非彼美已而惡人物莫不皆然然非雖異而物我均也故立說以齊之因以名篇按齊物論言窮理也

養生主

夫牛以養存則養生者理之極也若乃養過其極以養傷生非養生之主也按養生主言脩身也

人間世 與人羣者不得離人然人間之變故世世異宜唯無心而不自用者爲能隨變所遷而不荷其累也

德充符 德充於內應物於外外內玄合信若符命而遺其形骸也

大宗師 雖天地之大萬物之富其所宗而師者無心也

應帝王 夫無心而任乎自化者應爲帝王也

駢拇 舉事以名篇言駢拇枝指附贅縣疣四者各出於形性而非形性之正此四者以况才知德行也

馬蹄 舉事以名篇者借馬以言性謂駑驥各適於身而足也

胠篋 舉事以名篇其言曰倍擊聖人縱舍盜賊天下始治聖人不死大盜不止言知之不足恃也按此老莊之說之所以不切於實用也

在宥 以義名篇言有使自在則治治之則亂故曰聞在宥天下不聞治天下也

外篇

天地 以義名篇言天地之大均於不爲而自化故玄古之君天下無爲而已

天道

以義名篇言天道帝道聖道皆恣物之性而無所牽滯也

天運

以義名篇言天不運而自行地不處而自止日月不爭所而代謝以至雲也雨也風也皆順其自然

刻意

以義名篇言不刻意尚行而高無仁義而修無功名而治無江海而閒不導引而壽無不忘無不有澹然無極乃聖人之道也

繕性

以義名篇言古之治道者以恬養知以知養恬而不繕性於俗滑欲於俗也繕治也滑亂也

秋水

借物名篇借水以喻物量之無窮也始託河伯以設喻終託惠子以問答惠子曰子非魚安之魚之樂莊子曰子非我安知我不知魚之樂可謂善辯矣

至樂

以義名篇言至樂無樂也

達生

以義名篇達暢也言生之來不能卻其去不能止也

山木

舉事以名篇言木以不材而終其天年也

田子方

以人名篇也

知北遊

以義名篇言聖人行不言之教也

雜篇

按孔叢子儒服篇曰儒者包衆美兼六藝動靜不失中道如此或病其言之自相矛盾也非也亦猶莊子之毀仲尼正所以尊仲尼也非毀仲尼也毀彼假仲尼之道而流爲僞儒者也故世之病莊子者皆不善讀莊子者也

庚桑楚

以人名篇

徐無鬼

以人名篇

則陽

以人名篇

外物

以義名篇

寓言

以義名篇

讓王

以義名篇

盜跖

以人名篇本篇借盜跖以詆訾孔子與漁父篇同故後人有謂雜篇各卷皆僞託者

說劍

以義名篇

漁父以人名篇

列御寇以人名篇

天下以義名篇本篇評論諸子多貶辭而獨推崇關尹老聃

附錄道家書目

關尹子周尹喜撰一卷有宇柱等九篇

列子周列御寇撰二卷有天瑞黃帝等七篇

亢倉子周庚桑楚撰一卷

陰符經漢張良撰有上中下三篇

列仙傳舊題漢劉向共二卷

任子魏任昉撰其說曰學所以治己教所以治人此書不盡合於道家之旨

抱朴子

晉葛洪撰八卷有
暢玄論仙等篇

神仙傳

晉葛洪
撰十卷

蘇子

晉蘇彥撰其書推崇詩書易
禮春秋不盡合於老莊之學

幽求子

晉杜夷撰其說曰蓋道清談以
無爲爲家恬虛宏靜寂廣多包

符子

晉符朗撰有方
外家策等篇

唐子

吳唐
滂撰

元真子

唐張志和
撰一卷

文子續義

宋道士杜道堅撰十二卷有道原精誠等篇按文子漢書藝文志稱爲老子弟
子北魏李暹注謂文子姓辛名斨字文子即計然也未知孰是然其書固道家

者流
也

胎息經

明王文祿撰一卷取抱朴子得胎息者不以口鼻嘘
吸如在胞胎之中則道成矣之義道家脩練之書也

陰陽家

考五帝紀黃帝命容成作蓋天以象周天之形。綜六術以定氣運。六術者義和占日。常儀占月。史區占星氣。伶倫造律呂。隸首作算數。大撓作甲子也。迨至唐堯立義和之官。治曆象日月星辰。敬授人時。實爲陰陽家之始。其後夏有昆吾。殷有巫咸。周有史佚。均能宣其職事。而周禮大司徒以下。大史氏馮相氏以正歲時。以會天位。亦皆設有專官。周德旣衰。敬天授時之權。不秉於天子。故當其時。魯有梓慎。晉有卜偃。鄭有子韋。齊有甘德。楚有唐昧。趙有尹皋。魏有石申。各掌著於天文圖驗。其說多不可考。秦滅六國。兵戎紛紜。衆說繁興。於是鬼神禁忌機祥之術。愈演愈奇。陰陽家更失其實矣。

鄒子

騶衍與騶忌騶奭。皆戰國時齊人。時人稱爲三騶子。而衍之名最著。衍臨淄人。燕昭王師事之。惠王信讒。下之獄。衍觀有

國者益淫侈。不能尙德。乃深觀陰陽消息而作迂怪之變。終始大聖之篇。凡十餘萬言。其語閎人不經。其術迂大而宏辯。其說皆始於小且近者。推而廣之。至於不可究極。言年代。則自今以上推而至於天地未生。言國度。則自中國推而至於九州之外。荒大窈冥。諸侯尊禮。齊人謂之談天衍。衍著騶子四十篇。騶子終始五十六篇。奭著公禱生終始書十四篇。

按漢書藝文志列陰陽二十一家凡三百六十篇其書不習見茲從略

法家

古者因天秩而作五禮。卽因天討而作五刑。刑者所以佐禮以治天下者也。舜典曰。象以典刑。流宥五刑。夏作禹刑。殷湯制官刑。儆於有位。至周官大司寇掌建邦之三典。以佐王刑邦國。詰四方。此法家之淵源也。周德旣衰。政在諸侯。於是鄭鑄刑書。晉鑄刑鼎。言法者已漸紛亂。魏文侯時。用李悝著法經六篇。一盜法。二賊法。三囚法。四捕法。五雜法。六具法。是爲後世法家之始。於是韓任申子。秦用商鞅李斯。法網愈密。而民愈苦。此則治天下宜以法術。不宜以仁義之說。悝之流說弊也。

韓子周

韓非戰國時人。韓之諸公子。與李斯並事荀卿。喜刑名法術之學。而歸本於黃老。非痛韓之削弱。作孤憤五蠹內外儲說林說難等二十卷。凡五十五篇。卽今所傳之韓非子是也。其說以爲

儒者用文亂法。而俠者以武犯禁。寬則寵名譽之人。急則用介冑之士。所用非所養。所養非所用。此其大略也。非後倖秦。爲李斯所讒。仰藥死。

韓非子篇目略釋

初見秦第一 存韓第二 難言第三 愛臣第四 主道第五 有

度第六 二柄第七 楊權第八 八姦第九 孤憤第十一 言法術之士既

無黨與孤獨而已故其材用終不見明卡生 說難第十二 所以言遊說之難而陳其方術者也史記云韓

非囚秦作 和氏第十三 姦劫弑臣第十四 亡徵第十五 三守第

十六 備內第十七 南面第十八 飭邪第十九 解老第二十

喻老第二十一 說林上第二十二 謂廣說諸事其多若林也 說林下第二十三

觀刑第二十四 安危第二十五 守道第二十六 用人第二十七

功名第二十八 大體第二十九 內儲說上七術第三十 內儲

說下六微第三十一 外儲說左上第三十二 外儲說右上第三十
四 外儲說右第三十五 難一第三十六 難二第三十七 難三
第三十八 難四第三十九 難勢第四十 問辯第四十一 問
田第四十二 定法第四十三 說疑第四十四 詭使第四十五
六反第四十六 八說第四十七 八經第四十八 五憲第四十九
言亂國之俗其學者稱先王以貳人主之心其言古者設詐稱而遺社稷之利其帶劍者聚
徒屬而犯五官之禁其患御者盡貨賂而退汗馬之勞其商工之民蓄積待時而倖農夫之
利此五者 顯學第五十 忠孝第五十一 人主第五十二 飾令第五
十三 心度第五十四 制分第五十五

經史子集要略 子部 法家

三八八

管子周

管子者穎上人也。名夷吾。號仲父。少與鮑叔牙游。鮑叔事齊公子小白。管仲事公子糾。及小白立爲桓公。鮑叔薦管仲。管仲既任政於齊。齊桓公以霸。九合諸侯。一匡天下。管仲之謀也。管子既相。以區區之齊。在海濱。通貨財。富國強兵。與俗同好醜。故其書曰。倉廩實而知禮節。衣食足而知榮辱。上服度則六親固。禮義廉恥。國之四維。四維不張。國乃滅亡。又曰下令猶流水之原。令順人心。故論卑而易行。俗所欲。因與之。俗所否。因去之。其爲政也。善因禍爲福。轉敗爲功。貴輕重。慎權衡。孔子稱其功。司馬遷美其言。而其內政寄軍令一法。尤爲治國之妙用。後之論者。詎可以雜霸少之哉。晁氏曰。予讀仲書。見其謹政令。通商賈。均力役。盡地利。旣爲富強。又頗以禮義廉恥化其國俗。如心術白心諸篇。亦嘗側聞正心誠意之道。其能一天下。致君五霸之盛宜矣。

葉氏曰。管氏書獨鹽筴爲後人所遵。言其利者。無不祖管仲。使之蒙詬。甚可恨也。

陳氏曰。按漢志管子八十六篇。列於道家。隋唐志著之法家之首。管子似非法家。然以爲道家則不類。按子書分類法家實兼政治。故管子一書。以列於法家爲宜。隋唐志皆列於法家

黃氏曰。管子書不知誰所集。似不出一人之手。心術內業諸篇。皆影附道家。漢志列管子於道家以此以爲高侈靡宙合等篇。皆刻斲隱語以爲

怪。管子責實之政。安有虛浮之語。牧民篇最簡明。其要曰。倉廩實則知禮節。衣食足則知榮辱。禮義廉恥。國之四維。四維不張。國乃滅亡。此管子正經之剛。苟得王者之心以行。雖歷世可以無弊。秦漢以來。未有能踐其實者也。大匡篇。管子行事之日聚見此書其次第。皆可按而考。然其說似粉飾之以誇功。若輕重篇。要皆多爲之術。以成其私。瑣屑甚矣。未必皆

管子之真。其書所載鮑叔薦仲與求仲於魯。及入國謀政。與戈廩鴻飛四時三弊臨死戒勿用豎刁等說。皆屢載而不同。或本文列前。而解官爲篇。或併篇。或無解。或云十日齋戒以召仲。觴三行而仲趨出。又云樂飲數旬而後諫。自相矛盾。若此不一。故曰似不出一人手。

張氏曰管子天下奇文也心術白心上下內業諸篇是其功業所本

管子篇目略釋

牧民第一

國頌 四維 四順
士經 六親 五法

形勢第二

此言勢因形而立形端者勢必直故言而不可復行而不可再者有國者之大禁也

權脩第三

權者所以知輕重也君人者必知事之輕重然後國可爲也故須修權

立政第四

三本 四固 五事 首憲 首事
省官 服制 九敗 七觀

乘馬第五

立國 大敷 陰陽 爵位 務市事
士農工商 聖人 失時 地里

七法第六

謂則象法化決塞心術計數

版法第七

選擇政要載之於版以爲常法

幼官第八

幼始也陳從始輔官齊政之法

幼官圖第九

方本圖及副圖

五輔第十

言輔弼國政之法有五也

宙合第十一

言所陳之道包羅古今也

樞言第十二

言發於口而慮於心其用若樞紐也

八觀第十三

言觀其政可知其國也

法禁第十四

言國權不可假借也

重令第十五

君國之重器莫重於令故令出惟行也

法法第十六法不法則令不行也

兵法第十七此言用兵之法

大匡第十八謂以大事匡正其君

中匡第十九

小匡第二十

王言第二十一闕

霸形第二十二陳霸言之形容

霸言第二十三謂此言足以成霸道

問第二十四謂爲國所當察問者

謀失第二十五闕

戒第二十六皆陳戒之詞

地圖第二十七 言兵事也

參患第二十八 太強亦有患太弱亦有患必參詳強弱之中自致於無患也

制分第二十九 言制天下有分

君臣上第三十 皆言君臣之道

君臣下第三十一

小稱第三十二 稱舉也小舉其過則常權而改之

四稱第三十三 稱有道之君臣及無道之君臣四者以戒桓公也

正言第三十四 闕

侈靡第三十五 此篇多錯簡不能讀

心術上第三十六 言人求知彼必先脩己設心以待人則心不虛矣故惟聖人事至則應能虛心也

心術下第三十七

白心第三十八 言坦白乃心行所無事治道自成也

水地第三十九 以水與地喻治道也

四時第四十 言施政之道宜順時也

五行第四十一 言五行之數

勢第四十二 此篇多論戰事

正第四十三 言正之所以勝姦之道

九變第四十四 謂人之情有九變也

任法第四十五 言人君當任法不當任智

明法第四十六 謂主道明則公法明而國治也

正世第四十七 正世猶治國之謂

治國第四十八上全

內業第四十九 猶云正心也

封禪第五十 原篇亡此以遷史封禪書所載管子之言補之

小問第五十一 桓公問也

七臣七主第五十二 言君臣一德也

禁藏第五十三 言始謀藏於胸脅不可不察也

入國第五十四 謂始有國入而化

九守第五十五 言守此九者以爲治也

桓公問第五十六 問爲治之道

度地第五十七 桓公問度地形而爲國之道

地員第五十八

地原者小地高下水泉深淺各有其位

弟子職第五十九

言弟子之職守此篇皆韻語載入孝經

言昭第六十闕

脩身第六十一闕

問霸第六十二闕

牧民解第六十三

闕以下五篇即前篇之解

形勢解第六十四

立政九敗解第六十五

版法解第六十六

明法解第六十七

臣乘馬第六十八

重民時也

乘馬數第六十九

輕賦也

問乘馬第七十闕

事語第七十一

此言上用之
則下爲之

海王第七十二

此篇即管子官山海之策稅鹽筴
後世因之至今未改說已見前

國蓄第七十三

言理財
之道

山國軌第七十四

亦論財
賦之理

山權數第七十五

全
上

山至數第七十六

管子駁梁聚輕賦
稅而肥籍歛之說

地數第七十七

論地
理

揆度第七十八

論輕
重

國準第七十九

言治國者宜酌
五代以爲准

輕重甲第八十 以下輕重諸篇皆雜記管子之言諸家以其文鄙俗不類管子之言故多疑其僞

輕重乙第八十一

輕重丙第八十二 闕

輕重丁第八十三

輕重戊第八十四

輕重己第八十五

輕重庚第八十六

右二十四卷凡八十六篇 內十篇亡

商君書 周或稱商子

商鞅戰國時衛人。姬姓。好刑名之學。相秦孝公。定變法令。廢井田。開阡陌。改賦稅之法。封於商。故號商君。孝公卒。被殺。商君書五卷。凡二十九篇。今亡三篇。周氏以爲非鞅自著。然其詞峻厲刻深。必其徒述說之。非他人所能依託。子書多

非自撰。不足爲異。其書大旨。不外嚴刑峻法。舉一切王道而反之。以刑九賞一爲治法。以禮樂詩書脩善孝悌誠信貞廉仁義爲六蟲。招之以告訐。羅之以連坐。壹之以農戰。重之以峻刑。使有秦之民。胥化爲虎狼。其慄悍猛烈之治術實非李悝申不害韓非等之可比。而世之稱商鞅者。輒曰管商。則更擬非其倫矣。蓋管子之書。雖兼雜霸。然猶微窺於聖人之道。若商鞅者。則直與王道爲寇讎。置民之好惡於不顧。置民之生死於不顧。以爲治天下者。惟有峻法耳。孝公用其說。始皇踵其智。鞭撻九有。橫噬六合。以奄有天下。然服狂藥以圖強。非不賁息衝突。無敵一時也。不旋踵而亡隨之。詎非治國者之殷鑒乎。

商君書篇目略釋

開塞耕戰數篇可謂工於富強之術
追慮其說不行而遂專於刑法耳

- 更法第一 墾令第二 農戰第三 去彊第四 說民第五 算地
第六 開塞第七 壹言第八 錯法第九 戰法第十 立本第十
一 兵守第十二 斬令第十三 脩權第十四 徠民第十五 刑

約第十六篇亡篇 賞刑第十七 畫策第十八 竟內第十九 弱民第

二十 口口第二十一篇亡篇 外內第二十二 君臣第二十三 禁使

第二十四 慎法第二十五 定分第二十六

附錄法家書目

李子 名惺周人 相魏文侯

慎子 名到 周人

鄧析子 周鄧析

申子 名不害京人 相韓昭侯

新書 漢晁錯與 賈誼齊名

崔氏政論 後漢崔寔 一名正論

劉廙正論

經史子集要略

子部

法家

三四〇二

阮子政論

魏阮武

世要論

魏桓範

名家

名家以堅白同異之辯著稱於世。惠施之說曰。至大無外謂之大一。至小無內謂之小一。無厚不可積也。其大千里。天與地卑。山與澤平。日方中方睨。物方生方死。大同而與小同異。此之謂小同異。萬物畢同畢異。此之謂大同異。此名家同異之辯也。若堅白無不合無不離。則名家堅白之論也。一說公孫龍善爲堅白同異之辯。著守白論行於世。堅白卽守白。言堅執其說也。自堅白之論出。辯者互起。不勝異說。公孫龍能合衆異而爲同。故謂之同異。總之名家者流。徇名責實。是其所長。其說愈精。其義愈晦。如曰馬非馬。火不熱。龜長於蛇等說。則流於細碎煩瑣滋人眩惑矣。

鄧析子周

鄧析春秋時鄭人。著鄧析子一卷。凡二篇。大旨在勢統於尊。

事核於實。其說在申韓黃老之間。蓋名家中之較有實用者。

鄧析子篇目

無厚篇 轉辭篇

尹文子周

尹文周人。與齊宣王同時。撰尹文子一卷。其說曰。大道無名。稱器有名。名也者正形者也。形正由名。則名不可差。故仲尼云。必也正名乎。名不正則言不順。其大旨蓋在儒與道之間也。

尹文子篇目

大道上 大道下

惠子周

惠子名施。與莊周同時。其書已亡。莊子天下篇。稱惠施多方。其書五車。其道舛駁。其言不中。卯有毛。丁子有尾。山出口。雞三足。犬可以爲羊。皆其說也。

公孫龍子周

公孫龍趙人。著書十四篇。其詞曰。白馬非馬。馬者所以命形也。白者所以命色也。故曰白馬非馬。又曰物無可以謂之物。蓋亦犬可以爲羊之說也。

附錄名家書目

成公生

周人著書五篇

黃公

周人名疵著書四篇

毛公

戰國時趙人著書九篇

士緯新書

姚信吳人著士緯新書其說曰凡水溫則成湯寒則成冰冰湯異性而水性猶同蓋亦祖述同異之說者也

經史子集要略 子部 名家

四〇六

墨家

墨家以兼愛爲主。其說主於節儉。故節葬去樂。又善守禦。故又近於兵家。此派以墨翟爲首。與楊朱并稱。孟子所謂楊氏爲我。墨氏兼愛者是也。又云楊墨之道不息。孔子之道不著。然則墨者之說。儉不中禮。親疏不分。其非中庸之道可知矣。

墨子周

墨翟周人。生於魯。爲宋大夫。或曰與孔子同時。或曰在孔子後。以意度之。墨翟之道既非儒說。孔子之時。何無一語道及。迨孟子時始有能言拒楊墨者。聖人之徒也之語。則翟之生。其在周末歟。漢書藝文志。墨子七十一篇。今存五十三篇。淮南要略訓云。墨子學儒之業。受孔子之術。以爲禮煩擾而不說。厚葬靡財而貧民。服傷生而害事。故背周道。而用夏政。蓋墨子節嗇其身以濟物。善守禦而忽禮樂。其書親士脩身經上經

下及說凡六篇。皆翟自著。餘篇稱子墨子。耕柱篇并稱子禽子。則其門人記錄可知。其魯問篇曰。凡入國必擇務而從事焉。國家昏亂。則語之尚賢尚同。國家貧則語之節用節葬。國家熹音沉湎。則語之非樂非命。國家淫僻無禮。則語之尊天事鬼。國家務奪侵凌。則語之兼愛。是亦通達經權。不可訾議。其備城門諸篇。則皆兵家言。有實用焉。

墨子篇目略釋

親士第一 脩身第二 所染第三 法儀第四 七患第五 辭過第六 三辯第七 尚賢上第八 尚賢中第九 尚賢下第十 尚同上第十一 尚同中第十二 尚同下第十三 兼愛上第十四 兼愛中第十五 兼愛下第十六

考兼愛篇云聖人以治天下爲事者也必知亂之所自起焉能治之不知亂之所自起則不能

治譬之如醫之攻人之疾者然必知疾之所自起焉能攻之不知疾之所自起則弗能攻治亂者何獨不然必知亂之所自起焉能治之不知亂之所自起則弗能治聖人以治天下爲事者也不可不察亂之所自起當察亂何自起起不相愛臣子之不孝君父所謂亂也子自愛不愛父故虧父而自利弟自愛不愛兄故虧兄而自利臣自愛不愛君故虧君而自利此

所謂亂也雖父之不慈子兄之不慈弟君之不慈臣此亦天下之所謂亂也父自愛也不愛子故虧子而自利兄自愛也不愛弟故虧弟而自利君自愛也不愛臣故虧臣而自利是何也皆起不相愛雖至天下之爲盜賊者亦然盜愛其室不愛其異室故竊異室以利其室賊愛其身不愛人故賊人以利其身此何也皆起不相愛雖至大夫之相亂家諸侯之相攻國者亦然大夫各愛家不愛異家故亂異家以利家諸侯各愛其國不愛異國故攻異國以利其國天下之亂物具此而已矣察此何自起皆起不相愛若使天下兼相愛人若愛其身惡施不孝猶有不慈者乎視子弟與臣若其身惡施不慈不孝亡有猶有盜賊乎故視人之室若其室誰竊視人身若其身誰賊故盜賊亡有猶有大夫之相亂家諸侯之相攻國者乎視人家若其家誰亂視人國若其國誰攻故大夫之相亂家諸侯之相攻國者亡有若使天下兼相愛國與國不相攻家與家不相亂盜賊無有君臣父子皆能孝慈若此則天下治故聖人以治天相下爲事者惡得不禁惡而勸愛故天下兼相愛則治惡則亂故子墨子曰不可以不勸愛人者此也

非攻上第十七 非攻中第十八 非攻下第十九 節用上第二十
節用中第二十一 節用下第二十二 節葬上第二十三 節葬
中第二十四 節葬下第二十五 天志上第二十六 天志中第二
十七 天志下第二十八 明鬼上第二十九 明鬼中第三十 明
鬼下第三十一 非樂上第三十二 非樂中第三十三 非樂下第三

十四 非命上第三十五 非命中第三十六 非命下第三十七
非儒上第三十八 非儒下第三十九 經上第四十 經下第四十
一 經說上第四十二 經說下第四十三 大取第四十四 小取
第四十五 耕柱第四十六 貴義第四十七 公孟第四十八 魯
問第四十九 公輸第五十 口口第五十一 備城門第五十二
備高臨第五十三 口口第五十四 口口第五十五 備梯第五十
六 口口第五十七 備水第五十八 口口第五十九 口口第六
十 備突第六十一 備完第六十二 備蛾傳第六十三 口口第
六十四 口口第六十五 口口第六十六 口口第六十七 迎敵
祠第六十八 旗幟第六十九 號令第七十 雜守第七十一

禽滑釐周

禽滑釐周人。與墨子同時。墨子耕柱篇。載墨子因高石子去衛之齊。召子禽子曰。姑聽此乎。夫倍義而鄉祿者。我常聞之矣。倍祿而鄉義者。於高石子焉見之也。

胡非子周

胡非子戰國時人。脩墨以教。有屈將子好勇。聞墨者非鬥。帶劍危冠。往見胡非子。刼而問之曰。將問先生非鬪。而將好勇。有說則可。無說則死。胡非子乃告以五勇。屈將悅服。請爲弟子。又有弓矢之喻。蓋能傳墨子之說者。

隨巢子周

隨巢子周人。其說曰。有疎而無絕。有後而無遺。大聖之行。兼愛萬民。疎而不絕。賢者欣之。不肖者憐之。賢而不欣。是賤德也。不肖者不憐。是忍人也。

田俅子周

田俅子周人。其說偏於機祥。如丹書獬廌屈軼白狼之類。不盡似墨者之言。

纏子周

纏子周人。脩墨氏之業以教天下。其說曰。文言華世不中利民

。傾危繳繞之辭者。並不爲墨子所脩。勸善兼愛。則墨子重之。

縱橫家

合南北曰縱。聯東西曰橫。戰國之時。諸侯相攻。行人之職。競尙陰謀。使臣謗其口說。策士售其計謀。朝秦暮楚。極反覆詭詐之能事。於是縱橫捭闔之術大行。蘇秦合六國以擯秦。爲縱約長。張儀主橫。說六國以事秦。是其最著者。漢志謂縱橫家權事制宜。受命而不受辭。是其所長。及邪人爲之。則尙詐諛。而棄信義。蓋已失使於四方不辱君命之本旨矣。

鬼谷子周

鬼谷子無姓名里俗。戰國時隱居潁川陽城之鬼谷。因以自號。蘇秦張儀師事之。授捭闔之術十三章。晚乃更出七術。益險奇。使人狂狃失守。隋志始列於縱橫家。唐志以爲卽蘇秦之書。大抵皆捭闔鈎鉗之術。其說曰。人動我靜。人言我聽。知性則寡累。知命則不憂。觀此數語。可以見其揣摩之術矣。

鬼谷子篇目略釋

捭闔第一 反應第二 內捷第三 抵巇第四 飛箝第五 忤合第六 揣摩第七 摩篇第八 權篇第九 謀篇第十 決篇第十

一 符言第十二

本經陰符七篇

戰國之士僞譎辯者多矣而逞其才氣以自放於文章者唯鬼谷子最著今讀其捭闔

反映內捷抵巇飛箝忤合揣摩摩權謀諸篇抑何奇也大約出於陰符深於老氏而自稱一代之雄此其所以奇耳鬼谷子不見於他書隋志始有之唐四庫以爲蘇秦之書秦記云周時隱士自號鬼谷先生嘗有書責儀秦夫何責之無乃自悔其教之不精而恥彼學之未至歟

蘇子周

蘇秦戰國時洛陽人。善縱橫術。說秦惠王不用。乃說燕趙合六國之縱。同盟拒秦。蘇秦爲合縱之長。著蘇子三十一篇。後縱約爲張儀所破。

張子周

張儀魏人。貧無行。少與蘇秦同師鬼谷子。學縱橫術。後相秦惠王。以聯橫之策說六國。使背縱約而事秦。著張子十篇。

闕子周

闕子周人。漢書藝文志。列縱橫十二家。有闕子一篇。隋志云。梁有補闕子十卷。其說多取譬喻以明其理。如弓工爲弓。魯人好釣等節皆是。蓋戰國人文多此類也。

附錄縱橫家書目

蒯子

名通著
書五篇

經史子集要略 子部 縱橫家

鄒陽
篇七

主父偃
二十
八篇

戰國策
漢劉向集錄其書多載游說之詞頗有
類縱橫家言故不列於史而錄於此

雜家

漢志謂雜家兼儒墨。合名法。觀天地之象。通古今之事。及湯者爲之。則漫羨而無所歸心。是所謂雜家者。其學術不能純宗一家可知。此派最著者。以呂氏春秋。淮南子。論衡。爲習見之書。

呂氏春秋 秦

呂不韋者濮陽人也。爲陽翟之富賈。賈於趙。時秦莊襄王爲質於趙。以不韋計得歸嗣位。不韋嘗納邯鄲姬。有娠。獻之莊襄王。生子正。後爲秦始皇。始皇尊不韋爲仲父以通於太后。事發自殺。呂氏春秋。不韋賓客之所作。書成懸之咸陽市門曰。有能增損一字者與千金。時人畏其勢。無敢易者。其書凡二十六卷。內分十二紀。八覽。六論。十二紀卽禮記之月令。八覽亦稱呂覽。是書以道德爲標的。以無爲爲綱紀。以忠義爲品式。以公方爲檢格。蓋雜揉儒墨道家爲一書畢氏謂著書專覲世名

。不成於一人。不能名一家者。實始於呂不韋。蓋當時智略之士。客於呂氏。集成是書。雜而不純。不可盡信。呂氏特竊其名耳。

呂氏春秋篇目略釋。

讀者須知是書作於秦而集成之者又爲呂不韋則憬然悟矣

孟春紀第一 孟春 本生 重己 貴公 去私

仲春紀第二 仲春 貴生 情慾 當染 功名一作由道

季春紀第三 季春 盡數 先己 論人 圓道

孟夏紀第四 孟夏 勸學一作觀師 尊師 誣徒一作詆役 用衆一作善學

仲夏紀第五 仲夏 大樂 侈樂 適音一作和樂 古樂

季夏紀第六 季夏 音律 音初 制樂 明理

孟秋季第七 孟秋 蕩兵一作川兵 振亂 禁塞 懷寵

仲秋季第八 仲秋 論威 簡選 決勝 愛士一作慎窮

季秋季第九 季秋 順民 知士 審己 精通

孟冬季第十 孟冬 節喪 安死 異寶 異用

仲冬季第十一 仲冬 至忠 忠廉 當務 長見
季冬季第十二 季冬 士節 介立一作立意 誠廉 不侵
序意

右爲十二紀凡六十篇又序意一篇

有始覽第一 有始 應同 去尤 聽言 謹聽 務本 諭大
孝行覽第二 孝行 本味 首時一作胥時 義賞 長攻 慎人一作

順人 遇合 必己一作本知又作不遇

慎大覽第三 慎大 勸勳 下賢 報更 順說 不廣 貴因

察今

先識覽第四 先識 觀世 知接 悔過 樂成 察微 去宥

正名

審分覽第五 審分 君守 任數 勿躬 知度 慎勢 不二

執一

審應覽第六 審應 重言 精諭 離謂 淫詞 不屈 應言

具備

離俗覽第七 離俗 高義 上德 用民 適威 爲欲 貴信

舉難

恃君覽第八 恃君 長利 知分 召類 達鬱 行論 驕恣

觀表

右爲八覽凡又六十三篇故是書又稱呂覽

開春論第一 開春 察賢 期賢 審爲 愛類 貴卒

慎行論第二 慎行 無義 疑似 壹行 求人 察傳

貴直論第三 貴直 直諫 知化 過理 壅塞 原亂

不苟論第四 不苟 贊能 自知 常賞 博卷 貴富

似順論第五 似順 別類 有度 分職 處方 慎小

士容論第六 士容 務大 上農 任地 辯士 審時

右爲六論凡三十六篇

淮南子漢

淮南子名安。漢厲王長之子。長爲高帝子。以罪死。文帝時安襲封淮南王。安爲辯達。善屬文。帝甚重之。天下方術之士。多歸焉。遂與蘇飛李尚左等八人。及諸儒大山小山之徒。共講論道德。總統仁義。而著此書。其書近老子。淡泊無爲。蹈虛守靜。出入經道。言其大也。則燾天載地。說其細也。則淪於無垠。及古今治亂存亡禍福。世間詭異瓌奇之事。其義也著。其文也富。物事之類。無所不載。然其大較。歸之於道。號曰鴻烈。鴻大也。烈明也。以爲大明道之言也。是以先賢通儒。述作之士。莫不援採。以驗經傳。劉向校定撰具。名之淮南。宋史藝文志作淮南鴻烈解係並高誘之注而冒蓋此書原名鴻烈也書凡三十一篇。又有十九篇者。謂之淮南外篇。漢志有內外篇今所傳者則向篇也。

淮南子篇目

卷一原道訓 卷二俶眞訓 卷三天文訓 卷四墜形訓 卷五時則訓 卷六賢員訓 卷七精神訓 卷八本經訓 卷九主術訓

卷十繆稱訓 卷十一齊俗訓 卷十二道應訓 卷十三汜論訓
卷十四詮言訓 卷十五兵略訓 卷十六說山訓 卷十七說林訓
卷十八人間訓 卷十九脩務訓 卷二十秦族訓 卷二十一要略

尸子周

尸佼戰國時晉人。爲秦相。衛鞅客。商君謀事畫計立法理民。未嘗不與佼規也。商君被刑。尸佼恐。乃逃入蜀。考漢書藝文志。雜家尸子二十篇。至宋時全書已亡。後漢書宦者呂強傳。謂尸子書二十篇。十九篇陳道德仁義之紀。一篇言九州險阻水泉所起。淮南子墜形訓云。北極有不釋之冰。及九山九塞九藪水泉諸說。皆本尸子。據此則尸子全書雖佚。其大旨仍可見也。今所傳者有任氏惠氏孫氏本。皆搜集佚文。蕭山汪氏重加釐訂。分爲上下二卷。及存疑一篇。統觀其說。蓋言兼儒法者也。

鵲冠子周

鷖冠子楚人。隱其姓名。居於深山。以鷖爲冠。號曰鷖冠子。其書兼黃老刑名。自博選至王問。凡十九篇。奇言奧旨。爲六國競士先鞭。韓文公愈謂使其人遇其時。援其道而施於國家。功德不少。詢定評矣。

尉繚子周

尉繚子戰國時魏人。或曰齊人失其姓名。爲鬼谷子弟子。因梁惠王之聘。陳兵法二十四篇。漢志列諸雜家。稱二十九篇。其天官篇。注重人事。而不尙陰陽之說。兵令篇曰。百萬之衆不用命。不如萬人之鬪也。萬人之鬪不用命。不如百人之奮也。賞如日月。信如四時。令如斧鉞。制如千將。士卒不用命者。未之聞也。統觀其書。言用兵之道。多合於正。蓋縱橫而兼兵家者也。

論衡漢

漢王充撰凡三十卷。大旨詳於自紀一篇。蓋內傷時命之坎坷。

外族世俗之虛僞。故發憤著書。其說曰。名不流於一嗣。文不遺於一札。官雖傾倉。文德不豐。非吾所臧。德汪濊而淵懿。知滂沛而盈溢。筆隴瀉而雨集。言溶滂而泉出。富材羨知。貴行導志。體列於一世。名傳於千載。乃吾所謂異也。觀此可知其書之大略矣。

金樓子南北朝

金樓子梁元帝蕭繹撰。凡六卷。帝在藩時。以金樓子自號。故以名書。當時周秦遺書。未盡亡佚。故其所証引多史外軼聞。終制篇歷述薄葬之說。尤爲詳盡。戒子篇曰。欲求子孝。必先爲慈。欲責弟悌。務念爲友。又曰讀書必以五經爲本。所謂非聖人之書勿讀。觀其持論。蓋在儒與老之間也。

附錄雜家篇目

鬻子

周髀熊撰張文襄云鬻子子華子皆僞書尉繚子尤謬六韜關尹子鄧析燕丹僞而近古按賈誼勅書所引鬻子七條文選所引鬻子武王伐紂事今本皆無蓋原書早

矣亡

燕丹子 周燕太子丹撰亦列小說家然其書不類小說

獨斷 漢蔡邕撰

白虎通 漢班固撰四卷漢天子集諸儒講論五經於白虎觀今固撰集諸儒議奏名白虎通義隋時減稱白虎通

風俗通 漢應劭撰十卷有皇霸正失愆謬聲音等篇

博物記 漢唐蒙撰首記谷成造曆又晉張華撰博物志十卷宋李石撰博物志十卷均列於小說家與此不同

伏侯古今注 晉伏無忌撰歷記光武以下名諱及其雜事晉崔豹古今注亦列於雜家與此非一書

蔣子萬機論 魏蔣濟撰百政略刑論等篇

子華子 晉人撰二卷有陽城胥渠問孔子贈雪篇兼儒象

鄒子 晉人撰其說曰欲知其人視其朋友兼儒家

裴氏新言 晉裴元撰其書多言祲祥

秦子

晉秦著撰兼名家其說曰欲顯白於雪中馳光於日下不可得也

陸氏要覽

言陸機撰兼道家其書言列子御風及符籙等事

劉子

梁劉勰撰十卷撰道家有清神防慾等二十五篇內有兵術一篇則兵家者言也

顏氏家訓

北齊顏之推撰七卷兼釋家有序致教子等十七篇

長短經

唐陸撰九卷兼縱橫家

兩同書

唐羅隱撰二卷兼道家以老子修身之說爲內以孔子治世之道爲外會其旨而同原故謂之兩同

譚子化書

南唐譚峭撰六卷兼道家

懶真子

宋馬永卿撰五卷

郁離子

明劉基撰一卷

農家

農家者流。播種百穀。勸課耕桑。爲吾人養生之大本。自神農氏教民稼穡。樹藝五穀。造福萬民。相衍至今。管子曰。倉廩實而知禮節。衣食足而知榮辱。可見農家之言。關係於國家政治者大也。夫農爲邦本。食爲民天。洪範八政一曰食。孔子論政先足食。自古及今。未有不知稼穡之難。而能有國有家者也。惜農家之書。流傳日少。漢志農九家。見於隋志者。汜勝之一家。見於新唐志者。僅尹都尉汜勝之二家。而多出漢志范子計然一家。然此數家絕無傳本。有之蓋亦殘簡而已。

范子計然

周唐書藝文志作范子計然馬總意林無計然二字按范謂范蠡越大夫計然爲范蠡師著有計然萬物錄及計倪子等書

本書爲越大夫范蠡撰多范蠡與計然問荅之詞。其說曰五穀者萬民之命。國之重寶。故無道之君。及無道之民。皆不能積其盛有餘之時。以待其衰不足也。又曰。東方多麥。南方多稻。西方多麻。北方多菽。中央多禾。五土之宜。各有高下。高而陽

者多豆。平而陰者多五穀。此皆純然農家之言。初無人君與民並耕而食。饗殮而治之說。

四民月令

後漢崔寔撰

一卷歷叙歲時祭祀耕稼各事。雍雍熙熙。頗類爾風。錄其一節。可以見民俗之醇也。其詞曰。正月之朔。是謂正旦。躬率妻孥。潔祀祖禰。及祀日。進酒降神畢。乃室家尊卑。無大無小。以次列於先祖之前。子婦曾孫。各上椒柏酒於家長。稱觴舉壽。欣欣如也。

附錄農家書目

齊民要術

後魏賈思勰撰十卷凡九十二篇於農圃衣食之法纖悉畢備農家書之最善者

耒耜經

唐陸龜蒙撰一卷

農書

宋陳旉撰三卷又元王禎撰農書三十六卷

農政全書

明徐光啓撰六十卷

小說家

張衡西京賦曰。小說九百。本自虞初。漢書藝文志載。虞初周語。九百四十三篇。註稱武帝時方士。則小說興於武帝時矣。故伊尹說以下九家。班固多注依託也。然屈原天問。雜陳神怪。多莫知所出。意卽小說家言。而漢志所載青史子五十七篇。賈誼新書保傅篇中先行之。則其來已久。特盛於虞初耳。迹其流別。凡有三派。其一叙述雜事。其一紀錄異聞。其一綴輯瑣語也。唐宋而後。作者彌繁。中間誣謾失真。妖妄熒聽者。固爲不少。然寓勸戒。廣見聞。資考證者。亦錯出其中。班固稱小說家流。蓋出於稗官。王者欲知閭巷風俗故立稗官漢志所謂街談巷議。道聽途說者是也。子書十家。儒道墨法名陰陽縱橫農雜小說凡十家之中。可觀者只九家。世稱九流而小說家不與焉。茲擇其文辭雅馴。而習見者。錄其書名

。以備一格。

附錄小說家書目

山海經

晉郭璞注

穆天子傳

晉郭璞

搜神記

晉干寶

西京雜記

梁吳筠

太平廣記

宋李昉等

博物志

晉張華

世說新語

宋劉義慶

酉陽雜俎

唐段成式

北夢瑣言五代孫光憲

歸田錄宋歐陽修

輟耕錄元陶宗儀

儒林外史吳敬梓

兩般秋雨盦

閱微草堂紀昀

聊齋誌異蒲松齡

說鈴汪琬

觚不觚

右列諸子十家。僅舉其大凡。尙有兵家之六韜。周太公望孫子。周吳武吳子。周吳起三略。秦黃石公司馬法。齊司馬穰苴醫家之靈樞素問。二書皆託言皇

帝名起內經或難經。 周秦神農本草。脉經。 晉王叔和術家之易林。 漢焦贛

太玄經。 漢楊雄皇極經世書 宋邱雍等書。學有餘力。亦宜瀏覽。又

有不能附於子書。而實與諸子有關之類書。如藝文類聚。太平御覽。淵鑑類函。意林。白孔六帖。馬氏玉函山房輯逸書。說郛。諸子平議。嚴氏全古文。子史精華。羣書治要。初學記。百子全書。諸子文粹等書。亦參考之要籍也。

凡讀子書。必先審其時之政治。及其人之主張。書之真僞。或寓言。或僞託。或純或駁。一一考查明白。自無流弊。凡引用子書一二語。以證其說之著述。尤須詳慎審查。勿爲所愚。敬告讀者三復斯言。

集部

集部之目楚辭最古別集次之總集又次之迨至齊梁復有詩文評之作詞曲其間餘也

集之一門。或古文。或詩賦。或詞曲。或考訂。或學術。或記載。或評論。既有總集錄多人之著作別集專載一人之著作亦稱專集之分。又有義例體裁之異。博大浩瀚。老師宿儒。窮畢生之精力。猶慮不能盡其奧蘊。况中才之士乎。前賢住哲。治學有術。鑑別精嚴。絕非務廣而荒。散漫無歸。是以有理學家考訂家古文家駢體文家詩家詞曲家之稱。書雖貴乎博覽。學必有其專長。歷代積蓄。千巖萬壑。此集之一類。所以門類日多而流別日衆也。茲備錄其牢牢大者。分別朝代。以便初學。

楚辭類

楚辭全部皆賦體歷代總集無此例故不能列於總集之內

楚辭本漢劉向所集屈原宋玉等人之作。其實與總集無異。自隋書經籍志以楚辭別爲一門。以後著錄者。均以楚辭另爲一類。冠於別集之前。今從之。離騷本楚辭內之一篇即屈子離騷經初學往往誤認離騷爲楚辭之別名實大謬也

自詩三百篇以後。韻文之最古者。厥惟楚辭。而離騷一章。屈原

尤爲膾炙人口。是書凡十七章。有離騷經。九歌天問九章遠遊

卜居漁父以上九辯招魂以上大招景若惜誓賈誼招隱士小山七諫東方朔哀時命

嚴忌九懷王褒九歎劉向九思王逸等章。皆賦體。其九歎一章。則劉向集是

書時錄以己作。九思一章。則王逸作楚辭章句時之所作也。

屈原初事楚懷王。以被讒失位。離騷等作。上陳堯舜禹湯文主

之法。下言羿澆桀紂之失。以風懷王。卒不見納。迫於忠憤。

死於汨羅。江名劉顓稱爲軒翥詩人之後。奮飛詞家之前。班固以

爲露才揚已。忿懟沉江。然漢宣嗟歎。以爲皆合經術。揚雄風

味。亦言體同詩雅。則其文辭雅麗。爲詞賦之宗可知矣。離騷之作

宋不如屈其後揚雄作反騷班彪作悼騷摯虞作愍騷應奉作感騷去三閭之調愈遠矣

別集類紀載一人之著述者爲別集

蔡中郎集

東漢班固蔡邕王逸張衡王充皆極有文名然較遜於西漢之司馬遷賈誼匡衡劉向揚雄等人

漢蔡邕撰。邕字伯喈。陳留人。以附董卓獲罪。邕曠世逸才。

學無不貫。世所傳者。文集十卷。外集四卷。本集以碑銘爲多。

。獨斷一卷。記炎漢掌故。尤爲世所重。

列於子書

曹子建集

曹家父子思王爲冠老瞞樂府如苦寒行諸作實膾炙人口不詩洋洋清綺或謂去植千里似非篤論

曹植魏武帝第三子。丕之弟。字子建。封陳王。謚曰思。故又稱陳思王。善屬文。援筆立就。著曹子建集十卷。本集以賦居多。次詩次贊。其餘表章論文詞詠諸體俱備。尤以洛神賦閒居賦等篇。爲世所稱道。謝靈運云。天下文章只一石。子建獨得八斗。則其文可知也。

孔邕王粲徐幹等七人稱建安七子然其才均遜於子建故子建不入七子之內也世稱建安體則合子建及七子

而

靖節先生集

晉末詩人實推陶公其源亦從蘇李十九首來特襟懷不同故詩境亦異耳

陶潛晉尋陽人。一名淵明。字元亮。陶侃之曾孫。常爲彭澤令。後歸隱。性高尚冲淡。喜飲酒。世稱靖節先生。本集原爲八卷。

梁昭明太子編

後北齊陽休之定爲十卷。而益以五孝傳。及四八目

。即集中卷九卷十之聖賢羣輔錄

四庫全書提要。已決其僞託。仍以昭明八卷爲

準。本集以詩爲最多。朱文公熹曰。晉宋人物。雖曰尙清高。

然個個要官職。這邊一面清談。那邊一面招權納貨。陶淵明真

個能不要此。所以高於晉宋人物。

此段爲語錄體中國文字早有此一格也

眞西山曰。

德秀

淵明之作。宜自爲一編。以附於三百篇

詩經

楚辭之後。爲詩之根

本準則。觀以上兩說。可以見陶集之佳。蓋陶之作。質厚近古。託旨冲淡。集中歸去來辭。五柳先生傳。桃花源記。皆令人百讀不厭。惟閒情一賦。論者謂爲白璧微瑕。讀者以樂而不淫解之可也。

四言詩莫古於詩經前漢韋孟實發其凡自曹氏父子王仲宣陸士衡諸人後惟陶公最高停雲榮木諸篇迨突過建安矣

謝宣城集

玄暉詩含英咀華一字百煉齊之作者公居其冠

謝朓南北朝南齊陳郡陽夏人。字玄暉。官至尚書吏部郎。長五

言詩。其在宣城

朓曾爲宣城太守世稱謝宣城

所賦。藻績尤精。故李太白登華山

落雁峰云恨不鐫謝朓驚人詩搔首問青天其服膺如此。杜少陵亦曰詩接宣城。沈約云。二百年來無此詩。則宣城詩才已可概見。史稱其告王敬則反。則女爲朓妻。常懷刃欲報朓。朓不敢相見。後以事下獄死。年三十六。蓋朓優於文辭。而薄於德行。本集凡五卷。集中兼採有聯句及沈約等作。不盡謝詩也。

鮑氏集

鮑照字明遠。本上黨人。工詩。仕劉宋爲臨海王參軍。世稱鮑參軍。照死荊州義嘉之亂。年五十餘。身既遇難。篇章散佚。後人訪求遺稿。成鮑參軍集。凡十卷。虞炎序曰。照所賦述。雖乏精典。而有超麗。洵確論也。

徐孝穆集

徐陵南北朝陳東海郟人。字孝穆。初仕梁。入陳官至尙書。所爲文。辭藻綺麗。與庾信齋名。世稱徐庾體。自有陳創業。文檄軍書。及禪授詔策。皆陵所製。而尤錫文尤美。爲一代文宗。其時國家有大手筆。皆陵草之。其文頗變舊體。緝裁巧密。多有新意。本集凡六卷。徐庾體者。實六朝駢體文之先導也。

庾開府集

庾信字子山。南北朝新野人。文章與徐陵齊名。仕於北周。累遷驃騎大將軍。開府儀同三司。故世稱庾開府。信雖仕周。嘗有鄉關之思。因作哀江南賦。其駢偶之文。實集六朝之大成。史評庾詩綺豔。杜工部又稱其清新老成。此六字者。詩家難兼。子山備之。文與徐孝穆敵體。辭生於情。氣餘於彩。乃其獨優。北遷以後之作。不徒以綺麗見長。故杜甫謂庾信文章老更成也。哀江南一賦。論者謂不無危苦之詞。然子山北遷之後。

其文篇篇有悲哀悽怨之流露。不獨此賦而已。本集凡十六卷。

諸葛忠武侯文集四卷

漢諸葛亮

昭明太子集六卷

南朝梁太子蕭統撰
按此非昭明文選

江文通文集四卷

南朝梁江淹

嵇中散集十卷

晉嵇康

陸士衡集十卷

晉陸機

陸士龍集十卷

晉陸雲撰太康中張載張華張協稱三張潘岳潘尼稱二潘陸機陸雲稱二陸左思稱一左皆有文名然皆以藻采競長視建安之作者又一

變矣

以上漢魏六朝

言詩者漢魏並稱其實魏不逮漢也建安之作平仄穩貼實肇聲律之漸自六朝至盛唐遂臻絕境

昌黎集

韓愈唐昌黎人。字退之。由進士累官吏部侍郎操行堅正。文章

閔深奧衍。爲世所宗。卒諡曰文。宋元豐中追封昌黎伯。世稱昌黎先生。本集四十卷。并目錄合爲四十一卷。外集十卷。爲昌黎門人李漢編。集中時賦雜著碑志等。無不俱備。尤以原道師說送孟東野序送李愿歸盤谷序祭柳子厚文祭十二郎文毛穎傳送窮文鱷魚文論佛骨表等篇。爲世所傳誦。蓋自六朝以後。文體專尙駢體。曰漸頽靡。昌黎獨倡古文。挽回文運。故云韓文起八代指魏晉六朝而言之衰。宋景文公云。柳柳州爲文。或取前人陳語用之。不及韓吏部卓然不丐於古。而一出諸己。蘇明允云。韓子之文。如長江大河。渾浩流轉。魚鼈蛟龍。萬怪逞惑。而抑絕掩蔽。不使自露。而人望見其淵然之光。蒼然之色。亦自畏避不敢迫視。秦少游云。鈎莊列之微。挾蘇張之辯。撫遷固之實。獵屈宋之英。本之以詩書。折之以孔氏。此成體之文。如韓愈之所作是也。蘇東坡云。杜詩韓文顏書左史。皆集大成也。統觀各家評語。可以見本集之梗概。蓋先生學問宏博。文章

淵奧。佐佑六經。自成一家言。而扶翼聖道。宣揚仁義。尤爲公章文發源之地。讀者不可不知也。

世之評唐宋八大家文者率以韓文爲首而以蘇子由殿之誠爲確論

柳河東集

柳宗元字子厚。唐河東人。文章絕倫。與韓愈齊名。世稱韓柳。後坐王叔文黨。貶永州。徙柳州刺史。故世稱柳柳州。韓愈評其文曰。雄深雅健。似司馬子長。謫居柳州。病革。以書遺其友劉禹錫曰。我不幸卒以謫死。以遺草累故人。禹錫集其稿。凡四十五卷。外集五卷。卽本集也。又有龍城錄二卷。子厚詩本陶淵明。文則出諸國語及左氏春秋。劉辰翁曰。子厚文不如退之。退之詩不如子厚。李朴曰。子厚論著。大抵非怨憤必刺毀。如辯論語下篇。尤爲害道。觀捕蛇者說一篇。更可見其胸中憤慨。蓋其遭遇不如意。故文章亦不平也。

李太白集

太白以縱橫之才俯視一切蜀道難等篇長短句奇而又奇他人不能學也

李白字太白。唐蜀人。生於昌明之青蓮鄉。故號青蓮居士。白

有才華。賀之章見其文。歎爲謫仙。玄宗時供奉翰林。甚見愛重。後坐事流夜郎。所爲詩高妙清逸。與杜甫并稱詩宗。本集三十卷。以歌詩爲最多。後六卷爲雜著。

分類補注李太白集前二十五卷爲古樂府歌詩後五卷爲雜

文李白才逸氣高。與陳拾遺齊名。先後合德。其論詩云。梁陳已來。豔薄斯極。沈休文又尙以聲律。將復古道。非我而誰歟。故陳李二集。律詩殊少。嘗言寄興深微。五言不如四言。七言又其靡也。况使束於聲調俳優哉。故戲杜曰。飯顆山頭逢杜甫。頭戴笠子曰卓午。借問別來太瘦生。總爲從前作詩若。蓋譏其拘束也。白常出入宮中。恩禮殊厚。竟以疎縱乞歸。上亦以非廊廟器。優詔罷遣之。後以不羈。流落江外。又以永王招禮。累謫於夜郎。及放還。卒於宣城。杜甫所贈二十韻。備叙其事。讀其文盡得其故跡。杜逢祿山之難。流離隴蜀。畢陳於詩。推見至隱。殆無遺事。故當時號爲詩史云。

凡古詩譜入管絃可歌者爲樂府漢高帝

大風歌
爲最早

杜工部集

子美爲詩學大成七古堪稱絕詣洗兵馬一篇猶是初唐氣格

杜甫字子美。唐襄陽人。後徙河南鞏縣。家於少陵。天寶末。獻三大禮賦。玄宗奇之。待制集賢院。肅宗時爲右拾遺。世稱杜拾遺。後以疏救房琯被貶。依嚴武於蜀。奏爲節度參謀檢校尙書工部員外郎。故又稱杜工部。後以轉徙至耒陽卒。甫博極羣書。善爲詩歌。涵渾汪洋。與李白齊名。白自負文格放達。譏甫齷齪。故有飯顆山頭之嘲誚。元和中詞人元稹。論李杜之優劣曰。余讀詩至杜子美。而知大小之有所總萃焉。始堯舜時。君臣以賡歌相和。是後詩人繼作。歷夏殷周千餘年。仲尼緝拾選練。取其干預教化之尤者三百篇。其餘無聞焉。騷人作而怨憤之態繁。然猶去風雅日近。尙相比擬。秦漢已還。採詩之官旣廢。天下妖謠民謳歌頌風賦曲度嬉戲之詞。亦隨時間作。至漢武帝賦柏梁詩。而七言之體興。蘇子清李少卿之徒。尤工爲五言。雖句讀文律各異。雅正之音亦雜。而詞意簡遠。指事

言情。自非有爲而爲。則文不妄作。建安之後。天下文士。遭罹兵戰。曹氏父子。鞍馬間爲文。往往橫槊賦詩。其遒壯抑揚。冤哀悲離之作。尤極於古。晉世風槩稍存。宋齊之間。教失根本。士子以簡慢歛習。舒徐相尙。文章以風容色澤放曠。精清爲高。蓋吟寫性靈。流連光景之文也。意義格力。固無取焉。陸遲至於梁陳。淫豔刻飾。佻巧小碎之詞劇。又宋齊之所不取也。唐興。官學大振。歷世之文。能者互出。而又沈宋之流。研練精切。穩順聲勢。謂之爲律詩。由是而後。文變之體極焉。然而莫不好古者遺近。務華者去實。效齊梁則不逮於魏晉。工樂府則力屈於五言。律切則骨格不存。閑暇則纖濃莫備。至於子美。蓋所謂上護風雅。下該沉宋。言奪蘇李。氣吞曹劉。掩顏謝之孤高。雜徐庾之流麗。得古今之體勢。而兼人人之所獨專矣。則詩人以來。未有如子美者。是時李白。亦以奇文取稱。時人謂之李杜。余觀其濃淡縱恣。擺去拘束。模寫物象。及樂府

歌詩。誠亦差肩於子美矣。至若鋪陳終始。排比聲韻。大或千言。次猶數百。詞氣豪邁。而風調清深。屬對律切。而脫棄凡近。則李尙不能歷其藩翰。况堂奧乎。
按元稹論李杜優劣頗當而於詩文變遷歷述尤詳故摘錄之願學者留意也

按說詩者以初唐

唐初至開元

盛唐

開元至大曆

中唐

大曆至太和

晚唐

太和以後

爲四唐而以

李白杜甫爲詩宗亦猶文稱韓柳也

白香山詩集

香山諷諭詩乃樂府之變上陽白髮人等篇讀之令人心目豁朗悠然有餘味

白居易唐太原人。字樂天。元和進士。仕至刑部尙書。工詩。晚年居香山。稱香山居士。所爲詩深厚麗密。而平易近人。婦儒能解。士人爭傳之。尤長於七古詩。如新樂府五十首。其自序曰。凡九千二百五十二言。斷爲五十篇。篇無定句。句無定字。繫於意不繫於文。首句標其目。卒句顯其志。詩三百之意

也。其詞質而徑。欲見之者易諭也。其言直而切。欲聞之者深誠也。其事覈而實。使采之者傳信也。其體順而律。可以播於樂章歌曲也。總而言之。爲君爲臣爲民爲物爲事而作。而不爲文而作也。觀此數語。可以窺見香山之梗概。集中新樂府五十首。及長恨歌琵琶行等篇。尤爲世所傳誦。本集凡四十卷。附年譜一卷。

樊南文集 玉谿生詩集

李商隱唐河內人。字義山。又號玉谿生。開成二年進士。移居關中之樊南。樊川在京城之南。故義山自序文稱樊南生。樊南文集。原本甲乙二集。凡四十卷。爲義山自編。然已散佚不可得。今所傳者。爲樊南文集詳註八卷。樊南文集補編十二卷。蓋後人搜羅佚文以成之者。商隱初爲文。瑰邁奇古。及在令狐楚府。楚本工章奏體駢因授其學。商隱儷偶長短而繁縟過之。時溫庭筠段成式俱用是相夸。號三十六體。以三人年皆三十六也。

一說三人皆行十六故云

玉谿生詩。

與溫庭筠

時人號爲溫八又

齊名。但庭筠多綺羅脂粉

之詞。商隱則感時傷事。頗得風人之旨。本集凡三卷。王安石

謂唐人能學老杜

即杜甫後人稱杜牧爲小杜所以別於杜子美也

而得其藩籬者。惟商隱一人

。蓋晚唐詩人。以商隱首屈一指也。迨宋楊億劉子儀等。沿其流波。作西崑唱酬集。詩家遂有西崑體之目。於是世多以香草美人解商隱詩。已大乖本旨。至於流俗傳誦。多錄其綺豔之作。如集中有感二首之類。選本從無及之者。取所短而遺所長。

益失義山之真矣。

四六文盛於李商隱與六朝駢體文相仿世稱駢四儷六實則二體不可合爲一談

溫飛卿集

溫庭筠唐太原人字飛卿。大中初應進士不第。苦心研席。長於詩賦。不脩邊幅。著述頗多。而詩賦韻格清拔。才思豔麗。尤工於小賦小詩。每入試押官韻作賦。凡八叉手而八韻成。時號溫八吟。又曰與李義山齊名。惟士行玷缺摺紳薄之。本集凡九卷

。實爲豔體詩之濫觴。

孟襄陽集

孟浩然唐襄陽人字浩然。骨貌淑清。風神散朗。灌蔬藝竹。以全高尚。學不爲儒。務掇菁藻。文不按古。匠心獨妙。五言詩天下稱其盡美矣。開元二十八年卒。浩然凡所屬綴就輒毀棄。流落旣多。篇章散逸。宜城王士源集其詩。凡四卷。三百一十八首。

初唐四傑集

唐王勃楊炯盧照鄰駱賓王撰計王子安集十六卷盈川集十卷盧昇之集七卷附錄一卷駱丞集四卷初唐四傑之外尙有宋之間沈佺期盛唐則李

杜王維孟浩然中唐則大歷十子十人及韓愈柳宗元王維晚唐則以李商隱爲最溫庭筠等次之

張燕公集

唐張說

曲江集二十卷

唐張九齡

李北海集六卷附錄一卷

唐李邕

王右丞集注二十八卷唐王維

元次山集十二卷唐元結

顏魯公內集十二卷外集八卷書評十卷唐顏真卿

劉隨州集十卷補遺一卷唐劉長卿

韋蘇州集十卷唐韋應物

權文公集五十卷唐權德輿

劉賓客文集三十卷外集十卷唐劉禹錫

李文公集十八卷唐李翱

孟冬野集十卷唐孟郊

玉川子詩注五卷唐盧仝

長江集十卷附錄一卷

唐賈島

李長吉歌詩四卷外集一卷

唐李賀

會昌一品集二十卷別集十卷外集四卷

唐李德裕

元氏長慶集六十卷補遺一卷

唐元稹

白氏長慶集七十一卷

唐白居易

樊川文集注二十卷外集一卷別集一卷

唐杜牧

皮子文藪十卷

唐皮日休

笠澤叢書四卷補遺一卷

唐陸龜蒙

甫里集三十卷

唐陸龜蒙

司空表聖文集十卷

唐司空圖

韓內翰別集一卷

唐韓偓

羅昭諫集八卷

唐羅隱

以上唐至五代

唐詩家初唐之陳子昂盛唐之李杜王維孟浩然中唐之柳宗元韋應物晚唐之李商隱皆其著者五言古詩權輿於十九首而發凡於

蘇李七言絕句起於古樂府迨盛唐遂踞其顛七言古詩肇於離騷毛詩漢魏以來遂備其體大風垓下秋風柏梁四愁燕歌等篇皆成奇觀五言律詩始於齊梁儷句盛唐子美礪詰青蓮襄陽四家已概五言之善而樂天清淺以眼前事作見到語尤爲他人所未發七言律詩古人所難合者極少學者不可不知也此條與初唐四傑集參看

歐陽文忠集

歐陽修宋廬陵人字永叔。舉進士甲科。仁宗時爲諫官。論事切直。後拜參知政事。與王安石不合。以太子少師致仕。晚號六一居士。卒謚文忠。嘉裕中修知貢舉。時士子尙爲險怪奇澀之文。號大學體。修痛排抑之。場屋之習。自是遂變。蓋秦漢之文。至晉魏而弊。賴唐之韓愈乃復起。唐之文至五代而弊。賴宋之歐陽脩乃復起。脩爲文。天材自然。豐約中度。其學推韓

愈孟柯。以達於孔氏。著禮樂仁義之實。以合於大道。其言簡而明。信而通。引物連類。折之於至理。以服人心。故天下翕然師尊之。獎行後進。爲恐不及。曾鞏王安石蘇洵父子。賞識之下。率爲聞人。故蘇軾叙其文曰。論大道似韓愈。論事似陸贄。記事似司馬遷。詩賦似李白。識者以爲名言。本集凡一百五十三卷。附錄五卷。

本集集古錄係專論金石文字居士集係公自選

誠斯文之正傳也。

八家文鈔以本

集辭翁亭記太熟不錄學者讀本集時此文不可不讀也

嘉祐集

蘇洵字明允。宋蜀眉山人。嘉祐間與二子軾轍至京師。歐陽脩上其所著書極力爲之延譽。除校書郎。所爲文奇峭雄拔。有先秦之風。故眉山三蘇。名滿京師。本集二十卷。附錄五卷。凡論詩者輒稱蘇黃。庭堅論文者輒稱歐蘇。蓋當時之絕倡也。本集凡十五卷。前十四卷爲雜文。第十五卷。則詩也。

蘇東坡集

蘇軾字子瞻。宋眉州眉山人。生十年。父洵游學四方。母程氏觀授之書。比冠。博通經史。屬文曰數千言。嘉祐中試禮部。方時文傑裂詭異之弊勝主司歐陽修思有以救之。得軾文。驚喜。置第二。累官翰林學士等官。以與王安石不合。累貶瓊州別駕尋卒。高宗朝追贈太師。謚文忠。軾與弟轍皆師父洵。時稱蘇眉山三眉爲文旣而得之於天。嘗自謂作文如行雲流水。初無定質。但當行於所當行。止於所不可不止。雖嬉笑怒罵之詞。皆可書而誦之。其體渾涵光芒。雄視百代。蓋公好賈誼陸贄書。尤喜莊子文。家學旣有淵源。故其所爲詩騷銘記書檄論議。率皆過人。東坡集四十卷。後集二十卷。奏議十五卷。內制十卷。外制三卷。和陶詩四卷。公詩本似李杜。晚喜陶淵明。而文則與歐陽脩並稱也。

欒城集

蘇轍字子由。洵次子。與兄軾同舉進士。累官翰林學士門下侍郎。徽宗時致仕。號穎濱遺老。卒諡文定。公以沉靜簡潔之資。席家庭師友之訓。平生著作。與東坡相上下。而氣充才贍自成一格。議者謂爲汪洋淡泊。有秀傑之氣。所著欒城集。暨欒城後集三集。凡八十四卷。而以詩居首卷。與東坡集同一編製也。

臨川集

王安石宋臨川人。字介甫。號半山。博覽強記。神宗時爲相。封荊國公。安石文章根抵六經。其體簡勁精潔。自名一家。平生展錯。無出於使還一書。讀之有古人畎畝翻然之志。蓋使還一書。究極治體。直欲化裁三代。以趣時變。與區區隨世遷就諸人。規模迥別。繼論時政。則語意益切。岌然如禍亂之逼乎其後。賈太傅之痛哭。劉賢良之剴切。可謂異世同符矣。本集凡一百卷。沈氏選唐宋八家文。謂昌黎出入孟子。陶鎔司馬子

長。六朝後爲文字中興。維時雄深雅健力與之角者柳州也。廬陵得力昌黎。上窺孟子。老泉之才。橫矯如龍蛇。東坡之才大。一瀉千里。純以氣勝。穎濱停蓄淵涵。南豐深湛經術。又一變矣。要皆正人君子。維持文運。半山之文。純粹很戾。芟而存之。勿以人廢言可也。讀八家文如見其學問心術。并其所際之時事推論之。方不膚泛。此沈德潛氏評八家文之語。按唐宋八家文之選。始於茅氏。坤後儲氏欣又增益之。至沈氏則選錄益簡矣。

元豐類藁

曾子固學本六經名重元祐當其時崑體侵淫洛風未起子固隆平集媲美廬陵文中尺度洋洋大觀其在於是元豐類藁只半豹耳

曾鞏宋南豐人。字子固。嘉祐進士。深於經術。工文章。所著元豐類藁。根底六經。遠紹宗聖。與歐蘇諸家。爲一代文宗。朱子曰。南豐先生擬制內有數篇。雖雜之三代誥命中。亦無愧。秘閣諸序好。宜黃均州二學記好。說得古人教學意出。范貫之奏議集序。說得仁宗好。史氏曰。曾鞏文章。本原六經。斟酌

酌司馬遷韓愈爲歐陽修所重。王氏序先生文集謂其有波濤烟雲。三軍朝氣。紫陽朱子。謂世之知公者淺。陳氏品藻曾蘇二公文。則獨以金精玉良許曾文之正。統觀諸家之說。可知南豐文章。發於性靈。關乎道統。豈僅波濤烟雲已耶。本集凡五十卷。前八卷爲古詩與律詩。餘則雜文。

山谷詩集

此江西詩派之祖

黃庭堅字魯直。號山谷道人。宋分寧人。舉進士。紹聖初知鄂州。爲章惇蔡京等所惡。貶宜州。其學該通乎儒釋老莊之奧。下至於鑿卜百家之說。莫不盡摘其英華。以發之於詩。與眉山齊名。故世之論詩者。輒稱蘇黃。鄱陽許尹序山谷詩集云。周衰官失學廢。大雅不作久矣。由漢以來。詩道浸微。陵夷至於晉宋齊梁之間。哇淫甚矣。曹劉沉謝之詩。非不工也。如刻繒染縠。可施之貴介公子。而不可用之黎庶。陶淵明韋蘇州之詩。寂寞枯槁。如叢蘭幽桂。可宜於山林。而不可置於朝廷之上。

。李太白王摩詰之詩。如亂雲敷空。寒月照水。雖千變萬化。而及物之功亦少。孟郊賈島之詩。酸寒儉陋。如蝦蟇蜺蛤。一啖便了。雖咀嚼終日。而不能飽人。唯杜少陵之詩。出入今古。衣被天下。藹然有忠義之氣。後之作者。未有加焉。宋興二百年。文章之盛。追踪三代。而以詩名世者。豫章黃庭堅魯直。其後學黃而不至者。後山陳師道無已。二公之詩。皆本於老杜。而不爲者也。蓋山谷詩學杜甫。故許氏推崇之如此。本集內集詩二十卷。外集十四卷。別集詩二十卷。秦少游與李德叟簡云。黃魯直過此爲留兩日。其弊帚焦尾兩編。文章高古。邈然有二漢之風。又云。今得渠新詩一編。高古絕妙。吾屬未有其比。僕頃不自揆。妄欲與之後先爭驅。今乃知不及遠甚。焦尾弊帚卽外集詩文也。

小畜集三十卷外集七卷

宋王禹偁

武夷新集二十卷附西崑酬唱集

宋楊億

和靖詩集四卷

宋林逋

宋元憲集四十卷

宋宋庠

宋景文集六十二卷補遺一卷附錄一卷

宋宋祁

文正集二十卷別集四卷補編五卷

宋范仲淹

蔡忠惠集三十六卷

宋蔡襄

司馬文正集八十卷

宋司馬光

宛陵集六十卷附錄五卷

宋梅堯臣

后山集二十四卷

陳師道參閱前山谷詩集條下

淮海集四十卷集六卷長短句三卷

宋秦觀撰觀與黃庭堅等六人稱蘇門六君子

以上北宋

渭南文集

劍南詩集

陸游字務觀山陰人。孝宗時以善詞章諳典故。賜進士出身。范成大帥蜀。游爲參議官。以文字交。不拘禮法。人譏其頽放。因自號放翁。故詩有一樹梅花一放翁之句。晚封渭南伯。故又自號陸渭南。游之文於古則詩書左氏莊騷史漢。于唐則韓昌黎。於宋則曾南豐。是所取法。稟賦宏大。造詣深遠。故落筆成文。卓然自爲一家。人莫測其涯涘。嘉泰中以孝宗光宗兩朝實錄。及三朝史未成。詔游權同修國史。書成陞寶章閣待制。致仕。着渭南文集五十卷。諸體俱備。嘗自謂劍南乃詩家事。不可施於文。故公之文集名渭南集。其入蜀記牡丹譜樂府詞諸作。則倣歐陽公集例。附於集後。惟公晚年再出。爲韓侂胄撰南園閱古泉記。見譏清議。亦可見有宋一代。士尙氣節之大概也。

游才氣超逸。尤長於詩。以曾爲夔州通判。愛蜀道風景。故題其生平所爲詩曰劍南詩稿。其詩清新刻露。而出以圓潤。自關

一宗。故宋以後詩。有劍南一派。孝宗問周益公曰。今代詩人亦有如唐李太白者乎。益公以放翁對。由是人競呼爲小太白。亦猶唐杜牧之稱小杜也。或評放翁詩如怒猊抉石。渴驥奔泉。或評如翠嶺明霞。碧溪初月。何足盡其勝概耶。劍南詩稿凡八十五卷。誠詩集中之大觀也。陸務觀七言古詩登杜韓之堂入蘇黃之室其七律不下千篇取材亦令人解頤

李忠定公集

宋李綱

石林居士建康集八卷

宋葉夢得

朱子大全集一百一十二卷

宋朱熹

周益公大全集二百五卷

宋周必大

盤州集八十卷

宋洪适

石湖詩集三十四卷

宋范成大

誠齋集一百三十卷

宋楊萬里

水心集二十九卷別集十六卷

宋葉適

以上南宋

遺山詩集

元好問字裕之。別號遺山。元太原人。爲唐元次山名結後裔。髫而

能詩。下筆輒驚其長老。年甫冠。登進士。其詩文出入於漢魏晉唐之間。自成一家。名振海內。金亡後不仕。日課一詩。寒暑不易。郝陵川謂其規模李杜。陵轢蘇黃。殆非虛語。遺山著述甚富。世稱遺山先生。爲金源氏一代宗工。四方碑版銘誌。盡趨其門。其詩奇崛而絕。雕刻巧縛。而謝綺麗。徐世隆序云。遺山詩祖李杜。律切精深。而有豪放邁往之氣。文宗韓歐。正大明達。而無奇纖晦澀之語。樂府則清雄頓挫。閑婉瀏亮。體制最備。又能用俗爲雅。變故作新。得前輩不傳之妙。金史文

藝傳。稱先生詩五言高古沈鬱。七言樂府。不用古題。特新
意。歌謠慷慨。挾幽并之氣。其長短句。揄揚新聲。以寫恩怨
者。又數百篇。兵後故老皆盡。好問蔚爲一代宗工。洵爲確論
。本集凡十四卷。附錄一卷。

道園學古錄

虞集元仁壽人。字伯生。號道園。弘才博識。無施不宜。文宗
時官至奎章閣侍書學士。一時大典冊。咸出其手。爲一代大手
筆。著有道園學古錄五十卷。其題程氏遣子元民送女二詩云。
古君子將終則有啓手足之言。非直示以神明不衰。固以垂教也
。嫁女必有命嫁之詞。非直情愛之鍾。固以謹禮也。河南侍御
程公遺其子處士君之遺訓。遺山先生元好問送其女歸處士之嘉言
。盖古道也。處士君夫人上承兩家大人之傳。以施諸子孫。宜
其文猷淵懿之不可及也。觀此可以窺見道園之文筆矣。

范德機詩集七卷

元范梈

揭曼碩詩集三卷

元揭
奚斯

淵穎集十二卷附錄一卷

元吳
萊

以上金元

王文成全書

王守仁明餘姚人。字伯安。弘治進士。正德時巡撫南贛。平大帽山諸賊定宸濠之亂。明世文臣用兵。未有如公者。卒贈新建侯。諡文成。其學以良知良能爲主。稱爲姚江派。嘗築室陽明洞中。世稱陽明先生。本集三十八卷。亦稱陽明全集。姚江學說。上承象山。陸九淵文章事功。爲有明諸儒冠。公之文章不專學一家。而天分學術旣高人一等。其文亦自成一家也。

懷麓堂集

李東陽字賓之。明茶陵人。天順進士。孝宗時官至大學士。文章典雅流利。負一代盛名。自永樂後。楊士奇解縉等倡臺閣體。文與詩漸趨於典瞻華貴。而失其真髓。東陽文學。力矯其弊。

。故所爲詩力追少陵。

杜甫

一洗當時臺閣之習。李何七子

李夢陽何景明等七

人相繼而起。詩文體裁爲之一變。皆東陽之力也。本集凡一百

卷。

明李夢陽何景明等七人爲前七子李攀龍李光芳等七人爲後七子而以王士貞爲最著蓋鳳洲不但長於詩其史學亦有淵源也

宋文憲全集

宋濂字景濂。號潛溪。明浦江人。元時授翰林。什明。累官至翰林學士。卒諡文憲。濂通五經。博聞強識。文章富贍。爲世所宗。明初典制。多所裁定。所爲文於唐宋諸家中頗似曾子固。而體魄稍遜於南豐。本集凡五十三卷。明初之大手筆也。

遜志齋集

方孝儒字希直。明寧海人。從宋濂學。工文章。名書室曰正學。故世稱方正學先生。建文時爲侍講學士。燕王棣入南京。卽帝位。使孝儒草詔。不從。被殺。先生爲文。光明磊落。與北宋諸大家相頡頏。蓋忠義之氣。發爲文章。自無萎靡散漫之弊耳。本集凡二十四卷。世所行者有乾坤正氣集本。

青邱詩集

高啓撰

高啓字季迪。明吳郡人。初居青邱。故又以地名爲號。啓工詩。與楊基張羽徐賁齊名。號吳中四傑。青邱詩上窺建安。下逮開元。趙甌北曰。李青蓮詩。從未有能學之者。惟青邱與之相上下。非惟形似。而且神似。紀曉嵐亦謂啓天才高逸。實據明一代詩人之上。本集十八卷。附覺藻集五卷。

震川文集

歸有光撰

歸有光字熙甫。明崑山人。嘉靖進士。嘗居嘉定安亭江上。讀書講學。學者稱震川先生。工古文。本於經術。法度謹嚴。爲有明一代大家。文集三十卷。別集十卷。先生爲文得史遷之精神。根底六經。與韓愈歐陽修不相上下。故爲王世貞等所心服也。世貞初攻擊震川晚年乃悟其非故中心屈服

亭林詩文全集

顧炎武撰

顧炎武號亭林。字寧人。明末崑山人。明亡。隱居不仕。潛心經史。其學主朱子。尤長於考證。所著日知錄三十卷。爲終身精詣之書。其詩文集凡十一卷。詩集五卷。文集六卷。餘集一卷。先生間代通儒。有扶世立教之志。而生逢鼎革無所發抒。孤忠磊磊。至老不渝。其所爲文。至於家國存亡之際。慷慨傷懷。天性激發。以視屈原賈生。未知其孰先而孰後也。

日知錄

是書爲顧炎武先生著。其自記云。自少讀書。有所得。輒記之。其有不合時。復改訂。或古人先我而有者。遂削之。積三十年乃成一編。蓋其一生精力所注也。書中不分門目。而編次先後。則略以類從。本書包括經義政事禮制科舉藝文史法術數地理兵事外國等事。凡關家國之制。皆詳舉其利弊。著其化裁通變之道。考証詳明。瞻博貫通。先生爲一代大儒。喜談經世之務。激於時事。慨然以復古爲志。本書凡三十卷。清閭若璩作

潛邱割記。嘗補正五十餘條。詰難此書。沾沾自喜。然不足爲先生病也。

空同集六十六卷

明李夢陽

大復集三十八卷

明何景明

升菴全集八十一卷外集一百卷遺集卷

明楊慎

遵巖集二十五卷

明王慎中

滄溟集三十卷附錄一卷

明李攀龍

二曲集二十二卷

明李中孚

夏峰先生集十六卷

孫奇逢

黎洲集二十卷

黃宗羲

薑齋文集十卷詩集十卷

王夫之船山

以上明

孫奇逢顧炎武王夫之李顥黃宗羲五先生皆明末清初人隱居不仕與書目問答稍異

清代詩文集流別太多。又以清初學風趨重考訂。故學者遂疑清學。一反宋儒之性理而復歸於漢儒之訓詁。實則義理與訓釋。相需以成。不可偏廢。一代著述。文章詩詞。其中不無門戶之見。派別之分。學者必先驗之歷史。考其淵源。而後可以讀其文章。否則入主出奴。往往惑於一偏之見而不覺。此非真能讀書者。清初諸儒多詆毀宋儒成爲風氣讀者瀏覽清初諸集應知其偏也

清代理學。約分二派。其恪守程朱家法者。陸清獻其隨陸桴亭世儀

張楊園履祥諸先生也。其兼宗陸王而不悖於程朱者。孫夏峰奇逢湯

文正斌李二曲顯諸先生也。清獻之學。洵屬正宗。其救正王學末流之功甚大。何丹畦續理學正宗。唐鏡海著學案小識。皆推二陸爲直紹洛程闡朱之統。然彭尺木程魚門堂議清獻攻擊陸王太過。未脫講學家習氣。唐氏學案既擯夏峰不錄。復深致鄙夷

。其亦門戶之見而已。

清初理學大家顏元世稱習齋先生其門人李塨號恕谷均能自成一派不囿於朱陸漢宋諸派顏著四存編分存

學存性存治存人蓋主躬行不尚空談也

清代經學。亦分二派。其專宗漢學。以抵程朱之隙者。毛西河

奇齡惠定宇棟戴東源震諸先生也。其義理宗程朱。仍博稽漢唐注

疏者。李安溪方望溪姚季傳諸先生也。自前明中葉。士皆敝精

力於帖括。

唐以帖經試士應試者則取其難者編為歌訣以便記憶以其包括帖經之門徑故名帖括後世稱科舉應試之文曰帖括本此

而根底

之學

經學

闕焉。清既統一。樸學始出。顧亭林閻百詩

若璩

開風氣之

先自後大儒接踵。長洲惠氏。

士奇高郵王氏。

王引之

嘉定錢氏。

錢大

昕皆以經術鳴。漢學於是極盛。然江子屏作漢學師承記。凡稍

近宋學者皆擯之。阮文達元刻皇清經解。千四百餘卷。而安溪

李光地

望溪方苞

之著述。一字不收。一時風氣所趨。專以搜殘舉碎

考訂

爲功。詆宋儒爲空疎。掊擊不遺餘力。抑又過矣。

清初文章家以宋牧仲所撰侯方魏禧三家稱最。自望溪出而

古文之義法特嚴。劉海峰大姚繼之。遂成桐城派之目。

然姚氏古文辭類纂。於八家及震川後。繼錄望溪是矣。又專錄

海峰。一若非桐城舉無足與斯道者。似亦未離門戶之見也。清代

古文家桐城派外又又陽湖派以惲敬爲首稱張惠言李兆洛陸繼輅董士錫諸先生皆此派之嫡傳又有不立宗派之古文家寧都三魏汪琬袁枚龔自珍曾國藩諸先生皆其著者

清初詩家。推漁洋王士禎號漁洋山人爲大宗。荔裳宋琬愚山施閏秋谷趙執信竹垞

朱彝尊初白查慎行諸家。聯鑣接軫。張南山輯詩人正略。採摭綦詳。

先正事略言詩不載吳梅村錢謙益等

清代駢體文則以袁枚之小倉山房外集。孔廣森之儀鄭堂駢體文集。孫星衍之問字堂外集。吳錫麒之有正味齋集。劉嗣管之尙

綱堂文集爲習見。典瞻風華。駢麗綺偉。直追六朝。

東吳東晉合
宋齊梁陳稱

六朝然此種文體。無俾實用。視爲文章之潤色可也。

詞曲二體。在文章技藝之間。才華之士。風花雪月。以綺語相高。亦樂府之餘音。風人之別派。承平之世。國富民強。文人游戲。循聲叶律。閒情偶寄。亦自無害。清之詞曲。若曹貞吉之珂雪詞。朱彝尊之曝書亭詞注。厲鶚之樊榭山房詞。張惠言之茗柯詞。李漁笠翁之十種曲等。指不勝屈。亦文苑之佳話也。

三魚堂文集十二卷外集六卷附錄一卷

陸隴其撰

陸隴其字稼書。官御史。乾隆元年追諡清獻。程朱之學自明薛敬軒敬軒胡齋敬軒後惟公得其正宗。所著三魚堂文集。則以先生六世祖溥

。過采石。舟生漏。禱之忽有水荇裹三魚塞漏處得免。因築堂曰三魚。先生文集稱三魚堂者以此。清儒恪守程朱家法者。推

二陸世儀先生爲正宗云。

楊園集五十四卷

張履祥撰

張履祥字考夫。居桐鄉之楊園村。學者稱楊園先生。先生恪守紫陽朱子居敬窮理之訓。實體諸人倫日用間。嘗曰爲學自不欺始。不欺自親長始。於親長忍用其欺。安往而不欺者。陸清獻未獲與先生相接。及見其遺書。乃心折焉。

湯子遺書十卷

湯斌撰

湯斌號潛菴。官工部尙書。謚文正。學源出於孫奇逢。與陸清獻俱號醇儒。清獻之學。篤守程朱。攻陸象山王陽明不遺餘力。而公能持新安金谿之平。大旨主於刻勵實行。以講求實用。無王學查明放蕩之弊。故公謂守仁致良知之說。與朱子不相刺謬。誠持平之論矣。所著有洛學編。睢州志。公河南睢州人潛菴語錄詩文

集等。

榕村文集四十卷

李光第撰

李光地字晉卿。官直隸巡撫。謚文貞。其於程朱之說篤信之。而時有異同。蓋其家學淵源。有自來矣。

以上理學家集

曝書亭集八十卷附錄一卷

朱彝尊撰

朱彝尊字竹垞。康熙中以布衣舉博學鴻辭科。授檢討。時王漁洋工詩。而疎於文。汪茗文工文。而疎於詩。閻百詩毛西河工考證。而詩文皆次乘。獨先生皆有諸公之勝。所爲文雅潔淵懿。根底盤深。其題跋諸作。實跨劉敞黃伯思樓鑰之上。詩牢籠萬有。與漁洋並峙。爲南北二大宗云。

西河文集一百三十三卷

毛奇齡撰

毛奇齡字大可。明諸生。康熙中舉博學鴻辭科。授翰林院檢討

。先生於書無所不窺。說經好辯駁。多與宋儒相鑿柄。工詩古文詞。尤精於韻學。其文縱橫博辯。自成一格。詩次於文。亦我用我法。不屑隨人步趨者。學者稱西河先生。故其文集以西河名也。

東原集十卷

戴震撰

戴震字東原授庶吉士。幼時讀書。每字必求其義。得許氏說文解字。大好之。遂盡通十三經注疏。能全舉其辭。先生解經。不取宋儒之說。其學長於考辨。嘗曰。經以載道。所以明道者辭也。所以成辭者字也。學者當由字以通其辭。由辭以通其道。蓋先生讀經。自小學入也。

鮚埼亭集三十八卷外集五十卷

全祖望撰

全祖望字紹衣。一字謝山。乾隆中舉博學鴻辭。以是科成進士。先生學淵博無涯涘。於書靡不貫穿。先後荅弟子董秉純等所

問經史。錄爲經史問答。凡十卷。足啓後學。卒後秉純等哀其文爲鮎埼亭集。

抱經堂文集三十四卷

盧文弨撰

盧文弨字弨弓。號抱經。乾隆中進士。官湖南學政。先生好校書。終身不輟。抱經堂藏書數萬卷。皆手自點勘。校讎之事。自漢劉向揚雄後。先生實有大功於古籍。先生治經有不可磨滅之論。其言曰。唐人之爲義疏也。本單行。不與經注合。單行經注。唐以後尙有善本。自宋後。附疏於經注。而所附之經注。非必孔賈諸人所據之本也。則兩相鉅鍤矣。南宋後。又附經典釋文於注疏間。而陸氏所據之經注。又非孔賈諸人所據也。則鉅鍤更多矣。淺人必比而同之。則彼此互改。多失其真。幸有改之不盡。以滋其鉅鍤。啓人考覈者。故注疏釋文合刻。似便而非古法也。其讀書特識類如此。先生刊定之書最多。抱經堂文集三十卷。則其所自爲書之一也。

潛研堂文集五十卷詩集二十卷

錢大昕撰

錢大昕字曉徵。又號竹汀。乾隆中官少詹。後督學廣東。博極羣書。不專治一經。而無經不通。不專攻一藝。而無藝不精。凡經史文義音韻訓詁典章制度地理沿革金石畫像篆隸。以及九章算數。無不洞晰。考證學之大家也。

問字堂文藁五卷岱南閣文藁五卷五松園文藁一卷

孫星衍撰

孫星衍字淵如。乾隆進士。授編脩。後官道員。先生雅不欲以詩名。深究經史文字音訓之學。旁及諸子百家。以及金石文字。皆通其義文在六朝漢魏之間。不欲似唐宋八家也。

研經室集六十卷

阮元撰

阮元字伯元。號芸臺。儀徵人。乾隆進士。官體仁閣大學士。加太傅。卒謚文達。在粵設學海堂。在浙設詁經精舍。祀許叔重鄭康成兩先生。以提倡學術。又校刊十三經注疏。以餉學者。

。所著書曰研手經室集。

果堂集十二卷

沈彤撰

南江文鈔四卷

邵晉涵撰

經韻樓集十二卷

段玉裁撰

復初集

翁方綱撰

左海文集

陳壽祺撰

以上考訂家集

壯悔堂集十卷

侯方域撰

侯方域字朝宗。明末權閹用事。先生與桐城方以智。如皋冒襄。宜興陳貞慧。奮然以清議自持。號稱四公子。而先生文尤著。清順治間列副榜。初放意聲伎。已而悔之。發憤爲詩古文。倡韓歐學於舉世不爲之日。卒成大家。故以壯悔名其堂。徐鳳

輝謂方域步驟遷史。而才足以運之。行文矯變不測。如健鶻摩空。如鯨魚赴壑。讀之目眩鬼驚。令人歎絕。蓋清初文章。以

侯魏

信汪琬三家

並稱也

寧都三魏集七十二卷

魏禮魏信魏祥撰

寧都三魏。伯曰祥。字善伯。季曰禮字和公。叔曰禧。字冰叔。人稱魏叔子。號裕齋。文尤著。明崇禎初薦舉徵辟皆不就。清康熙中詔舉博學鴻儒以疾辭。益肆力於古文辭。喜讀史。尤好左氏傳。及蘇洵。其爲文主識議凌厲雄傑。遇忠孝節烈事。則益感慨摹畫淋漓。故侯之文。長於敘事。而魏文則長於議論。其集中精華。皆論策之文也。先生隱居於翠微峯。與彭士望林時益李騰蛟邱維屏曾燦彭任稱易堂九子。有九子文鈔。

鈍翁類稿一百一十八卷

汪琬撰

江琬字莒文。號鈍翁。學者稱堯峯先生。順治進士。康熙中舉

博學鴻辭。授編脩。與脩明史。先生以道德文章爲己任。肆力於古文辭。嘗慨然念前明隆萬以後。古文道喪。乃由南宋以上溯韓歐。卓然思起百數十年文運之衰。先生因文見道。務爲經世有用之文。嘗語學者曰。學問不可無師承。議論不可無根據。出處不可無本末。其文根抵六經。出入廬陵震川間。清初古文家。侯魏汪三家並稱。然魏僖才雜縱橫。未歸於純粹。侯方域體秉華藻。稍涉於浮誇。惟汪琬學術既深。軌轍復正。與二家迥別。其氣體浩瀚。疎通暢達。頗近南宋諸家。蹊逕亦略不同。廬陵南豐。固未易言。要之接迹唐歸。無愧色也。惟自信太過。與王漁洋閻若璩宋琬均不合。亦文人之積習也。

小倉山房文集三十五卷

袁枚撰

袁枚字子才。號簡齋。世稱隨園先生。乾隆進士。選庶吉士。先生古文及四六體皆能自發其思。於詩尤縱才力所至。世人心所欲出。不能達者。悉爲達之。故隨園詩文集。爲世所重。性

通脫。時有近於佚蕩處。然其生平於倫常骨肉之際。天性最篤。事母孝。友于姊弟。一家之中。怡怡如也。文集所述名臣狀誌。傳聞時有譌舛。然其逸事多足以裨益見聞。酬贈諸詩。尤能以才運情。使筆如舌。蓋先生之長技也。

袁枚與趙翼將士餘稱江左三大詩家

定盦文集

龔自珍撰

龔自珍號定盦。道光進士。學問淹貫。長於古文辭。沈博奧衍。自成一派。同光之際風行一時。

曾文正公文集四卷

曾國藩撰

曾國藩字滌生。道光進士。官大學士兩江總督卒謚文正。清自道光以後。文武泄沓。國藩以公忠誠璞。倡率其將佐僚屬。風氣爲之一變。治軍居官。粹然有儒者氣象。其論學謂義理考據詞章三者。闕一不可。

按此說出自桐城派姚姬傳非文正語也

所爲古文亦卓絕一代。爲世所宗。

以上不立宗派古文家集

望溪文集十八卷外集十卷補遺二卷年譜二卷

方苞著

方苞字靈皋。號望溪。桐城人。康熙進士。累官侍郎。先生論學一以宋儒爲宗。其說經皆推衍程朱之學。所尤致力者。春秋三禮也。論文嚴於義法。非闡道翼教有關人倫風化者不苟作。凡所設筆。皆有六籍之精華寓焉。讀其文知其篤於倫理。有中心慘怛之誠。蓋皆宅心之實。與人之忠。隨所觸而流露者也。素不喜班史及柳文。條舉所短而詆之。嘗謂自南宋以來。古文義法不講久矣。古文不可入語錄中語。魏晉六朝人藻麗俳語。漢賦中板重字法。詩歌中雋語。南北史佻巧語。世以爲知言。先生文學韓歐。爲桐城派之初祖。

海峰詩文集

劉大槐撰

劉大樾號海峯。桐城人。乾隆副榜。古文喜學莊子。尤力追昌

黎。姚姬傳。實從其游。詩亦工。但爲文名所掩。

惜抱軒文集十六卷後集十卷詩十卷

姚鼐撰

姚鼐字姬傳。受古文法於劉海峰。乾隆進士。是時學者。多尙新奇。厭薄宋元以來儒者。詆爲空疏。摭擊不遺餘力。先生獨反覆辯論。以爲洛閩義理之學。有關於世道人心。而矯之者。乃專以考訂名物象數爲實學。於身心性命之說。則詆爲空疏無據。其文章之士。又喜逞才氣。放蔑禮法。以講學爲迂。是皆不免於偏蔽。思所以正之。則必破門戶。敦實踐。倡明道義。維持雅正。乃著九經說。以通義理考訂之郵。撰古文辭類纂。以盡古今文體之變。選五七言詩。以明振雅祛俗之旨。集中贈錢獻之序。與魯賓之論文諸書。皆其宗旨所在也。袁子才負詞章。紀曉嵐撰四庫書目錄。均詆毀宋儒。先生皆直斥其妄。於舉世爭尙考訂。鄙薄宋儒之時。獨能力持正議。振興古文。此惜抱先生之有功於世。不僅以文名也。

東溟文集二十六卷

姚瑩撰

劉孟塗集四十四卷

劉開撰

柏枧山房集文六十卷詩十五卷

梅曾亮撰

以上桐城派古文家集

大雲山房初集八卷書事二卷二集四卷

惲敬撰

惲敬字子居。陽湖人。幼負異才。好出獨見。乾隆舉於鄉。治古文學。得力於韓非李斯。與蘇明允相上下。近法家言。叙事似班孟堅陳承祚。而先生自謂吾文皆自司馬子長出。子長以下無北面者。是爲陽湖派古文家之首出。張惠言陸繼輅李兆洛董士錫皆此派之古文家也。

茗柯文編五卷

張惠言撰

養一齋文集二十六卷

李兆洛撰

崇百藥齋集二十卷續四卷

陸繼輅撰

齊物論齋文集六卷

董士錫撰

以上陽湖派古文家集

小倉山房外集八卷

袁枚撰

問字堂外集

孫星衍撰

移華館駢體文四卷

董基誠撰

有正味齋集七十三卷

吳錫祺撰

以上駢體文家集

帶經堂集九十二卷

王士禎撰

王士禎字貽上。號阮亭。又號漁洋山人。山東新城人。官刑部尚書。卒謚文簡。以詩鳴海內者五十餘年。論者謂漁洋詩主神韻。

。如宋之東坡。元之道園。明之青邱。屹然爲一代正宗。先生著述極富。帶經堂集之外。漁洋詩話。池北偶談。香樹筆記等書。尤爲膾炙人口云。與漁洋詩論不合者爲益都趙執信

飴山堂文集六卷詩集十七卷

趙執信撰

趙執信號秋谷山東益都人康熙進士選庶吉士時新城王尙書久以詩古文長壇坫先生獨樹一幟古詩自漢魏六朝至初唐諸大家各成韻調談藝者多忽不講與古法戾新城自負妙契先生著聲韻譜以發其秘所著談龍錄持論顯與新城齟齬力駁漁洋神韻興會超妙取象之說此蓋文人門戶之見也先生天才駿厲少所與獨善德州馮大木廷樞所師承者常熟馮鈍吟蓋清初山左二大詩派王與趙並稱漁洋之神韻秋谷之樸實均臻極致而朱竹垞施愚山宋荔裳查初白田山薑諸先生詩文皆一時之宗匠也先生論詩最推崇馮鈍吟

梅村集四十卷

吳偉業撰

吳偉業號梅村。明崇禎進士清官國子祭酒。長於詩其神韻直追唐人又以身閱興亡。故感慨諷詠。是其特長。人多以庾信方之。尤善於古詩。寄託遙深。爲有清一代之大詩家。少時才華豔發。後經滄桑之變。遂多悲涼之作。然一寫兒女閨房之事。則千嬌百媚。仍露其香奩體之真面目也。清初詩人吳偉業錢謙益皆有盛名

曝書亭詩注二十卷 朱彝尊撰

安雅堂詩集 宋琬撰

敬業堂集五十卷 查慎行撰

以上詩家集

樊榭山房詞 厲鶚撰

曝書亭詞注七卷 朱彝尊撰

以上詞家集

尊水園集盧世
淮撰

盧世淮字德水山東德州人。晚號南村。明天啓進士。官監察御史。世稱德水先生。甲申以後。屢徵不起。居尊水園築杜亭。合祀唐之子美宋之五郎。蓋隱以自喻也。公以詩酒自隱。而全其晚節。論者擬於晉之陶謙云。

古歡堂集田雯
撰

田雯字綸霞。

按先正事略載先生字紫綸出據先生年譜字綸霞

號蒙齋學者稱山薑先生

山薑先生園名因以

爲德州人。康熙三年進士。累官貴州巡撫。是時王漁洋負海內

重名。先生天資高邁。記誦亦博。負其縱橫排募之氣。欲以奇麗駕漁洋而上之。故詩文皆組織繁富。煨鍊刻苦。成一家言。

著有古歡堂文集。

雜著八卷序四卷題詞一卷記二卷銘表二卷傳一卷跋一卷雜文三卷年譜一卷黔書二卷長河志雜考一卷

古歡

堂詩集

古詩體一卷五言古詩三卷七言古詩三卷五言律詩二卷五言排律一卷七言律詩二卷五七言絕句三卷年譜一卷黔書二卷

按李元度先正事略。列先生於文苑。張之洞書目答問。列先生於詩家。然長河志籍考一書。最足見先生精於考證。實爲清初考訂大家。其黔書二卷。尤爲切於實用。政治家之圭臬也。先生治學宗漢儒治古文學最喜柳州。觀八家題詞及論作古文等篇自見。詩則推崇少陵。試一讀其廬南村世公傳。可想見先生詩學之淵源矣。先生兄弟授詩於謝方山方山則轉叩於漁洋

雅雨堂集盧見曾撰按本集應列於總集類以係吾鄉文獻故錄於此

盧見曾字抱孫。德州人。乾隆進士。官兩淮鹽運使。著有雅雨

堂叢書。文集四卷詩集二卷唐王定保撰言十五卷并顏師古匡謬正俗八卷宋龐元英文昌雜錄六卷周盧辯注大戴禮記十三卷唐李鼎祚易傳十七卷漢鄭氏

周易一券鄭氏注周易乾鑿度二卷漢高誘注戰國三十三卷唐封續著封氏聞見記十卷唐孫光憲北夢瑣言二十卷漢鄭氏注尚書大傳四卷

先生博極羣書。尤邃於易。故叢書中於易搜羅極富。其序李氏易傳云。兩漢傳易者數十家。唯費氏爲古文。今所傳之易。乃

費易也。余學易數十年。於唐宋元明四代之易。無不博綜元覽。而求其得聖人之遺意者。推漢學爲長。以其去古未遠。家法猶存故也。觀此則先生易學精純。可以見矣。先生古文亦取法柳州。其短篇文字。尤逼肖子厚。詩則遠紹漁洋衣鉢。而得其神韻然先生論詩。則自稱自初作詩卽奉秋谷論詩之旨爲依歸。故於聲調譜談龍錄諸書。亦推崇備至。蓋先生論詩無門戶之見也。

馮舍人遺詩六卷

馮廷樾撰

馮廷樾字大木。康熙進士。官中書。性孤介。不入大僚之門。平生深契者爲秋谷。朝士有得諸葛銅鼓者。兩人各賦長歌。諸名士皆欄筆。漁洋欲哀兩人酬唱詩爲二妙集。則先生詩學可知矣。

按漁洋與秋谷初本不相嫉觀此自見

以上德州文獻

墨壽軒詩集

羅堦蘭
先生撰

雲怡樓詩集青芝山房詩稿

羅素文
先生撰

樸園片紙集

羅淵碧
先生撰

松雨樓詩稿

羅東壁
先生撰

玉雪山房詩集

羅映斗
先生撰

一經閣詩集

羅峻亭
先生撰

謹按吾家

堦蘭公諱植康熙中以鄉進士官比部著有墨壽軒詩

集 素文公諱以書康熙中以茂才知雲南劍川州著有青芝山房

詩集雲怡樓詩集 淵碧公諱以深號樸園雍正中補博士弟子員

著有樸園片紙集 東壁公諱奎章乾隆中舉於鄉著有松雨樓集

映斗公諱保章乾隆中鄉進士著有玉雪山房詩集 峻亭公諱

克善嘉慶中補博士弟子員著有一經閣詩集吾家詩學歷明及清凡三百載代有傳人其淵源則上溯於 嶽瞻公公諱國士明崇禎丁丑科進士公之詩規模盛唐爲明七子之嫡派墨壽軒詩韻頑漁洋選入山左詩鈔尤早董臺諸詠久已膾炙人口蓋吾鄉詩學清初最盛德水方山香城山蘊大木雅兩諸先生先後繼起揚風扞雅盛極一時而羅氏詩派則綿延於長河德州隋之長河縣鬲津間騰暉邑乘媲美前賢甚盛事也

以上德州羅氏詩集

總集類

綜合各家之著述彙爲一編者爲總集

文選

梁昭明太子蕭統選。錄秦漢三國以下各朝之詩文。凡六十卷。實爲總集之首。其後唐江都李善爲之注。故名文選李善注。開元中呂延祚集呂延濟劉良張詵呂白李周翰等五人。又爲之注。

遂稱五臣注。南宋以後。合刊李善呂延濟等六人之注爲一書。又稱文選六臣注。

以上總集類文選之屬

古文辭彙纂四十八卷

清姚鼐編。本書分列十三類

論辨類序跋類奏議類書說類贈序類詔令類傳狀類碑誌類雜記類箴銘類頌贊類辭賦類哀祭

類爲近代古文家之總匯桐城派之嫡傳也。

唐宋十大家文集五十一卷

清儲欣編。先是明茅坤集韓愈柳宗元歐陽脩蘇洵蘇軾蘇轍曾鞏王安石等八人爲唐宋八大家文集。至欣又益以昌黎弟子李翱孫樵爲十大家文集云。

金元明八大家文選五十三卷

清李祖陶編。集元好問姚燧吳徵虞集宋濂王守仁唐順之歸有光等八人爲八大家。已賅三朝文章之精華矣。

三家文鈔三十二卷

清宋牢編。集侯方域魏禧汪琬等三人。合爲一編。皆清初古文之大師也。

以上總集類文之屬

樂府詩集一百卷

宋郭茂倩編。本書分列十二類。與古文辭彙纂之體例相似。郊廟歌辭

燕射歌辭鼓吹歌辭橫吹歌辭相和歌詞清商曲辭舞曲歌辭琴曲歌辭雜曲歌辭近代歌辭雜歌謠辭新樂府辭網羅宏富。可謂集樂府

之大成。其後明梅鼎祚又編古樂苑五十二卷以續之。更成大觀

矣。樂府始於漢故兩漢有三大樂府一房中歌十七章二郊祀歌十九章三饒歌二十二曲此爲樂府之嚆矢至唐則濫觴矣

玉臺新詠十卷

陳徐陵選梁以前詩彙爲一編。大唐新語載。梁簡文太子好作豔詩。境內化之。晚年欲改作。追之不及。乃令徐陵爲玉臺集。

以大其體。據此則此書之作。乃在梁時矣。

詩之豔麗者號玉臺體實始於此唐溫庭筠之香奩

體亦其支流

西崑唱酬集二卷

宋楊億編。所謂西崑體。其來源則始於李商隱溫庭筠也。

中州集十卷附中州樂府一卷

金元好問編。集歷代詩家各列一小傳。欲讀者因其遭遇出處。以得其詩之興會所寄。誠善本也。

感舊集十六卷

清士禎漁洋編。雅雨堂刊本最佳。盧抱孫先生序云。其搜剔也廣

而不濫。其持擇也約而不遺。遞世之遺老。興國之時彥。無不會萃一時云云。則漁洋是集之編纂。其亦當代之詩史歟。

鏡烟堂十種

清紀昀編。昀字曉嵐獻縣人。乾隆進士。選庶吉士。授編脩。

官尙書。卒諡文達。先生於書無所不通。尤深漢易。一生精力
鞏例。作四庫全書提要及目錄。每進一書。公爲四庫全書總纂官仿劉向曾
。備注於提要冠於簡首。提綱溯源。裒然巨觀。誠有清一代之
大手筆。卽長於文章之謂鏡烟堂十種。係合刊沈氏四聲考。唐人試律說
。刪正二馮才調集。刪正瀛奎律髓。李義山詩。陳後山詩。張
爲主客圖。審定風雅遺音。庚辰集。館課存稿等爲一編。此先
生學問之餘緒也。

全唐詩九百卷

康熙時
敕編

宋詩鈔一百六十卷

吳之
揚編

明詩綜一百卷

朱彝尊編此書體
例近似中州集

古詩選三十三卷唐賢三昧集箋注三卷十種唐詩選十七卷唐人萬

首絕句選七卷

王士
禛編

以上總集類詩之屬

花間集十卷

趙崇祚編。本集採錄曲詞五百首。合集溫庭筠孫光憲歐陽炯等十八人所作爲一編。而歐且爲之序云。

絕妙好詞箋七卷

宋周密編。清厲鶚查爲仁箋本集載南宋歌詞。始於張孝祥。終於仇遠。凡一百三十二家。宋人詞集。今多不傳。零璣碎玉。皆賴此以存。箋注更詳其里居考其本事。並附以諸家評論。是亦詞林之佳話也。

詞綜三十六卷

朱彝尊編

宋六十名家詞九十卷

毛晉編

十六家詞三十九卷

孫默編載吳偉業等十六家皆清人

以上總集詞之屬

詩文評類

詩文評見於各叢書內者極多茲謹依書目答問摘錄其最著而論斷公允無弊者數種以便初學

文心雕龍十卷

梁劉勰撰。勰字彥和。天監中兼東宮通事舍人。故稱梁舍人。昭明太子最愛之。篤志好學。博通諸籍。撰文心雕龍五十篇。論古今文體。沈約謂其深得文理。常陳諸几案。蓋其書苞羅羣籍。多所折衷。於凡文章利病。扶摘靡遺。綴文之士。苟欲希風前秀。未有可舍此而別求津逮者。誠藝苑之秘寶也。

鍾嶸詩品三卷

梁鍾嶸撰。詩品凡三卷。取漢魏至梁能詩者。一百三十人。分爲三品。每品各冠以小序。繫以論斷。評作者之甲乙。而溯厥師承。鐘氏實開評詩之先例。迨至唐司空圖。亦有詩品之作。凡一卷。分二十四品。各以四言韻語。寫其意境。平音濃淡。無體不備。此司空氏之詩品也。清袁枚有續詩品。在詩集中。亦評詩之文字也。

全唐文紀事一百二十二卷 陳鴻墀撰

唐詩紀事八十卷 宋計有功撰

藝言卮言一卷 明王士貞撰

宋詩紀事一百卷 清厲鶚撰

廣陵詩事十卷 清阮元撰

賦話十二卷 清李調元撰

聲調譜一卷 清趙執信撰

詞話二卷 清毛奇齡撰

帶經堂詩話三十卷 清王士禛撰

右詩文評類 詩話太多茲從略

中國文學與社會治亂風俗醇薄國勢強弱息息相通自古及今人才盛衰世運隆替皆繫於此顧其效緩其道難非窮年累月專心致志不足以言收穫近者海內明達注重國學可謂遠慮然於科學兢進之今日必欲資青年以紛繁之國學試問人之才力能有幾何中外雜陳充其量不過略識皮毛等於科學時代之帖括虛靡光陰有何實益竊以爲中學時期樹之基礎固不妨順序授以古籍之常識按部就班勿矜創獲勿事割裂迨至脩業既畢已具有真正之國學常識此後如何培植以期收其實效致其遠謀百年樹人自有其道勿庸著者喋喋也然而中學時期希望以此法課國學即希望以此書爲教本海內碩彥必有以愚言爲是者止園謹識

經史子集要略



子經 冤 歡 當 傳 妒 刪去 洗約 主 性 刪去 添「密」字 如字上 大禹惜 常 刪去 康 添「衛」字 青字上 刪去 後 讒 傳 學 康 等 諸呂 揚 疏 時 診 哲 殺 厲 冕 等 位 勾 封 周 年 表 序 論 亞 夫 俄 晚 歲 用 衛 青 霍 方 闕 專 酷吏刺客 刪去 卷 戚 厚非也 諫 傳 晉 書 伐 矢 刪去

[illegible]

孟	終	於	子	實	麗	理	詳	清	卽	成	不字下	漏「一」字	日	神	事	多(詳見二字)	演	感	庚	九字下	漏十過第十四字	卯	多(○)	千	行	邱	都	曰	若	護	觀	傑	蘇	眉	錯	民	不仕下漏	茲列於明代「五字	大家	又	多(手)字	券	雨	雨	清字下	漏「王」字	的	眾例○作	○備註於	晉扶	
以	始	終	手	嘗	寵	裡	洋	郎	城	不字下	添「一」字	日	添外篇第七	禮	子	刪去	綜	咸	庚	九字下	添十過第十	卯	刪去	干	象	引	邱	部	日	苦	薄	體	觀	礎	蘇	措	氏	不仕下	添茲列於明代	別派	有	刪去	卷	雨	雨	清字下	添「王」字	酌	眾例○作	○備註於	奇扶

中華民國廿四年拾月壹日 收到

修正再版

羅止園撰

羅氏家規

我國家庭組織由來已久社會演進今昔不同家庭之中亦往往以新舊思想之不一致發生衝突論者不揣其本輒歸咎於舊家庭之不良

試一叩其何謂舊家庭則凡不滿吾意者皆將加以舊之名而一筆勾消之此蓋未審舊家庭中之不良習慣與夫應興應革之事而思設法有以整理之改造之使其日演日進以去其舊染之汚而抵於新此吾人之過也本編凡十二章舉凡家庭中易啓爭端及一切不適於現在社會之種種缺點無不根據法理斟酌習慣參以各名家之規則佐以裁判上之經驗條分縷晰加以說明例如教育婚姻遺產私財儲蓄繼承制裁諸大端凡民法未及細載而又易滋流弊易起爭議及妨害個人發展影響家族進化之事項均經規定詳明纖悉靡遺每條之下加以詳細說明以供參考本族行之二十餘年已著明效漸有蟬蛻至於新家庭之趨勢而吾國固有之善良風俗倫理道德亦復保存勿失無傷家庭之弊而有新家庭之實竊以爲過渡時代引導家庭趨於正規之新的組織是編實爲必要之書此書原非賣品以初版數千冊均爲朋儕借閱仿行謬加贊許茲爲普及計修正付梓有意穩健改進家庭者請一讀之

羅止園撰

松雨樓畫課

著者性嗜山水未弱冠即喜塗抹展玩家藏名蹟心會神移蓋已知畫趣矣稍長上公車遂飽看齊烟九點神繞華不住者屢焉釋褐後若齊

魯若趙魏北走燕南走楚西瞻巴峽而東浮於海瀟湘洞庭武彝衡岳之間客尤久與山相對與水爲鄰畫雖拙蓋有進矣漫遊各地所至輒訪其名家收藏時賢所作藉資取法畫雖愈拙蓋愈有進矣未讀萬券書實行萬里路四十年間與山水獨有緣而心之所存目之所見手輒不能寫其一二年來却掃益不自量興來輒以其無師承無畫法之筆寫山不輟畫成自視不似投之紙簞而又恐爲人所見也則再加污染或焚燬之而於痛忿悞憤之下畫與未闌畫難未忘則又歷歷詳記其此日所作之經過有一得記之有一難記之試一法左記之試一法得之矣則詳記之凡石法水法山法寫樹法寫竹法設色法潑染法等等皆詳記之自課也自識也非敢以渺冥無邊際之談以自夸知畫理也積之久成冊矣客勸付梓報曰可知我者進而教之竊所願也

以上二種印刷中不日出版特此預告

中華民國二十四年四月出版

每冊定價

洋裝 壹元五角
平裝 壹元

著者

德州羅止園

校對者

德州堵友鶴

印刷所

運新影印社

總發行

北平宣武門外
三友圖書社

南橫街三十五號

濟南布政司小街 逢源閣書局

天津北馬路 直隸書局

西單商場 華英書社

北平東安市場 華鑫書社

德州太平街 華昌書局

各省市大書坊均有代售

翻

不

有權作圖

印

許

